


Д. БОБОЖОНОВА

**ЎЗБЕКИСТОНДА ИЖТИМОЙ-
ИҚТИСОДИЙ МУНОСАБАТЛАР
(70—80-ЙИЛЛАР МИСОЛИДА)**

*Ўзбекистон Республикаси Ҳалқ таълими
вазирлиги умумтаълим мактаблари
ўқитувчилари учун қўлланма сифатида
тавсия этган*



**«ШАРҚ» НАШРИЁТ-МАТБАА КОНЦЕРНИ
БОШ ТАҲРИРИЯТИ
ТОШКЕНТ — 1999**

Тақризчилар:

*тарих фанлари доктори Г. ХОЛЛИЕВ,
тарих фанлари доктори Қ. УСМОНОВ,
тарих фанлари номзоди Ҳ. ЮНУСОВА*

Бобоҷонова Д.

Ўзбекистонда ижтимоий-иқтисодий муносабатлар (70—80-йиллар мисолида): Үмумтаълим мактаблари ўқитувчилари учун қўлланма. — Т.: «Шарқ», 1999. — 160 б.

Ушбу қўлланма миллатлараро ижтимоий-иқтисодий муносабатлар, жумладан, 70—80-йилларда Ўзбекистондаги мавжуд муаммоларнинг келиб чиқиш сабаблари ва уларни бартараф этиш йўллари — ишлаб чиқарувчи кучларни жойлаштириш, пахта яккаҳокимлиги ва унинг оқибатлари, демографик жараёнлар ва уларнинг миллатлараро муносабатларга таъсири, аҳолини иш билан таъминлаш, миллий ишчи кадрлар тайёрлаш масалаларига багишланган.

Кўлланма илмий-оммабоп йўналишда ёзилган бўлиб, тарих ва ижтимоий фанлар ўқитувчилари, олий таълим ва ўрта-маҳсус билим юртлари талабалари, умуман кенг китобхонлар оммасига мўлжалланган.

ББК 63.3 (5У) я 75

© «Шарқ» нашриёт-матбаа концерни
Бош таҳририяти,
1999 йил.

К И Р И III

Бугунги кунда Ўзбекистон ижтимоий-иқтисодий тарақ-қиётнинг мураккаб дамларини бошдан кечирмоқда ва шу билан бирга бозор иқтисодиётига ўтиш жараёнида шаҳдам қадам ташлаб бормоқда. Республикада асосий миллат — ўзбеклар билан бирга ўз маданийти ва анъаналарига эга бўлган 130 дан ортиқ миллат ва элат вакиллари бир тан, бир жон бўлиб ўзаро аҳилликда иқтисодий, сиёсий, маънавий соҳаларда юз бертаётган ижобий ўзгаришларда ўзларининг муносаби ҳиссалари билан қатнашиб фаоллик кўрсатмоқда. Улар мамлакат аҳолиси умумий таркибининг 20 фоизини ташкил этади.

Кўп миллатли республикамизда ана шу этник гурӯҳлар ва миллатлар ўртасидаги муносабатларни уйғунлаштириш мустақил миллий давлатчилик қарор топаётган даврда айниқса муҳим аҳамият касб этади. Бу муносабатларнинг илдизи жуда узоқ тарихий даврларга бориб тақалади, уларни уйғунлаштириш эса ҳамма вақт ҳам қийин кечган. Бу соҳадаги муаммоларни ҳал қиласлик оғир оқибатларни юзага келтириши мумкин. Ўзбекистон Республикаси Президенти И. А. Каримов бир неча бор таъкидлаб қайд этанидек: «Зийраклик ва нозиклик билан ёндашишни талаб қиласидиган бу масала кўп элатли давлатлар жумласига кирувчи Ўзбекистон Республикаси учун жуда долзарбdir»¹.

Хозирги давр жамиятнинг ҳар бир аъзосидан янада самаралироқ, фаолроқ ҳаракат ва меҳнат қилишни талаб этмоқда. Чунки давлатимиз олдида «муваффақиятсиз, чиппакка чиққан тарихий тажрибанин фожиали оқибатларини қисқа давр ичига бартараф этиш вазифаси турибди»².

Республикамиз мустақилликка эришгандан сўнг халқимиз тарихи ва миллат тақдири билан боғлиқ бўлган тарихий жарайёнларни ўқитишга илгари сурилаётган янги талаблар шўролар даврининг 70—80-йилларидағи миллатлараро муносабатлар муаммолари, зиддиятлари ва ижтимоий-иқтисодий ривожланиш қийинчиликларини ўрганишга алоҳида масъулият билан ёндашиш, воқеиликларни мукаммал ёритиш, бирёқла-

¹ Ислом Каримов. Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари. — Тошкент, «Ўзбекистон», 1997, 71-бет.

² Уша срда, 4-бет.

маликдан холи бўлган тарихийлик, ворисийлик ва узвийлик тамойилларига амал қилиш вазифасини қўймоқда. Бу Ватанимиз тарихидаги энг мураккаб даврлардан биридир. Бу давр, бир томондан, ўта марказлаштирилган маъмурий-буйруқбозлиқ, партиявий раҳбарлик ва Марказнинг йўналтирилган сиёсати туфайли халқларимизнинг оғир меҳнати билан кечган йиллар, иккинчи томондан, жамият ва партия ҳаётида ҳал этилмаган муаммолар ва турғунлик воқеаларининг тўпланиб, инқизор одди вазиятига олиб келган вақт бўлди.

Ўтган ўн йиллар мобайнида миллатлараро муносабатлар ривожланиши билан боғлиқ бўлган муаммолар ва бу соҳада йўл қўйилган хатолар тўғрисида умуман фикр юритиш одат эмас эди. Шу сабабли бундай хатоларнинг кўринишлари панада қолиб кетаверди. Мана шуларнинг ҳаммаси салбий оқибатлар ва бузилишларга олиб келди.

Бу йилларда узоқ вақт тарих фанида ижтимоий ҳодисалар ва жараёнларни ҳар томонлама очиб беришга эмас, балки баёнчилик билан ёндашишга амал қилинди. Илмий асрларда, мактаб дарслекларида баённинг энг кўп қисмини съездлар ваplenумларнинг қарорларини шарҳлаш ташкил этар эди. Бу қарорларни амалга оширишдаги қийинчиликлар, зиддиятлар ва сиёсатдаги хатолар заиф очиб берилад, кўпинча лом-мим дейилмас эди. Тарихни ўқитиш кўпинча муаммоли — концептуал характерда бўлмас эди, яъни ижтимоий жараёнларнинг илдизларини ташкил этган, ўша даврда воқеалар ривожланишининг асосий моҳиятини белгилаб берган муаммога бўйсундирилмас эди.

Шубҳасиз, бу жараён иқтисодий онгни шакллантиришни, кенг мушоҳадалар ва қиёсий таҳлилларни кун тартибига қўяди. Ана шу эҳтиёждан келиб чиқиб узок йиллар давомида жамиятда ҳукм сурган маъмурий-буйруқбозлиқ тизими сиёсатининг миллатлараро муносабатларга, кишилар турмуш шароитига, ижтимоий ҳаётига ўтказган таъсирини, унинг салбий оқибатларини таъкидламаслик, уни илмий мушоҳада этмаслик мумкин эмас. Демократия ва ошкоралик жараёни рўй берётган ҳозирги шароитда миллий ва миллатлараро муносабатларнинг ривожланишида рўй берган ижобий ҳолатлар билан бирга унинг салбий ва зиддиятли жараёнларини ҳам тадқиқ қилиш долзарб масала бўлиб турибди.

Ушбу мавзуни очиб беришда тарих ва ижтимоий фанлар ўқитувчилари олдида бир қатор қийинчиликлар пайдо бўлди. Бундай қийинчиликлардан бири шундан иборатки, бундан кейин ҳар томонлама ишлаб чиқиш талаб этиладиган кўпгина масалалар бўйича ҳозирча қатъий қарор топган ва бир хилдаги талқинлар мавжуд эмас.

Мустақиллигимиз шарофати билан қарор топган демократия ва ошкоралик туфайли яқин ўтмишимизга одилона баҳо берилмоқда. Бироқ янгича ёндашувлар ҳисобга олинганда на 70-йиллар, на 80-йиллар моҳият эътибори билан тўлалигича ўрганилган эмас.

Ҳозирги кунда ўз тарихимиз, ижтимоий-фалсафий меросимизни, жумладан, миллатлараро муносабатлар масаласини ўрганишга бўлган муносабат, ёндашув кескин ўзгарди, зеро, янгиланаётган, покланаётган жамият, янгича тафаккур айнан шундай жараённинг рўй беришини тақозо этади. Дарҳақикат, «ўз Ватанидан, ўз заминидан, ўз тарихи ва халқидан фаҳрланиш туйғусига эга бўлган тақдирдагина»¹ бу вазифаларни амалга ошириш мумкин. Шунинг учун ҳам содда, енгил талқин қилишлардан воз кечиб, миллатлараро муносабатларда мавжуд бўлган қарашларнинг ижобий томонларини сақлаб қолиш, уларни умумлаштириш, кўпайтириш, инсонпарварлик мақсадларига ва умуминсоний қадриятларни бойитиш хизматига қаратиш миллий муносабатларни ривожлантириш ва такомиллаштиришнинг энг муҳим омилларидан бири сифатида қаралмоқда. Бу эса илмий ва ижтимоий муаммоларни тарихий-фалсафий жиҳатдан янада ўтқирроқ ҳамда мунтазам равишда мушоҳада қилишни тақозо этмоқда.

Умумдавлат, умумхалқ ва байналмилал манфаатлар рўйач қилиниб, айrim миллатларга нисбатан сталинча қатағон, адолатсизликлар қаттиқ қораланмади, олимлар халқимизнинг бой тарихига ва ҳозирги замонга холисона баҳо беришда фАОЛЛИК кўрсата олмадилар, чунки кўп ҳолларда республикага хос ривожланиш йўллари ва шаклларини белгилаш борасидаги уринишлар «миллатчилик» сифатида баҳоланиб, уларга дарҳол чек қўйиларди. Эътироф этиш керакки, бундай шароитда ижтимоий фанлар ҳам ўз йўналиши ва мўлжалини йўқотиб қўйди.

Ўзбекистонда миллатлараро муносабатлар, айниқса унинг кейинги совет ўн йилликлари давридаги тарихининг фақатгина ютуқ ва муваффақиятлардан иборат қилиб кўрсатилиши, бизда миллий масаланинг зиддиятсиз эканлиги ва унинг тўлиқ ҳал этилганлиги тўғрисидаги сафсаталар асосан марказ илмий нашрлари хуросалари асосида баён этилиши ҳозирги кунда ҳаётни бир томонлама кўрсатувчи асарлардан воз кечиб, унинг ҳам ютуқлари, ҳам хато ва камчиликларини рўй-рост очиб берадиган етук илмий тадқиқотлар яратишни кескин талаб қилмоқда. Шу нуқтаи назардан тақдим этилаётган ушбу қўлланмада 70—80-йилларда Ўзбекистонда миллатлараро ижтимоий-иқтисодий муносабатларда рўй берган хатоликлар, камчилик ва ноҳуш ҳолатлар хусусида фикр юритилди.

Мазкур муаммонинг ёритилишида нуқсон ва камчиликлар, баҳс ва мунозарали жиҳатлар мавжуд бўлиши мумкин. Зеро, муаллиф бу муаммоларнинг барча қирраларини очиб беришни эмас, балки республикадаги мавжуд ҳал этилиши лозим бўлган айrim долзарб муаммоли жараёнларни таҳлил қилишни ўз олдига мақсад қилиб қўйган, холос.

¹ Ислом Каримов. Янгича фикрлаш ва ишлаш — давр талаби. Асарлар, 5-жилд, «Ўзбекистон», 1997, 134-бет.

МИЛЛИЙ ИСТИҚЛОЛ ЙЎЛИДАН

Асрлар давомида орзу қилган ўз мустақиллигимиз йўлидан дадил боряпмиз. Республикаミзинг мустақилликка эришуви мустақил миллий сиёсатни шакллантириш ва изчилилк билан амалга ошириш муаммолининг долзарблигини кучайтирди. Чунки бир ярим асрча давом этган мустамлакачилик, истибдод, етмиш йилдан ортиқ ҳукмронлик қилган шўроларнинг мафкуравий сиёсати халқимизни миллат сифатида парокандаликка, миллий маънавиятимизни мажруҳ ҳолатга олиб келиб қўйган эди. «Ягона совет халқи», «ягона маданият» барпо этиш ниқоби остида империя руслаштириш сиёсатини олиб борди. Ҳамма нарсани марказдан бошқариш кучайди. Миллатлар империя сиёсатининг қулларига айлантирилиб, аянчли аҳволга солинди.

Шу боисдан ҳам, миллий тараққиётнинг ўзига хос хусусиятлари бугунги, мафкуравий маҳдудлик, мутелик руҳиятидан покланган, миллий қайта тикланиш, юксак маънавият фоялари, бой маданий меросимиз, тарихий анъаналаримизни ўзида ифодалаган, умуминсоний қадриятларга ва Ватангга муҳаббат руҳи сингдирилган мустақиллик даврида яқин ўтмишда, чунончи, мустабид щўро тизимининг ниқобланиб йўналтирилган мустамлакачилик сиёсати авж олган, мураккаб ва зиддиятли давр бўлган 70—80-йилларнинг ўрталарида Ўзбекистонда миллатлараро муносабатлар аҳволини, муаммоларини атрофлича илмий, ҳаққоний таҳлил этиш, бир ёқдамалиқдан холи бўлган тарихийлик, ворисийлик ва узвийлик тамойилларига амал қилган ҳолда мукаммал ёритиш бугунги ниҳоятда долзарб мавзулардан бири эканлиги шубҳасизdir.

Маълумки, ҳозирда жаҳонда ўз маданий ва маънавий қадриятларига эга бўлган 1600 дан ортиқ этник гурӯҳлар 200 дан ортиқ давлатда истиқомат қиласи. Дунёнинг ҳақиқий бойлиги, маданият ва қадриятларнинг ўзаро таъсири, бир-бирини бойитиши ана шу гу-

руҳларнинг кўплиги ва турли-туманилигидадир. Айни пайтда ҳал қилиниши қийин бўлған муаммолардан бири ҳам шунга бориб тақалади, яъни мана шу гуруҳларнинг барчаси ҳам ўз миллий давлатчилигига эга эмас. Шундай экан, мана шу этнослар миллий гурурининг, ўзлигини англашининг ўсиши яна узоқ вақтлар дунёдаги сиёсий вазиятни, унинг тараққиёт йўналишини белгилаб туради.

Ҳар бир давлатнинг номи берилган асосий миллат билан бу мамлакатда яшовчи бошқа миллатлар ўргасида ўзаро муносабатлар ана шу давлатнинг ички сиёсий барқарорлигини белгилаб берувчи асосий омил бўлиб қолаверади. Мамлакатдаги ички сиёсий барқарорлик, миллий хавфсизлик, ижтимоий-иқтисодий ривожланиш кўп миллатли давлатда яшаётган бошқа миллатлар вакилларининг хайриҳоҳлигига кўп жиҳатдан боғлиkdir. Агар мамлакатда яшаётган миллатлар ва элатлар ўзаро бир-бирларини тушуниб, ҳамжиҳатлик билан умумий тараққиёт учун ҳаракат қилсалар, ижтимоий-иқтисодий ривожланиш самарали бўлади. Бироқ, бу мамлакатларда этник гуруҳ ва ирқлар ўргасида маълум муаммолар туғилиши табиий ҳол. Лекин у тараққиётни тўхтата олмайди. Ўша маълум муаммолар ўз вақтида ҳал этилса, ёки унинг олди олинса, осойишталик сақланиб қолади.

Миллатларнинг ўзаро муносабатларидағи ўйғуњлик ва маданиятларнинг бир-бирини тўлдириб, таъсир этиб туриши шу ҳудудни тараққий эттиришга, бойитишга хизмат қиласи.

Мустақилликнинг мураккаб йўли, адолатли демократик фуқаролик жамияти қурилиши ҳуқуқий асосларининг вужудга келиши, ижтимоий жиҳатдан йўналтирилган бозор иқтисодиётининг қарор топиши, маънавий-руҳий покланиш ва мамлакатнинг жаҳон ҳамжамиятида муносиб ўрин эгаллаш учун қўйган собит қадамлари мустақил миллий сиёсатни шакллантириш ва изчиллик билан амалга ошириш муаммосининг дол зарблигини кучайтириди. Бу сиёсатнинг муваффақияти шахс, миллатлар, давлат ва маънавиятли ҳалқлар ҳамжиҳатлигининг қанчалик пухта ва ўзаро боғланган бўлишига бевосита алоқадордир. Мазкур сиёсатнинг муҳим йўналиши миллатлараро муносабатларнинг энг мақбул тарзда тартибга солиниши, миллатлараро барқарор ҳамжиҳатликнинг таъминланишидир.

Яқин ўтмишимиз тарихий тажрибаси шуни кўрсат-

дики, миллатлараро муносабатлар муаммосини назар-
писанд қилмаслик, миллатлар ўргасида ўзаро мулокот-
ларнинг юқори маданиятига эришиш эҳтиёжларини
унутиб қўйиш қўпмиллатли давлатлар учун кескин мил-
латлараро тўқнашувлар, жамиятнинг тарқалиб кетиш
хавфини келтириб чиқариши мумкин.

Давлатимиз раҳбарияти истиқолнинг бошиданоқ бундай хавф туғилишининг олдини олди. Мустақил ри-
вожланишнинг дастлабки қадамлариданоқ байналми-
лал ва миллий хусусиятларнинг мустаҳкам бирлигига
эришиш шакланаётган миллий истиқдол мафкураси-
нинг, янги жамият барпо этиш соҳасидаги амалий ҳара-
катларнинг устувор таркибий қисмига айланди. Прези-
дент Ислом Каримов бир неча бор таъкидлаганидек:
«Мустақиллик ўзбек халқига ўз юргида қадр-қімматни,
бўй-бастини, ўз маданияти ва анъаналарини, дину
эътиқодини, тили ва маънавиятини қайта тиклаб олиш-
га, миллий фуур ва миллий тафаккур, Ватанга муҳаббат
туйғуларини камол топтиришга замин түғдирди. Юрти-
мизда яшаётган ҳар қайси инсон учун, унинг миллати,
дину эътиқодидан қатъи назар, тенг бўлиб яшаш, ягона
уйимиз бўлмиш Ўзбекистонимизнинг бугунги ва кела-
жак ҳаётини қуриш имконини яратди»¹.

Сўнгра, Ўзбекистоннинг миллий мустақиллигини
мустаҳкамлаш учун миллий муносабатларни уйғунлашти-
ришнинг кўп қиррали ҳамда катта ижтимоий-сийёсий
аҳамиятга эга эканлигини назарда тутиб, Ислом Каримов
бундай деб таъкидлаган эди: «Ватанпарварлик, фу-
қаролар якдиллиги — ёш ва мустақил Ўзбекистон дав-
лати барпо этилаётган негизидир. Айни шу нарса жа-
миятни қайта ўзgartариш йўлидаги қийинчиликларни
енгиб ўтишга, ҳамжиҳатлик ва ҳамкорликка эришишда
ёрдам беради»².

Республика ҳудудида жамиятнинг тарихан қарор топган кўп миллатли таркибини сақлаб қолиш ва мустаҳкамлаш, мазкур омилдан демократик ҳуқуқий давлат барпо этишдан иборат аниқ пировард вазифаларни амалга ошириш учун фаоллик билан фойдаланишга таяниб, мантиқан ва тарихан қонуний ҳол бўлган шўролар иттифоқи тарқалиб кетгандан сўнг кўпгина мустақил давлатларнинг вужудга келиш жараёнда намоён

¹ Ислом Каримов. Янгича фикрлаш ва ишлаш — давр талаби, 132-бет.

² Каримов И. А. Ўзбекистон: миллий истиқдол, иқтисод, сийёсат, мафкура. Нутқлар, мақолалар, сұхбатлар. Тошкент, «Ўзбекистон», 1993, 82-бет.

бўлган миллатлараро можароларнинг ҳалокатли авж олишига барҳам беришга муваффақ бўлинди. Миллатлараро ҳамжиҳатлик, барқарорликнинг сақланиб қолиши ва байналмилал бирлик Ўзбекистонда жамият ҳаётининг барча соҳаларида туб ислоҳотлар ўтказиш учун мустаҳкам шарт-шароит яратмоқда.

Мустақил давлат барпо этилиши шароитида инсоний муносабатларнинг қарор топган нормаларига баҳо беришда танқидий нуқтаи назардан янгича ёндашувлар, миллатлар ва элатлар ўртасида янгича ўзаро муносабатлар вужудга келмоқда. Бундай муносабатлар муштарак-лигининг ортиши, хусусан, турли миллатлар ва элатлар ўртасида жадал муносабатлар ўрнатилганлиги туфайли байналмилал ва миллий имкониятларнинг кенгайиши содир бўлмоқда.

Шу билан бирга, мустақил миллий сиёсат мафкураси ва амалиёти ҳали илмий-методологик такомилга эришгани йўқ. Бундан ташқари, миллий сиёсат-миллатлараро муносабатлар муаммоларини адолатли, демократик, инсонпарварлик билан ҳал қилишнинг янгича йўл, усул ва шаклларини доимий равишда ижодий ўрганиш лозимлигини ҳам мудом эсда тутишимиз керак. Бу сиёсатни амалга ошириш, маълум даражада, ўтмиш ва ҳозирги тажрибанинг диалектик нисбатига, миллий қурилишнинг бундан олдинги амалиётидаги ижобий ва салбий жиҳатларини аниқ тушуниб етишга боғлиқдир. Бу жиҳатдан тарихни чуқур билиш илмий, амалий ва инсонпарварлик аҳамиятига моликдир. Тўпланган тажрибани ҳар томонлама холисона ўрганиш миллий сиёсатни ҳаққонийлик нуқтаи назаридан куриш, жамият ривожланишининг истиқболларини белгилаш, миллий ҳаракатларни ва муддаоларни маданий асосда уйгуналаштириш, ёшларни ватанпарварлик, умуминсонийлик, миллатпарварлик ва миллий истиқлол фоялари руҳида тарбиялаш имконини беради.

Миллий тараққиётнинг ўзига хос хусусиятлари бугунги, мафкуравий маҳдудлик, мутелик руҳиятидан покланган, миллий тикланиш, юксак маънавият фоялари, бой маданий меросимиз, тарихий анъаналаримизни ўзида ифодалаган, умуминсоний қадриятларга ва Ватанга муҳаббат руҳи сингдирилган Мустақиллик даврида кўп миллатли Ўзбекистон аҳолисининг кейинги мустабид шўро тузуми ўн йилликлари, хусусан, анча зиддиятли 70—80-йиллардаги ижтимоий-иқтисодий ривожланиш тажрибасини ҳар томонлама чуқур тадқиқ

қилиш эҳтиёжини илгари сурди. Шубҳасиз, бу жараён янги ижтимоий-иқтисодий онгни шакллантиришни, коммунистик ақидаларга ва тарихни сохталаштиришга йўл қўймаслик, тарихий жараёнларни холисона баҳолаш лозимлигини, кенг мушоҳадалар ва қиёсий таҳдилларни, ўзаро фикр алмашув ва муҳокамаларни ҳам кун тартибига қўйди. Ана шу эҳтиёждан келиб чиқиб, узоқ йиллар давомида жамиятда ҳукм сурган маъмурий-буйруқбозлик тизими сиёсатининг миллатлараро муносабатларга, аҳоли турмушига, ижтимоий ҳаётга ва маънавиятга ўтказган таъсирини, унинг салбий оқибатларини тадқиқ этмаслик, тегишли сабоқ, хулосаларни чиқармаслик мумкин эмас. Бинобарин, бу масалани уйғун равишда таҳдил қилишнинг долзарблигини бир қатор омиллар зарур қилиб қўйди.

Биринчидан, шўролар ҳукмронлиги давридаги, шу жумладан, 70—80-йиллардаги Ўзбекистоннинг тарихий тажрибаси жиддий салбий омиллар, тамойилларга эгадир. Коммунистик тузумнинг кўп миллатли республика иқтисодиёти, фани, маданияти соҳаларида ўтказиб келган мустамлакачилик сиёсати моҳиятини очиб ташлаш ва уни янгича ўрганиш ялпи бузғунчиликни барҳам топтиришга, жонли эволюцион йўл билан олға томон ҳаракат қилишни таъминлашга ёрдам беради.

Иккинчидан, ижтимоий-иқтисодий ва маънавий соҳалардаги ҳозирги муаммоларнинг кўпгина қисмининг манбалари назорат қилиб бўлмайдиган даражада инқизозга юз тутган, ниқобланиб йўналтирилган шўро тузуми миллий сиёсатининг хатолари ва нуқсонларига бориб тақалади, бу миллий сиёsat тор синфий йўналишга эга бўлган марксча-ленинча таълимотга ва коммунистик мафкура тамойилларига асосланар эди. Бу эса республиканизни, унинг кўп миллатли халқини оғир ҳаёт шароитига, ҳамманинг умумий камбағаллигига, бартараф этиш ниҳоятда қийин бўлган ижтимоий-иқтисодий аҳволга солиб қўйди. Ваҳоланки, вужудга келган ижтимоий-иқтисодий аҳволни ҳар томонлама таҳдил қilmай, унинг туб сабабларини аниқламай, бундай аянчли аҳволга олиб келган мустамлакачилик сиёсатининг туб моҳиятини билмай туриб, уларни бартараф этиш усулларини аниқ белгилаш мумкин эмас.

Мустабид шўро тузуми шароитида миллий сиёсатининг ижтимоий-иқтисодий жиҳатларига етарли эътибор берилмади. Мавжуд имкониятларни етарли даражада ҳисобга олмаган саноат, қишлоқ хўжалиги, экология ва

ижтимоий соҳаларни согломлаштиришга қаратилган қарорлар ва дастурлар иқтисодий, ижтимоий ҳамда сиёсий қарама-қаршиликларни чукурлаштириб юборди.

Марказнинг Ўзбекистонни умумбашарий тарақ-қиётдан, умуминсоний қадриятлар ва тамойиллардан четлатиб, ўлка табиий, маданий ва тарихий бойликларини беаёв талаши, пахта яккаҳокимлигини кучайтириб, Орол фожиасини келтириб чиқариб, мамлакатни мудҳиш экология ҳолатига тушириб қўйган маъмурий-буйруқбозлиқ сиёсатининг оқибатлари, ўлка саноатининг ўзга юрт учун тайёрлаб берадиган ҳом ашёга асосланган бир ёқлама ривожланирилганлиги, халқ хўжалигидаги инқизорий турғунлик ҳолати, шўро республикаларининг Марказдан туриб белгилаб берилган, миллий республикалар эҳтиёжлари ва манфаатларини ҳисобга олмаган ҳамкорлиги иқтисодиётнинг батамом издан чиқишига, молиявий ва ижтимоий тақчилликнинг кучайишига, аҳоли турмуш шароитининг янада ёмонлашувига олиб келди. Ишсизлик, озиқ-овқат, турар жой ва бошқа муаммолар, шаҳар билан қишлоқ ўртасидаги тафовутлар кескинлашиб борди. Чунончи, 20-йилларнинг охирларидан бошлаб, Иттифоқ ҳукумати ўлканинг туб аҳолиси миллий манфаатларини назар-писанд қилмаслик, Ўзбекистоннинг ҳом ашё етказиб беришга ихтисослашви йўлини зўр бериб амалга ошириб келди. Республиканинг миллий давлат мақоми Россия Федерациясининг вилоятлари мақомига тушириб қўйилди. Бундай қинфирилклар 70—80-йиллардаги даврда айниқса кенг кўламда авж олди.

Иттифоқ марказининг ўтказган ижтимоий сиёсати ташқи томондан табақалашгандай, иттифоқдош республикаларнинг, иттифоқ давлати бошқа субъектларининг манфаатлари ва эҳтиёжларини расман ҳисобга олаётгандай туюларди. Бироқ, ҳақиқатда эса марказлаштирилган давлат мустабидчилик сиёсий тизимини кучайтира бориб, ватанпарварлик руҳи билан сугорилган миллий зиёлиларга, бир қанча халқларга (корейслар, чеченлар, ингушлар, қорачойлар, болқорлар, месхети турклари, крим татарлари ва бошқа айрим халқларга) нисбатан сиёсий қатағонларни жорий қилди. Ўтра Осиё халқлари, биринчи навбатда туб миллат аҳолиси эҳтиёжларини эътиборга олмади. Буни, хусусан шундан ҳам билса бўладики, Ўзбекистон аҳолисининг ижтимоий-маданий эҳтиёжларига давлат бюдже-

тидан ажратилган маблағларнинг салмоғи ортиб бориши ўрнига доимий равишда қисқартирилиб борилди.

Бу борада энг аввало қайд этиш керакки, қатъий марказлаштирилган маъмурий-буйруқбозлик тизими, сиёсат ва яккапартиявий мағкуранинг иқтисодиётдан, ижтимоий соҳадан устуворлиги, республиканинг шароитига монанд бўлмаган ишлаб чиқариш тармоқлари-нинг директив асосда шаклланиши иқтисодиёт ва экология мувозанатининг бузилишига, ишлаб чиқариш кучларини жойлаштиришдаги хатоликлар, демографик жараённинг хусусиятларини ҳисобга олмаслик ишсизликнинг келиб чиқишига, нотўғри юритилган хўжалик сиёсати иқтисодиётда бир томонламаликнинг ниҳоятда кучайишига, ижтимоий, демографик ва экологик муаммоларнинг келиб чиқишига сабаб бўлди, бу эса, ўз навбатида, миллатлараро муносабатларга салбий таъсир кўрсатди. Бу хилдаги ишлардан биринчи навбатда қишлоқ туманларининг, кичик ва ўртача шаҳарларнинг аҳолиси зарар кўрди, улардаги аҳолининг аксарият қисми-ни туб миллат вакиллари ташкил этарди.

Собиқ Марказ томонидан ишлаб чиқилган қарор ва режаларда атайлаб республикадаги мавжуд имкониятлар ҳисобга олинмасдан гаразли мақсадларда саноатлаштиришга киришилиб, хом ашё ва ишчи кучи йўқ жойга улкан корхоналар қурилди. Бу эса иқтисодий, ижтимоий ва сиёсий қарама-қаршиликларни кучайтириди.

Шу муносабат билан шўро тузуми ниқобланган мустамлакачилиги даврининг сўнгги йиллар шароитида рўй берган салбий ижтимоий-иқтисодий омиллар ва субъектив сабабларнинг мазмунини чуқур тушуниб этиш айниқса муҳимдир. Ўша даврни ҳозирги кун нуқтаи назаридан холисона таҳлил қилиш миллий соҳадаги танглик ҳолатларининг кучайиши негизларини аниқ билиб олишга ёрдам берибгина қолмай, шу билан бирга Ўзбекистон миллий давлат мустақиллигига эришган шароитдаги этник-миллий вазиятга ҳам тўлароқ баҳо беришга имкон ҳам туғдиради.

Учинчидан, Ўзбекистондаги миллатлараро муносабатларнинг ижтимоий-иқтисодий жиҳатларини тадқиқ қилишнинг зарурлигини умуман республикада, хусусан, шаҳар ва қишлоқларда иқтисодиёт ва ижтимоий соҳанинг ривожланиш хусусиятлари, тамойиллари, муаммоларини аниқлаш эҳтиёjlари ҳам белгилаб бера-ди.

Марказнинг ўзбек халқи миллий қиёфасининг йилдан-йилга маънавий жиҳатдан бойиб боришидан жиддий хавотирга тушиб, республикамиздаги ишсизлар сонининг кўп бўлишига қарамасдан, режали тарзда саноатлаштириш баҳонасида кўплаб рус аҳолисининг кўчириб келтирилганлиги, бу эса ишсизликнинг янада ортишига сабаб бўлиб, ижтимоий вазиятни янада оғирлаштириб юборганилиги тўғрисидаги тадқиқотлар таҳлили муҳим аҳамият касб этар эди.

Тўртингидан, даврнинг қатъий талабларидан бири — ижтимоий онгга ва миллий сиёsatни сохталаштиришга сунъий равиша жорий этилган бир қатор ақидавий тушунчалар туркумларига илмий ва сиёсий қайта холисона баҳо бериш, халқларнинг ҳар томонлама яқинлашувига бўлган инсоний интилишини «байналмилачлик», «миллатлараро жисплашув», «ягона совет халқи», «миллатлараро алоқалар» каби тушунчаларни марқсчаленинча талқин қилишнинг мафкуравий ва сиёсий сабабларидан тозалаш, халқимиз тарихи ва миллат тақдирни билан боғлиқ бўлган тарихий жараёнларни мукаммал ёритиш, бирёқламалиқдан холи бўлган тарихийлик, ворисийлик ва узвийлик тамойилларига амал қилиш зарурлигидир. Чунончи, «совет халқи» тушунчасининг анчайин бўрттириб талқин қилиниши жадаллик билан «социалистик байналмилачлик» йўлини тутиш, собиқ Иттироқ ва республикадаги партия-давлат юқори табакалари амалга ошириб келган миллий сиёsatда эскилик ва ақидапарастликнинг кучайишига сабаб бўлди. Бу эса миллатлараро муносабатларнинг намоён бўлиши хусусиятига, 70—80-йилларда уларнинг кескинлашуви таомилларининг ортишига тегишли равиша таъсир кўрсатди.

Бу даврда шундай ҳолат пайдо бўлди, бунда ҳар томонлама илмий асосланган режалар ўрнига халқ хўжалиги тармоқларини маъмурий-буйруқбозлик бошқаруви ҳукмронлиги асосида субъектив тарзда ривожлантириш авж олди. Иқтисодий ва ижтимоий ривожланишга қаратилган кўплаб қарор ва дастурлар аксарият ҳолларда амалга оширилмади, ёки қисман бажарилди. Чунки улар кўп жиҳатдан чекланган, ҳаёт билан бевосита боғланмаган, миллат ва элатларнинг манфаатларига мос келмайдиган, ўлка халқларининг истиқдол учун курашини бўғиб ташлашга қаратилган мустамлакачилик сиёsatидан иборат эди.

Бешинчидан, миллий муаммоларга Ўзбекистон халқ-

лари учун буткул ёт ва тарихан асоссиз бўлган марксчаленинча таълимот ва коммунистик мафкура нуқтаи назаридан ёндашувнинг назарий жиҳатдан зарарли эканлиги илмий жамоатчиликнинг миллатлар ва миллий муносабатларнинг ривожланишига доир энг долзарб масалаларни ўрганишга бўлган муносабатига ўта салбий таъсир кўрсатди. Бу эса илмий изланиш имкониятларини жиддий равишда торайтириб, жамиятшунослик билимларининг сезиларли тарзда оқсаншига сабаб бўларди. Уларга янги услубий нуқтаи назардан қайта холисона баҳо бериш ва таҳлил этиш Ўзбекистондаги миллатлараро муносабатларнинг хусусиятлари тўғрисидаги тасаввурларни фақат чуқурлаштиришгагина ёрдам бериб қолмай, балки уларни ҳаққоний таҳлил қилиш ва мустамлакачилик сиёсатининг туб моҳиятини очиб беришга ҳам кўмаклашади.

Ниҳоят, шу нарса ҳам муҳимки, миллатлараро муносабатларнинг ижтимоий-иқтисодий жиҳатларини изчил тарзда таҳлил этиш мустақилликка эришган ҳозирги вақтда амалга оширилаётган миллий истиқлол мафкурасини такомиллаштиришга, салбий ҳодисаларнинг пайдо бўлиш хавфини ўз вақтида англаб этишга, республикада яшаб турган барча миллатлар ва элатларни жипслаштириш, қадимги ва навқирон давлатимизда фуқаролар ҳамжиҳатлиги, осойишталиги ва барқарорликни мустаҳкамлаш, миллий ўзликни англаш ва мустақиллик руҳиятини кўтариш борасидаги вазифаларни ҳал этиш юзасидан асосли таклифлар ишлаб чиқишига имкон беради.

МИЛЛАТЛАРАРО МУНОСАБАТЛАР МУАММОЛАРИНИНГ МАВЖУДЛИГИ

70—80-йилларнинг ўрталарида собиқ иттилоғнинг, жумладан, Ўзбекистоннинг ижтимоий-иқтисодий ва маънавий ҳаётидаги салбий ҳолатлар миллий ва миллатлараро муносабатларда ўз аксини топмаслиги асло мумкин эмас эди.

Биз яқин вақтларга қадар ўзимизни миллий масала тўла ва узил-кесил ғалаба қилган деган хомхаёл билан тинчлантириб келдик. Аслида эса миллатлараро муносабатларда нохуш ҳолатлар мавжуд бўлиб, ижтимоий-иқтисодий ва маънавий ҳаётдаги салбий йўналишлар оқибатида у 70—80-йилларда янада кескинлашди.

Бу йиллардаги миллий сиёсатдаги хатоликлар ва бузилишлар миллатчиликнинг кўринишлари — маҳаллийчилик, доҳийга сифиниш, миллий худбинлик, амалпарастлик, миллий нигилизм ва шовинизм каби меросни қолдирди. Ўн йиллар давомида йигилиб келган ушбу салбий ҳодисалар узоқ вақтгача эътиборга олинмади, муносиб равищда баҳоланмади.

Миллий муносабатлар масаласи фақат гоявий ва оммавий-сиёсий ишларгагина тааллукли бўлиб қолмай, айни вақтда ижтимоий-иқтисодий соҳанинг қай даражада эканлигига ҳам тааллукли. Бу муносабатларни ўйгунлаштириш энг аввало туб иқтисодий вазифаларнинг ҳал этилиши билан боғлиқ.

Ўзбекистон иқтисодиёти бир неча ўн йиллар мобайнида марказдан бошқариладиган ягона ҳалқ хўжалиги мажмуининг таркибий қисмига айлантирилган эди. Марказ амри билан қабул қилинадиган кўпгина қарорларнинг иқтисодий негизи ва хукуқлари кескин торайган бўлиб, Ўзбекистоннинг манфаатларидан йироқ эди. Республика ҳудудида жойлашган кўплаб корхоналар бевосита марказга бўйсуниб, улар кўпроқ хом ашё қазиб олиш ва дастлабки ишлов бериши билан шуғулланарди, амалда республика уларни бошқармас, бу корхоналар фаолиятининг пировард натижаларидан манфаатдор ҳам эмас эди. Хуллас, республика хом ашё базасига айланиб қолди. Бу эса республиканинг бутун имкониятларини ва масъулиятини камайтирди, миллий ва миллатлараро муносабатлар мурakkabлашувининг сабабларидан бири бўлиб қолди.

70—80-йилларда мамлакатда шундай ҳолат юзага келди, бунда ҳар томонлама илмий асосланган режалар ўrniga ҳалқ хўжалиги тармоқларини маъмурий-буйруқбозлиқ ҳукмронлиги асосида кўр-кўrona rивожлантириш авж олди. Мамлакат улкан қурилишлар майдонига айлантирилиб, бири-биридан йирик иншоотлар лойиҳаларини тузиш ва амалга ошириш кундалик эҳтиёжга айланиб қолди. Мавжуд ресурслардан оқилона фойдаланишга укувсизлик, кераксиз харажатларни фойдалисидан фарқлашга қодир эмаслик, доимий исрофгарчилик туфайли камомад, жисмоний ва ақлий меҳнатнинг унумсизлиги, хўжалик юритиш усуллари ҳамда меҳнатни рафбатлантириш тизимининг бузилганлиги натижасида турмушнинг барча соҳаларида, айниқса миллатлараро муносабатларда муаммолар тўплана борди. Миллатлараро муносабатларда мавжуд

жараёнларни таҳлил қилиш халқлар дўстлиги, миллатларнинг гуллаб-яшнаши ва равнақига ҳамда ўзаро яқинлашишига бағишлиланган қуруқ, баландпарвоз нутқлар билан алмаштирилиб, зиддиятлар, нохуш ҳолатлар, камчилик ва қийинчиликлар хусусида лом-мим дейилмас эди.

Аммо Ўзбекистонда бу нохуш ҳолатлар айниқса ўткир намоён бўлиб, ривожланиб бораверди ва республикани ҳақиқий инқизороз чегарасига олиб келиб қўиди. Бунга турғунлик ҳолати, иқтисодий таназзул, ижтимоий адолат принципларидан воз кечиш, буйруқбозлик, қуруқ сафсатабозлик сабаб бўлди.

Шуни тан олиш керакки, ижтимоий-иқтисодий тарақиётнинг яқин кунларгача бўлган даврида миллатлараро муносабатлар соҳасида зиддиятлар мавжудлигини тан олмадик, бу зиддиятлар эса ўн йиллар давомида тўпланиб, хаспўшланиб келинди.

Бу даврга келиб, Ўзбекистон Республикаси Президенти И. А. Каримов таъкидлаганидек, «марказдан бошқаришнинг амалдаги тизими, унинг идоралари, хўжалик юритиш услуг ва усуллари иқтисодиётнинг янада ривожланишига сезиларли туртқи бўлишига, кескин ижтимоий муаммоларни ҳал қилишга қодир эмаслиги яққол аён бўлиб қолди¹. Иқтисодиётнинг ривожланиш суръати кескин пасайиб, унга бўлган сарф-харажатлар орта борди, тақчиллик янада кучайди. Республика барча иқтисодий ва ижтимоий кўрсаткичлар бўйича собиқ иттифоқдаги ўртacha даражадан анча орқада бўлиб, мамлакатда охирги ўринлардан бирида эди. Ҳар киши бошига ялпи ижтимоий маҳсулот ишлаб чиқариш бўйича 12-ўринда, аҳоли жон бошига миллий даромад ишлаб чиқариш бўйича жа иттифоқдаги ўртacha даражадан иккى ҳисса паст эди², яъни 1971—1987 йилларда СССР бўйича 175 фоизда³, Ўзбекистонда 139 фоиздан тўғри келди³. Иқтисодиётни ислоҳ қилиш йўлида қилинган уринишлар кам самара берди. Қабул қилинган ва мавжуд имкониятларни ҳисобга олмаган ижтимоий, озиқ-овқат, аграр, энергетика ва бошқа соҳалардаги кўпгина дастурлар иқтисодий қарама-қаршиликларни чуқурлаштириб юборди. Натижада иқтисодиётни батамом издан чиқариб, мод-

¹ Каримов И. А. Ўзбекистон — бозор муносабатларига ўтишнинг ўзига хос йўли, 12-бет.

² «Совет Ўзбекистони», 1990 йил 5 июнь.

³ Убайдуллаева Р. А. Проблемы обеспечения рациональной занятости населения в условиях ускорения социально-экономического развития // Общественные науки в Узбекистане, 1988, № 7, 5-бет.

дий ва молиявий тақчиллик ўсишига, меҳнаткашлар турмуш шароитининг янада гариблашишига олиб келди. Ишсизлик, озиқ-овқат, туар жой ва бошқа муаммолар ўз-ўзидан келиб чиқаверди.

Мазкур иқтисодий муаммолар демографик ҳолатда юзага келган аҳвол билан қўшилиб, ижтимоий масалаларни ҳал этишни гоят долзарб қилиб қўйди. Ўзбекистон туғилиш даражаси ва аҳолининг табиий ўсиши юқори бўлган минтақалар жумласига киради. Кейинги ўн йиллар мобайнида республика аҳолиси ҳар йили ўрта ҳисобда 2,5 фоиздан кўпайиб бориб¹, 1970 йили иттифоқдаги умумий аҳолининг 4,9 фоизини ташкил этган бўлса, 1987 йили 6,8 фоизга етди. Шу йиллари аҳоли 7,2 млн. кишига кўпайди, ёки умумиттифоқ даражасининг 18,1 фоизини ташкил этди².

Ўзбекистон ҳудудида ўз маданияти ва анъаналарига эга бўлган 127 миллат ва элатлар этник таркибининг 70 фоиздан кўпроғини ташкил этувчи туб аҳоли — ўзбеклар устун мавқени эгалладилар³. Ўзбекистоннинг миллий-маданий ранг-баранглиги миллий ўзликни англашнинг ўсиши ва маънавий жиҳатдан қайта уйғониши билан чамбарчас боғлиқ бўлиб, бу жамиятни янгилашнинг қудратли омили бўлиб хизмат қиласи ҳамда миллатлараро муносабатларни уйғунлаштириш учун қулай шарт-шароитлар яратади.

Республика аҳолисининг 60 фоизга яқини қишлоқ жойларида истиқомат қиласи⁴ ва асосан деҳқончилик билан шуғуланиб келади. Бироқ уларнинг кўпчилик қисми иш билан таъминланмаган, умуман олганда меҳнат ресурслари ортиб, ишсизлар сони 1 млн. кишига етган бўлса ҳам⁵ шаҳарларда малакали ишчиларининг этишмаслиги азалдан сезилиб келмоқда эди. Бу муаммолар бошқа минтақалардан ишчи кучларини сафарбар этиш ҳисобига ҳал этиб келинди. Масалан, биргина Тошкент шаҳрида 200 минг ортиқча ишчи кучи бўлгани ҳолда 125 минг ишчи ва мутахассислар четдан келтирилди⁶, қишлоқдан келган туб аҳоли вакилларини ишга

¹ Каримов. И. А. Ўзбекистон — бозор муносабатларига ўтишнинг ўзига хос йўли, 29-бет.

² Народное хозяйство Узбекской ССР в 1987 г. Стат. сжегодник. Ташкент, «Ўзбекистон», 1988, 200-бет.

³ Каримов И. А. Ўзбекистон — бозор муносабатларига ўтишнинг ўзига хос йўли, 30-бет.

⁴ Народное хозяйство Узбекской ССР в 1990 г. Стат. сжегодник. Ташкент, «Ўзбекистон», 1991, 14-бет.

⁵ «Правда Востока», 1989 йил 13 декабрь. Nizomiy nomdag'i TDPU

⁶ «Правда Востока», 1990 йил 23 январь.

KUTUBXONASI

қабул қилишга турли баҳоналар рўкач қилинди. Бошқа соҳалар сингари саноатда ҳам миллий кадрлар тайёрлаш ишига эътибор берилмади, бу ҳол эса республикадаги ижтимоий вазиятни, миллатлараро муносабатларни янада кескинлаштириб юборди.

Ўлкамизда тўпланиб қолган ана шундай катта кўламдаги муаммолардан бири бўлган пахта яккаҳокимилиги Ўзбекистон қишлоқ хўжалигининг туб мақсаддарига хилоф равишда «юқоридан» зўрлаб ўтказиб келинди.

Маълумки, узоқ йиллар давомида табиий-иқтисодий шароитига ва аҳолисининг меҳнат кўникмаларига кўра пахта етишириш имкониятига эга бўлган Ўзбекистон асосий пахта базаси ҳисобланиб, унга қандай бўлмасин, мамлакатнинг пахтага бўлган эҳтиёжини қондириш ва капиталистик мамлакатларга бўлган қарамликдан қутулиш, умуман пахта соҳасидаги мустақилликни таъминлаш вазифаси қўйилган эди. Бу вазифа катта машаққат ва йўқотишлар эвазига ҳал этилди, пахта мустақиллиги таъминланди. Ўрнига эса қарам иқтисодиётни олдик.

Умумиттифоқ меҳнат тақсимотига кўра, Ўзбекистонни пахта етиширишга мана шундай ихтисослаштириш оқибатида республикада озиқ-овқат масаласи мурракаблашиб, гўнит ва сут етишириш имкониятлари камайиб кетди, бироқ шунга мувофиқ равишда ўрнини тўлдирадиган ҳеч нарса олинмади. Шунинг натижасида 80-йилларнинг охиirlарига келиб аҳолининг озиқ-овқат маҳсулотлари истеъмол қилиши мамлакатдаги ўртача даражадан анча паст эканлиги ҳам аҳволнинг кескинлигини янада чуқурлаштираслиги мумкин эмас эди. Буни қўйидаги жадвалдан кўриш мумкин (аҳоли жон бошига бир йилда қанча кг тегиши ҳисобида):

Озиқ-овқат	СССР бўйича ¹	Ўзбекистон бўйича ²	Ўзбекистон бўйича (СССРга нисбатан фоиз ҳисобида)
Гўшт	64	29	45
Сут	341	186	54
Тухум (дона)	272	112	41
Балиқ	18	4,7	26
Шакар	47,2	23,3	49
Картошка	105	28	26

¹ СССР в цифрах в 1988 г. М., Финансы и статистика, 1989, 91-бет.

² Узбекская ССР в цифрах, в 1988 г. Ташкент, «Ўзбекистан», 1989, 137-бет.

Келтирилган маълумотларнинг ўзидан ҳам кўп нарса аён бўлиб турибди. Лекин шуни назарда тутиш керакки, бу ҳисоб-китоблар умуман республикада яшовчи ҳар бир одамга мўлжаллаб қилинган. Қишлоқ аҳолиси бўйича ҳисоблаб чиқилган бундай кўрсаткичлар эса анча паст.

Айни бир вақтда республикадаги қўпгина ҳаётий муҳим манфаатларга зиён етказилди: пахта майдонлари йилдан-йилга кенгайиб, бошқа ўсимликларни биринкетин суреб чиқа бошлади, илмий асосланган алмашлаб экиш бузилганлиги, ернинг тинка-мадори қуриб кетганлиги, сув манбаларининг имкониятлари тобора камайиб борганлиги қишлоқ хўжалигига ҳалокатли таъсир кўрсатди. Натижада озиқ-овқат маҳсулотлари етиштириш чеклаб қўйилди ва тез суръатлар билан ўсиб бораётган аҳоли талабини шу маҳсулотлар билан таъминлаш муаммолари кескинлашди. Бу эса иқтисодиётнинг бир ёқлама ривожланишига, ижтимоий зиддиятларнинг барқарорлашуви ҳамда аҳоли турмуш даражасининг кундан-кун ёмонлашувига олиб келди.

Кейинги совет ўн йилларни ичida назорат қилиб бўлмайдиган даражада инқизорзга юз тутган мазкур «эски тузум асорати, касофати туфайли бугун ҳалқимиз оғир ахволга тушиб қолди»¹. Бу тузум бизнинг республикамизни, унинг ҳалқини оғир ҳаёт шароитига, ҳамманинг умумий камбағаллигига, бартараф этиш ниҳоятда қийин иқтисодий шароитга солиб қўиди. Бундай бўхрондан кутулиб чиқишининг ягона тўғри йўли — чинакам давлат мустақиллигига эришиш, демократик жамиятни шакллантириш йўлидаги барча қийинчиликларни изчиллик билан енгиб ўтиш ҳамда қарамлик йилларининг вазмин юқидан ҳолос бўлиш, ижтимоий ҳаётнинг турли соҳаларини ривожлантиришда йўл қўйилган хатолар, ҳаддан ошишлар, деформацияларни мушоҳада этишдир. Шу билан бирга тўпланиб қолган қийинчиликларни ҳал этишда янгича ёндашувлар талаб этилади ҳамда «ўтмиш йилларнинг хатоларини, давлат тузилишининг шакл ва усусларига нисбатан мавжуд қарашларни идрок этиш»² зарурдир. Бинобарин, вужудга келган иқтисодий вазиятни ҳар томонлама таҳлил қилмай,

¹ Ўзбекистон Республикаси: мустақил давлатнинг бунёд бўлиши. Тошкент, «Ўзбекистон», 1994, 62-бет.

² Каримов И. А. Ўзбекистоннинг ўз истиқдол ва тараққиёт йўли. Тошкент, «Ўзбекистон», 1992, 10-бет.

бундай ҳолатга тушиб қолишнинг ҳақиқий сабабларини аниқламай туриб ундан қутулишнинг пухта механизми ни ҳам ишлаб чиқиш мумкин эмас.

Табиийки, бу ҳодисалар ўз-ўзидан вужудга келган эмас, уларнинг чукур илдизлари бор. Шулардан бири кейинги ўн йиллардан бошлаб СССР парчаланишигача бўлган давр ичida мамлакат тараққиётiga омилкорлик билан раҳбарлик қилинмаганлигидир. Қолаверса, ишлаб чиқариш муносабатлари соҳасидаги ўзгаришларни яхши идрок қилиш учун халқнинг тафаккури, маънавий руҳияти етарли даражада тайёр эмаслигини ҳисобга олмаганлиkdir. Аммо, энг асосийси шундаки, совет давлатининг миллий сиёсати айрим халқлар манфаатлари га эътибор қилмай анча жўн ёндашиш, баъзида эса уни очиқдан-очиқ назар-писанд қилмаслик билан тавсифланади. Маҳкамачилик, бюрократизм ва ўргача ҳисобда ёндашув устун бўлиб қолди, бу эса ишлаб чиқарувчи кучларни жойлаштиришдан тортиб, тил, маориф ва маданият муаммоларигача — ҳамма нарсага салбий таъсир қилди. Умумдавлат манфаатларини ҳимоя қилиш баҳонаси билан республиканинг мустақиллиги чеклаб қўйилди, яхлит давлатга марказдан туриб ҳукмронлик қилиш кучайиб борди. Бу нарса айниқса 70—80-йилларда кўзга яққол ташланди, миллий республикаларга нисбатан мустамлака сифатида қараладиган бўлиб қолди.

Демократия ва ошкоралик, миллий ўзликни англаш ўсаётган шароитда миллатлараро муносабатларда кўп муаммолар очилиб қолди. Ана шулардан бири тил сиёсати масалалари алоҳида аҳамият касб этади. Миллий мактабларда рус тилининг мажбурий қилиб қўйилиши, кейинчалик унинг асосий мавқени эгаллаб, миллий тилларни ижтимоий ҳаётнинг барча тармоқларидан, ҳатто маориф соҳасидан тезда сиқиб чиқариши миллий қадрияtlарнинг камситилиши каби салбий ҳолатни юзага келтириди.

Афсуски, жамиятимиз ҳаётида миллий тилларнинг мавқеи ва таъсир доираси кенгайиш ўрнига аста-секин йил сайин торайиб бораверди. Ўзбек тилида китоблар чоп этиш, журнал ва газеталар чиқариш сони ва нусхаси камайиб кетди, ҳатто унинг ўқувчилари сони ҳам йил сайин кескин қисқарганлиги кузатилди. Ўзбек тилини чукур ўрганишга қизиқишнинг пасайиб кетганлиги мактабларда шунга олиб келдики, кўпгина ёш йигитқизлар ўз она тилларини яхши билмайдиган даражага

тушиб қолдилар. Илмий-техника ва тиббиёт зиёлилари, маъмурий идораларнинг раҳбар ходимлари кўпинча ўз она тилларида муомала қилишга қийналадиган бўлиб қолдилар, расмий ҳужжатлар фақат рус тилида юритиладиган бўлиб қолди. Натижада ўзбек тилига нисбатан эътиборсизлик, ҳурматсизлик кучайиб борди, бу ҳолат жамоатчилик норозилигига олиб келди, миллатлараро муносабатларни кескинлаштириди.

Марказнинг нотўғри юритган маъмурий-буйруқбозлик сиёсати ва ўзбошимчалиги туфайли ишлаб чиқарувчи кучларни ривожлантириш ва жойлаштиришдаги нуқсонлар ниҳоятда тант экологик вазиятни вужудга келтирди. Орол денгизи атрофида содир бўлаётган ҳалокатли аҳвол ҳам шундан далолат беради. Аҳолини ичимлик суви билан таъминлаш жуда қийинлашди. Экологияга эътиборсизлик сўнгти йилларда касалликларнинг кўпайиши ва бошқа салбий оқибатларга олиб келди.

Ижтимоий-иқтисодий ва давлатга оид ҳуқуқий муаммолар, экологик ва демографик муаммолар, тил ва маданиятни ривожлантириш, миллий анъаналарни асрар қолиш муаммолари бир-бири билан чирмашиб чиғал тугун ҳосил қилди.

Миллатлараро муносабатларда мавжуд бўлган жараёнларни таҳлил қилиш натижасида шу нарса яққол кўринидики, иқтисодий ва ижтимоий зиддиятлар орасида аҳолининг турмуш тарзи билан боғлиқ бўлган масалалар муҳим ўрин тутади. Тарих фани олдида ана шу жараённи илмий нуқтаи назардан тарихий ҳужжат ва маълумотлар асосида жамиятнинг шу қунги талаб-эҳтиёжларини тўлиқ қондира оладиган ва келажак учун зарур хulosалар ва кўрсатмаларни ишлаб чиқиш вазифаси турибди. Эндиғи вазифа ушбу ўрганилаётган давр тарихи юзасидан чиқарилган хulosаларга асосланган ҳолда келгуси авлод, унинг порлоқ келажаги учун ниҳоятда муҳим бўлган устивор тавсияларни ишлаб чиқицдан иборатdir.

Ўзбекистонда ҳуқуқий демократик ва ижтимоий адолатли жамиятга ўтиш даври муаммоси, янгиланиш ва иқтисодий ислоҳотлар ўtkазиш жараёни тоталитар тузум емирилиши, иттифоқ парчаланиши, самарасиз хўжалик юритиш механизми алоқаларининг узилиши сабабли вужудга келган ниҳоятда мураккаб шароитда амалга оширилмоқда. Шунинг учун ҳам ўтиш даврида иқтисодий ўзгартиришларнинг ташаббускори ва бош

ислоҳотчиси, аҳолининг манфаатларини ҳимоя қиладиган, ижтимоий-сиёсий барқарорлик ва миллатлараро тутувликнинг кафолати давлат эканлигини таъкидлаган ҳолда унинг иқтисодиёт билан муносабатларида янги, самарали алоқа шаклларини ишлаб чиқиши, ўзига хос бўлган хусусиятлар ва шарт-шароитларни чуқур таҳлил этиб, тўғри йўналиш белгилаш тарих фани олдига муҳим вазифаларни қўймоқда. Зеро, шу фангина (бошқа фанлар билан ҳамкорликда) бу масалаларни тадқиқ этиши, назарий жиҳатдан таъминлаши ва унинг илмий асосларини ишлаб чиқиши мумкин.

Ижтимоий-иқтисодий муаммоларни ҳал этиш Ўзбекистоннинг ўз давлат мустақиллигига эришган ҳамда шу билан бирга чинакам иқтисодий мустақилликни таъминлаш учун ҳаракат қилинаётган ҳозирги шароитда жуда муҳимдир. «Шу жиҳатдан, — деб таъкидлади И. А. Каримов, — ҳалқ ҳўжалигининг асосан ҳом ашё этиширишга йўналтирилганлигини бартараф этиш ва шу сабабли иқтисодиёт тузилмалари ҳаддан ташқари бир томонлама ривожланганлигига, собиқ марказ ўтқазиб келган яккаҳокимлик сиёсатининг натижаси бўлмиш қарамликка, яъни технология ва ресурс жиҳатидан бошқа республикаларга қарам бўлиб қолишга барҳам бериш ҳал қилувчи аҳамият касб этмоқда»¹.

Миллий бойликтининг кўпайишини, республиканинг мустақиллигини, аҳолининг муносиб турмуш ва иш шароитини таъминлайдиган қурратли, барқарор ва жўшқин ривожланиб борувчи иқтисодиётни барпо этиш — Ўзбекистон ички сиёсатининг ўзагидир. Ўзбекистонни инқизорзли, таназзулли вазиятдан олиб чиқиш иқтисодиётни чуқур ва ҳар томонлама тадқиқ этишни талаб қилмоқда. Бу ниҳоятда мураккаб, масъулиятли жараёндир. Зеро, иқтисодий вазиятни чуқур таҳлил қилмай, ҳозирги танглик ҳолатга олиб келган бир қанча муҳим зиддиятлар сабабларини, ҳўжалик тизимидағи қатъиян воз кечиши лозим бўлган иллатларни аниқламай туриб жамиятнинг сифат жиҳатдан янги ҳолатига ўтиб бўлмайди.

¹ Каримов И. А. Ўзбекистоннинг ўз истиқлол ва тараққиёт йўли, 14-бет.

МИЛЛАТЛАРАРО МУНОСАБАТЛАРНИНГ ИҚТИСОДИЙ АСОСЛАРИ

Яқин ўтмишда жамиятимиз тараққиётидаги жараёнларни ўрганиш қонуниятли асосда танглик ҳолатига олиб келган бир қанча муҳим зиддиятларни етарлича аниқ белгилаб олиш имконини беради. Ана шу зиддиятлар негизида эса ишлаб чиқарувчи кучлар ривожланиш даражасининг мавжуд ишлаб чиқариш муносабатлари характерига номувоғиқлиги ётадики, бу вақт ўтиши билан тобора чуқурлашиб борди. Биз ҳозир турғунлик даври деб атаётган, узоқни кўзлай олмайдиган, ўта марказлаштирилган маъмурий-буйруқбозлик, яккаҳокимлик тизими сиёсати хукмонлик қилган даврда «бир неча ўн йиллар давомида республикада сцена-рийси узоқ марказда тўқилган қарорлар амалга оширилди, «компаниялар» ўтказилди. Ўзбекистоннинг чинакам манфаатлари, ўзига хос шароити ва имкониятлари писанд қилинмади. Натижада ҳалқ хўжалигининг нуқсонли, бир томонлама хом ашё тузилмаси шаклланди¹. Бу даврда иқтисодиёт жўшқинлигини тобора кўпроқ йўқота борди ва амалда сарф-харажатларга зўр берилди. Устига-устак, 70—80-йилларда шундай чуқур жараёнлар кечдики, улар узоққа чўзилган озиқ-овқат танглигига ҳамда ҳалқ истеъмоли моллари тақчилити ортишига олиб келди.

80-йилларнинг ўргаларигача бўлган кўпгина йиллар давомида мамлакатни ривожлантириш муаммолари унинг ҳал қилинишидан кўра тезроқ ўсиб борди. Иқтисодиётга раҳбарликдаги марказлаштириш яккаҳокимликка айланди, у энди ҳеч ким билан ҳисоблашмас эди. Шу билан бирга раҳбарият ўз ролини тўла даражада бажармаётган эди. Ҳатто кенг миқёсли, стратегик аҳамиятга эга бўлган қабул қилинган қарорлар ҳар доим ҳам турмушга жорий этилмасди ёки охиригача етказилмасди. Бу ҳам марказнинг рўй бераётган воқеаларга бўлган таъсирини сусайтиради. Давлат режалари бажарилиши ва обрўсига иқтисодиётни барқарорлаштиришда республикалар манфаатларига пухта ўйламасдан ёндашув, «икир-чикирларгача бўлган ҳамма нарсани қамраб олишга интилиш, режадан ташқари ва кўпинча реал имкониятларни эътиборга олмай қабул қилинадиган тармоқ ва регионал характердаги қарорларнинг кўплиги

¹ Каримов И. А. Ўзбекистоннинг ўз истиқдол ва тараққиёт йўли, 41-бет.

путур етказди»¹. Халқ хўжалиги соҳасидаги барча ишлар партиявий раҳбарлик ва унинг ҳаддан ташқари мафку-ралашибирлганлиги доирасида «юқоридан» бошқарила-диган бўлиб қолганлигидан корхоналар ва ташкилотлар ташаббуси инобатга олинмас ёки унга бутунлай тўсқин-лик қилинар эди. Маҳкамачилик, бюрократизм ва ўрга-ча ҳисобда ёндашув кучайиб бораётган эди, бу эса мил-лий муносабатлар муаммоларидан тортиб ишлаб чиқа-рувчи кучларни жойлаштиришгacha — ҳамма нарсага ўзининг салбий таъсирини кўрсатди.

СССРда ягона халқ хўжалиги мажмуи шаклланган, мамлакат миқёсида ягона бозор, ягона молия ва таъми-нот тизими вужудга келган бир шароитда иттифоқдош республикаларнинг ҳеч қандай мутлақ иқтисодий мус-тақиллиги, уларнинг ўз миллий манфаатларига асос-ланган хўжалик юритиш эркинлеклари бўлиши мумкин эмас эди. Ўзбекистон иқтисодиёти ҳам марказдан бош-қариладиган ягона халқ хўжалиги мажмуининг тарки-бий қисмига айланаб кетган эди.

20-йиллардаёқ СССРни иқтисодий районлаштириш тўла-тўқис асосланган бўлиб, шу асосда яқин вақтга қадар халқ хўжалигини минтақавий режалаштириш 20 та йирик иқтисодий район бўйича амалга оширилиб келинди². Ана шундай районлардан бири Ўрта Осиё иқтисодий райони бўлиб, унинг таркибига тўртта итти-фоқдош республика — Ўзбекистон ССР, Тожикистон ССР, Қирғизистон ССР ва Туркманистон ССР кирган. Мазкур иқтисодий район таркибига кирувчи республи-калар орасида Ўзбекистон энг йирик иқтисодий сало-ҳиятга эга эди. У регион ҳудудининг 1/3 қисмини эгал-лар, аҳолисининг эса 60 фоизи шу республикага тўғри келар эди³. Қишлоқ хўжалиги ва саноат маҳсулоти ҳаж-мининг 2/3 қисми⁴, паҳта хом ашёсининг 72 фоизи, қоракўл ишлаб чиқаришнинг 70 фоиздан зиёди, пилла-нинг 75 фоиздан кўпроги Ўзбекистон зиммасига тушар эди⁵.

¹ «Совет Ўзбекистони», 1987 йил, 29 январь.

² Шамов А. А. Территориальное управление народным хозяйством. М., 1984, 77–78-бетлар.

³ Народное хозяйство СССР в 1975 г., М., Статистика, 1976, 10-бет.

⁴ Народное хозяйство Узбекской ССР в 1977 г. Стат. ежегодник. Ташкент, «Узбекистан», 1978, 21-бет; Проблемы советской экономики. Особенности и проблемы размещения производительных сил СССР в период развитого социализма. М., Наука, 1980, 209–210-бетлар.

⁵ Зайдуллаев С. К. Ўзбекистон экономикасининг регионал проблемалари. Тошкент, «Фан», 1978, 11–12-бетлар; Проблемы Советской экономики. Особенности и проблемы размещения производительных сил, 210-бет.

Ўзбекистон иқтисодий жиҳатдан анча тараққий эт-
ган республикалардан бири сифатида умумиттифоқ
мехнат тақсимотида хўжаликнинг қатор тармоқлари
бўйича салмоқли ўринни тутар эди. Маълумки, у мам-
лакатнинг йирик пахта базасига айланган эди. Тўғри,
ўзининг табиий шароити, аҳолисининг узоқ вақтлардан
бери таркиб топган меҳнат кўнникмаларига кўра пахта-
чиликни ҳар томонлама ривожлантиришда катта қу-
лайликларга эга бўлган республика шунинг учун ҳам
мамлакатда етиштириладиган пахтанинг учдан икки
қисмини бериб келди. Бироқ ҳайбаракаллачилик, ерга
эгасизларча муносабат каби иллатлар республикада
пахта яккаҳокимлигини келтириб чиқарди, экологик
мувозанатнинг бузилишига олиб келди, охир-оқибатда
қашшоқлик пайдо бўлди.

Иттифоқдош республикалар манфаатлари билан
умумиттифоқ манфаатларини тўғри ва одилона қўшиб
олиб бориш миллий муносабатларни уйғулаштиришда
катта аҳамиятга эга эдики, буни инобатга олмаслик
оғир танглиқларга олиб келишини кейинги ўн йиллик-
лар ичida Ўзбекистон шароитида рўй берган вазият
кўрсатиб турибди.

Ишлаб чиқарувчи кучларни жойлаштириш ва улар-
ни ривожлантиришни режалаштириш дастурлари ва ис-
лоҳотларга доир масалалар иттифоқ марказий идоралари
томонидан иқтисодий қонунларга асосланмаган, республика
манфаатларини эътиборга олмаган ҳолда ишлаб чиқилар эди. Бундай режалаштириш иқтисодий
жиҳатдан қутилган натижаларни бермади, атроф-муҳит
соғлигини бузиб юборди, ижтимоий-иқтисодий кес-
кинликни кучайтириб, танглик ҳолатини юзага келтирди.

Ўзбекистон ҳудуди табиий-иқтисодий жиҳатдан ўзи-
га хос бўлиб, у б та — Тошкент, Фарғона, Самарқанд,
Қарши, Бухоро-Қизилқум (таркибига Бухоро ҳамда ян-
ги тузилган Навоий вилояти киради), Қўйи Амударё ва
Сурхондарё иқтисодий районларига бўлинган¹.

Кўрсатилган районлар бўйича ишлаб чиқариш воси-
таларини жойлаштиришдаги илмий асосланмаган йўл
билин олиб борилган идоравий буйруқбозлик, аҳоли-
нинг ижтимоий эҳтиёжларини менсимаслик ҳоллари
халқ хўжалигининг ҳудудий тузилишида катта тафовут-

¹ Зиёдуллаев С. К. Ўзбекистон экономикасининг регионал проблемалари, 15-бет.

ларга олиб келди. Шунинг оқибатида Қорақалпоғистон Республикаси ва вилоятлар иқтисодий имкониятларида катта фарқ ҳосил бўлди. Фарғона водийси билан Қашқадарё вилоятлари кўрсаткичларини ўзаро таққослаб бўлмайди.

Иқтисодий районлар ичида **Тошкент иқтисодий райони** (Тошкент, Сирдарё ва Жиззах вилоятлари) барча кўрсаткичлар бўйича анча олдинда эди. Бу район республика ҳудудининг 9,2 фоизини ташкил қиласди, бу ерда (1984 йил 1 январгача бўлган маълумотларга кўра) Ўзбекистон аҳолисининг 28,9 фоизи яшаган¹. У аҳоли сонининг кўплиги ва кўп миллатлилиги билан республиканинг бошқа иқтисодий районларидан ажраби туради.

Бу иқтисодий районда рангли ва қора металлургия, машинасозлик ва электр энергетикаси, химия ва қурилиш материаллари, сенгил ва озиқ-овқат саноати ривожланган Тошкент, Жиззах, Гулистан, Ангрен, Олмалиқ, Чирчиқ, Бекобод каби катта шаҳарлар бор.

Тошкент вилояти районининг бошқа вилоятлари ичида етакчи ўринни эталлонайди. 80-йилларнинг ўрталарида республикадаги мавжуд 123 та шаҳардан 18 таси шу вилоятга тўғри келар эди². Айни чоғда вилоядаги шаҳарларнинг кўпчилиги республиканинг нисбатан ривож топган шаҳарлари ҳисобланади. Ўзбекистоннинг энг йирик саноат, маданият ва маъмурӣ маркази бўлган Тошкент шаҳри ҳам шу вилоядада жойлашган.

1970 йили мазкур вилоятнинг барча аҳолисидан 39,8 фоизи, 1987 йилда эса 45,3 фоизи шаҳарларда истиқомат қиласди. Бу кўрсаткичлар Ўзбекистон Республикасининг умумий шаҳар аҳолисидан 3 фоиздан ҳам кўпроқдир³.

Тошкент вилоятидаги мавжуд 18 та шаҳарнинг 8 таси 1970 йилдан 80-йилларнинг ўрталаригача бўлган даврда вужудга келди⁴.

Тошкент иқтисодий районида жойлашган Сирдарё ва Жиззах иқтисодий қолоқ вилоятлар қаторига киради, бу вилоятларда саноат паст даражада ривожланган. 1970

¹ Зўёдуллаев С. К. Ўзбекистон экономикасининг регионал проблемалари, 16-бст.

² Народное хозяйство Узбекской ССР в 1987 г. (Стат. ежегодник), — Ташкент, «Ўзбекистон», 1988, 203-бст.

³ Ўша жойда, 201-бст.

⁴ Аҳмедов Э. А. Ўзбекистон шаҳарлари. Тошкент, «Ўзбекистон», 1991, 75-бет.

йили Сирдарё вилоятида барча аҳолининг 29,7 фоизи, 1987 йили эса 33,8 фоизи шаҳарларда яшаган¹.

Жиззах вилояти республикада энг ёш вилоятлардан бўлиб, аҳолисининг асосий қисми қишлоқ жойларда истиқомат қиласр ва асосан пахтачилик билан шуғулланар эди.

Фарғона иқтисодий райони (Фарғона, Андижон ва Наманган вилоятлари) республика ҳудудининг 4, аҳолисининг эса 26,1 фоизини ташкил этади. У пахтачилик (Ўзбекистон пахтасининг 30 фоизини беради) ва пиллачилик (пилланинг 47 фоизини беради) ривожланган бош район, боғдорчилик-узумчилик хўжалиги ривожланган йирик райондир². Асосий саноат турлари: қишлоқ хўжалик хом ашёсини қайта ишлаш (Кўқон, Марғилон, Фарғона, Андижон, Наманган), машинасозлик (Андижон), металремонт, химия (Кўқон, Фарғона), қурилиш материаллари ишлаб чиқариш (Кувасой), нефть қазиш (Андижон ва Фарғона яқинида) ва нефтни қайта ишлаш (Фарғона, Олтиариқ)дан иборатdir.

Ушбу иқтисодий районнинг Фарғона вилояти пахтачилик ва пиллачиликка ихтисослашган. Пахта далалари вилоят барча экин майдонининг 80 фоизини ташкил этарди. Бундай аҳвол вилоятдаги ижтимоий-иктисодий вазиятнинг оғирлашувига сабаб бўлди, танглик ҳолатини вужудга келтириди.

Вилоятдаги барча аҳолининг 33 фоиздан ортиқроғи шаҳарларда яшар эди³. Фарғона вилоятининг тўққизта шаҳри бўлиб, саноати анча тараққий ётган, жумладан, Фарғона энг йирик шаҳарлардан биридир.

Андижон вилояти республикадаги нефть чиқарила-диган муҳим марказлардан биридир. Вилоятда Андижон, Бўстон, Полвонтош, Жанубий Оламушук нефть ва газ конлари бор. Бу ерда айниқса енгил ва озиқ-овқат саноати ривожланган.

Наманган вилоятида ҳам енгил саноат бирмунча ривожланган. Қишлоқ хўжалигининг асосий тармоғи пахтачилик эди. Барча экин майдонларининг 66 фоизидан кўпроғига пахта экилар эди.

Самарқанд — Қарши иқтисодий райони (Самарқанд ва Қашқадарё вилоятлари) республика ҳудудининг 11,8,

¹ Народное хозяйство Узбекской ССР в 1987 г., 200—201-бетлар.

² Зиёдуллаев С. К. Ўзбекистон экономикасининг регионал проблемалари, 17-бет.

³ Народное хозяйство Узбекской ССР в 1987 г., 200—201-бетлар.

аҳолисининг эса 18 фоизини ташкил этган¹. У пахтачилик, узумчилик, пиллачилик ривожланган районdir. Декончилик қишлоқ хўжалиги ялпи маҳсулотининг 75 фоизини берарди. Лалми ерларнинг катта майдонлари Қашқадарё ва Самарқанд вилоятларига тўғри келарди. Кейинги йилларда бу вилоятларда бир қатор сув омборлари қурилиб, ишга туширилган.

Қашқадарё вилояти аҳолисининг 74 фоизга яқини, Самарқанд вилоятининг 70 фоизга яқин аҳолиси қишлоқларда яшаган². Уларнинг асосий қисми қишлоқ хўжалиги билан банд.

Саноатида енгил ва озиқ-овқат, машинасозлик ва металсозлик, химия ва қурилиш материаллари, табиий газ олиш ва уни қайта ишлаш тармоқлари асосий ҳисобланади. Асосий саноат корхоналари районнинг энг катта ва қадимиш шаҳри Самарқанд, Қарши, Шаҳрисабз, Китоб, Муборак каби шаҳарларида тўпланган. Қашқадарёдаги Кўкдумалоқ газ-нефть кони айниқса истиқболлидир.

Республикада ишлаб чиқариладиган электр энергиясининг асосий қисми Тошкент (40,9%) ва Сирдарё (32,2%) вилоятларидан кейин Самарқанд (15,4%) вилоятига тўғри келган³.

Ўзбекистонда термал (иссиқ) сувларнинг конлари Оқтov тоғ олдида (Самарқанд), Зарафшон дарёси бўйларида кўплаб учрайди.

Бухоро — Қизилқум иқтисодий райони (Навоий ва Бухоро вилоятлари) республика ҳудудининг 32, аҳолисининг 10,9 фоизини ташкил этган⁴. Бу ерда табиий газ (Газли), нефть, олтин, полиметалл қазиш, рангли металлургия, химия (Навоий, Зарафшон, Учқудук), қурилиш, енгил ва озиқ-овқат (Бухоро, Когон) каби тармоқлар анча ривожланган. Қишлоқ хўжалиги қоракўлчилик, қисман пахтачилик ва узумчиликдан иборат.

Мазкур район ҳудудининг 95 фоиздан зиёди Қизилқум чўли билан банд бўлиб, бу ердан кейинги йилларда хилма-хил қазилма бойлик конлари аниқланди. Бу эса Навоий — Қизилқум кончилик саноат районининг умумиттироқ ихтисослашувини янада кенгайтирди.

¹ Зиёдуллаев С. К. Ўзбекистон экономикасининг регионал проблемалари, 17-бет.

² Народное хозяйство Узбекской ССР в 1990 году, 15-бет.

³ Тўхлиев Н. Ўзбекистон иқтисодиёти. Тошкент, «Ўқитувчи», 1994, 29-бет.

⁴ Зиёдуллаев С. К. Ўзбекистон экономикасининг регионал проблемалари, 18-бет.

Иқтисодий районнинг Навоий вилояти республика-нинг кенжा вилоятларидандир. У 1982 йили ташкил топган бўлиб, цемент, минерал ўғитлар ва бошқа химиявий маҳсулотлар ишлаб чиқариш бўйича республикада олдинги, электр энергияси ишлаб чиқариш ҳажми бўйича эса учинчи ўринда турар эди. Вилоятдаги Зарафшон ва Учқудуқ шаҳарларида олтин қазиб олувчи корхоналардан тоғ-металлургия комбинати, шунингдек, темир-бетон буюмлари заводи, нон заводи, қатор транспорт ва қурилиш ташкилотлари ишлаб турибди¹.

Бухоро вилоятида эса саноат нисбатан настроқ дара-жада ривожланган эди. 1970 йили мазкур вилоятнинг барча аҳолисидан 27,1 фоизи, 1987 йилда эса 35,9 фоизи шаҳарларда яшар эди. Бу кўрсаткич республикамизнинг умумий шаҳар аҳолисидан 6 фоизга камдир². Вилоядта ҳаммаси бўлиб ўнта шаҳар бор³. Бу шаҳарларни юксалтириш муаммоларини ҳал қилишда ва уларнинг хўжалигини фаол тараққий эттиришда ёнг муҳим масалалардан бири — бу шаҳарларда йирик корхоналар ва бирлашмалар филиалларини ташкил этиши, деб ҳисобланди.

Қуий Амударё иқтисодий райони (Қорақалпоғистон ва Хоразм вилояти) республикамиз ҳудудининг 38, аҳолисининг 11 фоизини ташкил этар эди⁴. Аҳолининг асосий қисми қишлоқ хўжалигида банд бўлган. Бу ерда пиллачилик, чорвачилик, пахта ва шюли етишириш анча жадал ривожланган эди.

Сўнгги йилларда бу ерда энергетика, қурилиш материаллари, енгил ва озиқ-овқат саноати ривожига жиддий аҳамият берилмоқда.

Қорақалпоғистон Республикаси Амударё этаклари соҳилида, республиканинг энг шимолий қисмida жойлашган жаҳондаги пахта етиширувчи ягона ҳудуддир. Қишлоқ хўжалигида пилла, шоличилик ва чорвачилик катта ўрин тутади. Қорақалпоғистонда 1970 йили барча аҳолининг 35,6 фоизи шаҳарларда яшаган бўлса, бу 1987 йили 47,9 фоизга етган. Бу кўрсаткич Ўзбекистондаги умумий шаҳар аҳолисидан 6 фоизга кўп эди⁵. Бу соҳада Қорақалпоғистон Ўзбекистонда биринчи ўринда турарди.

¹ Иномов И. Ўзбекистоннинг янги шаҳарлари. — Тошкент, «Меҳнат», 1991, 49-бет.

² Народное хозяйство Узбекской ССР в 1987 году, 200—201-бетлар.

³ Ўша срда, 203-бет.

⁴ Зиёдуллаев С. К. Ўзбекистон экономикасининг регионал проблемалари, 18-бет.

⁵ Народное хозяйство Узбекской ССР в 1987 году, 200—201-бетлар.

Хоразм вилояти ҳам Оролбўйи миңтақасида жойлашган шимолий воҳадир. Бу ерда 1970 йилда аҳолининг 18,4 фоизи, 1987 йилда эса 29,4 фоизи шаҳарларда яшаган¹. Аҳолининг асосий қисми қишлоқларда яшайди. Уларни иш билан таъминлаш бошқа жойларга қаранганди анча оғирроқ бўлиб, шунинг учун ҳам бу муаммоларни ҳал этиш талаб этилар эди. Бунинг учун биринчи навбатда қишлоқ ёшлиарни ишлаб чиқаришнинг қишлоқ хўжалигидан ташқари соҳаларида ишлашга тайёрлаб ихтисослаштириш, шу билан бирга бу ерда кўплаб янги саноат корхоналарини ҳамда уларнинг филиалларини ташкил қилиш мақсадга мувофиқ эди.

Сурхондарё иқтисодий райони (Сурхондарё вилояти) республика ҳудудининг қарийб 5, аҳолисининг эса 3,7 фоизини ташкил этар эди². 1970 йили аҳолининг 16,0 фоизи, 1987 йилда эса 19,7 фоизи шаҳарларда истиқомат қиласар эди³. Бу вилоят республиканинг энг жанубий қисмida жойлашган бўлиб, қимматбаҳо ингичка толали паҳтачилик, субтропик мевачилик ва сабзавотчиликка ихтисослашган. Бирмунча миқдорда кўмир, газ ва нефть қазиб олинади, енгил ва озиқ-овқат саноати етакчи тармоқлардан ҳисобланади. Бироқ вилоятнинг саноатни янада ривожлантириш учун имкониятлари жуда катта эди. Бу ерда кўплаб маҳсулотларни қайта ишлайдиган корхоналар ва уларнинг филиалларини барпо этиш мумкин, чунки бу ерда ишчи кучи ҳам, хом ашё заҳиралари ҳам етарли эди.

Саноат ва қишлоқ хўжалик корхоналарининг ҳудудий жойлашишини мақсадга мувофиқ тарзда такомиллаштириш мазкур соҳаларнинг бир текисда тарақкий этиши ва самарадорлигининг ортишига олиб келиши керак эди. Афсуски, ҳалқ хўжалигининг барча тармоқлари фаолиятини кучайтиришга, фан-техника тараққиёти ютуқларини ишлаб чиқаришга жорий қилишни тезлаштиришга, мавжуд турли резервларни ишга солишга, режалаштириш ва бошқаришни такомиллаштиришга қаратилган қатор чора-тадбирлар қўрилишига қарамасдан, бошқа республикалар қатори Ўзбекистонда ҳам, ишлаб чиқариш муносабатларининг туб моҳияти ўзгармади, шу боисдан кўзда тутилган натижа — иқтисодиётни жонлантиришга эришилмади.

¹ Народное хозяйство Узбекской ССР в 1987 году, 200—201-бетлар.

² Зиёдуллаев С. К. Ўзбекистон экономикасининг регионал проблемалари, 19-бет.

³ Народное хозяйство Узбекской ССР в 1987 году, 200—201-бетлар.

70-йиллар ва 80-йилларнинг ўрталари гача бўлган даврда республиканинг айрим вилоятларида саноатнинг бирмунча ривожланганинига қарамасдан уларнинг саноат ишлаб чиқаришдаги салмофи пастлигича қолаверди. Бунинг асосий сабабларидан бири, юқорида таъкидланганидек, «иттифоқнинг ихтисослашуви» натижасида ишлаб чиқарувчи кучларни ривожлантириш ва жойлаштиришдаги номутаносиблигидир.

Ўзбекистоннинг айрим вилоятлари ўртасида аҳоли жон бошига саноат маҳсулоти ишлаб чиқариши З барвар фарқ қиласр эди. Республикадаги саноат корхоналари йифиндисининг 50 фоизи Тошкент шаҳрида, шунингдек Тошкент ва Фарғона вилоятларида тўплangan эди¹. Бошқа вилоятлар, жумладан, Қашқадарё, Хоразм, Сурхондарё, Жиззах ва Қорақалпоғистонда гарчи зарур ресурс ва имкониятлар мавжуд бўлса-да, саноат ривожланиши жиҳатидан орқада қолтган эди². Ҳудудларнинг бундай ҳолатини бараварлаштириш ҳамда иш билан банд бўлмаган аҳолини иш билан таъминлашнинг қатъий чораларини кўриш энг муҳим масалалардан бири эди.

Шу боисдан ҳам саноатнинг, айниқса енгил саноатнинг янги корхоналарини биринчи навбатда бу вилоятларда жойлаштириш мақсадга мувофиқ эди. Буни шу нарса ҳам қувватлайдики, анчагина меҳнат ва ҳом ашё ресурсларига эга бўлган бу ҳудудларда, хусусан Қорақалпоғистонда катта қолоқликка йўл қўйилди, бу ерда кенг истеъмол молларини аҳоли жон бошига истеъмол қилиш шундай ҳам юқори бўлмаган ўртacha республика даражасидан икки баравар паст эди³.

70-йиллар бошларида республикамизнинг ўзида тайёрланган маҳсулот билан аҳолининг энг зарур моллар (кийим-кечак, трикотаж, пойафзал)га бўлган эҳтиёжининг ярмисигина қондирилган бўлса⁴, 80-йиллар охиirlariga қадар ҳам бу соҳадаги силжиш унчалик сезиларли бўлмади. Бу даврга келиб, кийим-кечакларнинг чорак қисми, трикотаж буюмлар ва ип-газламанинг учдан бир қисми, пойафзалнинг деярли ярмиси

¹ Бекметов Э. Ҳалқлар ҳамкорлиги ва иқтисодий алоқалар. Тошкент, «Меҳнат», 1992, 70—71-бетлар.

² Искандаров И. И. Узбекистан в едином народнохозяйственном комплексе Союза ССР//Общественные науки в Узбекистане, 1982, № 12, 66—67-бетлар.

³ Зайдуллаев С. Модний неъматлар ишлаб чиқаришнинг аҳволи ва резервлари//Инсон ва сиёсат, 1991, № 9, 37-бет.

⁴ Юн., Мельникова Д. Некоторые вопросы развития производства предметов и потребления в Узбекистане//Коммунист Узбекистана, 1971, № 1, 25-бет.

четдан келтирилиши ҳисобигагина аҳоли эҳтиёжи қондирилар эди¹.

Ўзбекистонда енгил ва маҳаллий саноатнинг бундай ахволга тушиб қолишига республиканинг хом ашё етиширишга йўналтирилганлиги сабаб бўлди. Бизда иқтисодиётдаги бу хатоликларни ва республиканинг ҳалқ истеъмоли моллари жиҳатидан ҳозирги қарамлигини тутатиш учун барча шароитлар бор. Республикада фақатгина ўз хом ашёмиз ҳисобига аҳоли талабини тӯла қондириш мумкин, бироқ шу пайтга қадар енгил саноатнинг муҳим тармоғи бўлган тўқимачилик соҳаси бу имкониятдан етарли фойдаланмасдан энг орқада қолиб келади. Ҳолбуки, 80-йилларда ҳам Ўзбекистон пахтасининг жуда оз (7–8 фоиз) қисмигина республикада қайта ишланиб, ундан тайёр маҳсулот олинарди. Бу ҳол ижтимоий ишлаб чиқариш самарадорлигининг пасайшига, унга бўлган сарф-харажатлар ортишига ва моддий ҳамда молиявий маблағлар тақчиллигига олиб келди.

70–80-йиллар ўрталаридаги даврда меҳнат ресурсларининг ўсиши асосий ишлаб чиқариш фондларининг ўсишидан тўрт баравардан ҳам ошиб кетди ва 1985 йилга келиб собиқ Иттифоқ меҳнат ресурслари умумий ҳажмининг 6 фоизига эга бўлган Ўзбекистонда умумиттифоқ ишлаб чиқариш фондларининг атиги 3,5 фоизи мавжуд эди.

Республикадаги мавжуд саноат корхоналарининг кўпчилигига технологик асбоб-ускуналар аллақачон эскирган, ишдан чиқсан ва янгилашга муҳтоҷ эди. Шу билан бирга, янги технологик асбоб-ускуналар етарли даражада ташкил этилмаганлигидан ишларнинг 50 фоизи кўлда бажарилар эди². Кўпгина корхоналарда, жумладан Тошкент тўқимачилик комбинати, Минерал ўғитлар корхоналарининг бир нечтасида 40-йилларда, ипакчилик корхоналарида эса 50-йилларда тайёрланган дастгоҳлардан фойдаланилмоқда эди³.

Бунинг устига иш жойларининг етишмаслиги, маҳаллий аҳолидан миллий ишчи ва мутахассис кадрлар тайёрлаш масаласига эътиборсизлик, аҳолининг табиий кўпайиши ва миллий сиёсатдаги нўноқлик, республиканинг кўп миллатлилигини ўтириш каби сунъий йў-

¹ «Совет Ўзбекистони», 1990 йил 5 июнь.

² «Правда Востока», 1985 йил 6 июль.

³ «Коммунист Узбекистана», 1986, 2-сон, 15-бет.

налиш сабабли чет минтақалардан кўплаб кўчиб келувчи аҳоли салмоғининг катталиги туфайли меҳнатга яроқли кишилар сонининг ортиб бориши Ўзбекистонда ишсизлик каби иллатни вужудга келтирди. Натижада кўплаб кишиларни ижтимоий-фойдалари меҳнатга жалб этиш ва улардан оқилона фойдаланиш муаммоси келиб чиқди.

Ўзага келган бундай вазият иқтисодиёт суръатларининг пасайишига олиб келди. Иқтисодий инқироз сабабли тақчиллик ва қашшоқлик қанчалик кучайган сайн, миллатлараро муносабатлар муаммолари ҳам шунчалик ўткирлашаверди.

Ўзбекистонда аҳолининг табиий ўсиши юқори даражада бўлиб, кейинги ўн йилликларда ҳар йили ўрта хисобда 2,5 фоиздан кўпайиб борди. Жумладан, 1970 йили 11,8 млн. аҳоли яшаган бўлса, 1986 йилга келиб, 18,4 млн. кишига етди. Шу жумладан, аҳолининг 1970 йилда 63,4 фоизи, 1986 йилда эса 59,5 фоизи қишлоқда яшаган¹.

Маъмурий-буйруқбозлик тизимининг иттифоқдаги марказлаштириш, барча миллатлар учун ягона бир хилликни тарғиб қилиш сиёсати миллатлараро муносабатлар муаммолари келиб чиқишидаги асосий сабаблардан биридир. Иттифоқдош республикалар халқлари иқтисодий, ижтимоий, этник ва бошقا жиҳатлари билан бир-бирларидан катта фарқ қиласидар. Шу жиҳатдан, анъанавий яшаш жойларига боғланганлик (ўтроқлик)нинг юқори даражадалиги ўзбек халқига хос хусусиятдир. Масалан, иттифоқ аҳолисининг 52,9 фоизи ўтроқ ҳолда яшаса, Ўзбекистон аҳолисининг ўтроқлилиги 77,7 фоизни ташкил этади². Ўзбекистонда туб миллатга хос бўлган бу хусусият ва касбни тез-тез ўзгартирмаслиги натижасида ҳамда аҳоли табиий ўсишининг юқорилиги сабабли қишлоқ жойларда ортиқча ишчи кучи тўпланиб қолаётганлиги кўргина ижтимоий муаммоларни келтириб чиқармоқда эди.

Ишлаб чиқаришни ҳудудий ташкил этиш ва ижтимоий-иктисодий ривожланиш истиқболини белгилашда шаҳарлар, айниқса йирик шаҳарларнинг аҳамияти каттадир. Ўзбекистонда 1970 йили 43 та шаҳар бўлиб, уларнинг сони 1986 йилга келганда 123 тага етди. Ўзбе-

¹ Народное хозяйство Узбекской ССР в 1990 году, 14-бет.

² Население СССР в 1987 г. Статистический сборник (Гос. комстат СССР.) — М.: Финансы и статистика, 1989, 360—361-бетлар.

кистон Қорақалпоғистон Республикаси ва 12 вилоятни ўз ичига олади.

Республика ҳудудида аҳоли, айниқса шаҳар аҳолиси анча нотекис жойлашган, шунга кўра вилоятлар катта-кичиликги, аҳолисининг сони ва зичлиги жиҳатидан бир-биридан катта фарқ қиласди. 1970 йили Тошкент вилоятида (Тошкент шаҳри билан биргаликда) 4 млн. 800 мингдан ортиқ аҳоли яшагани ҳолда Ҳоразм вилоятининг аҳолиси 557 минг кишидан бир оз ортиқ эди, холос¹.

Шаҳарлар сонининг ўсиши ўлкамизда иқтисодий тараққиёт бирмунча сусайган, нисбатан турғунлик ҳолати рўй берадиган бир пайтда анча тезлашди, бунга хом ашёга мўлжалланган янги саноат шаҳарларининг вужудга келганлиги сабаб бўлди. Ижтимоий-иктисодий ривожланишнинг ҳозирги даврида шаҳарларнинг аҳолиси сони бўйича катта-кичиликги муҳим аҳамиятга эгадир. Чунки бу нарса ишлаб чиқарувчи кучларни ривожлантириш ва жойлаштириш, умуман шаҳарнинг ҳар томонлама ривож топишида жуда катта роль ўйнайди. Шу каби хусусиятларга кўра шаҳарлар энг йирик, ўртача ва кичик шаҳарлар гуруҳига бўлинади.

Ўзбекистон саноат комплексида катта ва йирик шаҳарлар муҳим ўринни эгаллаб, ишлаб чиқарувчи кучларни ҳудудий ташкил этишда асосий таянч марказлар ҳисобланади. Аҳолиси 500 мингдан ортиқ бўлган энг йирик шаҳарлар гуруҳига республикамиздан фақат Тошкент шаҳри киради. У аҳолисининг сони жиҳатидан собиқ иттифоқдаги Москва, Ленинград ва Киев шаҳарларидан кейин тўртинчи ўринда турарди. 1970—1980 йиллар ичida аҳоли сонининг ўсиши Москва шаҳрида ўртача 1,35 фоизга, Ленинградда — 1,45 фоизга, Киевда — 2,95 фоизга ва Тошкент шаҳрида — 3,05 фоизга тенг бўлган².

Тошкент шаҳри фан-техника ва ижтимоий тараққиётнинг асосий маркази ҳисобланади. Шунингдек, бу тоифадаги шаҳарларда шахснинг ижодий камолотга етиши, ижтимоий жиҳатдан ҳимояланиши ва ҳар томонлама ривожланиши учун катта имкониятлар мавжуд.

Бироқ иттифоқдаги барча миллионер шаҳарларга, шу жумладан Тошкентга ҳам тааллуқли бўлган жиддий

¹ Народное хозяйство Узбекской ССР в 1984 году, 7-бет.

² Народное хозяйство СССР в 1979 г. Статистический ежегодник. М.: «Статистика», 1980, 18—19-бетлар.

камчиликлар: турли хил саноат корхоналарининг ниҳоят даражада кўп тўпланиши, транспорт тармоқлари нинг кенгайиши ва шу каби сабаблар туфайли шаҳарларнинг экологик ҳолати кескинлашди, шу билан бирга сув ҳамда ҳавонинг ифлосланиши кичик ва ўрта шаҳарларга қараганда тобора ёмонлашиб борди. Бундай шаҳарларда метрополитен ва бошқа муҳандислик иншоотлари қурилишини ривожлантириш кун тартибидаги масала бўлиб қолаверади.

70—80-йилларда саноат корхоналарини жойлаштиришдаги жиддий камчиликлардан бири хом ашё, меҳнат ва бошқа ресурсларни ҳисобга олмасдан маълум бир шаҳарда зўр бериб қўпайтириш бўлди. Масалан, республикадаги ялпи саноат маҳсулотларининг 20 фоиздан кўпроғи Тошкент шаҳрига, 36 фоизга яқини 15 та катта шаҳарлар ҳиссасига тўғри келади¹.

Бу жиҳатдан республиканинг асосий саноат районлари бўлмиш Тошкент вилояти ва Фарғона водийси шаҳарлари айниқса ажralиб туради. Бу районларда республика саноат маҳсулотининг қарийб 64,3 фоизи ишлаб чиқарилиши билан бир вақтда атмосферани булгатидиган шаҳарларнинг қарийб 80 фоизи шу ерларда жойлашган².

Бундан ташқари, турли хил заарли моддалар ҳам атмосфера ҳавосини бузиб юборар эдик, бундай моддаларни тутиб қолиш (яъни заарарсизлантириш)га республикада кам эътибор бериб келинди. Чиқинди манбаларининг фақат 48 фоизигина тозалаш қурилмалари билан жиҳозланган бўлиб³, бунинг оқибатида бир йилда тозалаш иншоотларидан ўтмайдиган 1 млн. тонна зарарли модда ҳавога чиқариб юборилар эди.

Ҳавони турли хил заарли моддалардан ҳоли қилишга мўлжалланган қурилмаларни ўрнатиш режаси сурункали равишда бажарилмай келди. Бунинг устига мавжудларнинг ҳам анчагинаси ишдан чиқиб, бузилган ёки самараси кам эди.

Тўғри, атроф-муҳит муҳофазасини яхшилаш мақсадида кейинги бир неча йил ичida Тошкентда чангтўзон ва турли газларни ушлаб қоладиган 300 га яқин қурилмалар ўрнатилди ёки реконструкция қилинди. Шаҳар экологиясига салбий таъсир кўрсатиб келаётган

¹ Иномов И. Ўзбекистоннинг янги шаҳарлари, 84-бет.

² Бекметов Э. Ҳаққлар ҳамкорлиги ва иқтисодий алоқалар, 84-бет.

³ Шодиметов Ю. Жамият — экология — сиёsat. «Инсон ва сиёsat», 1991, № 6, 52-бет.

қатор саноат корхоналари: консерва ва пахта тозалаш заводлари, гүшт комбинати, асфальт-бетон ва бошқа корхоналар шаҳар доирасидан четга чиқарилди, толь заводи ёпилди. Бироқ бу борада қилиниши лозим бўлган ишлар ҳали кўп. Кўпгина саноат корхоналарида ҳамон экологик жиҳатдан зарарли бўлган технологиядан фойдаланимлақда, эскирган асбоб-ускуналар ҳажми ҳам катта.

Атроф-муҳити кўпроқ бузилган шаҳарлар қаторига Чирчиқ, Олмалиқ, Оҳангарон, Андижон, Кўқон, На-воий, Бухоро, Фарғона каби шаҳарларни киритиш лозим. Булар орасида Олмалиқ ва Фарғона шаҳарлари мамлакатнинг 68 шаҳари киритилган рўйхатдан жой олган. Бу рўйхатга кирган шаҳарлар экологик жиҳатдан мамлакатнинг энг хатарли шаҳарлари ҳисобланади¹.

Атмосферанинг юқори даражада ифлосланиши аксарият ҳолларда химия, қора ҳамда рангли металлургия корхоналари жойлашган шаҳарларга тўғри келади. Шу сабабдан ҳам Ўрта Осиё, хусусан, Ўзбекистоннинг иссиқ иқлими, сув танқислиги ва қолаверса аҳолининг ниҳоятда зич жойлашганлиги туфайли бундай тармоқларни яқин келажакда янги корхоналар қуриш ҳисобиға янада кенгайтириш мақсадга мувофиқ эмас.

Ишлаб чиқарувчи кучларни жойлаштириш ҳамда ишлаб чиқаришни ҳудудий ташкил этишдаги катта нуқсонларни бартараф қилиш учун биринчى навбатда саноат корхоналарини яхши ривожланмаган вилоятларда жойлаштириш мақсадга мувофиқидир.

Шундай қилиб, Ўзбекистон шароитида кичик шаҳар типидаги посёлкаларни, район марказларини жадал ривожлантириш уларни фақат катта ва йирик шаҳарлар ижтимоий-иқтисодий даражасига бирмунча яқинлаштириш заруриятидангина эмас, балки ушбу шаҳарлардаги нокулай экологик вазиятни юмшатиш талабидан ҳам келиб чиқади.

Бошқа республикалардан фарқли ўлароқ, республика мизда сўнгги 15—20 йил ичида кичик шаҳарлар сони ниҳоятда тез кўпайди, яъни 1970 йилдан 1989 йилгача бу ерда 86 аҳоли пункти шаҳар ҳуқуқини олди².

Ўзбекистонда турли саноат тармоқлари ва йирик саноат корхоналарининг вужудга келиши, турли вилоятларда капитал қурилишнинг авж олиши, айниқса

¹ Аҳмедов Э. А. Ўзбекистон шаҳарлари, 186-бет.

² Ўша срда, 41-бет.

янги ерларни ўзлаштириш, у ерларда саноат марказларини вужудга келтириш ва республика замини бағрида яшириниб ётган ер ости бойликларини халқ хўжалигини ривожлантириш мақсадида кенг миқёсда ишга солиш янги шаҳарлар қад кўтаришининг асосий омили бўлди. Ўзбекистондаги мавжуд 124 шаҳарнинг аксарияти, жумладан, Қашқадарё вилоятида Муборак (1974 й.), Газли (1977 й.); Бухоро вилоятида Зарафшон (1972 й.), Учқудуқ (1978 й.); Сурхондарё вилоятида Шарғун (1973 й.); Жиззах вилоятида Маржонбулоқ (1980 й.); Қорақалпоғистон Республикасида Тахиатош (1983 й.) каби шаҳарлар республика ер ости бойликларини ишга солиш туфайли вужудга келди.

Республикадаги бир қанча янги шаҳарлар, жумладан Сирдарё вилоятининг Ширин (1972 й.), Андикон вилоятининг Шаҳриҳон (1970 й.), Жиззах вилоятининг Пахтакор (1977 й.) каби шаҳарларининг ташкил бўлиши ва ривож топишида мамлакатнинг бошқа районларидан олиб келинадиган қазилма бойлик ва маҳаллий минерал ресурслар ижобий роль ўйнади.

Ўзбекистонда аҳолиси 50 мингдан кам бўлган шаҳарлар сони бошқа республикалардагига нисбатан ниҳоятда тез суръатлар билан ўсмоқда эди. Масалан, 1970 йилдан 1987 йилгача бўлган давр ичida СССРда бундай шаҳарлар сони атиги 8 фоизга кўпайган бўлса, Ўзбекистонда қарийб 100 фоизга ортган¹. Бундай шаҳарлар ишлаб чиқарувчи кучларни жойлаштириш ва ҳудудий жойлаштиришда муҳим роль ўйнайди.

Ўзбекистонда барча шаҳарларнинг 80 фоизини кичик шаҳарлар ташкил этади, уларда республика шаҳар аҳолисининг қарийб 20 фоизи истиқомат қиласди. Бундай шаҳарлар саноатни ривожлантириш учун бир қатор афзалликларга эга: уларнинг кўпчилигига бўш ётган ерлар, сув, ортиқча ишчи кучи ва хом ашё заҳиралари ҳамда бошқа шаҳар ҳосил қилувчи омиллар мавжуд. Шунга қарамасдан, республиканинг кичик шаҳарларида саноат яхши ривожланмаган. Айниқса, меваларни қайта ишлаш корхоналари етарли эмас, борлари ҳам эски, камқувват, истеъмолчиларга манзур бўладиган саноат маҳсулотлари жуда кам. Масалан, Андикон вилоятидаги маҳсулотни қайта ишлаш корхоналари атиги 28 фоиз қувват билан ишлаб келмоқда². Чунончи, 80-йил-

¹ Аҳмедов Э. А. Ўзбекистон шаҳарлари, 45—46-бетлар.

² «Ўзбекистон овози», 1994 йил 15 март.

ларнинг ўрталарида саноатда машгул бўлган ходимларнинг 11,6, ялпи саноат маҳсулотининг 28,1, асосий ишлаб чиқариш фондларининг 19,7 фоизи кичик шаҳарлар ҳиссасига тўғри келар эди. Айни вақтда ижтиёмий-иқтисодий имкониятларнинг асосий қисми музассамлашган, сон жиҳатдан унча кўп бўлмаган йирик ва катта шаҳарларда бу кўрсаткичлар тегишлича: 75, 56, 4, 62, 7 фоизни ташкил этар эди¹.

Кичик шаҳарларни ривожлантириш муаммосини ҳал этиш ана шу шаҳарларнинг комплекс ривожланишини, табиий, иқтисодий ва демографик омиллар мажмунини, хом ашё базаси, ёқилғи-энергетика ва меҳнат заҳираларини батафсил ҳисобга олишни назарда тутувчи илмий асосланган ҳолдаги ёндашувни тақозо этади. Тажрибанинг кўрсатишича, бу ерларда йирик корхоналар билан технологик боғланган кичик-кичик филиаллар, айрим ихтисослаштирилган цехлар тарзидаги ихчам корхоналарни жойлаштирган маъқул. Бундай иншоотлар курилиши учун унча кўп маблағ ҳам талаб қилинмайди, лекин айни вақтда кичик шаҳарларнинг иқтисодий юксалишини, уларнинг комплекс ривожланишини таъминлайди.

Кичик шаҳарлarda ишлаб чиқаришнинг кўп меҳнат талаб қиласидиган тармоқларини (электротехника, электрон техника, асбобсозлик), енгил ва озиқ-овқат, шунингдек маҳаллий саноат корхоналарини жойлаштириш иқтисодий жиҳатдан ҳам, ижтиёмий жиҳатдан ҳам мақсадга мувофиқдир. Бундай корхоналар жумласига йигирив-тўкув, пиллакашлик фабрикалари, гилам, пай-поқ-носки фабрикалари, трикотаж, тикувчилик, пой-афзал фабрикалари ва ҳоказолар киради. Озиқ-овқат саноати корхоналари учун қишлоқ хўжалик хом ашёси манбаларига яқинлик мухим аҳамият касб этади.

Кейинги йилларда Ўзбекистонда бир қанча ип-газлама ва шойи газлама, турли хил трикотаж буюмлар ишлаб чиқарадиган йирик корхоналар ишга туширилди. Жумладан, 70-йилларда Урганч, Наманган, Шахрисабз, Уйчи, Гулистон, Кўргонтепа ва бошқа шаҳарларда шойи тўқиши фабрикалари, Кувасой чинни заводи, Хивада гилам комбинати, Жizzахда ип-йигирив фабрикаси қурилиб ишга туширилди.

1976—1980 йилларда эса республикада ҳаммаси бў-

¹ Зиёдуллаев С. К. Ўзбекистон экономикасининг регионал проблемалари, 22-бс).

либ 23 та янги енгил саноат корхонаси қурилди¹. Бироқ шу билан бирга бир қатор корхоналар қурилиши чўзиб юборилган. Масалан, Тошкент «Қизил тонг» ишлаб чиқариш бирлашмаси белгиланган 3 йил ўрнига 5 йилда қуриб битказилди. Жиззахда ип-йигирув фабрикаси қурилиши ҳам 3,5 йилга мўлжалланиб, 1978 йил май ойидаги қуриш бошланган бўлса, 1985 йилга келиб ҳам унинг қурилиши тугалланмаган, бу эса давлатга катта иқтисодий зиён етказди². 1980 йилнинг ўзидағина республика тикувчилик саноати корхоналарининг ўз вақтида қуриб битказилмаганлиги сабабли 8,2 млн. сўмлик тайёр маҳсулот етказиб берилмади³.

Республикада енгил саноат корхоналарининг жойлаштирилиши ҳам бошқа саноат корхоналари сингари режалаштирилмасдан амалга оширилган. Масалан, 80-йилларнинг бошида бутун маҳсулот ҳажмининг 60 фоизини етказиб бериш Тошкент ва Самарқанд шаҳарларига, 27 фоизи Андижон, Бухоро, Наманганд, Кўқон шаҳарларига тўғри келган бўлса, Жиззах ва Термиз шаҳарларида биронта ҳам тикувчилик корхонаси йўқ эди⁴.

Бинобарин, йирик корхоналарнинг филиаллари ва цехларини ташкил этиш республика саноат ва меҳнат ресурсларини бир текис жойлаштириш бўйича йўл қўйилган нотекисликларга анча-мунча зарба бериши турган гап эди. Кўпчилик филиаллар ва цехлар меҳнат ресурслари кўпроқ бўлган Фарғона водийси вилоятларида, Бухоро ва Самарқанд вилоятларида ташкил этилди⁵. Умуман, 70—80-йиллар ўргаларигача республикада саноатнинг халқ истеъмоли моллари етказиб берувчи 130 та филиали ишга туширилди ва уларнинг сони 1986 йилга келиб 350 дан ошиб кетди. Улардан 99 таси енгил саноат корхоналарига тегишилди⁶.

Бундай филиаллар ва цехларнинг Қорақалпоғистон Республикаси, Хоразм, Сурхондарё, Қашқадарё ва Жиззах вилоятларида ҳам кўплаб ташкил этилиши мақсадга мувофиқдир. Чунки бу вилоятларда иш билан банд бўлмаган аҳоли анчагина. 80-йиллар ўргаларида

¹ Народное хозяйство Узбекской ССР в 1975 году, 57-бет.

² Уралов А. Развитой социализм и научно-технический прогресс. Ташкент, «Узбекистан», 1982, 30-бет.

³ Самарходжаева С. М., Сарымсакова Г. В. К проблеме повышения эффективности легкой промышленности Узбекистана//Общественные науки в Узбекистане, 1982, № 10, 14-бет.

⁴ Ўша жойда, 13—14-бетлар.

⁵ Уралов А. Развитой социализм и научно-технический прогресс, 31-бет.

⁶ Бобоҷонова Д. Енгил саноатда фан-техника тараққиёти. Тошкент, «Ўзбекистон», 1986, 8-бет.

республикада бир миллион киши ишсизлигини назарда туцак, бу масалани янада жадаллаштириш зарур эди.

Тарихан қараганда, Ўзбекистон иқтисодиётида ишлаб чиқариш воситаларини ишлаб чиқариш эмас, балки енгил саноатнинг ривожланиши билан боғлиқ ҳолдаги истеъмолчилик воситалари устунлик қилди. Енгил саноатнинг ривожланиши эса ижтимоий тараққиётнинг ривожланиши учун турткى бўла олмади, чунки республикада енгил саноатнинг хом ашёни дастлабки қайта ишлаш соҳасигина ривожлантирилган эди. Бошқа мамлакатларни саноатлаштириш тажрибаси кўрсатадики, айнан енгил саноатнинг ривожланиши кейинчалик ишлаб чиқариш воситаларини ишлаб чиқаришни ривожлантириш учун дастлабки мўл жамғармани таъминлайди. Бироқ, ягона умумиттифоқ иқтисодиёти доирасида бўлган Ўзбекистон шароитида енгил саноатнинг хом ашё етказиб берувчи тармоғининг ривожланиши республика ижтимоий ривожланишини таъминламади. Пахта, пилла, қоракўл тайёрлашни йилдан-йилга ошира борган республика давлат «боқимандаси» даражасига тушиб қолди. Ўзбекистон миллий даромад, меҳнат са-марадорлигини ошириш ва ҳоказолар бўйича ўртacha иттифоқ даражасидан анча ортда қолди. Юзага келган ахволнинг сабабларидан бири пахта ва бошқа хом ашёлардан келадиган даромаднинг улар етиштирилган жойдан эмас, қайта ишланиб, тайёр маҳсулот ҳолига келтирилган жойдан олиниши эди.

20-йиллар охирида юзага келган иттифоқ меҳнат тақсимоти тизимиға кўра, республика етиштирган пахтанинг 92 фоизи ундан ташқарида қайта ишланиб келинди. Агар, масалан, пахта Белоруссияда қайта ишланса, демак, даромадни Белоруссия олади, агар Россия қайта ишласа, даромадни у олади¹. Бу асосий оғир меҳнатни қиласидиган, бунинг эвазига озгина иш ҳақи оладиган дәхқон учун ўтакетган адолатсизлик эди.

Сўнгги 30 йилда республикамида саноат ишлаб чиқариши пахта тозалаш, химия саноати, қора ва рангли металтургия хом ашё ва заҳиралари тармоқлари ҳисобига таъминланди. Натижада уларнинг ҳиссаси 60—65 фоиз кўтарилигани ҳолда машинасозлик ва металлни қайта ишлашнинг энг замонавий тармоқлари салмоғи фақат 2 фоизни ташкил этди. Аслини олганда респуб-

¹ Аминова Р. Қайта қурил шароитида Ўзбекистонда социал ривожланишнинг долзарб муаммолари. Тошкент, «Фан», 1991, 15—16-бетлар.

ликамиз, яъни халқимиз кулфатларининг дебочаси шунда. Амалда иттифоқ жамғармасига йил сайн 9 миллиард сўмга яқин соғ фойда келтириб турган Ўзбекистон субвенция деб аталувчи йўл билан 3,1 миллиард сўм оларди. Шундай экан, бу қарздорликми, ёки аксинчами?!¹

Ўзбекистонда кўпроқ қишлоқ хўжалиги билан боғлиқ бўйган 100 дан ортиқ саноат тармоқлари мавжуд. Бу тармоқларда ишлаб чиқарилган электр двигателларининг 95 фоизи, экскаваторларнинг ва кучли ток электр двигателларининг 90 фоиздан ортиғи, насосларнинг 70 фоизи, тракторларнинг 54 фоизи ва бошқа турдаги саноат маҳсулотлари бошқа республикаларга етказиб берилар эди². Ўз навбатида, Ўзбекистон улардан турли туман маҳсулотлар, жумладан, дон, гўшт, қанд-шакар, нефть ва нефть маҳсулотлари, тахта, ёғоч, автомобиллар, турли хил асбоб-ускуналар, халқ истеъмоли молларини олар эди. Истеъмол буюмлари ва озиқ-овқат бозор фонdlарининг ярми мамлакатнинг бошқа минтақадаридан ва импорт йўли билан таъминланиб келинди. Ўзбекистонга олиб келинаётган ва ташиб кетилаётган ресурсларни ҳисобга олганда, буларнинг камомади 35 фоизни ташкил этарди.

Ҳисоб-китобларга қараганда, республика аҳолисининг қондирилмаётган талаби 8—9 миллиард сўмни ташкил этарди ва у ҳар йили 600—800 млн. сўмга ўсмоқда эди³.

70—80-йилларда Ўзбекистонда шундай ҳолат юзага келиб қолдикি, барча иқтисодий ва ижтимоий кўрсаткичлар бўйича иттифоқдаги ўртacha даражадан анча орқада бўлиб, мамлакатда охирги ўринлардан бирини эгаллаган эди. Бунинг устига ушбу салбий ҳолат демографик вазият таъсири остида тобора қучайиб борди.

Бу барча зиддиятлар 80-йилларда, яъни мамлакат олдинга қилинаётган ҳаракат суръатларини айниқса сезиларли равишда йўқота бошлаган пайтда кучайиб кетди. Зотан, миллий даромаднинг ўсиш суръатлари 70-йиллар бошидаги 41 фоиздан 80-йиллар бошида 17 фоизга тушиб қолди⁴.

¹ Қодиров А. К. Минтақа хўжалик ҳисоби ва иқтисодий мустақиллик. Тошкент, «Ўзбекистон», 1992, 71—72-бетлар.

² Ахборот материаллари (Лекторга ёрдам). Тошкент, «Билим» жамияти, 1989, 2-бет.

³ «Совет Ўзбекистони», 1990 йил 31 октябрь.

⁴ Очилов Ш. Ижтимоий ўзини ўзи бошқариш: тажриба ва муаммолар. Тошкент, «Ўзбекистон», 1990, 57-бет.

Агар мамлакат бўйлаб иқтисодиёт инқирозолди ҳолатида бўлган бўлса, Ўзбекистонда турғунлик ҳолати айниқса ўткир намоён бўлди. Бу нарса республиkanи ҳақиқий инқироз чегарасига олиб келиб қўйди. Жумладан, ялпи ижтимоий маҳсулотнинг йиллик ўргача ўсиш суръатлари 1971—1975 йилларда 7,2 фоизни¹, 1976—1980 йилларда 5,7 фоизни, 1981—1985 йилларда 3,4 фоизни, ундан кейинги йилларда эса фақат 2,2 фоизни ташкил этди².

Миллий даромаднинг ўсиш суръатлари юқоридагига мувофиқ равишда 6,8 фоиздан³ 5,7 ва 3,0 фоизга,⁴ ижтимоий меҳнат унумдорлиги 3,8 фоиздан⁵ 2,7 ва 0,4 фоизга пасайди. Меҳнат унумдорлигининг кейинги йилларда амалда пасайиши 0,7 фоиз бўлди⁶.

Бунда ишлаб чиқарувчи кучларни ҳудудий жойлаштиришда йўл қўйилган хатолар, республика ҳалқ ҳўжалигини комплекс ривожлантириш механизмининг йўқлиги, иттифоқ вазирликлари ва идораларининг империячилик ҳукмронлиги ўзининг катта таъсирини кўрсатди.

Меҳнат унумдорлигини ошириш ҳисобига миллий даромад ўсишини таъминлашдек ғоят муҳим стратегик вазифа бажарилмади. Республика моддий ишлаб чиқариш соҳасида ходимлар миқдори қисқармади, бир қатор тармоқларда эса қўпайиб борди. Миллий даромадда ўсиш суръатларининг паст бўлиши эса, ўз навбатида, ялпи ижтимоий маҳсулотни кенгайтирилган такрор ишлаб чиқаришнинг имкониятларини, бинобарин, кишилар фаровонлигини оширишни ҳам чеклади.

80-йилларнинг ўрталарига келиб, Ўзбекистон ҳалқ ҳўжалиги барча тармоқлари асосий ишлаб чиқарувчи фонdlарининг ўсиши 1980 йилга қиёслаганда 61 фоизни, ялпи ижтимоий маҳсулот ва ҳосил қилинган миллий даромад эса — тегишли равиша 20—26 фоизни ташкил этди⁷. Республика ҳалқ ҳўжалигига асосий ишлаб чиқариш фонdlари шу давр ичida ижтимоий ишлаб чиқариш самараదорлигидан 2 баравардан ҳам ортиб кетди. Капитал маблағларнинг асосий қисми кўп сонли қурилишларга сарфланди. Янги ишлаб чиқариш воси-

¹ Народное хозяйство Узбекской ССР в 1987 году, 11-бет.

² Народное хозяйство Узбекской ССР в 1990 году, 8-бет.

³ Народное хозяйство Узбекской ССР в 1987 году, 11-бет.

⁴ Народное хозяйство Узбекской ССР в 1990 году, 8-бет.

⁵ Народное хозяйство Узбекской ССР в 1987 году, 11-бет.

⁶ Народное хозяйство Узбекской ССР в 1990 году, 8-бет.

⁷ Тўхслиев Н. Иқтисодиётни интенсив ривожлантириш йўлига ўтказишни жадаллаштирайлик//Ўзбекистон коммунисти, 1990, № 6, 11-бет.

таларини барпо этишга кетадиган сарф-харажатлар кўпинча кутилган иқтисодий самарани бермади.

Меҳнат унумдорлиги даражаси бўйича Ўзбекистон мамлакатда энг қолоқ республикалар қаторига тушиб қолди. Масалан, биргина Белоруссияда 1970—1986 йиллар ичida Ўзбекистонга нисбатан ижтимоий меҳнат унумдорлиги 3,5 марта ортиқ эди¹. Юқорида таъкидланганидек, 60-йиллар ўрталаридан бошлаб 80-йиллар охиригача бу кўрсаткичнинг ўсиш суръатлари пасайиб борди. 1986—1988 йиллардагина меҳнат унумдорлигининг пасайиши ҳисобига республикада бир ярим миллиард сўмликдан кўпроқ миллий даромад олинмади, ҳосил қилинган миллий даромаднинг меҳнат сарфи эса умуман мамлакат бўйича кўрсаткичдан 1,5 баравар юқори бўлди².

Шу йиллардан фан-техника тараққиёти республикамиз саноатида меҳнат унумдорлигининг фақат 35—40 фоизга ошишини таъминлади, қатор иттифоқдош республикаларда эса 70 фоиздан кам бўлмади³. Бунинг сабаби шундаки, ҳар йили барча саноат корхоналарининг ярмиси умуман янги техника ва технологияни жорий этмади.

Ижтимоий сиёсат ҳам асоссиз бўлиб чиқди: ногиронлар ва пенсионерларнинг жуда қийин аҳволи, «бепул» тиббиётнинг жўнлиги, хотин-қизлар зиммасига юклangan foят катта юк, кўп болали оиласларни қўллаб-куvvatlashnинг мутлақо етарли эмаслиги шулар жумласидандир. «Капитализм иллатлари» деб ҳисоблаш одат бўлган хизматдаги суиистеъмолликлар, пораҳўрлик, ич-килиkbозлик каби ижтимоий иллатлар социализмга хос бўлиб чиқди⁴.

Биз кўриб чиқаётган ва ундан кейинги бир неча йил мобайнида ҳам республика 9 миллион аҳолисининг оладиган маоши 75 сўмдан кам, ногиронлар, қариялар, ёш болалар, қисқа қилиб айтганда, объектив сабабларга кўра ўзини ўзи боқолмайдиган, жон бошига 50 сўмдан кам даромад олаётганлар сони 5 мил-

¹ Абдураҳмонов А. Миллатларро муносабатларнинг муаммоларига оид// Ўзбекистонда ижтимоий фанлар, 1990, № 7, 14-бет.

² Тўхлиев Н. Иқтисодиётни интенсив ривожлантириш йўлига ўтказишни жадаллаштирайлик, 11-бет.

³ Тўхлиев Н. Ўзбекистон иқтисодиёти: саволлар ва жавоблар. Тошкент, «Ўзбекистон», 1991, 55-бет.

⁴ Очилов Ш. Ижтимоий ўзини ўзи бошқариш: тажриба ва муаммолар, 57-бет.

⁵ «Совет Ўзбекистони», 1990 йил 31 октябрь.

лиондан кўп⁵, яъни республика аҳолисининг деярли 50 фоизи яшаш учун зарур бўлган энг кам миқдордаги (81 сўм) дан камроқ даромад билан кун кечириб келмоқда эдилар.

Мана шу йиллар айниқса асосий қисми қишлоқ жойларда яшайдиган туб ерли аҳоли турмуш даражаси ҳамда кайфиятига, миллатлараро муносабатларга салбий таъсир кўрсатди. Шу сабабли пахта яккаҳокимлигига барҳам бериш, пахта толаси харид нархларини ошириш, бошқа республикалардаги ҳом ашёни қайта ишловчи корхоналар фойдасидан Ўзбекистон бюджетига чегириклар ажратиш, томорқаларни кенгайтириш, иш билан банд бўлмаган аҳолини ишга жойлаштириш ва бошқалар борасида амалга оширилган чоралар ижтимоий-иқтисодий ва сиёсий вазиятни барқарорлаштириш, ижтимоий кескинликни пасайтириш учун жиддий аҳамиятга эга бўлиб, бу билан турли миллатлар ўртасидаги муносабатларни уйғунлаштириш муаммоларини ҳал этишга имкон беради.

Республикамида ижтимоий истеъмол фонди ҳисобидан бериладиган тўлов ва имтиёзларнинг умуман ўйнолар мамлакатидаги ўртacha даражадан анча пастлиги ҳам аҳволнинг кескинлигини янада чукурлаштирмаслиги мумкин эмас эди. Чунончи, агар 1970 йилда улар СССРда яшовчи ҳар бир киши учун 263 сўмни¹, 1980 йилда — 441 сўмни, 1986 йилда — 547 сўмни² ташкил қилган бўлса, Ўзбекистонда 1970 йилда — 191 сўмни, 1980 йилда — 310 сўмни, 1986 йилда эса 365 сўмни³ ташкил этди.

Ижтимоий инфраструктура тармоқлари: соғлиқни сақлаш, ҳалқ таълими, мактабгача болалар муассасалари жуда оғир аҳволга тушиб қолган эди. Мактаб ва касалхоналарнинг 60 фоизи нобоп биноларда жойлаштирилган. Бошқа шу сингари ўткир иқтисодий ва ижтимоий муаммолар кейинги ўн йиллар ичida шунчалик кўп йиғилиб кетдики, инсоннинг ҳар тоғонлама уйғун камол топиши, унинг шахс сифатида маънавий ривожланиши бир ёқда турсин, кўпинча яшаш учун керак бўлган оддий нарсалар ҳам танқис бўлиб қолди.

Ўзбекистон 80-йилларда ижтимоий инфраструктур

¹ СССР в цифрах в 1986 г. М.: Статистика, 1979, 195-бет.

² СССР в цифрах в 1986 г. М.: Финансы и статистика, 1987, 182-бет.

³ Узбекская ССР в цифрах в 1988 году. Ташкент, «Ўзбекистан», 1989, 125-бет.

рани ривожлантиришнинг бир қанча кўрсаткичлари юзасидан мамлакатда энг охирги ўринлардан бирида эди: уй-жой билан ўртача таъминланиши юзасидан иттифоқ ўртача кўрсаткичининг 65 фоизи (иттифоқдош республикалар орасида 12-ўрин), касалхонадаги жойлар юзасидан 82 фоизи (9-ўрин), бир сменада шуғулланиш учун мактаблардаги жойлар юзасидан 72 фоизи (12-ўрин), доимий мактабгача тарбия болалар муассасалари юзасидан 34,5 фоизи (12 ўрин)¹.

Келтирилган маълумотларнинг ўзидан ҳам кўп нарса аён бўлиб турибди. Лекин шуни назарда тутиш керакки, бу ҳисоб-китоб умуман республикада яшовчи ҳар бир кишига мўлжаллаб қилинган. Қишлоқ аҳолиси бўйича ҳисоблаб чиқилган бундай кўрсаткичлар эса яна ҳам паст даражада эди.

Шу муносабат билан миллатлар ва элатларнинг амалда тенгизлигини тугатиш фояси ҳам аниқлик талаб қиласидан эди. Бу шароитда туб иқтисодий ислоҳотни ўтказиш, ишлаб чиқаришни бошқаришнинг сифат жиҳатдан янги тизимини шакллантиришни жадаллаштириш Ўзбекистон учун алоҳида аҳамиятга эга эди. Вужудга келтирилган ва фақат марказдан бўладиган буйруқларга бўйсунадиган улкан давлат мулкига эга бўлган иқтисодий тизим қанчалик самарали бўлиб кўринмасин, құдратли марказлаштирилган давлат мулки бошқарувининг соҳта ниқоби ортида бу мулкнинг ўзи ҳам, уни бошқариш ҳам зарарли эканлиги тобора аниқроқ на-моён бўлаётганлиги; уни тасарруф этиш, ундан самарали фойдаланиш ва уни кўпайтиришга реал инсоний манфаатдорлик йўқлиги тобора аён бўлаётганлиги 70—80-йилларда равшан бўлиб қолган эди. Бундан ташқари, мулкни маъмурий-бюрократик бошқарув қанчалик құдратли бўлиб борган сайн бу мулк бевосита ишлаб чиқарувчилардан шунчалик кўпроқ бегоналашиб борди, бошқарувнинг ўзи эса тобора камроқ самара бера бошлиди, чунки маҳкамачилик ва маҳаллийчилик уни зил кеткизаётган эди².

Умуман олганда, 70—80-йиллардаги миллатлараро муносабатлардаги вазиятга мураккаб деб баҳо беришдан ўзга илож йўқ. Бу борада ҳал бўлмаган масалалар бирин-кетин ўзини намоён этди. Ижтимоий-иқтисодий

¹ Очилов Ш. Ижтимоий ўзини ўзи бошқариш: тажриба ва муаммолар, 58-бет.

² Ўша срда, 58—59-бетлар.

ва давлатга оид ҳуқуқий муаммолар, экологик ва демографик муаммолар, тил ва маданиятни ривожлантириш, миллий анъаналарни асраб қолиши муаммолари бир-бири билан чирмашиб чигал тутун ҳосил қилди. Бу муаммоларнинг ҳар бирига жуда катта эътибор бериш лозим эди. Ҳар бирининг ортида тирик одамлар, бутун-бутун миллатларнинг тақдирни туар эди¹.

Марказий ва маҳаллий идоралар хўжалик масалаларини ҳал қилганда уларнинг ижтимоий-сиёсий, мафкуравий, экологик оқибатларининг ҳисобга олиниши, умумдавлат манфаатлари миллий республикалар манфаатларини ҳисобга олиши керак ёки аксинча маҳаллий манфаатлар умумжамият манфаатларига қарши қилиб қўйилмаслиги керак эди. Бироқ, ҳамма вақт ҳам бу нарсаларга аҳамият берилмади.

Марказнинг йўналтирилган сиёсати туфайли мана шу йилларда мамлакатда, республикалар хўжалигида муайян хатоликларга йўл қўйилди. Ягона иқтисодий мажмуига уларнинг қўшаётган ҳиссалари борган сари нақд иқтисодий ва миллий потенциалга мос келмай қолди.

Республикамизнинг шу қадар катта бойликларга, ишлаб чиқариш ва фан-техника имкониятларига, қулай табиий шароитга эга бўла туриб, асосий иқтисодий ва ижтимоий кўрсаткичлар бўйича мамлакатда энг охирги — ҳақли равишда тангли ҳолат деб аталган аҳволга тушиб қолиши ўз-ўзидан вужудга келган эмас, бунинг туб илдизлари мавжуддир. Бир неча ўн йиллар илгари иқтисодиёста раҳбарлик қилишининг маъмуриятчилик, буйруқбозлик усуслари устун бошлагач, Ўзбекистонни унинг ишлаб чиқарувчи кучларини ривожлантиришга яроқсиз ёндашувлар тобора кенг қарор топа борди. Аввало, бу иллатлар шунда намоён бўлдикси, Ўзбекистон арzon хом ашё ва стратегик минерал ресурслар етказиб берувчи, тайёр маҳсулот сотиладиган қулай бозорга айланисиб қолаверди, яъни республика хом ашё базаси, саноат вазирликлари ва идораларининг мўмай хом ашё манбай бўлиб келди. Ўлканинг маҳаллий ижтимоий-иктисодий хусусиятларига баъзан етарлича, баъзан мутлақо эътибор берилмади, баъзан эса бу хусусиятлар писанд қилинмади. Иқтисодий ва ижтимоий соҳани комплекс, жадал ривожлантиришнинг, умумиттифоқ меҳнат тақ-

¹ «Совет Ўзбекистони», 1989 йил 21 сентябрь.

симотида Ўзбекистоннинг мавқеи ва ўрнини ўзгартиришнинг муқобил йўллари эътиборга олинмади.

Республикамизнинг кўп йиллар давомида умумиттифоқ меҳнат тақсимотида олдинги ўринлардан бирида турганлиги, кўпгина кўрсаткичлар бўйича олдинги мараларга силжиганлиги катта манбалардан туриб, китобларда, диссертацияларда, рапортларда ва маълумотномаларда кўп мартараб тақрор ва тақрор айтиб келинди. Республикада 1500 йирик ишлаб чиқариш бирлашма ва корхоналари ишлаб турганлиги, тўнтаришдан аввал бир йил давомида ҳосил қилинган миқдордаги электр энергияси ҳозир ҳар тўрт кунда ишлаб чиқарилаётгани ҳақида ҳамиша фахрланиб гапириб келинди. Чиндан ҳам республикада азалдан мақтанишга арзигулик барча нарса: табиий бойликлар, унумдор ер, қудратли иқтисодий ва илмий-техникавий, инсоний ва маънавий салоҳият мавжуддир.

Республика қудратли агросаноат комплексига эга бўлиб, асосан сувориладиган деҳқончилик ерларидан иборатdir. Унинг тармоқларида ижтимоий маҳсулотнинг қарийб ярми етиштирилади. Аҳолининг халқ хўжалигига банд бўлған қисмининг ярмидан зиёдори, республика ишлаб чиқариш асосий фондларининг учдан бир қисми мана шу соҳа тармоқларига тўғри келади. Ўзбекистон пахта етиштириш бўйича дунёда энг йирик ўлкалардан бири бўлиб, иттифоқда етиштириладиган пахтанинг 60 фоизи унинг ҳиссасига тўғри келар эди¹. Республика пахта толаси ишлаб чиқариш бўйича жаҳонда бешинчи ўринда ва уни экспорт қилишда иккинчи ўринда туради².

Ўзбекистон умумиттифоқ меҳнат тақсимотида пилланинг 60, канопнинг 100, қоракўл терининг 40, шолининг 16 фоизини, сабзавот, мева ва узумнинг асосий қисмини етказиб берадиган ўлка бўлиб келди³.

Республика Ўрта Осиёдаги бошқа республикалар ичida қишлоқ хўжалигининг кўп тармоқлилиги билан бир қаторда кенг тармоқли саноати билан ҳам ажralиб туради. Саноатда ҳозирги замоннинг бир қатор энг мухим тармоқлари барпо этилган ва ишлаб турибди. Ўзбекистоннинг иқтисодий салоҳиятида оғир саноат-

¹ Зиёдуллаев С. К. Ўзбекистон экономикасининг регионал проблемалари, 12-бет.

² Каримов И. А. Ўзбекистон — бозор муносабатларига ўтишнинг ўзига хос йўли, 38-бет.

³ Социально-экономическое развитие Узбекистана за годы Советской власти. — Ташкент, «Ўзбекистон», 1984, 153-бет.

нинг ҳиссаси салмоқли ўрин тутади. Унинг ярмидан зиёдини транспорт, электротехника, тўқимачилик ҳамда қишлоқ хўжалик машинасозлиги, химия ва тоғ-кон саноати тармоқлари ташкил этади. Шунингдек, асбобсозлик, электрон саноати, мураккаб майний техника ишлаб чиқариш соҳалари, қишлоқ хўжалик маҳсулотларини ҳамда минерал ҳом ашёни қайта ишлаш саноати, енгил ва озиқ-овқат саноати ҳам кенг миқёсда ривожланган¹.

Иқтисодиётимиз бир ёқдама тарзда, урҳо-урларча ҳом ашё этиштирадиган ҳолга тушиб қолганини ва комплекс ривожланиши йўлига, аҳоли эҳтиёжларини қондиришга ўтказилмаганлигини, саноат, илмий-техникавий имкониятларнинг катта қисми тўғридан-тўғри кераксиз қурилишларга ва мудофаа мақсадларига йўналтирилганлигини қайд этишга тўғри келади. Саноатда тайёр маҳсулотнинг улуши бор-йўғи 50 фоиздан ортмас эди. Қишлоқ хўжалик маҳсулотининг 80 фоиздан кўпроғи², жумладан, пахтанинг асосий қисми мутлақо ишлатилмасдан республикадан ташқарига ташиб кетиларди. Корхоналарнинг кўпчилиги маҳсулотни республика ички бозори учун эмас, балки ташиб кетиш учун такрор ишлаб чиқарарди. Республикадан олиб кетилган маҳсулотнинг учдан икки қисми ҳом ашё, материаллар ва чала тайёр маҳсулотлар эканлигининг ўзи ижтимоий ишлаб чиқариш тузилишидаги чуқур номутаносибликлардан дарак беради. Бунинг устига ҳатто ташиб кетилаётган ҳом ашёнинг нима, қанча ҳажмда, кимларга ва қандай нархда эканлигини билиш ҳам ман этилиб, қаттиқ сир сақланарди. Республика улкан табиий бойликларидан фойдаланилгани ҳолда даромадлар унинг худудидан анча олисда — Россия, Украина ва Болтиқбўйи республикаларида қолиб кетарди. Ўзбекистон эса ўзининг мамлакат ва ҳалқ олдидағи «байналмилалчилик» бурчини адо этиш билан кифояланиб қолаверарди.

Тарих ҳам ҳом ашё етказиб берадиган аграр мамлакатлар ҳеч қаҷон бой бўлмаганлигини кўрсатмоқда. Демак, агар биз маданийлашган иқтисодиётни яратмоқчи ва шу асосда аҳоли турмуш даражасини кўтармоқчи эканмиз, қишлоқ хўжалик маҳсулотларини ташиш, сақлаш, чуқур қайта ишлаш ва уларни истеъмолчига етказиб бериш тармоқларининг ривожлантирилиши керак-

¹ Ўзбекистон Республикаси: мустақил давлатнинг бунёд бўлиши, 14-бст.

² «Совет Ўзбекистони», 1990 йил 5 июнь.

лиги ўн иккинчи чақириқ Ўзбекистон Республикаси Олий Кенгашининг қатор сессияларида ҳам алоҳида таъкидланди. Бинобарин, бу масала бугунги кунда ҳам энг долзарб ва кўндаланг турган бўлиб, зудлик билан ўз ечимини топиши лозимdir.

Марказнинг ишлаб чиқарувчи кучларни жойлаштириш ва ривожлантириш масалаларини ҳал қилишдаги «юқоридан» бошқариш услуги туфайли республиканинг ўз ичидаги мустақил режалаштиришдаги ўрни барбод бўлди — у фақатгина ижрочига айланиб, хукуқи бутунлай чекланиб қолди. Жойлардаги корхоналар ва ташкилотларнинг ташаббуси ҳамда ижодкорлигига тўсқинлик қилинар, маҳкамачилик кайфияти кучайиб бораётган эди. Жумладан, марказ маъмурӣ идораларининг тор доиравий манфаатларини ўйлаб, уқувизилклари, сохта обрӯ орттириш мақсадида мавжуд имкониятларни ҳисобга олмаганликлари ҳамда кераксиз харажатларни фойдалисиздан фарқлашга қодир эмасликлари умумий ва миллий манфаатларга анча путур етказди. Ерларни мелиорациялаш ишларига 20 йил ичida (1966—1985 йиллар) 130 миллиард сўм сарфлаб, тегишли самара олмади¹. Асосан марказнинг айби билан Орол денгизи ҳавзасида ташвишли ва ҳалокатли мураккаб экологик вазият юзага келди. Ўзбекистонда юзлаб, минглаб гектар ерларнинг мелиоратив аҳволи ёмонлашди, бу озиқ-овқат маҳсулотининг танқислашувига, аҳоли ўртасида турли хил касалликларнинг кўпайишига сабаб бўлди.

80-йилларда республикамиз шундай аҳволга тушиб қолди, бу ерга келтирилаётган нарсаларнинг 60 фоизи машиналар, асбоб-ускуналар, енгил саноат ва озиқ-овқат саноати маҳсулотлари эди. Республикаизда жуда қимматли хом ашё — пахта, нитрон, капролактам ишлаб чиқарилалётган бир пайтда уларни қайта ишлашнинг йўлга қўйилмаганлиги оқибатида ана шу хом ашёдан олинаётган газлама, сунъий тола ва тайёр маҳсулотларни бир неча баравар қимматига четдан келтиришга мажбур бўлиб келинди.

Корхоналар тўғри жойлаштирилганда озгина сарф-харажатлар билан олдин қурилган ёки қурилаётган корхоналарда тайёр маҳсулотлар ишлаб чиқаришни йўлга қўйиш мумкин бўлар эди. Шундагина кейинги йилларда ҳалқ истеъмоли моллари таъминоти билан боғлиқ

¹ «Совет Ўзбекистони», 1989 йил 19 март.

кескинлашиб кетган муаммоларни ҳал этиш мумкин бўлар эди.

70—80-йилларда иқтисодиётни ривожлантиришда хом ашё ва ярим тайёр маҳсулотлар ишлаб чиқарадиган ва четга юборадиган, меҳнатга нисбатан камроқ талаб қиласидиган хом ашё тармоқлари устун деб ҳисобланди. Узбекистондаги саноат корхоналари асосий қисмининг фаолияти ташиб кетишга аниқ йўналтирилган ана шундай маҳсулотларни ишлаб чиқаришга мослаштирилган эди. Республика иқтисодиёти ривожланишига зиён келтирган ҳолда ҳалқ хўжалигининг бутун тизими ҳам, моддий ишлаб чиқариш тармоқлари тузилмаси ҳам худди шу тариқа шакллантирилган бўлиб, бу эса уларни бошқаларга қарам ва боғлиқ қилиб қўйиш мақсади кўзланган марказ сиёсатининг амалга оширилиши эди. Шу йилларда иқтисодиётни комплекс ривожлантириш ҳақида гап-сўзлар ниҳоятда кўп бўлишига қарамасдан, ана шундай тараққиёт йўлига тушиб олишга амалда йўл қўйилмади. Натижада ишлаб чиқаришнинг умумий ҳажмида енгил саноатнинг улуши 1970 йилдаги 40,7 фоиздан¹ 1986 йилда 38,4 фоизга², озиқ-овқат саноатининг улуши 14,6 фоиздан³ 13,5 фоизга⁴ тушиб қолди. Бунинг ўрнига ёқилғи саноати, химия ва нефть химияси, қора ва рангли металлургия, яъни хом ашё тармоқларининг улуши анча кўпайди.

Бундай тармоқларнинг жадал ривожланиши эса меҳнатга лаёқатли аҳолини ишлаб чиқаришга жалб этиш вазифасини ҳал қиласиди ва ҳал қила олмас эди. Чунки 1 миллион сўмлик асосий ишлаб чиқариш фондларига ёқилғи саноати ва энергетикада 9 киши, химия саноатида — 16, нефть химиясида — 18, қора металлургияда — 34, рангли металлургияда — 24 киши жалб этилди. Енгил саноатда эса 1 миллион сўмлик асосий ишлаб чиқариш фондларида 168 киши, ёрочсозлик саноатида — 143, машинасозлиқда — 112, озиқ-овқат саноатида — 90 киши иш билан таъминланди. Шу тармоқларнинг айрим соҳаларида эса меҳнатталаблик кўлами 300—400 кишида ортди. Аммо бу хусусиятлар ҳисобга олинмади⁵.

Саноат маҳсулотининг (1970—1987 йиллар) умумий

¹ Народное хозяйство Узбекской ССР в 1984 году, 51-бет.

² Народное хозяйство Узбекской ССР в 1990 году, 186-бет.

³ Народное хозяйство Узбекской ССР в 1984 году, 51-бет.

⁴ Народное хозяйство Узбекской ССР в 1990 году, 186-бет.

⁵ «Совет Узбекистони», 1990 йил 5 июнь.

ҳажми Ўзбекистонда 262 фоизга ўсган бўлишига қарамасдан бутун фаолияти пахтачилик билан, пахтачилик учун машиналар ишлаб чиқариш билангина чекланган машинасозликни комплекс ривожланган соҳа деб бўлмайди. Тўғри, Ўрта Осиёдаги машинасозлик маҳсулотларининг учдан икки қисмини берадиган Ўзбекистон машинасозлиги саноатида бир оз силжишлар бўлди. Масалан, 1970—1975 йиллар ичida маҳсулот ишлаб чиқариш 2 бараварга ортди¹. Маҳсулот етишириш 1970 йилдагига нисбатан 1980 йилда 272 фоизга, 1986 йилда 395 фоизга ортди². Айни вақтда саноат ишлаб чиқаришида машинасозликнинг салмоғи ана шу йилларда атиги 1 фоизга кўпайди ва 1986 йилда атиги 16,1 фоизни ташкил этди³. Бироқ республикамиз машинасозлигида 280 та корхона, шундан 70 та йирик заводлар⁴, ишлаб туришига қарамасдан, мураккаб рўзгор техникаси, йўл қурилиш машиналари, пластмасса буюмлари, озиқ-овқат жиҳозлари, савдо-сотиқ ва майший хизмат соҳаси учун керакли асбоб-ускуналар ва шу кабилар деярли ишлаб чиқарилмади. Ҳозирга қадар ҳам бу нарсаларнинг кўпи четдан келтирилади.

Ўзбекистон халқ хўжалигининг тармоқ тизими жиддий ўзгаришлар қилишга муҳтож. Ҳом ашёни чуқур қайта ишлаш ва тайёр маҳсулот ишлаб чиқаришга қаратилган йўл қайта ишлаш, енгил ва озиқ-овқат саноати, шунингдек, машинасозлик корхоналарини бунёд этиш ёки кенгайтиришни талаб этади. Ҳолбуки, 70-йилларда республикада юқорида тилга олинган сермеҳнат тармоқлар ўрнига фондталаб тармоқлар — химия, нефть-химия, ёқилғи тармоқлари жадал ривожланди.

Ўзбекистон саноати 70—80-йилларда ҳам аввалгидек, асосан ярим тайёр маҳсулотлар ишлаб чиқарди ёки ҳом ашёни дастлабки қайта ишлашга йўналтирилди ва улар республикадан ташқаридағи шерик корхоналарга юбориб турилди. Халқ истеъмоли тайёр молларининг салмоғи саноат маҳсулоти умумий ҳажмида 25 фоизни ташкил этарди, ваҳоланки, бошқа минтақаларда у 40

¹ Национальные отношения в СССР на современном этапе. — М., Наука, 1979, 51-бет.

² Узбекская ССР в цифрах в 1988 году. Краткий стат. сборник. Ташкент, «Узбекистан», 1989, 49-бет.

³ Народное хозяйство Узбекской ССР в 1984 году, 51-бет.

⁴ Бейринцев Т. Н. Проблемы развития машиностроения Узбекистана в новых условиях хозяйствования // Общественные науки в Узбекистане, 1991, № 2, 8-бет.

фоиздан кам эмас¹. Ўзбекистонда аҳоли жон бошига тўғри келувчи миллий даромаднинг иттифоқдаги ўртача даражадан қарийб 2 баравар пастлиги кўп жиҳатдан шу билан изоҳланади (аникрофи, 1970 йилда 1,6 баравар, 1987 йили эса 1,9 баравар паст даражада эди)². Аҳоли истеъмол эҳтиёжларини қондириш учун республикада нафақат пахтадан, балки жун, пилладан ҳам тайёр маҳсулот ишлаб чиқаришни кескин кўпайтириш мақсадга мувофиқдир.

Химия саноати умумиттифоқ меҳнат тақсимотида Ўрта Осиё республикаларида, жумладан, Ўзбекистонда етакчи тармоқ ҳисобланиб келинди. Бу тармоқда минерал ўғитлар, ўсимликларни ҳимоя қиласиган химиявий моддалар, сунъий аммиак, кир ювиш воситалари ва яна турли хил маҳсулотлар ишлаб чиқарилар эди. 70—80-йилларда унинг ривожланишига жуда катта эътибор берилди. Натижада маҳсулот ҳажми 1970 йилдагига нисбатан 1980 йилда 249 фоизга, 1986 йилда эса 421 фоизга ортди³. Тўғри, бир вақтлар бу муваффақиятлардан фаҳрланиб гапириларди. Бироқ кейинги йилларда химия саноати «ривожи» келтириб чиқарган салбий оқибатлар тўғрисида гапирмасликнинг иложи йўқ, чунки юқорида саналган маҳсулотларни ишлаб чиқариш жараёнида атроф-муҳит ва инсон саломатлиги учун ўта заҳарли моддалар ажralиб чиқади. Кўпгина ривожланган мамлакатлар бундай маҳсулотлар ишлаб чиқарадиган корхоналар қуришдан аллақаҷон воз кечишган, улар бундай корхоналарни ўзга, Осиёнинг бир қатор чекка, қолоқ минтакаларида катта маблағлар эвазига қуришини афзал кўрадилар⁴.

Ўзбекистонда касалликлар маълум даражада чиқиндиларнинг сифат таркиби ва саноат турларига боғлиқдир. Чунончи, рангли металлургия корхоналари чиқиндилари таъсирида юрак қон-томир системаси касалликлари билан оғриш кўпроқ учрайди. Қора металлургия саноати корхоналари чиқиндилари ва энергетика қурилмалари аввало нафас органлари системасига таъсир кўрсатади. Химия ва нефть химияси са-

¹ Тўхлов Н. Иқтисодиётни интенсив ривожлантириш йўлига ўтказишни жадаллаштирайлик, 14-бет.

² Муалиджанов И. Социально-экономическое значение совершенствования территориального перераспределения и размещения трудовых ресурсов в Узбекской ССР (обзор). Ташкент, УзНИИТИ, 1990, 5-бет.

³ Народное хозяйство Узбекской ССР в 1987 году, 50-бет.

⁴ Ҳидоятов Г. Национальный вопрос в СССР, 213-бет.

ноати корхоналари жойлашган районларда аллергик касалликлаф кенг тарқалган¹.

Экологик ноҳушлик ўсиб боришининг асосий сабабларидан бири инсоннинг норационал хўжалик фаолияти ҳисобланади. Республикаизда бу нарса аввало кўпгина тармоқ ва корхоналарни ривожлантириш ҳамда жойлаштиришдаги хатоликлар, қурилишдаги гигант-парастлик, марказнинг амр-фармойиши билан боғлиқ бўлди. Давлат ҳокимияти бошқаруви билан хўжаликни бошқаришнинг чирмашиб кетиши ишлаб чиқариш мақсадларининг бузилишига, табиий заҳираларга нисбатан нуқул истеъмолчилик муносабатларининг кучайшигига, инсонга ва унинг яшащ муҳитига бўлган ётиборнинг сусайишига олиб келди.

Шўролар тузуми ҳукмронлигининг сўнгги ўн йилларида республикада катта-катта химия саноати корхоналари қурилишига катта маблағлар сарфланиб, афзаликлар бериб келинди, улар республикадаги экология вазиятини жуда ёмонлаштириб юборди. «Бу корхоналар, — деб таъкидлади И. А. Каримов ўз маърузасида, — неча ўнлаб аждодларимизнинг меҳнати билан обод қилинган, гуллаб-яшнаб турган воҳаларда жойлаштирилганлиги кишини айниқса fazablanтиради. Бу ўринда гап янги Қўқон химия заводи, Чирчик, Фарғона, Самарқанд ва Навоий химия корхоналари, бошқа кўпгина корхоналар ҳақида боряпти. Бунинг устига мана шундай азим корхоналар ҳам аслида дастлабки қайта ишланган маҳсулотларни — нитрон, ацетат, капролактами ишлаб чиқармоқдаларки, улар ҳам Ўзбекистондан ташқарига юборишга мўлжаллангандир»².

Ўзбекистон ҳудудида жойлашган кўплаб корхоналар бевосита марказнинг юздан ортиқ вазирликлари ва идоралари ихтиёрида бўлиб, амалда республика уларни бошқармас эди. Марказий идоралар охирги вақтларгача ҳамма нарсани ўз кўлларида жамлашга, ушлаб туришга, улар устидан ҳукмронлик қилишга интилди.

Ана шундай шароитда республика бошқарув ташкилотлари, маҳаллий идораларининг улкан табиий бойликлардан оқилона фойдаланиш, ижтимоий ишлаб чиқариш самарадорлигини ошириш юзасидан мустақил қарорлар қабул қилиш имкониятлари чекланган эди.

¹ Абдуллаев О., Тошматов З. Ўзбекистон экологияси: бугун ва эртага. Тошкент, «Фан», 1992, 15-бет.

² «Совет Ўзбекистони», 1990 йил 5 июнь.

Бошқаришнинг маъмурий-буйруқбозлиқ тизими даврида ва турғунлик йилларида ижтимоий мулкчиликнинг турли шакллари ва унга мувофиқ хўжалик юритишнинг хилма-хиллиги бузилди, натижада ҳалқ хўжалигидаги бутун фондларнинг 85 фоизи давлат мулки ҳисобланниб, республикамиз иқтисодиёти ҳам ягона марказдан туриб бошқариладиган бўлди. Ана шу мантиқа амал қилган ҳолда давлат мулки 4 тоифага — умумиттифоқ, иттифоқ-республика, республика ва миллий ҳамда маъмурий-ҳудудий мулкка ажратилди¹.

80-йилларнинг ўрталарига келиб, Ўзбекистонда иттифоқ тасарруфидаги корхоналар умумий корхоналарнинг 31 фоизини ташкил этган бўлса, 61 фоизи иттифоқ-республика вазирлик ва идораларига, 8 фоизи тўғридан-тўғри республика ва маҳаллий саноат бошқармаларига тегишли эди². Жумладан, рангли металлар корхоналари ҳам марказ бўйсунуvida бўлиб, кўпроқ ҳом ашё қазиб олиш ва дастлабки ишлов бериш, ярим тайёр буюмлар чиқариш билан шуғулланарди. Бу корхоналарнинг асосий маҳсулоти республикадан ташқарига олиб кетиларди.

Республика мустақиллиги эълон қилингунга қадар унинг ҳалқи қанча олтин, мармар, олмос, кумуш конлари борлиги-ю, бу конлардан қазиб олинаётган дурдоналар миқдори қанча эканлигини мутлақо билмас эди. Бу бойликларнинг қанчаси республика хазинасига тушаётгани ва қанчаси марказ хазинасига ташиб кетилаётганини, кимларга ва қандай нархда сотилаётганини билиш ҳатто ман этилганди.

Республика ҳалқига фақат шу нарса маълум эдики, Бухоро вилоятида асосан учта маъдан конлари — Шимолий, Марказий ва Жанубий маъдан конлари бошқармалари иш олиб бормоқда эди. Бу ўзи бек, ўзи хон бошқармалар Учқудук, Зарафшон, Мурунтов, Навоий ҳамда Советобод атрофидаги конларни бошқарарди. Жумладан, Мурунтов олтин конидан 1969 йилдан бўён олтин ёмбиси қуйиб олинади ва марказга жўнатиларди. Олтин қазиши ва уни саралаш ишлари учун ишчи-хизматчилар асосан марказдан таклиф этилар эди. Ерли ҳалқ эса савдо ёки хўжалик ишларигагина жалб қилинади³.

¹ Бекметов Э. Ҳалқлар ҳамкорлиги ва иқтисодий алоқалар, 8—9-бетлар.

² Народное хозяйство Узбекской ССР в 1987 году, 48-бст.

³ Зокиров М. Ўзбекистон олтини. «Меҳнат», 1993 йил, 21 май.

23 йил мобайнида бу ердан чиққан бир неча млн. кубга яқин «тилла тупроқ»нинг ҳаммаси марказга ташиб кетилди. Бу улкан меҳнат қанча миқдордаги соғ олтинга айланди, деган ҳақли савол туғилади.

Мутахассисларнинг ҳисоб-китобларига кўра Мурунтов олтини заҳиралари бир неча йилга қадар етади. Олтин саралаш заводи эса дастлабки икки йилдаёқ ўзини тўла қоллаган...¹ Бу кондан қазиб олинаётган олтин ўзининг тозалиги (пробаси) бўйича 99,99 фоизни ташкил этади. Таннархи бўйича бошқа ердаги олтинлар ичидаги энг арzon ҳисобланади.

Қизилқум саҳросида улкан Мурунтов кони танҳо эмас, унинг қаторида яна бир нечта олтин конлар кашф этилди ва этилмоқда. Бир сўз билан айтганда, Қизилқум қизил тиллага макон бўлиб чиқди. Бироқ, асосий гап унинг узоқ йиллар ҳақиқий эгасига хизмат қилмаганлигидадир. «Зарафшанский рабочий» газетаси мухбирининг ёзишича, бошқа төғ-металлургия комбинатлари сингари Навоий төғ-металлургия комбинати ҳам узоқ йиллар иттифоқ назорати ва ҳукми остида қолиб келган (бу корхона қўплаб олтин конларига эга). Шу газетанинг 1990 йил 30 октябрь сонида Марказий руда бошқармаси директори Прохоровнинг маълум қилишича, оборот (муомала) солигидан тушган даромаднинг 23 фоизи Ўзбекистонга, 22 фоизи иттифоқ нозирлигига берилди. Олтин даромадининг қолтан 55 фоизи қаёққа кетаёттани номаълум. Нима учун мазкур олтин конларининг ҳақиқий эгаси бўлган Ўзбекистон халқлари бенасиб қолиши керак. Бизга чойчақа сифатида берилиши кўзда тутилаётган, 23 фоизни пулга чақсангиз қанча бўлади? Нега бу нарсалар шу чоққа қадар Ўзбекистоннинг туб халқидан сир тутиб келинди?²

Бизнинг фикримизча, республиканинг мустақиллик ҳукуқлари асосида узоқ йиллар барча олтин, кумуш ва бошқа қазилма бойликлар устидан Ўзбекистон ўзининг тўлиқ давлат назорати ўрната олмаганлиги, бу бойликларнинг илмий асосланган миқдори, кундалик қазиб олинаётган хом ашё, уни қайта ишлашдан келадиган даромад миқдори ва шу кабиларнинг халқдан сир тутилганлиги унинг эрк ва ҳукуқларининг камситилганлигини ҳамда тор доирада чекланиб қолганлигини кўрсатади. Шу билан бирга бу соҳа бўйича миллий мута-

¹ «Комсомольская правда», 1990 йил 24 ноябрь.

² «Ўзбекистон адабиёти ва санъати», 1990 йил 7 декабрь.

хассис кадрлар тайёрлаш ҳам яхши йўлга қўйилмаганлиги ва бунга умуман эътибор берилмаганлиги маҳаллий аҳолига нисбатан ижтимоийadolatsizlik эди. Марказий идоралар, вазирликлар томонидан республика ҳуқуқдарининг қирқиб қўйилганлиги, иқтисодий ва миллӣ манфаатларининг назар-писанд қилинмаганлиги натижасида юзага келган салбий ҳолатлар аста-секин миллатлараро муносабатлар кескинлашишига олиб келди.

80-йилларнинг ўрталарига келганда Ўзбекистон фоят улкан табиий бойликларга, ишлаб чиқариш ва фантехника имкониятларига, қулай иқлим шароитига, истеъодди одамларга эга бўлгани ҳолда аянчли бир аҳволга тушиб, ҳалқ хўжалиги бир томонлама ривожланган, ўзга саноат минтақаларига қарам, ўз ҳалқининг ижтимоий аҳволини ўнглаш учун етарли маблағ ва имкониятларга эга бўлмаган бир ўлкага айланиб қолган эди. Ниҳоят, 1991 йил 1 сентябрь — Ўзбекистон Республикасининг Мустақиллиги кунидан бошлаб ўзбек ҳалқи барча ҳақ-хуқуқларни қўлга киритиши билан бирга «Ўзбекистон Республикасининг Давлат Мустақиллиги асослари тўғрисида»ги Ўзбекистон Республикасининг Қонуни 10-моддасида таъкидланганидек, «Ўзбекистон Республикаси ўз ҳудудида олтин, бошқа қимматбаҳо металлар ва тошларни қазиб чиқариш, қайта ишлаш ва сақлашни мустақил амалга оширади ҳамда назорат қиласи, ўз олтин заҳирасини яратади»¹.

Ўзбекистон Республикаси Президенти И. А. Каримов Бирлашган Миллатлар Ташкилоти Бош ассамблеясининг 48-сессиясида фахр билан таъкидлаганидек, «Ўзбекистон Республикаси — кучли ва кенг имкониятли, ноёб табиий бойликларга эга, истиқболи порлоқ мамлакат»², демак, унинг ҳалқи жаҳондаги энг бой ҳалқлар даражасида яшай оладиган имкониятларга эга.

Дарҳақиқат, Ўзбекистон шу қадар катта ва ноёб бойликларга эга бўлган республикадир. «Ҳозиргача республикада минерал ҳом ашёнинг 95 тури борлиги аниқланган. Бу минерал ҳом ашёларининг 700 та кони мавжуд. Аввалда, Менделеев жадвалидаги барча минераллар республикамиизда бор. 370 та кон ишлаб турибди, уларда бир йил ичидаги қазиб олинаётган тоф жинсларининг ҳажми 200 млн. тоннадан ошади.

¹ Ўзбекистон Республикаси: мустақил давлатнинг бунёд бўлиши, 11-бет.

² «Ҳалқ сўзи», 1993 йил 1 октябрь.

Республикада катта табиий энергия ресурслари — газ, нефть, гидротехника ресурслари ва кўмирнинг мавжудлиги Ўзбекистон иқтисодиётини ривожлантиришда муҳим аҳамиятга эгадир.

Табиий газнинг аниқланган заҳиралари деярли икки триллион куб метрни, кўмир — 2 миллиард тоннадан кўпроқни, нефть — 350 миллион тоннани ташкил этади»¹.

Ҳозирги кунда Ўзбекистон автомобиль ва темир йўлларнинг кенг шоҳобчаларига, электр ўтказгич тармоқларига, ўзининг бутун ҳудуди ва барча қўшни республикалар билан боғловчи ахборот хизмати ва алоқа тизимларига эга бўлиб, бу илфор мамлакатларга хос имкониятлари билан хорижий Шарқ мамлакатларининг кўпчилиги эришган даражадан анча юқоридир.

Республика кучли илмий, ақлий ва маънавий салоҳиятта эга. Олимларимизнинг математика, физика, биология соҳасида олиб бораётган илмий тадқиқотлари минтақамиздан ташқарида ҳам яхши маълум.

Бироқ шундай улкан бойлик ва илмий салоҳиятга эга бўлган Ўзбекистон ўзига хос шароит ва имкониятлардан чинакам манфаати учун фойдалана олмади. Бунга бир неча ўн йиллар мобайнида республика иқтисодиётининг марказдан бошқариладиган ягона ҳалқ хўжалиги мажмуи таркибий қисмига айлантирилганлиги сабабли йўл қўйилмади. Республика иқтисодиёти фақатгина марказ манфаатлари учунгина хизмат қилди. Марказда ишлаб чиқилган дастур ва қарорларда Ўзбекистон манфаатлари эътиборга олинмай келинди, натижада фан-техника тараққиёти тўсиққа учради, номутаносибликлар келиб чиқди, иллатлар ҳаддан ташқари кучайиб кетди. Марказ тазиики остида иқтисодиётнинг хом ашё етиштиришга қаратилганлиги, пахта монополияси, одамларнинг ишлаб чиқариш воситаларидан ва ўз меҳнатининг натижаларидан четлаштириб қўйилганлиги республикани ривожлантириш, ҳалқ фаровонлигини ошириш йўлидаги асосий тўғаноқлар бўлди. Республиkaning табиий ресурсларига ва экологик муҳитига жуда катта, тузатиб бўлмайдиган даражада зиён етказилди. Бу ҳол, ўз навбатида, аҳоли ижтимоий турмуш даражасининг пасайишига, натижада миллатлараро муносабатлар мушкуллашувига олиб келди.

¹ Каримов И. А. Ўзбекистон — бозор муносабатларига ўтишнинг ўзига хос йўли, 34—35-бетлар.

СССРнинг таназзули дунёнинг иқтисодий харитасида янги мустақил давлатларнинг пайдо бўлишига олиб келди. Шубҳасиз, ёш мустақил давлатларнинг, жумладан Ўзбекистоннинг ижтимоий-иқтисодий ривожланишида мустақиллик йўлига ўтиш жараёни оддий, тез ва қийинчиликлариз бўлмайди, «тоталитар тузум оқибати, унинг бутунлай издан чиққан бир тарафлама иқтисодиёти республикада ҳали талай вақт ўзининг салбий таъсирини кўрсатиб туради»¹. Ҳуқмрон бўлиб келган марказнинг Ўзбекистонни, бутун Ўрта Осиёни хом ашё манбаи сифатида сақлаб қолиш мақсадида ўтказиб келган империячилик сиёсатининг салбий оқибатларини бартараф этиш, иқтисодий ва молиявий вазиятнинг барқарор бўлишини таъминлаш учун ҳали кўп иш қилиниши керак.

Шу боисдан ҳам ҳозир республика бошидан кечираётган танг аҳволнинг асл сабабларини кейинги йиллардаги иқтисодий ислоҳотлар ва сиёсий туб ўзгартишларнинг вақтинча чегаралари доирасидан излаш ғоят нотўғридир. Бу сабабларнинг илдизлари биз юқорида кўриб ўтганимиздек анча чуқур.

Ўзбекистон Республикаси янги шароитда, мустақил давлат сифатида, ўзининг барча соҳаларини қамраб олувчи тўлиқ ислоҳотини амалга ошириши лозимки, унинг давомида бозор муносабатлари ва бозор механизмини барпо этиш, бозор субъектларини шакллантириши зарур бўлади. Энг оғир мушкуллик шундан иборатки, аллақачон мавжуд бўлган бозор таркибини фақат чуқурлаштиришгина лозим бўладиган мамлакатларга қараганда бизда бу жараён анча мураккаб тарзда кечади. Ҳар қандай вазиятда ҳам, Ўзбекистон Республикаси Президенти И. А. Каримов ҳалқ депутатлари Сирдарё вилоят Кенгаши сессиясида таъкидлаб айтганидек, — «бозор иқтисодиётига босқичма-босқич ўтишда биз ишлаб чиққан биринчи, асосий тамойилда кўзда тутилганидек, иқтисодиёт сиёсатдан устун туриши керак»².

Иқтисодиётга партиявий раҳбарлик ва унинг ҳаддан ташқари мағкуралаштирилганлиги, сиёсатнинг иқтисодиётдан устиворлиги, республикамиз шароитига ёт бўлган тармоқларнинг директив асосда шаклланиши экология ва иқтисодиёт мувозанатининг бузилишига олиб келди. Марказ маъмурий идоралари умумдавлат

¹ Каримов И. А. Ўзбекистон келажаги буюк давлат, 24-бет.

² «Ўзбекистон адабиёти ва санъати», 1993 йил 16 октябрь.

манфаатларини ҳимоя қилиш баҳонаси билан Ўзбекистон халқ ҳўжалигига катта зиён етказдилар. Улар Ўзбекистонга катта миқдордаги пахта тайёрлаш режаларини тиқишириб, республикада пахта яккаҳокимлигини вужудга келтиридилар. Бу эса Ўзбекистон халқларига фожиали муаммоларни келтириб чиқарди. Юзага келган нохуш ҳолатлар республика саноатига ҳам катта салбий таъсир кўрсатди. Сув танқислашиб, меҳнат заҳиралари тез суръатлар билан ўсаётган бир шароитда химия саноатининг сувни кўп истеъмол қилиб, кам меҳнат талаб этадиган айрим тармоқлари ҳиссасини кўпайтириш кўп қийинчликларни келтириб чиқарди. Айни бир пайтда ўз хом ашё базасида юқори самара берадиган тўқимачилик саноати энг орқада қолиб кетди. Кейинги йилларда иқтисодиётни изга солиб юбориш мақсадида қабул қилинган ва мавжуд имкониятларни ҳисобга олмаган ижтимоий, озиқ-овқат, аграр, энергетика, экология ва бошқа соҳалардаги кўпгина дастурлар самара бермади, аксинча, иқтисодий қарама-қаршиликларни чукурластириб юборди. Шу тарзда иқтисодиёт батамом издан чиқиб, моддий ва молиявий тақчиллик кучайди. Мустамлакачилик аломатлари сақланиб қолаверди.

Умумиттифоқ ва республикалар манфаатларининг тўғри ва оқилона бирга қўшиб олиб борилиши миллий муносабатларни уйғулаштириша катта аҳамиятга эга эди, бироқ, афсуски 70—80-йилларда иттифоқдош республикалар иқтисодий ва сиёсий мустаҳкамланмади. Умумдавлат манфаатлари кўпинча рўйиҳа қилиниб, миллий манфаатларга путур етказилиди.

Марказнинг иқтисодиётда тутган мудҳиш сиёсати миллатлараро муносабатларни қайта қуриш, ривожлантириш ва такомиллаштириш йўлидаги тўсиқ бўлиб келди. Умумхалқ, умумдавлат ва байналмилалчилик манфаатларининг устунлиги ҳақидаги баландпарвоз нутқлар ва шиорлар ниқоби остида қандай бўлмасин республикаларнинг мамлакат ривожига қўшган ҳиссасини сунъий равишда камайтириб, «боқиманда» тамғасини босиашдан иборат бўлди. Бунинг асосий сабаби Ўзбекистон марказнинг хом ашё базаси ҳисобланиб, маҳсулотларга белгиланган харид нархлар жуда паст бўлганлиги ва етказиб берилган қимматбаҳо, нодир metallлар ва стратегик маҳсулотларнинг қиймати ҳаттоқи республикамиз ялпи маҳсулотининг таркибиға киритилмаслигida эди.

Умуман олганда, Ўзбекистон марказдан бошқарила-

диган ягона халқ хўжалиги мажмуи таркибида узоқ йиллар иқтисодий ва таркибий инқизорзни бошдан кечириди. Марказдан режалаштириш оқибатида ишлаб чиқарувчи кучларни жойлаштириш ва ривожлантиришдаги жиддий хатолар, яккаҳокимлик ва маъмурий-буйруқбозлиқка асосланган яроқсиз ёндашувлар, жамият ривожланиш қонунларига амал қилмаслик, халқ хўжалиги умумиттифоқ меҳнат тақсимотида республика ихтисослашувининг нотўғри олиб борилганлиги, иқтисодиётининг етакчи тармоқларини ривожлантиришда йўл қўйилган нуқсонлар ва номутаносибликлар оғир оқибатларга олиб келди. Натижада халқ хўжалиги соҳасида оғир ва машақкатли муаммолар келиб чиқди, бу республикада ижтимоий ва иқтисодий соҳаларда танглик ҳолати юзага келишига ҳамда миллатлараро муносабатларнинг янада кескинлашувига сабаб бўлди.

Ўзбекистон ўтган йилларнинг оғир асорати, тоталистаризм меросидан халос бўлиш ва покланиш, мафкуравийлик иллати етказган зиён-заҳматларни бартараф этишининг қийин, узоқ давом этадиган йўлини босиб ўтиб, ўзининг чинакам иқтисодий мустақиллигига эришиш, ривожланган мамлакатлар қаторидан ўрин олиш имкониятларига эгадир. Шунинг учун ҳам жамият тараққиётини таъминлашда республика, аввало, ўз кучига, имкониятларига таяниши зарурдир.

ҚИШЛОҚ ХЎЖАЛИГИНИ ИХТИСОСЛАШТИРИШ ВА УНИНГ ОҚИБАТЛАРИ

Мамлакат халқ хўжалигини бошқаришнинг ўта марказлаштирилганлиги, маъмурий-буйруқбозлик тизими сиёсати миллатлараро муносабатларни ривожлантириш ва такомиллаштириш йўлидаги тўсиқлар бўлиб келди. Айниқса, 70—80-йиллар ўргаларидағи даврда умумхалқ, умумдавлат ва байналмилал манфаатларни рўйкач қилиб, марказнинг кўпгина идора ва вазирликлари айрим республикалар, жумладан, Ўзбекистон иқтисодиётини ҳаддан ташқари хатарли аҳволга солиб қўйдилар. Иттифоқ вазирликлари ва марказий идоралар қабул қилган кўпгина қарорлар республиканинг миллий манфаатларидан анча йироқ бўлиб, унинг халқ хўжалигига катта путур етказди, ниҳоятда зиддиятли муаммоларни келтирив чиқарди.

Кейинги йилларда жамиятимиз шуни англаб етди-

ки, Президент И. Каримов 1994 йил 18 февраль куни Ўзбекистон Республикаси Вазирлар Маҳкамасида сўзлаган нутқида таъкидлаганидек, — «Ҳаётимизни яхшилаш, аҳоли турмуш даражасини кўтариш, иқтисодиётимизнинг самарадорлигини ошириш, ҳалқимизни боқиши, истиқболимизни режалаш — хуллас, қандай муаммо, қандай масалани кўрмайлик, уларнинг аксарияти биринчи навбатда қишлоқ хўжалигига бориб тақалади. Ҳаммамизни боқадиган, озиқа берадиган соҳа — қишлоқ хўжалиги тармоқларирид»¹. Шундай экан, бу соҳага тегишли бўлган ҳар қандай муаммони зудлик билан таҳлил қилиш, унинг келиб чиқиш сабабларини ва келтирган оқибатларини рўй-рост очиб бериш ниҳоятда долзарб масаладир.

Ўлкамизда тўпланиб қолган ана шундай катта кўламдаги муаммолардан бири бўлган пахта яккаҳокимилиги бўлиб, Ўзбекистон қишлоқ хўжалигининг туб мақсадларига хилоф равишда юқоридан зўрлаб ўтқазиб келинди. Маълумки, узоқ йиллар давомида табиий-иктисодий шароитига ва аҳолисининг меҳнат кўнималарига кўра пахта етиштириши имкониятига эга бўлган Ўзбекистон асосий пахта базаси ҳисобланиб, унга қандай бўлмасин, мамлакатнинг пахтага бўлган эҳтиёжини қондириш ва капиталистик мамлакатларга бўлган қарамликдан қутулишни, умуман пахта соҳасидаги мустақилликни таъминлаш вазифаси кўйилган эди. Бу вазифа қанчалик машақат ва катта йўқотишлар эвазига ҳал этилганлигини Ўзбекистон Республикаси Президенти И. Каримов ўзининг «Комсомольская правда» газетасига берган интервьюсида шундай таъкидлайди: «Бир пайтларда Ўзбекистон мамлакатнинг пахта мустақиллигини таъминлаши керак, деган фикр пайдо бўлди. «Оқолтин» энг шафқатсиз усуслар билан кўлга киритила бошланди. Бунга қўшилмаганларни четга суриб кўйишар эди. Улар ўрнига итоаткор, «етиб оламиз ва ўзид кетамиз», «беш йилликни икки йилда бажарамиз» дейдиганларни танлаб олишарди. Пахта экилмаган фақат дераза рафлари-ю, томлар қолган эди. Биз пахта мустақиллигини таъминладик, ўрнига эса қарам иқтисодиётни олдик.Faқат бир нарса: пахтага хизмат кўрсатувчи соҳалар учун ҳамма нарса яратиларди»². Умумиттироқ меҳнат тақсимотига кўра, Ўзбекистонни пахта

¹ «Ўзбекистон овози», 1994 йил 19 февраль.

² «Совет Ўзбекистони», 1991 йил 8 март.

етиштиришга мана шундай ихтисослаштириш оқибатида республикада озиқ-овқат масаласи мураккаблашиб, гўшт ва сут етиштириш имкониятлари камайиб кетди, бироқ шунга мувофиқ равишида ўрнини тўлдирадиган ҳеч нарса олинмади.

Айни вақтда республикадаги қўпгина ҳаётий муҳим манфаатларга зиён етказилди: пахта майдонлари йилдан-йилга кенгайиб, бошқа ўсимликларни бирин-кетин суриб чиқара бошлади, илмий асосланган алмашлаб экишлар бузилганлиги, ернинг тинка-мадори қуриб кетганлиги, сув манбаларининг имкониятлари тобора камайиб борганилиги қишлоқ хўжалигига ҳалокатли таъсир кўрсатди. Натижада озиқ-овқат маҳсулотлари етиштириш чеклаб қўйилди ва тез суръатлар билан ўсиб бораётган аҳоли талабини шу маҳсулотлар билан таъминлаш муаммолари кескинлашди. Бу эса иқтисодиётнинг бир ёқлама ривожланишига, ижтимоий зиддиятларнинг бартарафлашувига ҳамда аҳоли турмуш даражасининг ёмонлашувига олиб келди.

Бошқача қилиб айтганда, иқтисодиёт инсон учун эмас, инсон иқтисодиёт учун хизмат қилиб келди. Ўзбекистонда эса, бу бошқачароқ жаранглади, яъни пахта одамлар учун эмас, одамлар пахта учун керак бўлди. Бу ва бу сингари ҳолатларни маҳаллий аҳоли ижтимоий адолатсизлик тарзида қабул қилмоқда ва бунинг натижасида миллатлараро муносабатларда зиддиятли вазиятлар юзага келмоқда эди.

Республикалар билан марказ ўртасида қарор топган муносабатнинг ким учун фойдали бўлганлигига Ўрта Осиёдаги, хусусан Ўзбекистондаги пахта якка ҳокимлигининг аниқ мисолида ишонч ҳосил қилиш мумкин. Пахта якка ҳокимлиги туфайли Ўзбекистон бутунитти-фоқ пахта плантациясига айлантирилди. Кейинги 20 йил ичида, яъни 70—80-йилларда республикада сув хўжалик қурилиши кенг миқёсда амалга оширилди ва пахта экиш учун янги ерлар интенсив равишида ўзлаштирилди. Натижада 1980—1988 йилларда Ўзбекистоннинг экин майдонлари 355 минг гектарга кенгайди ва умуман олганда 4,3 миллион гектардан ошиб кетди¹. Пахтага ажратилган майдон Ўрта Осиёда жаҳонда энг катта кўрсаткич — 70—75 фоизни ташкил этди. Ҳолбуки, пахта 50 фоиздан ортиқ майдонни банд этса, чи-

¹ Тўхмиев Н. Иқтисодиётни интенсив ривожлантириш йўлига ўтказишни жадаллаштирайлик. «Ўзбекистон коммунисти», 1990, № 6, 13-бет.

риндининг йўқолиши, тупроқнинг силласи қуриши, ҳосилдан қолиши, охир-оқибат ернинг бутунлай ишдан чиқишини фан аллақачон исботлаган. Кейинги 40 йил ичидаги жаҳонда пахта ишлаб чиқариш 2 марта ошган бўлса, пахта майдони 10 фоиз қисқарган, бунга гектар ҳосилдорлигини ошириш ҳисобига эришилмоқда. Ўзбекистонда эса кейинги 8 йил ичидаги пахта майдони 230 минг гектарга, яъни 12 фоиздан зиёдроқقا ортди. Ҳосилдорлик ва сифат эса ёмонлашди¹. Республикада пахтачиликда яқин вақтларгача экстенсив ривожланишга қатъий асосланиб келинди: агар ҳосил қилинадиган пахта толасининг миқдори 1970—1988 йиллар орасида 1 миллион 580 минг тоннадан 1 миллион 732 минг тоннага (9,6 фоизга) кўпайган бўлса, пахтазорлар майдони эса шу вақт ичидаги 1 миллион 709,2 минг гектардан 2 миллион 16,7 минг гектарга (18 фоиздан кўпроқقا) етди². Шу ерларнинг 1 миллион гектардан зиёди сифат жиҳатидан яхшилашни талаб этади³.

Маъмурий-буйруқбозлик тизими, иқтисодиётта партиявий раҳбарлик ва унинг ҳаддан ташқари мафкура-лаштирилганлиги доирасида 70—80-йиллар ярмида қишлоқ хўжалиги ишлаб чиқаришида салбий оқибатларга олиб келган жiddий қийинчиликлар юзага келди. Бу аввало, юқорида таъкидланганидек, марказ тазики билан ва, айни пайтда, кўп жиҳатдан маҳаллий омилларга баҳо бера билмаслик, қишлоқ хўжалигига раҳбарлик қилишдаги хатолар, турли суиистеъмолчиликлар туфайли содир бўлди. Қишлоқ хўжалигига интенсивлаштиришга етарли эътибор берилмади, сув ресурслари ва техникадан қониқарсиз фойдаланилди.

Кейинги ўн йиллар мобайнинда қишлоқ хўжалик са-марадорлигини ошириш борасидаги катта-катта ури-нишлар ҳам кутилган натижани бермади. Масалан, 1975—1980 йилларда пахтачиликни ривожлантириш со-ҳасида олимлар олиб борган тадқиқотлар натижасида пахтанинг 20 та янги истиқболли нави яратилди, жумладан, пахта экиладиган майдонларнинг 65 фоизини ишғол этувчи «Тошкент» нави шулар ичидаги анча серҳосил деб топилди, бироқ бу янгиликлар ҳам умумий

¹ Юсупов Э., Туленов Ж., Гафуров З. Миллий масала бўйича фалсафий сұхбатлар. Тошкент, «Фан», 1990, 38-бет.

² Туклиев Н. Иқтисодиётни интенсив ривожлантириш йўлига ўтказишни жадаллаштирайлик. 13-бет.

³ Зиёдуллаев С. Ўзбекистон экономикасининг регионал проблемалари, 61-бет.

ҳосилдорликни ошириш имконини бермади. Аксинча, бу даврда сохта обрў ортириш мақсадида қабул қилинган ва мавжуд имкониятларни ҳисобга олмаган ижтимоий, озиқ-овқат, аграр, экологик ва бошқа соҳалардаги кўпгина дастурлар иқтисодий қарама-қаршиликларни чуқурлаштириб юборди. Шу билан бирга сарфланган катта-катта капитал маблағлар ҳам самарасиз бўлиб чиқди. Масалан, Ўзбекистон қишлоқ хўжалигини ривожлантириш учун 1971—1975 йилларда 10 миллиард сўмдан кўпроқ¹, 1976—1980 йилларда 10,2 миллиардга яқин ва 1981—1985 йилларда 12,0 миллиардга яқин сўм капитал маблағ сарфланди². Бу маблағларнинг асосий қисми янги қурилишларга, фойз оз қисми эса эскидан сугорилиб келинаётган экинзорларнинг мелиоратив ҳолатини ушлаб туриш ва яхшилашга ишлатилган эди, яъни ерларни мелиорациялаш ишларига 20,3 миллиард сўм ажратилган бўлса, шу маблағларнинг 14,1 миллиард сўмдан ортиқроғи сув хўжалиги қурилишига сарфланди³. Бироқ, бу ерлардан сарф-харажатни қопладиган даражада самара олинмади, аксинча, юзлаб, минглаб гектар ерларнинг мелиоратив ҳолати ёмонлашди, озиқ-овқат танқислиги ортиб борди.

Ўзбекистон 70—80-йилларда ялпи кўрсаткичлар бўйича Ўрта Осиёда етакчи ўринни ва ресурс потенциалидан фойдаланиш самарадорлиги (бир гектар ердан олинадиган фойда, фонд самарадорлиги, сарфланган сувнинг 1000 куб метри ҳисобига фойда) бўйича охирги ўринни ишғол этар эди. Сув хўжалиги қурилишига ва янги ерларни ўзлаштиришга берилиб кетиш ишлаб чиқариш фонdlарини кескин ўстиришга олиб келди. Ўзбекистонда 1 гектар қишлоқ хўжалик ери ҳисобига фонд билан таъминланганлик 1980—1988 йилларда деярли икки баравар ошли. Лекин шу вақт ичida фонд самарадорлиги ҳам икки баравар камайди. Республика мизда қишлоқ хўжалик ерларининг ҳар юз гектаридан (пул билан ифодаланганда) Украина га қараганда ўртача уч баравар кам, Белоруссиядан — қарийб тўрт, Молдавиядан — беш баравар кам маҳсулот олинди⁴.

Қишлоқ хўжалиги ишлаб чиқаришини интенсивлаштирганда ер ҳосилдорлиги ошар, гектар бошига

¹ Народное хозяйство Узбекской ССР в 1984 году, 210-бет.

² Народное хозяйство Узбекской ССР в 1990 году, 276-бет.

³ Народное хозяйство Узбекской ССР в 1987 году, 149-бет.

⁴ Тўхмес Н. Иқтисодиётни интенсив ривожлантириш йўлига ўтказишн.. жадаллаштирайлик, 13-бет.

олинадиган маҳсулот салмоғи кўпаяр ва сарф қилинган меҳнат ҳажми камаляр эди, лекин 70—80-йилларда республикамиз қатор хўжаликлари иқтисодий шароитларининг танг бўлишига қарамасдан асосий экин бўлган пахтанинг ҳосилдорлиги пастлигича қолаверди. Бу мағкуд имкониятлардан оқилона фойдаланмаслик оқибатидир.

Шунинг натижасида, жумладан, 1971—1975 йилларда республикамизда пахтанинг ўртача ҳосилдорлиги гектарига 28,5 центнерни 1981—1985 йилларда ўртача 26,7 центнерни ташкил этди, яъни шу йиллар ичida ўсиш ўрнига ўртача 1,8 центнерга пасайиш бўлди¹. Кўпгина вилоят ва туманларда бу кўрсаткичга ҳам эришилмади. Масалан, шу йиллари ўртача ҳосилдорлик Қорақалпогистон Республикасида — 24,2, Қашқадарё вилоятида — 20,9, Сирдарё вилоятида — 22,0, Жizzах вилоятида — 19,0 центнерлигича қолиб кетди. Республиkaning илғор хўжаликларида 28,0—30,0 центнердан, Хоразм вилоятида эса 35 центнердан ҳосил олинди². Натижада 1976—1980 йилларда ўртача ҳар йили 5358,6 минг тонна, 1981—1985 йилларда эса ҳар йили 5159,0 минг тонна ҳом ашё етказиб берилди. Афсуски, республикада етиштирилаётган пахтанинг миқдори сингари, ишлаб чиқарилаётган тола ҳажми ҳам, 70-йилларнинг ўрталаридағи ўртача 1620 минг тоннадан 80-йилларнинг ўрталаридағи келиб 1509 тоннага тушиб қолди³. Масалан, Фарғона водийсининг Қува туманидаги 2 минг гектар пахтазорнинг 600 гектари адирларда жойлашган. Уларда етиштирилган пахтанинг 1 центнер таннархи 80 сўмни, қолган ерларда эса 35 сўмдан кўпроқни ташкил этди. Ушбу экинни зич гипс қатламли тупроқда етиштирадиган Меҳнатобод туманидаги етти совхоз 1981—1985 йилларнинг ўзидағина давлатга 75 миллион сўм миқдорда зиён етказди. Бир центнер пахтанинг таннархи уларда қарийб 160 сўмга етди. Кўринадики, икки сўм сарфлаб, энг яхши деганда бир сўмлик унум олинган⁴. Пахтачиликдаги меҳнат самарадорлигининг бундай пасайиб кетиши, маҳсулот таннархининг ошиб, ишлаб чиқариш рентабеллигининг тушиб кетишига са-

¹ Народное хозяйство Узбекской ССР в 1987 году, 89-бет.

² Народное хозяйство Узбекской ССР в 1990 году, 242-бет.

³ Ўша жойда, 231-бет.

⁴ Ўрта Осиё ва Козогистон: ривожланишнинг устун ва альтернатив жиҳатлари. «Ўзбекистон коммунисти», 1989, № 10, 26-бет.

баб бўлган салбий ҳолатларни тутатиш бўйича қатъий чоралар кўрилмади.

Узоқ йиллар мобайнида экин майдонларининг ҳосилдорлигини ошириш ўрнига янги қурилишларга ва қўшимча ишлаб чиқариш воситаларини жалб этишга кўпроқ эътибор берилди, натижада пахта хом ашёсининг ҳосилдорлиги ва сифати муттасил пасайиб борди, тупроқнинг шўрланиши ошиб, экинзорлар аҳволи кескин ёмонлашди, сувнинг етишмаслиги қаттиқ сезила бошлади, қишлоқ хўжалигига катта зиён етказилди. Ҳолбуки, худди ўша ерларда интенсив боғдорчиликдан пахтачиликка нисбатан 15—16 марта, узумчиликдан эса 6 марта кўп даромад олинади¹.

Бунинг устига Ўзбекистонда юзлаб зарар кўраётган пахтачилик хўжаликлари бўлиб, бунга, аввало, пахта таннархини белгилашдаги камчиликлар сабаб бўлаётган эди. Ҳисоб-китобларга кўра, пахтадан олинадиган маҳсулотлар (газлама, мой ва бошқалар)нинг бир тоннаси ни қайта ишлашдан мамлакат хозинасига 1.200 дан 1.800 гача оборот солиғи тушади. Бу республикада етиштирилган пахтага ҳисоблагандা йилига 6—7 миллиард сўмни ташкил этади. Пахта учун муносиб ҳақ тўланганда, барча сарф ва натижалар илмий асосланган нархларда тўғри акс эттирилганда республика ялпи ижтимоий маҳсулотида қишлоқ хўжалигининг улуси 30 фоизга, миллий даромад эса 15—20 фоизга кўпайган бўлар эди. Шу билан бирга марказнинг иқтисодиётда тутган нотўғри сиёсатига, республиканинг мамлакат ривожига қўшган ҳиссасини адолатсиз равишида камайтириб, иттифоқнинг «боқимандаси» деган таъналирига ҳам чек қўйиларди². Бундан ташқари, пахта миқдори ортидан қувиш, пахта якка ҳокимлиги «маҳалийчилик» манфаатларига мос эди, республика шунинг эвазига «бойлик ортириди» деган хulosага сира ҳам қўшилиб бўлмайди. Ахир республика халқи марказдан берилган кўрсатмага асосланиб, мамлакатнинг пахта мустақиллигини таъминлаш учун ўз байнамилад бурчини адо эта бориб, кўра-била туриб республика манфаатларига ва илмий агротехника талабларига птуртказиб, бошқа тармоқларга зарар келтириб бўлса ҳам мева ва сабзавот, ем-хашак тайёрлашни чеклаб қўйиш-

¹ Фозилхўжаева И. Миллатларро муносабатларни тартибга солиш (давлат ҳуқуқий аспектлари асосида). Тошкент, «Фан», 1991, 71-бет.

² «Правда Востока», 1988 йил 16 июль.

га, демак, чорвачилик маҳсулотларини етиштиришини чеклаб қўйишга мажбур бўлди.

Марказий ҳокимиият идораларининг бошқа республикалар сингари Ўзбекистоннинг ҳам манфаатларини камситиб келиши натижасида меҳнаткашларнинг моддий аҳволи тобора ёмонлашиб, уларнинг таъминот даражасида, айниқса озиқ-овқат билан таъминланишида мамлакатнинг марказий республикаларига нисбатан олганда фарқ кучайиб борди. Ишониш қийин бўлса-да, лекин шу нарса аниқки, Ўзбекистон ижтимоий вазифаларнинг ҳал этилиши соҳасида иттифоқда охирги ўринларда турар эди. У сабзавот-полиз маҳсулотлари истеъмоли бўйича республикалар ўртасида 5-ўринни, мева ва резавор мевалар истеъмоли бўйича 13-ўринни эгаллаган¹.

80-йилларнинг охирида Ўзбекистон аҳоли жон бoshiga миллий даромад ишлаб чиқариш бўйича иттифоқ кўрсаткичининг 46,2 фоизини ташкил қилди. Бу кўрсаткич бўйича республикамиз Қозоғистон ва Ўрта Осиё республикалари орасида ҳам охирги ўринлардан бирида турарди. Бу кўрсаткич бўйича Ўзбекистондан кейин фақат Тожикистон турарди. Ташвишли томони шундаки, мазкур кўрсаткич республикада борган сари пасайиш тенденциясига эга бўлди. 1985 йилда Ўзбекистон ўртача мамлакат кўрсаткичининг 52,6 фоизини ташкил қилган эди². Ҳалқимиз буларнинг ҳаммасини ижтимоий адолатсизлик, қонуний ҳуқуқлари ва миллий манфаатларининг камситилиши деб баҳоламоқда эди.

Иқтисодий ва ижтимоий тараққиётдаги нотекислик, ҳалқ турмуш даражасининг ночор аҳволи миллатлараро муносабатлар кескинлашувини кучайтириб юборди. Паст миллий даромад меҳнаткашлар маоши кам бўлишига, айниқса, қишлоқ аҳолиси моддий аҳволининг ёмонлашувига олиб келди. Бунинг асосий сабаби Ўзбекистон марказнинг пахта базаси ҳисобланаб, унга белгиланган харид нархлар жуда паст бўлганлиги ва етказиб берилган маҳсулотларнинг қиймати ҳаттоқи республикамиз ялпи маҳсулотининг таркибиға киритиласлигида эди. Бу барча иллатлар натижасида умумдав-

¹ Бекметов Э. Ҳалқлар ҳамкорлиги ва иқтисодий алоқалар. Тошкент, «Меҳнат», 1992, 11-бет.

² Миллатлараро муносабатлар маданийти ва байналмилаш дунёкараш. (Ўқув қўл.) // (К. Норматов, Ф. Исҳоқов, Р. Нурулли ва бошқалар. *Масбул мұхаррир К. Норматов*). Тошкент, «Ўзбекистон», 1993, 70-бет.

лат манфаатларига ҳам, миллий манфаатларга ҳам мос келмайдиган ахвол юзага келганилиги, иқтисодий тангликлар, чинакам мустақиллик ва эркинликлар муайян тор доирада чекланганлиги ҳамда маънавий жиҳатдан шафқатсиз топталишлар туфайли миллатлараро муносабатлар муаммолари янада кескинлашиди.

Ўзбекистонда саноат ва аграр тармоқлар ўртасидаги нисбат 20—30-йилларда шаклланган бўлиб, у асосан ҳозир ҳам сақланиб келмоқда. Қайта ишлаш тармоқлари сустлигича қолди. Собиқ СССР миллий даромадида қишлоқ хўжалигининг ҳиссаси 22,7 фоиз, республикамиизда эса 30,1 фоизини ташкил этди. Собиқ ягона мамлакат ялпи ижтимоий маҳсулотида қишлоқ хўжалигининг ҳиссаси 17,0 фоиз бўлган бўлса, республикада 20,2 фоиз. Бу шундан далолат берадики, Ўзбекистон иқтисодиёти ўртача мамлакат иқтисодиётига нисбатан ўзининг аграр қиёфасини сақлаб қолди¹.

Миллатлараро муносабатлар кескинлашувиининг асосий сабаби иқтисодиёт қонунларининг қўпол рашида бузилишидадир. Бу муносабатларда ижобий силжишлар бўлишига иқтисодий қашшоқликка барҳам бериб, молиявий аҳволни соғломлаштириш йўли билан-гина эришиш мумкин эди.

Бунда, аввало, қишлоқ хўжалик маҳсулотларининг баҳоси масаласини кўриб ўтиш мақсадга мувофиқдир. Ҳеч кимга сир эмаски, маъмурий-буйруқбозлик тизими доирасида баҳолар сиёсий иқтисоднинг асосий қонунларидан бири — қиймат қонунини ҳисобга олмасдан туриб белгилаб келинган. Жумладан, паҳта, ҳом ипак, сабзавот, маккажӯҳори, полиз экинлари, гўшт-сут маҳсулотларининг харид нарҳлари уларни етиштиришга кетган сарф-харажатларни қопламас эди. Паҳта етишириш рентабеллигига ишониб бўлмасди. У меҳнатга ҳақ тўлашнинг паст нарҳларига асосланган бўлиб, паҳтакор ва унинг оиласи елкасига залворли юқ бўлиб тушар эди. Ушбу масалада таркиб топган ижтимоий адолатсизликни тугатмасдан, паҳтага тўланадиган ҳақни кескин оширмасдан туриб миллион-миллион кишиларнинг тирикчилигини яхшилаш, қишлоқда ижтимоий соҳанинг ривожланишини таъминлаш, ерларнинг унумдорлигини сақлаб қолиш, рўй берадиган келишмовчиликларни бартараф этиш, одамлар кайфиятини

¹ Миллатлараро муносабатлар маданийти ва байналмилал дунёқараш, 73-бет.

яхшилаш мумкин эмас эди, чунки бу муаммога дахлдор бўлмаган ҳеч бир соҳа йўқ.

Шуни айтиш керакки, 70—80-йилларда дехқон меҳнатига ҳақ тўлашда ижтимоий адолат тўла қарор топган эмас эди. Пахтакор фаллақорга, картошка ва қарам етиширувчига нисбатан бир неча бор кўп, энг оғир меҳнат қиласа-да, иш ҳақи уларнидан кам эди.

Мутахассисларнинг ҳисоб-китобларига қараганда, мамлакат бўйича 1 центнер дон етишириш учун ўртacha 1,6 киши-соат, 1 центнер пахта етишириш учун эса 36 киши-соат талаб этилади, яъни бир-биридан 22 баравар фарқланади¹. Яна, шунингдек, пахта картошкага нисбатан 14, лавлагига нисбатан 35 марта кўп меҳнат кучи сарф қилишни талаб этади. Аммо улардан келадиган даромад давлат нархида пахтага нисбатан анча устун эди. Норозиликлар ва миллый низолар, тўс-тўполюнларнинг сабабларидан бири нарх тизимидағи адолатсизликлар эди. Чунки бундай англешимловчиликни маҳаллий аҳоли кўпинча миллый хукуқларни камситиш деб ҳисобламоқда эди.

Ечимини кутаётган муаммолардан энг асосийси пахта нархини ошириш масаласи кўпдан бери етилиб турган эди, чунки қишлоқ меҳнаткашлари йилдан-йилга қашшоқлашиб, ҳароб аҳволга тушиб қолаётган эдилар. Бу масала илгарилари ҳам ўртага ташланганди. Тўғри, кейинги 30 йил ичидаги биргина пахта хом ашёсига харид нархларини ўзгаририш бўйича ҳукumat 23 марта қарор қабул қилди². Бироқ бу қарорлар бирон натижага бермади, чунки 80-йилларнинг ўрталарида ҳам, 70-йилларнинг бошидаги сингари, дехқонга мавсум бошида терилган пахтанинг ҳар килоси учун бор-йўғи 4 тийиндан ҳақ тўланарди. Демак, теримнинг технологик нормаси 48 кило бўлганда дехқон эртадан кечгача машиқкатли меҳнати эвазига атиги 1 сўм 92 тийин ишлай оларди, холос³. Яна шуни ҳам айтиш керакки, бир тонна пахта етиширишга мамлакат бўйича кетадиган ижтимоий сарф-харажатлар бир тонна буғдой етиширишга нисбатан ўртacha 30 баравар кўпdir, харид нарх-

¹ Осминин В. Ўзбекистон ССР экономикасини қайта куриш асосида ривожлантиришнинг яқун ҳамда проблемалари // Ўзбекистон коммунисти, 1988, № 11, 26-бет.

² Юсупов Э., Туленов Ж., Гафуров З. Миллый масала бўйича фалсафий сұхбатлар, 47-бет.

³ Искандаров И. Бозор иқтисодиётига ўтиш: қийинчилликлар, счимларни излаш. Инсон ва сиёсат, 1991, № 8, 24-бет.

лари эса атиги 4—5 баравар фарқ қиласди¹. Масалан, йигирма йил мобайнида (1967—1987 йиллар) бир центрер доннинг таннархи икки марта, харид нархи эса уч марта ўсиш, таннархга нисбатан нархнинг ўсиш индекси 1,5 ни ташкил этди. Шу давр ичида пахтанинг таннархи 1,8 марта, нархи эса атиги 2,26 марта ўсиш, таннархга нисбатан нархнинг ўсиш индекси 1,25 ни ташкил этди. Шундай қилиб, сўнгги 20 йил ичида пахтанинг нархлари донга нисбатан 2 марта секинроқ ўсиш². Бунинг устига пахтакор фаллакорга нисбатан ўнлаб соат кўпроқ меҳнат қиласди. Лекин иш ҳақи фаллакорнидан тўрт баравар камдир. Бу ҳам етишмагандай, деҳқон фақат пахта эксанзина фаровон яшashi мумкин дея ишонтириб келинди.

Бундан ташқари, кейинги 15 йил ичида минерал ўғитлар, техника, ёқилғи-мойлаш материаллари нархи 1,6 баравар ошгани ҳолда хом ашё нархи атиги 12 фоиз ошиди, холос. Шу давр ичида республика колхозларида рентабеллик 40 дан 24 фоизга, совхозларда эса 28 дан 7 фоизга пасайди³. Ҳолбуки, ер ўзлаштиришга, сувга кетган харажатлар ушбу сарфларга киритилмаган, уларни ҳисобга олиш пахта таннархини камида учдан бир ҳисса оширган бўларди.

Кўриниб турибдикি, нархларда катта номувофиқлик мавжуд бўлган. Бу номувофиқлик ҳаммадан кўра иш ҳақи даражасига таъсир кўрсатди. Иш ҳақи эса республикамида мамлакатнинг бошқа ҳудудларига нисбатан анча паст эди. Айтайлик, қишлоқ ҳўжалиги ходимининг 80-йиллар ўрталаридағи ўртача иш ҳақи мамлакат бўйича 2 220 сўмни, Ўзбекистонда эса 1 753 сўмни ташкил этар эди. Бу 21 фоиз кам дегани⁴.

Нотўғри юритилган ҳар қандай сиёсат ишлаб чиқаришни ривожлантириш йўлига ғов бўлади. Бундай ҳорлат пахтачиликда яққол кўзга ташланди. Пахтага сунъий равишда иқтисодий қонунлар талабидан четлаб ўтилиб, харид нархларининг белгиланиши ҳосилни кўпайтиришдан манфаатдорликни тамомила сусайтириб юборди. Бу эса пахтачиликда буйруқбозлик сиёсатини келтириб чиқарди.

¹ Азимов Р. Регионал ҳўжалик ҳисоби ва миллатлараро муаммоларининг ҳал этилиши // Ўзбекистон коммунисти, 1990, № 5, 50-бет.

² «Совет Ўзбекистон», 1990 йил 22 май.

³ Осминин В. Ўзбекистон ССР экономикасини қайта куриш асосида ривожлантиришининг яқун ҳамда проблемалари, 26-бет.

⁴ Эзамов Э., Мөхмонаев С. Қишлоқ аҳолисининг турмуш шароити: муаммо ва счимлар. Тошкент, «Мечнат», 1991, 6-бет.

Харид нархи ва меҳнатга тўланадиган ҳақнинг пастлиги шароитида даромаднинг асосий қисми пахтани етиширадиганларга эмас, кўпроқ республикадан ташқаридағи истеъмолчиларга тегар эди. Пахта етиштирувчи хўжаликлар аҳолисининг асосий қисми жабрланувчи бўлиб қолди, хотин-қизлар ва болаларнинг мاشаққатли меҳнати, таълим сифатининг пастлиги, касаллик ва болалар ўртасидаги ўлим даражасининг юқорилиги ана шу даромадларнинг оқибатидир¹.

Дарҳақиқат, «80-йилларда ҳалқимиз пахта яккаҳомлигидан катта азият чекди, — деб таъкидлади Президент И. Каримов, — ўша пайтлардаги қўшиб ёзишлар»² пахтачиликка катта зиён етказди. Ҳисобга олинмаган 200 минг гектар ортиқча ерга пахта экилиб, катта миқдорда ҳосил ўзлаштирилган³.

Пахтачилик соҳасидаги бу салбий ҳолатларга барҳам беришга мустақилликка эришилгандан кейин астойдил киришилди ва кўплаб туманларда умумий экин майдонларида пахтанинг ҳиссасини 60, ҳатто 56 фоизга туширишга муваффақ бўлинди, шу ҳисобдан фаллазорларни янада кенгайтириш учун катта тадбирлар белгиланди.

Бироқ Бухоро вилояти айрим раҳбарларининг айби билан турғунлик йилларидан қолган кўзбўямачилик каби иллат натижасида давлатни, ҳалқни алдаб, фалла ўрнига пахта экиб, юзлаб, минглаб гектарларни ҳисбот ҳужжатларига киритмай, қалбаки рапорт билан чўнтакни қаппайтирган кимсалар кейинги йилларда ҳам учрагани жуда ачинарлидир. Бу иш ватанга хиёнат қилишдан бошқа нарса эмас. Ҳолбуки, узоқ йиллардан бери аҳоли эҳтиёжи учун зарур фалланинг 80 фоизи четдан сотиб олиб келинмоқда⁴.

Мана шу йилларда республиканинг айрим раҳбар ходимлари марказнинг тобе ижроиси сифатида унинг топширигини сўзсиз бажариш учун ва ўзларининг разли манфаатларини кўзлаб кўпгина қўнгир ишларни қилдилар. Бироқ кейинчалик бунинг жабрини айбор шахсларгина эмас, балки бутун ўзбек ҳалқи тортди, кўп азобларни бошдан кечирди.

Сўнгги йилларда марказий матбуотда «ўзбеклар иши», «пахта иши», «ўзбек пораҳўри», «ўзбек мафияси»

¹ Фозилхўжаева И. Миллатларро муносабатларни тартибга солиш, 72-бет.

² «Ўзбекистон овози», 1994 йил 31 март.

³ Бекметов Э. Ҳалқлар ҳамкорлиги ва иқтисодий алоқалар, 20-бет.

⁴ «Ўзбекистон овози», 1994 йил 31 март.

деган терминлар пайдо бўлиб қолган эди. Виждон, инсоф ва диёнатни унугтан катта-катта лавозимдаги кимсалар ўзбек халқини турли тамғалар билан адолатсиз рашида ҳақоратладилар. Бу билан улар ўзбек халқининг шон-шарафи, қадриятларини ерга урмоқчи бўлдилар. Асоссиз тұхмат ва бўхтонлар билан ҳеч қандай айбсиз кишилар хўрланишларга дучор бўлдилар. Айрим кишилар томонидан қилинган камчиликларни республикализмнинг кўп миллатли меҳнаткашлари зиммасига юклашга ҳаракат қилдилар, бу катта сиёсий хато эди. «Ўзини адолатли деб келган, лекин ўтга адолатсиз бўлган марказ Ўзбекистонга, ўзбек халқига қанча тамға босмади, қанча маломат тошлари отилмади... Ўзбек номини бадном қилиш ҳаракатларига зарба бердик... «пахта иши» деб қамалгандарнинг ҳаммаси авф этилди!»¹.

Ҳақиқат кечикиб бўлса ҳам қарор топди. Аммо бу соҳада йўл қўйилган ҳар қандай хатолик миллатлараро муносабатларга раҳна солиши, вазиятни кескинлаштириши ва ижтимоий-сиёсий вазиятни таранглаштириши турган гап эди.

Тобелик йилларида ҳаётимизнинг кўп соҳаларидаги каби қишлоқ хўжалигига ҳам катта бузилишлар рўй берганлигидан Ўзбекистон ижтимоий-иқтисодий ва экологик жиҳатдан оғир аҳволга тушиб қолди.

Ўзбекистонда аҳоли тез суръатлар билан кўпайиб бормоқда. Бундан ташқари, республика аҳолиси анча зич жойлашган, қишлоқ аҳолиси эса бундан ҳам зичроқ, кейинги йилларда бу зичлик янада ортди. Лекин шусиз ҳам тушунарлики, аҳолининг ҳаддан ташқари тифизлиги, аҳолининг табиий ва механик ўсиш суръатларининг юқорилиги аҳоли зич жойлашган минтақаларда беистисно барча ижтимоий муаммоларни яна ҳам кўпроқ мураккаблаштириб юборади.

Бироқ, умумитти孚оқ илмий адабиётида, марказий матбуотда ва ҳатто собиқ СССР халқ ноиблари съездларида Ўрта Осиёдаги бошқа республикалар сингари Ўзбекистонда ҳам кўпгина ўзига хос муаммолар гёё қишлоқ аҳолисининг кўпайиб кетганлигининг оқибати деб изоҳлаб келинди. Ўзбекистоннинг мамлакатга пахта, пилла ва шу каби хом ашёларни етказиб берувчи асосий база сифатида бир томонлама ихтисослаштирилиши республикамизда қайта ишловчи саноат тармоқларининг ривожланишига тўсқинлик қилди. Ишлаб чиқарув-

¹ Ўзбекистон Республикаси: мустақил давлатнинг бунёд бўлиши, 61-бет.

чи кучларни жойлаштиришда, ишчи ва мутахассис кадрлар тайёрлашда маҳаллий маъмурларнинг нотўри йўл тутганлиги орқасида ҳам аҳвол оғирлашиб кетди. Бунинг устига йилдан-йилга республиканинг ҳар бир аҳолиси ҳисобига экин майдони ўлчами қисқариб бормоқда эди. Қишлоқ хўжалигига банд бўлган ҳар бир кишига 1,2 гектардан 0,8 гектаргача, аҳоли жон бошига ҳисоблагандан эса 0,4, Фарғона водийсида эса 0,2 гектардан кам ер тўғри келади¹. Келгусида эса аҳолининг бундай кўпайиш суръатларида дехқончилик учун яроқли ерларнинг танқислиги яна ҳам ошади. Бундай шароитда қишлоқ хўжалик маҳсулоти етиширишни ўстиришни фақат интенсивлаш ҳисобига, яъни ер майдонидан маҳсулот чиқаришни кўпайтириш ва чорвачилик маҳсулдорлигини ошириш ҳисобига таъминлаш мумкин.

Сув ресурсларининг тақчиллиги туфайли Ўзбекистонда экин майдонларини кенгайтириш имкониятлари ҳам чекланган. Кейинги йилларда суғориладиган ерларни парваришлаш, уларнинг ирригация, мелиоратив ҳолатини яхшилаш масалаларига эътибор сусайтириб юборилди. Паҳта майдонларини кенгайтириш мақсадида янги ерларни ўзлаштиришга зўр бериш, ўйламайнетмай миллиардлаб маблағни қўмга сингдириш билан бирга Орол денгизи ҳалокат ёқасига олиб келинди. Ваҳоланки, денгиз сатҳи йилдан-йилга пасайиб бормоқда. Бу, албатта, Орол бўйидаги экологик аҳволни янада мушкуллаштиради.

Маълумки, «юқоридан» белгиланадиган катта паҳта режалари туфайли мелиоратив жиҳатдан оғир-тақир ерлар, ҳатто шўр-гипс босган ерларгача ўзлаштиришга йўл кўйилди. Фарғона водийсида эса тоғ бағридаги қадимий дарё ўзани бўлган, таги қум-шагал қатламли ерларнинг устига тупроқ келтириб солиб, паҳта майдонлари ташкил этила бошланди. Бу усуlda «ер ўзлаштириш» экинларни суғориш учун кўп миқдорда сув беришни талаб қила бошлади. Ёлиқ дренаж тизимларининг ёмон ишлаши ёки бутунлай ишламаслиги натижасида ерларнинг тузини ювиб, суғориш учун бир гектар ерга 20—22 кубметр сув беришга тўғри келадиган бўлиб қолди. Натижада Ўзбекистон бўйича дренаж-коллектор сувларининг ҳажми йилига 20—23 миллиард кубметрни ташкил қилмоқда. Хуллас, ана шу миқдордаги сувнинг лоақал ярми ни тезроқ Оролга қайтариб олиб бориш лозим².

¹ «Совет Ўзбекистони», 1990 йил 5 июнь.

² «Ўзбекистон овози», 1994 йил 11 январь.

60-йиллар бошидан эътиборан сугориладиган майдонлар тобора кенгайиб, 2,3 миллион гектардан 4,2 миллион гектарга етказилди¹. Жумладан, 1966—1975 йилларнинг ўзида биргина Сирдарё вилоятида 181,1 минг гектар ер ўзлаштирилди. 9-беш йиллик охирига келиб Мирзачўлда ўзлаштирилган ер майдонлари 280 минг гектарга етди, бу ерларда 44 та совхоз ташкил этилди². Шунингдек, кейинги йилларда Қарши, Сурхон-Шеробод даштларининг кўриқ ерларида, Марказий Фарғона ва Амударё кўйи оқимида юзлаб хўжаликлар, саноат бошқармалари ташкил этилди. Натижада Амударё ва Сирдарёдан сув олиш миқдорининг ошиб бориши, ҳажми 20 миллиард кубметрдан иборат 20 та йирик³, пала-партиш сув омборларининг курилиши, пахта режасининг йилдан-йилга осмон баравар кўтарилиб бориши ва бунинг устига, 1970 йилдан бошлаб кетма-кет курғоқчилик юз бериши, Орол денгизи гидрологик режимининг ўзгаришига жиддий таъсир кўрсатди. Денгизга Амударё ва Сирдарё орқали 1961 йилга қадар ўртacha 52 кубокилометр сув қуйилиб турган бўлса, 1961—1970 йилларда, — 42,9, 1971—1980 йилларда — 16,1, 1981—1984 йилларда ўртacha — 4,2 кубкилометр сув қуйилди⁴, 1985—1986 йилларда эса ҳар иккала дарёдан Оролга бир томчи ҳам сув қуйилмади. Натижада кейинги 20 йил ичida ундаги сувнинг ҳажми 2 баравар қисқариб, сатҳи 11 метр пасайди⁵ ва 37,5 метрга тушиб қолди⁶.

Шу йиллар давомида янгидан-янги тўғонлар пайдо бўлди, сунъий денгизлар — Қайроқум, Чордара, Тахиатош, Туямўйин сув омборлари вужудга келди ва сув тоҳ ўз оқими билан, тоҳ насос курилмалари орқали пахта далаларига оқизилди. Сув ўз йўлида буғланиб, кумга сингиб, унинг фақат 30—40 фоизгина етиб борар эди. У ердаги тузларни ювиб, яна дарёга келиб қўшилиб, сувни заҳарлар эди.

Катта-катта сув омборлари ўнлаб, юзлаб километр масофага чўзилиб кетган Айдар, Арнасой, Сариқамиш, Чордара ва бошқа дренаж-коллектор сувлари тўплагич-

¹ Бегматов О. Қишлоқда сошиал сиёсат масалалари, 97-бет.

² УзРМДА, 58-жамгарма, 275-рўйхат, 121-иш, 23-варак.

³ Акромов А. Экология ва Орол денгизи экономикиаси. Ўзбекистон коммунисти, 1989, № 10, 84-бет.

⁴ Орол малад сўрайди. Тошкент, «Меҳнат», 1987, 30—31-бетлар.

⁵ Зиёдуллаев С. Ўзбекистон экономикиасининг регионал проблемалари, 37-бет.

⁶ «Ўзбекистон овози», 1994 йил 11 январь.

лар билан бирга ер ости сувларининг ҳам юзага кўтарилишига ёрдам берди. Оқибатда, ҳатто эскидан сугорилиб келинаётган ерлар ҳам иккинчи бор шўрланди. Ер ости сувларининг ҳужуми натижасида Амударё воҳасининг ўрга ва қўйи қисмларида ўсадиган гужум ва бошқа хил дараҳтлар қуриб кетяпти. Энг муҳими экологик муҳит жар ёқасига келиб қолди. Аҳоли саломатлигига жиддий зарар етятпи, посёлкалар, қурилишлар, шаҳарлар, шу жумладан, катта тарихий аҳамиятга эга бўлган иншоотларга ҳам хавф солинмоқда.

Шу ўринда юқорида айтилган Амударё ва Сирдарё ёнларида қурилган ва умуман тартибга солинмаган қўшимча 40 миллиард кубометр ҳажмдаги сувни ушлаб турувчи омборлар атрофида бўлаётган мунозаралар хусусида тўхталишга тўғри келади. Уларнинг қурилиши бундан 30—35 йил аввал бошланган бўлиб, бир қатор камчиликлардан ҳоли эмас. Масалан, 1965 йилда Сирдарёда қуриб фойдаланишга топширилган Чордара сув омбори тошқин сувлари тўпланишига мўлжалланмаган. Бундай сув Қизилқумдаги Арнасой чўкмасида тўпланмоқда. Бироқ ҳозирнинг ўзидаёқ бу ерда Сирдарё ва Жиззах вилоятларининг сугориладиган майдонлардаги зовур-дренаж сувлари билан тўлаётган 16 миллиард кубометр ҳажмдаги катта кўл пайдо бўлди. Арнасойга тошқин сувларни ташлаш ўша пайтда маблагни иқтисод қилиш билан оқланган эди. Албатта, бундан 30 йил илгари ҳеч ким бу нарса Оролга таъсир қиласди, деб ўйламаган. Эндиликда аҳвол янтича ёндашувни талаб этади. Арнасой сувларини экологик мақсадга мувофиқлик нуқтаи назаридан Амударёning ўнг қирғоқ зовури орқали, чап қирғоқ орқали эса Сариқамиш сувларини Оролга оқизиши илмий тадқиқотлар билан асосланган¹.

Ўзбекистонда пахта яккаҳокимлиги орқасидан қувиши натижасида ерларнинг шўрланиши миллий фожиа сифатида бостириб келди: Наманган вилояти ерларининг 47,9 фоизи, Андиконда 23,1 фоиз, Сирдарёда — 22,6 фоиз ер кучли шўрлангандир².

Орол денгизи сув режимининг бузилганлиги, сатҳнинг фалокатли даражада пасайтанлиги ва 2,2 миллион гектардан ортиқ шўрҳоқ майдоннинг қуриши Қорақалпоғистон учун, бутун Ўзбекистон, Ўрга Осиё учун ва Қозоғистоннинг жануби учун бориб турган экологик

¹ «Ўзбекистон овози», 1994 йил 11 январь.

² Бегматов О. Қишлоқда ленинчча социал сиёсат масалалари, 87-бет.

кулфат бўлди¹. Бу мудҳиш экологик вазият турғунлик давридан қолган энг аянчли мерослардан биридир. Бу ерда юзага келган аҳвол ердан кўп йиллар давомида ваҳшийларча фойдаланилганликнинг бевосита оқибатидир. Асосийси, биз табиатни кенг кўламда забт этишга берилиб кетдик.

Ўрта Осиё республикалари ва Қозоғистон жанубидаги қўриқ ерларни ўзлаштириш туфайли биринчи галдаги яхши натижаларга эришилди. Қишлоқ хўжалиги ишлаб чиқаришини юксалтириш, саноатни турли-туман хом ашё, аҳолини эса озиқ-овқат билан таъминлаш, регион учун муҳим ижтимоий-иктисодий муаммо бўлган меҳнатга лаёқатли аҳолининг бандлигини ошириш ана шулар жумласидандир. Бу ҳолда табиатни, таъбир жоиз бўлса, «иккинчи ва учинчи марта» забт этишнинг оқибатларига келсак, улар ҳақиқатан ҳам ҳалокатли бўлди ва Орол дengизини қуритди, Оролбўйи ва бутун Ўрта Осиёдаги турмуш шароитини мураккаблаштириб юборди.

Бир томондан, фаннинг айрим нуфузли вакиллари нинг хато қарашлари, иккинчи томондан эса соғлом фикрли олимларнинг ҳушёр, огоҳлантирувчи овоздларини эшитмаслик бунинг бошқа сабаби бўлди. Масалан, Туркманистон фанлар Академияси Саҳрочилик институтининг директори А. Бабаев: «Мен уни қуритиш сақлаб қолишдан анча фойдалироқ деб ҳисобладиган олимлар группасига мансубман» деб таъкидлар эди. У қуриган дengиз тубида пахта этиштириш ва 1,5 миллион тоннагача ҳосил олиш мумкин, деб ҳисоблар эди. Тошкент Давлат Университетининг профессори В. И. Шульц ҳам: «Агар Орол куриб қолса қўрқинчли ҳеч нарса рўй бермайди» деб унга жўр бўларди.

Бироқ Оролни ҳимоя қилиш бўйича, айниқса, унинг ҳажми ҳалокатли равишда қисқараётган пайтда принципиал чиқишилар бўлди. Ўзбекистон Фанлар Академияси Қорақалпоғистон филиали, Ўрта Осиёнинг барча республикалари ва Қозоғистон Фанлар Академиясининг олимлари бу ҳақда барадла гапира бошладилар. 1962 йилдаёқ, Нукусда бўлиб ўтган илмий-амалий конференцияда дengизнинг аҳволи тўғрисида ташвиш билан гапиришган ва уни кутқариш бўйича тавсиялар айтилган эди. Шундан кейин кўплаб мажлислар ва ил-

¹ Тўхниев Н. Иктиносидётни интенсив ривожлантириш йўлига ўтказишни жадаллаштирайлик, 13-бет.

мий конференциялар ўтказилиб, уларда ҳам Оролнинг аҳволи ҳақида ташвишланиб гапирилди. 1975 йилда космонавтлар Орол денгизи тубидаги туз минглаб километрга, Ҳимолай чўққилари гача етиб келаётганлигини хабар қилдилар. 1985 йилда СССР Фан ва техника давлат комитети қошидаги атроф-муҳит ва табиий ресурслардан рационал фойдаланиш муаммолари бўйича идораларо кенгаш денгиз сатҳи ўзгаришининг унинг атрофидағи районлар экологияси ва иқтисодиётига кўрсатадиган салбий таъсирини баҳолаш учун маҳсус комиссия ташкил этди¹.

Неча йиллардан бери Орол денгизининг қуриши оқибатида вужудга келган экологик ҳалокат ҳақида республикамиз газеталарида, қолаверса, дунё оммавий ахборот воситаларида бонг урилмоқда. Бугунги кунда Орол денгизи муаммоси нафақат миллий ва умуммиллий, балки умумжаҳон, умуминсоният аҳамиятига эга бўлган муаммога айланиб боряпти. Чунки Орол денгизи ўз кўлами ва келтирган оқибатлари жиҳатидан Чернобиль фожиасидан қолишмайди.

Маълумки, иттифоқ даврида Орол бўйидаги экологик вазиятни барқарорлаштириш учун қилиниши лозим ва мумкин бўлган амалий ишлар қофозларда қолиб кетди. Ана шундай қилиниши мумкин бўлган амалий ишлардан бири Сибирь дарёлари сувининг бир қисмини Оролга оқизиши ишлари бўлиб, у ҳам тўхтатиб қўйилди.

XIX Бутуниттироқ конференцияси Орол бўйи худудида экологик вазиятни яхшилашда мухим даврни гёё бошлаб бергандек бўлди. Конференцияда сўзга чиқсан делегатлар иттифоқ миёсида биринчи марта Ўзбекистондаги оғир экологик вазиятни, пахта яккаҳокимлиги оқибатларини ва республикада болалар ўлими сони ниҳоятда юқори эканини куюниб гапиридилар.

Шундан сўнг, яъни 1988 йил 19 сентябрда Орол масаласи бўйича дастлабки катта тадбирлардан бири бўлган машхур «Орол денгизи районида экология ва санитария вазиятини тубдан яхшилаш, Орол ҳавзасида сув ва ер ресурсларидан фойдаланиш самараадорлигини ошириш ҳамда уларни муҳофаза қилишни кучайтириш чоралари тўғрисида»²ги қарор қабул қилинди. Бу билан Орол масаласи бир қадар ўз ечимини топгандек эди. Ушбу қарордан келиб чиқадиган вазифаларни 1989 йил

¹ Акрамов Э. Экология ва Орол денгизи экономикаси // Ўзбекистон коммунисти, 1989, № 10, 84—85-бетлар.

² «Ўзбекистон коммунисти», 1988, № 11, 6—10-бетлар.

6 марта бўлган ўн биринчи чақириқ Ўзбекистон ССР Олий Кенгашининг навбатдан ташқари ўнинчи сессияси муҳокама қилиб, унга юқори баҳо берди. Лекин у оғир юкни ўрнидан кўзғатишга бир турткى бўлди, холос. Шундан буён жаҳоннинг қатор мамлакатларида, шу жумладан, Нукус шаҳрида Орол муаммосига багишланган бир неча конференциялар, симпозиумлар ўтказилди. Аммо узоқ йилларга мўлжалланган бу тадбирлар ҳалигача ўз самарасини бергани йўқ.

Шунинг учун ҳам зудлик билан экологик ҳалокат жабрини тортаётганларга ёрдам бериш, болалар ва аёллар ўлимини камайтириш, хатарли тус олиб бораётган касалликлар ўсишини тўхтатиш учун эндиликда амалий ишлар қилиниши лозим. Бу борада Ўзбекистон Ёзувчилар ўшмаси ҳузуридаги Орол ва Орол бўйини асраш жамоатчилик комитети бирмунча хайрли ишларни амалга ошироқда. Маълумки, «Глобая инфраструктура» Япония ташвиқот жамғармасида ернинг экологик шароитини яхшилаш бўйича комитет ташкил қилиниб, Оролбўйи муаммолари асосий мавзуга айланди. Муаммоларни ҳал этиш борасида бу ерга чет эллардан оз бўлса-да, дори-дармонлар, ускуналар юборилмоқда. Бу ўринда Германия Қизил хоч жамиятининг, Голландия, АҚШ, Ҳиндистон, Туркия, Бирлашган Араб Амириллари, Италиянинг кўрсатган ёрдамларини таъкидлаб ўтмоқ керак.

Газеталарда таъкидланганидек, «Оролни қутқариш борасида асосий масъулият марказий ҳукумат зиммасида, негаки у кўп йиллар давомида марказий бошқармаларниң барча тирик мавжудотлар учун ҳалокатли бўлган фаолиятини рагбатлантириб ва бу билан экологик кризисларнинг кучайиб боришига шароит яратиб келди. Ўзи қабул қилган қарорларнинг фойда-зиёнига ҳукуматдан бошқа ким ҳам жавоб беради!»¹ Дарвоҳе, каналлар қазилиши-ю, миллион-миллион тонна пахтанинг ундирилишини марказ бошқарди. Роҳатини ҳам ўша марказ кўрди. Жабрини эса маҳаллий ҳалқ тортмоқда².

Бироқ, эндиликда марказ ҳам, унинг бошқарув тизими сиёсати ҳам йўқ. Шундай экан, баҳс-тортишувларга чек қўйиб, манфатдор қўшни давлатларнинг моддий ва меҳнат ресурсларини жалб этган ҳолда ҳамжиҳатлик билан ишга киришиш зарур. Барибир, юқорида айтиб ўтилганидек, чет давлатлар бизнинг экологик

¹ «Ўзбекистон адабиёти ва санъати», 1990 йил 9 март.

² «Ёш ленинчӣ», 1990 йил 23 октябрь.

муаммоларимизни бирваракай ҳал қилиб бера олмаслигини, ҳозир ҳам, келажакда ҳам бу асосан Ўзбекистон муаммоси бўлиб қолишини Қорақалпоғистон аҳолиси дилдан тушунмоқда¹.

«Оролда содир бўлаётган ва бугунги кунда юз беряётган экологик ҳалокатни, — деб таъкидлади қорақалпоғистонлик ёзувчи Т. Қайипберганов Ҳалқ депутатларининг биринчи съездидаги сўзлаган нутқида, — ўз кўлами ва узоқ давом этадиган оқибатларига кўра жаҳондаги энг катта ҳалокатлар билан қиёслаш мумкин. Қурбонлар, бир умр ногирон бўлиб қоладиган кишилар бор. Заҳарланган, яроқсиз ҳолга келтирилган замин, ҳувиллаб қолган ва вайрон бўлаётган қишлоқлар бор... Бугунги кунда бизнинг еримизда мева, сабзавот етиштириш хатарли... Ризқ-рўзимиз бўлган замин бутунлай заҳарланган, барбод қилинган. Илм-фан ҳали Қорақалпоғистоннинг бир қарич ерини ҳам гербицид, пестицид, дефолиантлардан тозалай олмади, бундай дорилар аввалги йиллар ҳар гектар ерга тонналааб солинар эди»².

Маълумки, 80 дан ортиқ миллат ва элат намояндалари бирга яшаб, меҳнат қилаётган Қорақалпоғистон ўзининг иқтисодий, илмий-техникиавий, маънавий ва бошқа имкониятлари жиҳатидан Ўзбекистондаги ўртacha даражадан анча орқада қолмоқда эди. Аҳоли жон бошига гўшт, сут, тухум ва бошқа маҳсулотлар истеъмол қилиш Ўзбекистондаги ўртacha даражадан анча паст бўлиб, иттифоқдаги даражадан эса 2–3 баравар камдир³. Суғориб экиладиган ерларда заҳарли дорилар ва минерал ўғитларни ҳаддан зиёд кўллаш натижасида тоза сувнинг етишмаслиги сабабли аҳоли ўртасида ҳар хил касалликлар кўпайди. Масалан, Қорақалпоғистон Республикасида ошқозон-ичак касалликлари иттифоқ даражасидан қарийб 30 марта юқори бўлиб, нафас олиш аъзолари, аллергик ва бошқа касалликлар ўсмоқда эди⁴. Орол денгизининг сатҳи пасайиб, ниҳоятда тез қуриб бораётганлиги, Оролбўйи саҳрога айланиб, экологик жиҳатдан мушкул вазият вужудга келаётганлиги эса бу аҳволни баттар ёмонлаштироқда, кўпгина жиддий муаммолар тўпланиб қолишига олиб келмоқда.

Афсуски, биз кўриб чиқаётган даврдаги хатолик ва

¹ «Ўзбекистон овози», 1994 йил 11 январь.

² «Совет Ўзбекистони», 1989 йил 3 июнь.

³ «Совет Ўзбекистони», 1989 йил 28 ноябрь.

⁴ Аминова Р. Қайта қуриш шароитига Ўзбекистонда социал ривожланишнинг долзарб муаммолари, 39-бет.

бузилишлар фақатгина Орол муаммоси, ирригация-мелиорация курилишидаги камчиликлар билангина чекланмайди. Шуни таъкидлаш керакки, бу даврда Ўзбекистонда ердан юқори ҳосил олиш, пахтани ҳар хил ҳашаротлардан ҳимоя қилиш ва баргини тўқтириш мақсадларида қишлоқ хўжалигини химиялаштиришга астойдил киришилди. Дарҳақиқат, қишлоқ хўжалигида химиявий воситалардан фойдаланиш катта аҳамиятга эга. Бироқ уни ишлатишда жаҳон амалиётида кўлланилиб келинаётган меъёрдан ошиб кетмаслик, инсон саломатлиги ва атроф-муҳитга таъсир этмайдиган даражада ишлатиш лозимлигига эътиборсизлик сўнгги йилларда касалликларнинг кўпайиши ва бошқа салбий оқибатларга олиб келди.

Ҳўл мева, сабзавот, полиз маҳсулотлари етиштириб бериш йилдан-йилга камайди. Кейинги пайтда қулай шароитга қарамай, 1970 йилдаги 38 фоиздан 1985 йил 35 фоизга тушиб қолди¹. Бир неча ўн йиллардан бери ерга тинмай чигит экилиши, заҳарли химикатларни «рекорд» даражада ишлатиш натижасида минглаб гектар ерлар муомаладан чиқиб қолди, экинлар сифати ҳаддан ташқари бузилиб кетди. Ўзбекистонда шундай бир вазият юзага келдики, республика ҳўл мева ва сабзавот билан ўз аҳолиси эҳтиёжини қондиролмай қолди. Бу кўп жиҳатдан пахта яккаҳокимлиги билан боғлиқ бўлиб, у бошқа экинларни «сиқиб чиқарди». Ўзбекистонда қишлоқ хўжалиги маҳсулоти етиштириш ҳар бир ишловчига 1986 йили иттифоқ даражасининг 57 фоизини ташкил этди. Республика шу боисдан мамлакат бўйича 14-ўринга тушиб қолди².

Хоразм, Бухоро, Самарқанд, Қашқадарё вилоятлари, Қорғалпоғистон Республикасида қишлоқ хўжалигида химиявий воситалардан нотўғри ва кўп микдорда фойдаланиши натижасида ичимлик сувлари заҳарланганлиги, бу эса инсон саломатлиги учун зарарли таъсир этганлиги жамоатчиликда фоятда катта ташвиш уйғотди.

Қишлоқ хўжалигини пухта ўйламай химиялаштириш шунга олиб келдики, ҳар гектар ерга солинадиган пестицидлар хавфсиз даражадан 40-50 баравар ортиб кетди. Шуни эслатиб ўтиш керакки, дунё бўйича ҳар гектар

¹ Узбекская ССР в цифрах в 1988 г. Ташкент, «Узбекистан», 1989, 132—133-бетлар.

² «Известия», 1988 йил 26 август.

ерга 300 г., Фарбий Европа ва АҚШда 2—3 кг, СССРда 1 кг, Ўзбекистонда эса пахта майдонларининг ҳар гектарига 54,4 кг пестицидлар (заҳар химикатлар) солинар эди¹. Бу заҳарли моддалар маҳсулотлар ва очиқ сув ҳавзалари орқали қишлоқ аҳолиси, шунингдек, пахта теримиға юборилган шаҳарлик ҳашарчилар организмига ўтиб, соғлиғига салбий таъсир қылмоқда эди. Натижада 80-йиллар ўрталарида Қашқадарё, Жиззах, Тошкент, Бухоро, Сурхондарё ва Навоий вилоятларида ич терлама ва паратиф бирдан авж олганлиги кузатилди.

70-йиллар ва 80-йилларнинг бошларида ана шундай ноҳуш вазият ҳақида, меҳнаткашларнинг моддий аҳволи, ўқувчиларнинг 4—5 ойлаб қишлоқ хўжалиги ишларига жалб этилиши натижасида таълим савиясининг пасайиб кетганлиги, айниқса қишлоқ аёлларининг пахтачиликдаги кам даромадли оғир меҳнати, кўп болали оиласлар турмуш шароитининг оғирлиги, ижтимоий ҳимоялаш тизимининг такомиллашмаганлиги каби ўткир муаммолар илмий тадқиқотларда тилга олинмади, улар тўғрисида тушунча ва тасаввур ҳосил қилиш учун одамларга тўғри ва вижданан ёзилган маълумотлар берилмади. Зоро, бу — миллатлар ўртасида ишонч ва дўстликни мустаҳкамлашнинг энг муҳим шартидир. Афсуски, республикада бу муаммога жиддий эътибор берилмади. Шу зайдла ижтимоий тараққиётдаги барча зиддиятлар четлаб ўтилди. Қабул қилиб келинган қонунлар, амалга оширилган тадбирлар асосан аёлларни ижтимоий фойдали меҳнатга қаратиш, ишлаб чиқариш илфорларини мақташга йўналтирилди. Чоп этилган асарларнинг аксариятида аёллар турмуши ҳаққоний ёритилмади, кўпинча турмушнинг муаммолари, салбий ҳолатлар назардан четда қолди, воқеиликларнинг фақатгина ижобий томонларини безаб кўрсатишга ҳаракат қилинди².

Республика аҳолисининг ярмидан кўпроғини ташкил этган аёлларнинг қишлоқ хўжалигидаги салмоғи йилдан-йилга ортиб борди. Улар колхозчилар йиллик ўртacha сонининг 49 фоизини ташкил этади. Айниқса, Фарғона ва Хоразм вилояти колхозларида аёллар салмоғи юқори³. Кишини шу нарса ранжитадики, аёлларнинг кам малақали ёки малакасиз меҳнат билан машгуллиги эркакларга нисбатан ортиқ. Қишлоқ аёллари учун асосийси оила

¹ Бегматов О. Қишлоқда социал сиёсат масалалари, 119-бет.

² Алимова Д. Женский вопрос в Средней Азии. История изучения и современные проблемы. Ташкент, «Фан», 1991, 131-бет.

³ Женщины в СССР. М., 1989, 18-бет.

иқтисодини таъминлаш бўлиб, оғир жисмоний меҳнат қилишга мажбур эдилар. Бунинг учун улар «саратоннинг жазирама иссиғида ҳам, кеч кузакнинг зах, изғиринларида ҳам то кун ботгунча далада ишлашга рози эдилар. Ўзлари учун мумкин бўлмаган оғир юкларни кўтарарди-лар. Заҳарли химикатлар сепилган далаларда 10—12 соатлаб кетмон чопиш, пахта териш каби оғир меҳнатни бажариш натижасида хотин-қизларимиз, гўдаклар бедаво касалликка чалиндилар... Кўпгина аёллар давринг жабру жафолари, хўрланиш, ҳақоратларига чидай олмай устларидан керосин қуийб, ўзларини ёқдилар. Буни турли усуллардаги хўрлашларга қарши кўтарилган фарёд, чақирик, исён деб билмоқ қерак»¹.

Аёллар меҳнати ва турмушини яхшилаш учун фамхўрлик қилинганида, ижтимоий соҳадаги муаммоларни ҳал этишга етарли эътибор берилганида бундай ҳодисаларнинг олди олинган бўларди. Бироқ аёллар аҳволининг яхшиланиши, моддий ва маданий даражасининг юксалишига қаратилган ҳукумат қарорлари ҳам суст бажарилди. Аёл — меҳнаткаш, аёл — онанинг манфаатларини ҳимоя қилиш лозим бўлган чинакам тараққийпарвар қонунчилик ҳаётга ҳар доим ҳам тўғри тадбиқ этилмади.

Қишлоқ хўжалигида, айниқса деҳқончилик ва чорвачиликнинг кўпгина тармоқларида техника келтирилганига қарамай, ҳамон 86—88 фойз қўл меҳнати сақланниб қолмоқда эди.² Интенсивлашга эътибор берилмади, республикада қарийб 40 мингта пахта териш машинаси³ мавжуд бўлишига қарамай, 1985 йилда етиштирилган умумий ҳосилнинг атиги 37 фойзигина машиналар ёрдамида йиғиштириб олинди⁴. Пахта теримига ҳар йили юз минглаб шаҳарликлар жалб қилинар эдик, бу ҳол республика иқтисодига, айни пайтда ўқувчи ва талабаларнинг илм олишлари ва маънавий савиялари ўсишига анчагина салбий таъсир кўрсатмоқда эди. Шу билан бирга, ўн биринчи беш йилликда пахта теришни механизациялаш даражаси ўнинчи беш йилликдагига нисбаран икки ҳисса камайди⁵.

¹ «Ўқитувчилар газетаси», 1989 йил 15 март.

² Муляджанов И. Социально-экономическое значение совершенствования территориального перераспределения и размещения трудовых ресурсов в Узбекской ССР. Ташкент, УзНИИТИ, 1990, 10-бет.

³ Народное хозяйство Узбекской ССР в 1987 году, 86-бет.

⁴ Орипов Ж., Сирожев Н. Қишлоқнинг ижтимоий-иктисодий аҳволи ва муаммолари. Тошкент, «Меҳнат», 1992, 11-бет.

⁵ Зиёдуллаев С. К. Ўзбекистон экономикасининг регионал проблемалари, 48-бет.

Қишлоқ хўжалиги экинлари етиштиришнинг янги технологиялари суст жорий этилди, қўл меҳнатини камайтиришга жиддий эътибор берилмади. Масалан, Тошкент вилоятида 29 фоиз пахта қўлда терилган бўлса, Бухоро вилоятида бу 91 фоизни ташкил этди¹. Бундан кўринадики, қишлоқ хўжалиги техникаси билан ишловчи ишчи ва хизматчилар бўлган эркакларнинг асосий қисми, яъни 68 фоизи бошқа ишлар билан банд бўлишган². Пахтачиликдаги энг сермеҳнат жараён — пахта ҳосилини йигиб олишнинг суст механизациялаштирилганлиги сабабли оғир жисмоний меҳнат асосан аёллар зиммасига тушар эди.

Қишлоқ хўжалигини ривожлантиришнинг асосий ўюли кам самарали оғир қўл меҳнатини машина билан алмаштиришни истисно этади. Шу мақсадда республикада қишлоқ хўжалигига зарур машина ва ускуналарни ишлаб чиқариш, уларни етказиб бериш кўпайтирилди. Пахта териш машинаси 1970 йилдаги 26,1 мингтадан 1985 йили 39,6 мингтага, галла ўрадиган комбайнлар сони шу йиллар ичida 6,8 мингдан 11,4 мингтага этди³. Кейинги йилларда чорвачилик моддий-техника базаси шубҳасиз жадал ривожланди. Масалан, 1970—1980 йилларда соғиши агрегатлари 7 фоиздан 52 фоизга, озуқа тарқатадиган механизмлар 6 фоиздан 57 фоизга кўтарилиди⁴. Лекин шунга қарамай, кўпгина техника восита-лари умуман ишлатилмаган ёки ёмон ишлатилган.

Қишлоқ хўжалиги техникаларининг қимматлиги сабабли маблағларнинг кўп қисми машиналар сотиб олиш учун сарфланди. Ҳисоб-китобларга қараганда, пахта териш машинаси фақат 10 йилдан кейингина ўз қимматини оқълар экан. Ҳолбуки, у 4—5 йилда бутунлай яроқсиз ҳолга келмоқда. Бутун машинасозликда банд бўлган ходимлардан ҳам кўпроқ киши машиналар ремонти билан банддир. Мамлакатимиз жаҳонда кўп трактор ишлаб чиқаргани ҳолда, айни вақтда, техника-нинг бу тури ҳали етишмайди. Бу, юқорида айтилганидек, ишлаб чиқаришнинг қолоқ тизими, машиналар сифати пастилигининг натижасидир⁵. Республикада машина-трактор парки эскирди, кўпгина машина турлари

¹ Муллоғажонов И. Социально-экономическое значение совершенствования территориального перераспределения и размещения трудовых ресурсов, 10-бет.

² Народное хозяйство Узбекской ССР в 1987 году, 41-бет.

³ Народное хозяйство Узбекской ССР в 1987 году, 86-бет.

⁴ ЎзР ПДА, 58-жамгарма, 289-рўйхат, 298-иш, 64—65-варақлар.

⁵ Бегматов О. Қишлоқда социал сиёсат масалалари, 36-бет.

эса бизнинг шароитга тўғри келмай қолди. Натижада меҳнат самарадорлиги пасайди, маҳсулот таннархи ошди, ишлаб чиқариш рентабеллиги тушиб кетди. Пахта тайёрлаш режаси эса 80-йиллар охирларигача илгаригидай ўзгаришсиз қолаверди, бунинг натижасида қишлоқ меҳнаткашларининг аҳволи янада оғирлашди. «Юқоридан» белгиланган режани бажариш учун фалла, мева, сабзавот ва бошқа экинларга мўлжалланган ерларга ҳам чигит экишга мажбур бўлинди.

Асосий қишлоқ хўжалиги соҳаси пахтачилик бўлган Ўзбекистонда узоқ вақтларгача озиқ-овқат маҳсулотининг салмоқли қисмини берадиган томорқа хўжаликлирига зарур эътибор қаратилмади. Оқибатда республикализ иттифоқда озиқ-овқат истеъмоли, умуман, турмуш даражаси бўйича охирги ўринлардан бирига тушиб қолди. Гўшиг ва гўшиг маҳсулотлари республикада аҳоли жон бошига 29—30 кг, иттифоқда 62—64 кг, хўл мева ва сабзавот истеъмоли республикада 170—173 кг, иттифоқда эса 260—270 кг дан тўғри келди¹. Ҳолбуки, шахсий томорқаларнинг кенгайтирилиши қишлоқдаги бир қанча ўткир муаммоларни ҳал этишга ҳам ёрдам берган бўларди. Қишлоқ хўжалик маҳсулотлари, биринчи навбатда озиқ-овқат маҳсулотлари етиштириш ҳажмини ортириш, қишлоқда, айниқса, аёллар ва ёшлар учун меҳнат қилиш соҳасини кенгайтириш, қишлоқ аҳолисини даромадларини кўпайтириш, уй-жой муаммоси ҳал этилиши мумкин эди.

Кейинги йилларда шаҳар билан қишлоқ ўртасидаги номутаносибликни тугатиш юзасидан кўп ишлар қилинмоқда. Қишлоқ аҳлининг турмуши яхшиланяпти, бироқ ана шу тафовутни тугатиш учун ҳали кўп меҳнат қилишга, қишлоққа катта мадад беришга тўғри келади. Бунинг учун, биринчи навбатда, катта даромад манбай бўлган хом ашёни қайта ишлайдиган ихчам саноат корхоналарини қишлоққа олиб келиш жуда муҳимdir.

Ўз байналмилал бурчини бажарган ва мамлакатнинг пахта мустақиллигини таъминлаб берган деҳқонлар гектар бошига ҳаммаси бўлиб 2200 сўм даромад олар эдилар². Ваҳоланки, 70—80-йилларда республикада етиштириладиган пахтанинг ўндан бир қисмидан камигина Ўзбекистонда қимматбаҳо саноат маҳсулотига айлантири-

¹ «Правда Востока», 1988 йил 23 апрель.

² «Совет Ўзбекистони», 1990 йил 5 июнь.

³ Юсупов Э., Туленов Ж., Гафуров З. Миллий масала бўйича фалсафий сұхбатлар, 49-бет.

лар, қолган 92 фоизининг³ сердаромад истеъмол моли тарзида бериладиган 25 миллиард сўмлик¹ фойдаси республика миллий даромадига киритилмас эди. Марказ олиб борган нотўғри сиёsat туфайли Ўзбекистон хом ашё етишириб берувчи ўлка ҳисобланиб, ундан келадиган даромад мамлакатнинг бошқа минтақаларида қолиб кетар эди. Бошқача айтганда, пахтани етиширувчи дехқондан кўра, ундан юз хилга яқин маҳсулот тайёрловчи корхоналар ўн баравар кўпроқ даромад олар эдилар.

Шундай экан, пахта ва унинг яккаҳокимлиги келтириб чиқарган муаммоларни ҳал этишининг оқилона, ҳам миллий, ҳам умуммиллий аҳамиятга эга бўлган самарали йўлини излаш талаб этилади. Республикада пахта толасини қайта ишловчи моддий база яратиш, бу кўрсаткични ҳеч бўлмагандан 40—50 фоизга етказиш етилиб турган энг долзарб ва ҳақоний масаладир². Бу масаланинг ҳал этилиши билан кўпгина муаммолар, жумладан, хом ашёни қайта ишлайдиган кичик-кичик корхоналарни қишлоққа келтириш, қишлоқ аҳолисини иш билан таъминлаш, миллий даромаднинг кўпайиши ҳисобига аҳолининг моддий фаровонлигини ошириш, аҳоли эҳтиёжи учун зарур моллар етиширишни кўпайтириш каби масалалар ҳам ўз ечимини топган бўлар эди.

Шунга кўра, ўн йиллар мобайнода йиғилиб қолган барча ташвишларимизни, муаммоларимизни ечишни халқимизнинг 60 фоиздан кўпроғи яшаётган қишлоқ хўжалиги соҳасидан бошлаш лозим. «Демак, мақсад, — Ўзбекистон Республикаси Президенти И. Каримов таъкидлаганидек, — қишлоқ хўжалиги соҳасида ишлаб чиқариш самарадорлигини кескин ошириш, қишлоқда яшаётган халқимизнинг ҳаёт даражасини кўтариш, улар учун муносиб шарт-шароитларни яратишдан иборат бўлмоги керак»³.

Пахтачиликнинг тақдири масаласи ижтимоий муаммолар илдизи бориб тақаладиган Ўзбекистон иқтисодиётида марказий масала бўлиб қолаверди. Шунга кўра, экин майдонлари тузилмасини кўриб чиқиш, пахта яккаҳокимлигига изчил барҳам бориб бориш, уни экишнинг меъсрдаги ҳажмларини ва алмашлаб экиш кўрсат-

¹ Осминин В. Ўзбекистон ССР экономикасини қайта қуриш асосида ривожлантиришнинг яқун ҳамда проблемалари, 27-бет.

² Аминова Р. Қайта қуриш шароитида Ўзбекистонда социал ривожланишнинг долзарб муаммолари, 17-бет.

³ «Ўзбекистон овози», 1994 йил 19 февраль.

кичларини илмий асослаб бериш кечиктириб бўлмас энг муҳим вазифадир. Буларнинг ҳал этилиши Ўзбекистон меҳнаткашларини кўп экилаётган пахта ташвишидан кутқаради, қишлоқнинг ижтимоий ҳаётини юксалтиради, аҳоли учун зарур озиқ-овқатни кўпайтиради, экологик аҳволни яхшилади.

Бу масаланинг муҳимлиги яна шундаки, у бугунги кунда республикада атроф-муҳитни муҳофаза этиш сув ресурсларини туттагаётган, тупроқни заҳарли химикатлар билан зааралантираётган, узоқ йиллардан бери ҳал этилмай келаётган пахта яккаҳокимлиги муаммоси билан узвий боғлиқдир.

ИҚТИСОДИЙ МУНОСАБАТЛАР МУАММОЛАРИ

Кейинги ўн йиллардан то 80-йилларнинг охирларигача амалга оширилиб келинган, асосан умумитти-фоқ (аслида тармоқлар) эҳтиёжларини қондиришга қаратилган хўжалик тизимларини шакллантириш сиёсати жиддий хатолардан холи эмас эди. Бундай сиёсат жаҳон хўжалигидан ажралиш, унга мумкин қадар камроқ қарам бўлиш нуқтаи назаридан туриб юргизилди, бу ҳол амалда жаҳондаги фан-техника ютуқларидан ажралишга сабаб бўлди. Иттифоқдош республикаларнинг мамлакат ичидағи ҳамкорлиги эса аслида ихтинослашган тармоқлар маҳсулотларини алмашиниб туришга олиб келди, чунки бундай алмашувни қиймат, талаб ва таклиф қонунлари эмас, балки мажбур қилиш, ресурслар ва бойликларни бўйруқлар билан тақсимлаш сингари файрииқтисодий усувлар тақозо этарди. Жаҳон нархларидан тамомила фарқ қилувчи нархлар асосида хом ашё ва маҳсулот алмашиш, етказиб бериш пировард натижада бутун СССР миқёсида ғоят нуқсонли, бузилган халқ хўжалиги таркибининг шаклланишига кўмаклашди. Улкан мамлакат ичига мустаҳкам иқтисодий негизи бўлмаган, асосий хусусияти муттасил тақчилликдан иборат бўлган соҳта бозор вужудга келди.

70—80-йилларнинг биринчи ярмида «ҳокимиятнинг иқтисодий воситаларини заифлаштирадиган бутун бир тизим пайдо бўлди, ... илғор ўзгаришларга тўсқинлик қилувчи ўзига хос механизм вужудга келди»¹. Бу иқтисодиётда тўхтатиш механизми кучли намоён бўлиши-

¹ «Совет Ўзбекистони», 1988 йил 30 январь.

нинг кўриниши эди. Вазирликлар ва идораларнинг ташаббуси билан режалар тармоқ ва ҳудудий хусусиятларга эга турли қўшимчалар билан ўсиб борди, бунда мавжуд халқ хўжалиги имкониятлари ҳисобга олинмас эди. Режаларнинг мувофиқлаштирилмаганлиги, уларнинг барқарор эмаслиги ҳоллари мавжуд эди, илмий асосланганлик, стратегик вазифаларни ҳал этишга йўналганилик етишмас эди¹.

Ҳокимият иқтисодий механизмларининг қўсизланганлиги иқтисодий ривожланишининг кўплаб бошқа во-ситаларига баҳо бермаслиқда, товар-пул муносабатлари даги жиддий янгилишишларда, хўжалик юритишнинг кооператив шаклига эътиборнинг йўқлигига, мулчиликдан фойдаланишда иқтисодий назоратнинг заифлашишида ва бошқаларда кўринди.

Бошқарувнинг бюрократик, маъмурий-буйруқбозлик тизими прогрессив қайта ўзгартишларни тұхтатиб турди. Хўжалик механизми ҳатто ташаббускорларни ҳам кам рағбатлантирар эди.

Бу сиёсатнинг бошқа бир салбий оқибати шу бўлди-ки, 80-йиллар ўрталарига келиб СССР иқтисодий потенциали ва ижтимоий имкониятлари, аҳоли жон бошига истеъмол маҳсулотлари етказиб бериш жиҳатидан дунёда камбағал бўлиб, ривожланаётган мамлакатлар сафида қирқинчи ўринни ишғол этди.

Узоқ йиллар мобайнида иттифоқдош республикалар, регионлар, миллий ҳудудлар иқтисодий ва ижтимоий тараққиётини бараварлаштириш қонунияти тўғрисида кўп гапирилди. Миллий сиёсатнинг таркибий қисми бўлган турли миллий республикалар, мухториятлар тараққиёт даражасини бараварлаштириш сиёсати барча ҳудудларда ишлаб чиқарувчи кучларни бирмунча юксалтиришда катта аҳамиятга эга бўлди. Бунинг натижасида иттифоқдош республикалар сингари Ўзбекистонда ҳам metallургия, машинасозлик, кимё, тўқимачилик ва бошқа янги саноат тармоқлари вужудга келди, янги типдаги кадрлар тайёрланди.

Аммо республикалар иқтисодий ва ижтимоий ривожланиш даражасини тенглаштириш узил-кесил ҳал бўлмади. Бунинг устига ҳар бир иттифоқдош республиканинг ва миллий мухториятлар тараққиётини даражасининг бир-бирига яқинлашуви бизнинг мамлакатимизда молдий ва молиявий ресурсларни тақсимлаш ва қайта тақ-

¹ Совет жамияти тарихи саҳифалари: фактлар, муаммолар, одамлар. Тошкент, «Ўқитувчи», 1991, 367-бет.

симлаш ҳаддан ташқари марказлашган маъмурӣ йўл билан амалга оширилди. Шу билан бирга бу республикалар ҳар бирининг ўзигагина хос бўлган айрим жиҳатлари борки, буларни тенглаштириш асло мумкин эмас эди, чунки маълум тенгисизлик ҳамма вақт мавжуд бўлган ва шундай бўлиб қолади. Булар билан ҳисоблашмаслик, миллий хусусиятлар, қарор топган халиқ хўжалик тизими-нинг нуқсонларига етарли эътибор бермаслик натижасида нохуш оқибатлар келиб чиқсанлигига бизнинг яқин ўтмишдаги кечмишимизнинг ўзи гувоҳdir.

Ана шу умумий манзарада Ўзбекистон иқтисодиёти ва ижтимоий соҳа бошқа минтақалардагига нисбатан ўткирроқ ва батарроқ аҳволда қолди. Чунки турғунлик йиллари республикамиз ҳаётини ниҳоятда мураккаб, зиддиятли, кўп жиҳатдан машаққатли аҳволга солиб қўйди. Ўлкамиз пахтанинг миқдори кетидан қувиб ҳолдан тойған эди. Иқтисодиёт ва ижтимоий соҳа қашшоқлашиб кетган, экологик вазият ниҳоятда ачинарли, дехёнларгина эмас, балки бутун аҳоли пахта далаларида азият чекар эди.

Кейинги йилларда ҳукмрон бўлиб келган маъмурӣ-буйруқбозлик тизими ва у амалга оширган миллий сиёсатнинг энг оғир салбий оқибатларидан бири республикада пахта яккаҳоқимлигининг кенг жорий қилинганини бўлди. Бу ҳол фақат иқтисодий жиҳатдангина эмас, балки ижтимоий ва экологик жиҳатдан ҳам жуда оғир оқибатлар келтириб чиқарди. Шундай қилиб, умумиттифоқ ва республика маҳаллий иқтисодий ва ижтимоий манфаатларини бирга қўшганда республика иқтисодиётининг ривожланишида уйғунлик бузилишига йўл кўйилди.

Бошқаришдаги бундай услубнинг узоқ вақт давомидаги тазиёки иқтисодиёт ривожига салбий таъсир кўрсатди, чунки бошқарувнинг кўпгина функциялари марказга берилди, иттифоқдош республикаларнинг, жумладан Ўзбекистоннинг иқтисодий негизи ва ҳуқуқлари кескин торайди. Марказий ҳокимият органларининг амри зўрайиб, бошқа республикалар сингари Ўзбекистоннинг ҳам манфаатларини доимий равишда камситиб келиши натижасида меҳнаткашларнинг моддий аҳволи тобора ёмонлашиб, уларнинг таъминот даражасида, айниқса озиқ-овқат билан таъминланишида умуман мамлакат, хусусан бирмунча ривожланган республикаларга нисбатан олганда фарқ кучайиб борди.

Марказий идоралар учун энг охирги вақтларгача ҳам

барча нарсанни ўз қўлларида жамлашга интилиш, иттифоқдош республикаларнинг, жумладан Ўзбекистоннинг халқ хўжалигини ривожлантириш учун ишлаб чиқарувчи кучларни жойлаштиришга доир масалаларни ҳал этишда майда-чўйда нарсаларга ҳам аралашвериш хос эди. Бунинг оқибатида республика бошқарув ташкилотларининг, маҳаллий идораларнинг ресурслардан оқилона фойдаланиш, ижтимоий ишлаб чиқариш самарадорлигини ошириш юзасидан мустақил қарорлар қабул қилиш имкониятлари чекланган эди. Айниқса марказ вазирлик ва идораларининг ўз амрини ўтказиши капитал маблағларни қайси соҳага қанча ажратишни белгилашда ўша худуднинг ўзига хослигини ва унинг манфаатларини эътиборга олмасликка олиб келди. Кўпинча бу минтақанинг табиий-иқтисодий шароитини, шунингдек меҳнат ресурсларини ва у ердаги демографик вазиятни ҳисобга олмаган ҳолда амалга оширилди. «Бу, бизнинг назаримизда, — деб таъкидлadi Ўзбекистон Республикаси Президенти И. А. Каримов, — ҳар бир республиканинг, худуднинг комплекс ривожланишига зиён келтирган ҳолда уларни бошқаларга боғлиқ қилиб қўйиш мақсадини кўзлаган империяча сиёсатнинг бевосита кўриниши ва қолдиғидир¹. Халқимиз буларнинг ҳаммасини ижтимоий адолатсизлик, қонуний ҳуқуқлари ва миллий манфаатларининг камситилиши деб баҳолади. Баҳоланки, аслида юқори минбарлардан туриб эълон қилинган халқлар, элатлар тенглиги аллақачонлар қарор топиши керак эди, бироқ астасекинлик билан қарамлик ва республикаларнинг бирбировига мажбурий боғлиқлиги кучайиб бормоқда эди.

80-йилларнинг ўрталарига келганда Ўзбекистоннинг четга маҳсулот чиқаришда меҳнат предметлари [хом ашё ресурслари] ҳиссаси 80 фоизга етди, четдан маҳсулот олиб келишининг 50 фоизгача қисми истеъмол предметларига тўғри келади². Бу нарса республика ижтимоий ишлаб чиқаришининг асосий қисми хом ашёни дастлабки қайта ишлаш ва ярим тайёр буюмлар, мудофана маҳсулотлари тайёрлаш билан боғлиқ эканлигидан, тайёр буюмлар ҳажмининг эса бизда жуда камлигидан далолат беради. Бу маҳсулотларнинг ҳаммаси Ўзбекистондан ташқарига ташиб кетиларди.

¹ Каримов И. А. Ўзбекистон — бозор муносабатларига ўтишнинг ўзига хос йўли, 17—18-бетлар.

² Осминин В. А. Ўзбекистон ССР экономикасини қайта қуриш асосида ривожлантиришнинг якун ҳамда проблемалари, 20-бет.

Мана шунинг оқибатида, 70—80-йилларда республикада шундай ҳолат юзага келиб қолдики, Ўзбекистон барча асосий иқтисодий ва ижтимоий кўрсаткичлар бўйича иттифоқдаги ўртacha даражадан ҳам анча орқада бўлиб, мамлакатда охирги ўринлардан бирини эгалланган эди. Ўзбекистон ҳар киши бошига ялпи ижтимоий маҳсулот ишлаб чиқариш бўйича мамлакатда энг қолоқлар қаторида, аҳоли жон бошига миллий даромад ишлаб чиқариш бўйича эса иттифоқдаги ўртacha даражадан анча орқада қолмоқда эди. Бунинг устига ушбу тенденция демографик вазият таъсири остида тобора кучайиб бормоқда эди. 70-йиллардан бошлаб бу ерда ишлаб чиқаришни ўстириш суръатлари кескин пасая бошлади: агар 70-йиллар бошида 7,2 фоизни ташкил этган бўлса¹, 80-йиллар ўрталарига келганда эса 2,2 фоизни ташкил этди². Бу жиҳатдан республика ўртacha мамлакат кўрсаткичидан сезиларли даражада паст бўлиб, иттифоқдош республикалар орасида 14-ўринда турар эди. Яъни, Ўзбекистон бу кўрсаткич бўйича иттифоқ иқтисодий даражасининг — 52,1 фоизини, Латвиянинг — 37,1, Эстониянинг — 36,4, Литванинг — 40,2, Белоруссиянинг — 42,0, Россиянинг — 46,7, Украинанинг — 51,1, Молдованинг — 56,5, Қозогистон ҳамда Арманистоннинг — 67,0 фоизини ташкил этди³.

Шу давр ичида ҳосил қилинган миллий даромад ўсишининг суръат кўрсаткичлари тегишли равишда 6,8⁴, 5,7 ва 3,0 фоиз бўлди⁵. Юқоридаги сабабларга кўра бу кўрсаткичлар мамлакат бўйича миллий даромаднинг ўсиш суръатларидан бир неча марта орқада эди.

80-йиллар ўрталарида аҳоли жон бошига миллий даромад ишлаб чиқаришнинг ўсиши республикамиизда атиги 0,4 фоизни ташкил этди. Бу ўсиш мамлакат бўйича эса — 5,5, Россияда — 6,1, Украинада — 7,2, Белоруссияда — 7,6, Қозогистонда — 3,3, Литвада — 19,8, Молдовада — 5,9, Латвияда — 8,7, Қирғизистонда — 8,5, Тожикистонда — 3,1, Туркманистонда — 8,5, Эстонияда — 5,6 фоизга тенг бўлди⁶. Миллий даромаднинг ўсишидаги турғунлик ўз навбатида, бошқа барча иқтисодий ва ижтимоий кўрсаткичларнинг ўсишини

¹ Народное хозяйство Узбекской ССР в 1987 году, 11-бет.

² Народное хозяйство Узбекской ССР в 1990 году, 8-бет.

³ Вопросы экономики, 1990, № 4, 5-бет.

⁴ Народное хозяйство Узбекской ССР в 1987 году, 11-бет.

⁵ Народное хозяйство Узбекской ССР в 1990 году, 8-бет.

⁶ Қаранг: Народное хозяйство СССР в 1988 году. М., 1989, 14-бет.

таъминлай олмади, ялпи ижтимоий маҳсулотни кенгайтирилган такрор ишлаб чиқариш ҳамда кишилар турмуш фаровонлигини ошириш имкониятларини чеклади. Оқибатда эса қатор ижтимоий муаммоларнинг ҳал этилиши ҳам қийинлашиб борди.

Миллий даромад ишлаб чиқаришнинг пасайиши ўз навбатида аҳоли жон бошига тўғри келадиган реал даромадлар даражасига салбий таъсир кўрсатди. Бу кўрсаткич бўйича ҳам республикамиз энг охирги ўринда турарди. Агар 1981—1985 йилларда умуман иттифоқ бўйича аҳолининг реал даромадлари 11 фоиз ошган бўлса, Ўзбекистонда эса у 5,8 фоиз кўпайган¹.

Ўзбекистон саноати меҳнат унумдорлигини оширишнинг ўртача йиллик суръатлари 1981—1985 йилларда атиги 1,5 фоизни ташкил этди, бу эса 1971—1975 йиллардагига қараганда уч баравар камдир². Саноатдаги меҳнат унумдорлиги жиҳатидан республикамиз иттифоқда 40 фоиз, қишлоқ хўжалиги меҳнат унумдорлиги жиҳатидан эса икки баравар орқада эди. Республика аҳоли жон бошига ҳалқ истеъмоли моллари ишлаб чиқариш ўртача иттифоқ даражасининг атиги 40 фоизини ташкил этар эди. Республика аҳолиси даромад даражаси жиҳатидан, асосий турдаги маҳсулотларни истеъмол қилиши жиҳатидан иттифоқдаги бошқа республикалар орасида энг охирги ўринлардан бирида турад эди.

Республика ҳалқ хўжалигига асосий ишлаб чиқариш фонdlари 80-йиллар ўрталарига келганда 1980 йилга қиёслаганда ижтимоий ишлаб чиқариш самарадорлигидан 2 баравардан кўп ўси. Аслида ҳам кам ажратилган капитал маблағларнинг кўп сонли қурилишларга сочилиб кетиши кенг ёйилди. Бунинг устига янги ишлаб чиқариш воситалари барпо этишга сарфланган ҳаражатлар кўпинча кутилган иқтисодий самарани бермади. Бунинг асосий сабаби моддий ва молиявий ресурслардан фойдаланиш ва уларни тақсимлаш ишларининг ҳаддан ташқари марказлашган маъмурий йўл билан амала оширилганлигига эди.

Ўлканинг ижтимоий-иқтисодий ривожланишидаги миллий хусусиятлари, қарор топган ҳалқ хўжалиги ҳизмининг нуқсонларига мутлақо эътибор берилмади ва беписандлик билан муносабатда бўлинди. Марказлаш-

¹ Осминин В. А. Ўзбекистонда ССР экономикасини қайта қуриш асосида ривожланишишнинг якун ҳамда проблемалари, 20-бет.

² Тұхнөев Н. Иқтисодиётни интенсив ривожланириш йўлига ўтказишни жадаллаштирайлик, 11-бет.

тирилган мөхнат тақсимотида Ўзбекистоннинг мавқеи ва ўрнини ўзгартиришнинг муқобил ийллари эътиборга олинмади. 1987 йилда Ўзбекистонда аҳоли жон бошига ажратилган маблағлар 1980 йилги даражадан кам эди. Шу ийларда иттифоқ бўйича 22,6, Россияда — 26,1, Белоруссияда — 43,2, Қозоғистонда — 15, Грузияда — 31,2, Озарбайжонда — 25, Литвада — 55,1, Латвияда — 29,5, Тожикистанда — 8,6, Туркманистанда — 12,0, Эстонияда — 18,9 фоизга ошди¹.

Ўзбекистоннинг ижтимоий-иқтисодий ва маънавий ҳаётида рўй берган турғунлик қўринишларини кузатар эканмиз, бунда шубҳасиз, жуда кўп ноҳуш ҳолларга, уларнинг турмушимиизда анчайин илдиз отганлигига дуч келамиз. Жумладан, республика иқтисодиётida юз берган депсиниш, турғунлик ҳолати, аввало иттифоқ мөхнат тақсимотида Ўзбекистоннинг ўрни ва ҳиссаси узоқ йиллар мобайнида марказ зўравонлиги билан мутлақо нотўғри белгилаб келинганлиги оқибати эканлигини кўрамиз.

Иқтисодий жиҳатдан асосланмаган ва мақсадга мувофиқ бўлмаган минтақалараро алоқалар республика-миз танасига ёмон яра сингари ёпишди. Натижада республикамиздан хом ашё ва ярим тайёр маҳсулотлар олиб чиқилиб, бизга тайёр машина ва тайёр буюмлар, ҳаттоқи энг содда машиналар ҳам четдан етказиб берилди. Халқнинг истеъмол молларига бўлган эҳтиёжининг деярли учдан бир қисми четдан олиб келиш ҳисобига қондирилганлиги ачинарли ҳолдир.

Тажриба хўжаликни ўта марказлаштирилган усолда бошқариш тўғри эмаслигини исботлаб берди. Марказдан бериладиган кўрсатмалар қанчалик кучли ва доно бўлмасин, узоқдан бошқариш усуллари хўжалигимизни турғунлик ва тангликтан чиқара олмади. Чунки узоқ давом этган мустабид тузумнинг илдизи чириб бораётган эди. Бу кейинги йилларда айниқса яққол қўриниб қолди.

Миллий сиёсатнинг бузилиши оқибатида ҳамда бошқаришнинг маъмурий-буйруқбозлик услубининг узоқ вақт давомидаги тазиёки остида марказдан туриб ана шундай йўл билан моддий ва молиявий ресурсларни нотекис тақсимлаш билан республикаларнинг иқтисодий ва ижтимоий тараққиётини бараварлаштириш

¹ Миллатлараро муносабатлар маданияти ва байналмилал дунёқараш, 67-бет.

асло мумкин эмас эди. Бунинг устига ажратилган капитал маблағларда республикадаги ўзига хос демографик вазият инобатга олинмади. Бунинг натижасида газ ишлаб чиқариш бўйича мамлакатда тўрттинчи ўринда турган, иттифоқ пахтасининг 65 фоизини, канопнинг — 100, пилланинг 60 фоиздан кўпроғини, қоракўл терининг 40 фоизини ва марказга жуда кўп миқдорда олтин, симоб, вольфрам, нефть, мева, узум, сабзавот ва полиз маҳсулотлари етказиб бераётган республиканинг иқтисадий даражаси оғир аҳволга солиб қўйилди¹. Шу туфайли Ўзбекистон аҳолиси иттифоқдаги аҳолига нисбатан озиқ-овқат маҳсулотларини икки баравар ва ундан ҳам кам истеъмол қилмоқда эди.

Бунинг устига маъмурий-бўйруқбозлик тизими сиёсати айби билан ҳом ашё ресурсларининг учдан икки қисмини, шу жумладан, 90 фоиздан ортиқ пахта толасини мутлақо қайта ишламасдан республика ташқарисига чиқараётган Ўзбекистон ноҳақ «қарздор» деган таъна-дашномларга қолди. Ўзбекистондан олиб кетиляётган ана шу пахта толасининг ўзидангина ҳар йили 25 миллиард сўм миллий даромад олинар эди. Бу бизга дотацияга берилаётган пулдан ўн баравар кўп. Ўзбекистонда етиширилаётган газ, олтин, мўйна, қоракўл тери, пилла, рангли металлар, мармар ва бошқа бойликлар ҳақида гапирмаса ҳам бўлади.

Бу ўлкада етишириладиган олмалар, анору узумлар, ширин-шакар қовун-тарвузлар нафақат республиканизда, балки жаҳонда донг таратган. Бу ноз-неъматлардан фақат иттифоқдагина эмас, ҳатто чет элларда ҳам баҳраманд бўлишмоқда. Лекин ўрни келганда шуни айтиш керакки, экологик мувозанатнинг бузилиши, ҳаддан ташқари химиялаштиришга ружу қўйилиши оқибатида республикамизда етиширилаётган мева-чеваларнинг ҳам сифати бирмунча пасайиб кетди.

Биз кўп йиллар давомида республикамиз иттифоқ бойлигига улкан ҳисса қўшиб келганлигидан фаҳрланиб, ғуурланиб келдик. Дарҳақиқат, Ўзбекистон собиқ Иттифоқ ҳалқ хўжалигини ривожлантиришда улкан ҳисса қўшиб келди. Бунда асосий ўринни ҳом ашё етказиб бериш эгаллар эди.

Тарих тажрибаси шуни қўрсатадики, ҳар қандай давлат, у қанча буюк ва қудратли бўлмасин, якка ёлғиз

¹ Социально-экономическое развитие Узбекистана за годы Советской власти. Ташкент, «Ўзбекистан», 1984, 153-бет.

ривожлана олмайди. Зеро, турли мамлақатлар сингари улкан мамлакат ичидаги республикалар иқтисодиёти бир-бираидан сув ичиб, озиқланиб туриши ҳәтий заруратдир: бирор хом ашё, бирор бутловчи маҳсулотлар, бирор технология етказиб беради. Бундай иқтисодий алоқалар 70—80-йилларда ҳам мустаҳкамланди ва ривожланди. Шу йиллари Ўзбекистон барча иттифоқдош республикалар билан анчагина самарали иқтисодий алоқалар ўрнатди. Айниқса, Россия Федерацияси вилоятлари билан иқтисодий ҳамкорлик кенг йўлга қўйилди. Қарийб 3000 ўзбек оиласи Россиянинг йигирмадан зиёд вилоятларида совхозлар-колхозлар, ўрмон саноати хўжаликлири, маданий-маиший бинолар, мелиорация ва сув иншоатлари қурилишларида меҳнат қилдилар.

Жумладан, Ўзбекистон сув хўжалиги қурилиш давлат қўмитасига қарашли «Ўзвладимирводстрой» трести бўлимлари 1986 йилнинг ўзида Владимир вилоятида 12 миллион 110 минг сўмдан зиёд капитал маблағ ўзлаштиришга муваффақ бўлдилар. Бу ерда амалга оширилган ишлар айниқса «Асерховский» совхози мисолида яққол кўзга ташланади. Илгарилари қолоқ хўжалик ҳисобланган бу совхоз кейинги йилларда ўзбек биродарларнинг ёрдами билан гуллаб-яшнади. Ўзбекистонлик мелиораторлар ботқоқликларни куритиб, экинзорларнинг унумдорлигини оширидилар, янгидан-янги экин майдонларини оборотга киритдилар.

Республикамиз вакиллари ишлаб чиқариш биноларини барпо этишда совхозга яқиндан иқтисодий ёрдам бердилар. Жумладан, 800 бош қорамол боқиладиган ферма, бир кеча-кундузда 750 кубометр сувни тозалаш қувватига эга бўлган комплекс, 25 та автомашинага мўлжалланган гараж, минерал ўғит сақланадиган омбор ва кўплаб бинолар қурилиб фойдаланишга топширилди.

Совхозни қайта қуришда учта: Сурхондарё, Хоразм ва Самарқанд ихтисослашган механизациялашган кўчма колонналари қатнашид¹.

Бундай иқтисодий ҳамкорлик Россиянинг яна бир қанча вилоятлари билан ҳам яхши йўлга қўйилди. Ўзбекистонликлар бир қатор вилоятларнинг ҳувиллаб қолган қишлоқларини обод қилдилар. Шу ерда бир савол туғилади. Ўзбекистонлик меҳнаткашларнинг ўз она ер-

¹ Бекметов Э. Ҳалқлар ҳамкорлиги ва иқтисодий алоқалар. Тошкент, «Меҳнат», 1992, 46-бет.

ларини ташлаб, Россиянинг ташландик ерларини обод қилиш учун кетишларига нима мажбур қилди? Бунда асосий сабаб қилиб ортиқча ишчи кучи мавжудлиги, уларни иш билан таъминлаш муаммо эканлиги кўрсатилди. Хўш, нега унда у ердан Ўзбекистонга корхоналарда ишчи кучи етишмаслиги рўйиҳа қилиниб, минглаб ишчилар келтирилди? Россиялик ишчиларни жалб қилмасдан, ўзимиздаги ортиқча ишчи кучини шу ернинг ўзида тайёрлаб иш билан таъминлаш мумкин эди-ку.

Нима бўлганда ҳам Ўзбекистон ва бошқа республикалар ўртасида ҳамкорликнинг кенг йўлга қўйилиши ҳаёт ҳақиқати, ижтимоий тараққиёт зарурати эди. Бундай зарурат, айниқса, Россия билан яхшигина иқтисодий ҳамкорлик ўрнатилишига сабаб бўлди. Ўзбекистонга олиб келинадиган маҳсулотларнинг 45,7 фоизи, олиб кетиладиган маҳсулотларнинг эса 57,2 фоизи унинг ҳиссасига тўғри келарди. Россиянинг барча иқтисодий районлари республикага кўплаб маҳсулотлар етказиб берувчи таъминотчилар ҳисобланар эди. Демак, республикага келтириладиган рангли металлнинг 85 фоизи, ўрмончилик маҳсулотларининг — 66, қора металлнинг — 50, машинасозлик маҳсулотларининг — 62, химиявий маҳсулотларнинг — 60, енгил ва озиқ-овқат саноатининг — 28 фоиздан кўпроғи уларнинг ҳиссасига тўғри келарди.

Ўзбекистон ҳам ўз навбатида Россиянинг кўпгина иқтисодий районларига ўзининг маҳсулотларини етказиб берар эди. Юбориладиган маҳсулотларнинг 57 фоизини ип-газлама ташкил этарди. Табиий газ (73,9 фоиз), рангли металл (60 фоиз), химиявий маҳсулотлар (37,6 фоиз) етказиб бериши йил сайин ортиб борди. Бундан ташқари, жуда кўп миқдорда мева, узум ва полиз маҳсулотларини ҳам жўнатиб туради¹.

Украина ва Қозоғистоннинг ҳам Ўзбекистон билан иқтисодий алоқалари узоқ йиллардан бери мавжуд бўлиб, кейинги йилларда айниқса мустаҳкамланди. Ўзбекистон енгил саноатига қарашли корхоналар билан улардаги турдош корхоналар ўртасидаги алоқалар йил сайин кенгайиб борди. Республикамиз енгил саноат корхоналари ўзларининг 46,8 фоиз маҳсулотини Украинага, тўқимачилик саноати маҳсулотининг 57 фоизини Россияга, тикувчилар тайёрлаган маҳсулотларнинг 55

¹ Социально-экономическое развитие Узбекистана за годы Советской власти, 162—163-бетлар.

фоизини Қозоғистонга етказиб берди¹. Бизнинг ҳар бир корхонамиз хом ашё, асбоб-ускуналар ва маҳсулотлар етказиб бериш бўйича бошқа республикаларнинг юзлаб, ҳатто минглаб меҳнат жамоалари билан алоқа қилиб турар эди.

Ўзбекистоннинг Ўрта Осиё республикалари билан ҳамдўстлигига нафақат кейинги йиллар маҳсали, балки географик, тарихий-этник ва ижтимоий-иқтисодий эҳтиёждир. Чунончи, бу республикалар географик жиҳатдан бир-бирига яқин ва зич жойлашган. Сув, электр ва бошқа табиий омиллар ҳам уларнинг бир-бирини боғлаб туради. Қарийб 50 миллионли аҳоли тарихан ягона ўтмишга, ягона тақдирга, бир-бирига уйғунлашиб кетган дунёқараш ва анъаналарга эга. Уларнинг ҳар қандай сиёсий ва иқтисодий ҳамдўстликдан ҳам баланд турувчи қадимий қадриятлари бор.

Ўрта Осиёда химия саноатини ривожлантиришнинг стратегик концепциясини ишлаб чиқиш ҳам фоят зарур эди. Бу ерда, маълумки, СССРнинг бошқа районларига етказиб бериш учун хом ашё ишлаб чиқарадиган бир қатор корхоналар барпо этилган. Булар — ацетат толалар (Фарғонада), нитрон толалар (Навоийда), капролактам (Чирчиқда), электрохимия маҳсулоти (Ёвонда, Тоҷикистон) ишлаб чиқарадиган ва бошқа завод ҳамда комбинатлардир. Уларнинг маҳсулотини марказий миңтақаларга ташиш учун бу хил ишлаб чиқаришларни ривожлантириш, шунингдек Ўрта Осиё минерал ўғит заводларини керагидан зиёд қуриш мақсадга мувофиқ эмас эди. Бу давр Ўзбекистонда СССРдаги химия саноати корхоналарининг 20 фоизидан ортиғи жамланган бўлиб, улар асосан марказ учун зарур маҳсулот ишлаб чиқариш билан бирга атроф-муҳитни кўп даражада ифтосла итиф мөқда эди. Буларнинг ҳаммаси ижтимоий эқибатлағ га олиб келди: касалликлар кўпайди, болалар ўлим² ортди, бола туғиши ёшидаги аёллар саломатлиги ёмонлашиди...

Ўрта Осиё республикаларида ўзига хос табиий ишлаб чиқариш имкониятлари мавжуддир. Яқин ўтмишилиздиги рақамларга назар ташлайлик. 70—80-йилларда қазиб олинган кўмирнинг қарийб 20 фоизи, газнинг — 18 фэзи, олтиннинг — 33 фоизи, ўсимлик ёғининг —

Современные проблемы развития рабочего класса Узбекистана. Ташкент, «Фан», 1989, 24-бет.

² «Қишлоқ ҳақиқати», 1988 йил 17 июль.

26 фоизи, пахтанинг — 92 фоизи ана шу минтақа ҳисобига тўғри келарди¹. Ана шунинг ўзиданоқ бой, дехқончилиги тараққий этган, маъдан ва хазиналари беҳисоб бўлган Ўрта Осиё республикалари ўзаро ҳамкорлигининг кенг йўлга қўйилиши самарали эканлиги қўзга ташланади.

Қозоғистон ва Ўзбекистон ўртасидаги республикалардо иқтисодий алоқалар кейинги йилларда айниқса мустаҳкамланди ва ўди. Масалан, 1972—1982 йилларда Ўзбекистон Қозоғистонга табиий газ етказиб беришни икки баравар, нефть ускуналари ва ҳалқ истеъмоли молларини — уч баравар ва қишлоқ хўжалик машиналари етказиб беришни — 20 фоиз кўпайтирди.

Ўз навбатида, ўн йил ичida (1975—1985 йиллар) Қозоғистондан Ўзбекистонга тракторлар етказиб бериш 2 баравар, рентген аппаратуралари — 5 баравар, зотли қорамоллар — 4 баравар кўпайди². Шунингдек, Ўзбекистоннинг Қирғизистон, Туркманистон ва Тожикистон Республикалари билан ҳам алоқалари тарихий ҳамда бу ўзаро фойдали ҳамкорлик алоқалари кейинги йилларда янада ривож топди.

Қадимдан ҳамкору ҳамфир бўлиб келган, бир неча минг йилликлар мобайнида жон-жонига, қон-қонига пайванд бўлиб кетган бу ҳалқлар советлар даврида турили миллатларга бўлиб юборилди. Бу сохта сиёsat туфайли анъаналари, турмуш тарзлари бир бўлган ҳалқлар ўзбегу қозоққа, тоғигу қирғиз ва туркманларга бўлиб ташланди. Бироқ, илдизлари бир бўлган бу миллатлар ўртасидаги ҳамкорлик турғунлик йилларида ҳам давом этди. Мисол учун, Қирғизистондан Ўзбекистонга асосан озиқ-овқат маҳсулотларининг 44,8 фоизи, қанднинг 25,4 фоизи, гўшт ва гўшт маҳсулотларининг 8,7 фоизи, енгил саноатининг 23,8 фоизи, машинасозлик ва металлни қайта ишлаш саноатининг 12 фоизи келтирилган. Тожикистондан эса асосан енгил саноат маҳсулотлари (49 фоиз) келтирилган. Туркманистон эса Ўзбекистонни нефть маҳсулотлари (74,4 фоиз), электроэнергия ва иссиқлик энергияси (11,3 фоиз) билан таъминлаб келди³. Ўзбекистон, ўз навбатида, бу республикаларга нефть ва газ маҳсулотлари, машинасозлик ва

¹ «Ўзбекистон овози», 1994 йил 25 июня.

² Жонибеков Ў. Мехнаткашларни интернационал ва ватанпарварлик руҳида тарбиялаш ишини такомиллаштириш // Ўзбекистон коммунисти, 1988, № 11, 63-бет.

³ Социально-экономическое развитие Узбекистана за годы Советской власти, 164-бет.

металлни қайта ишлаш, пахтачилик учун тракторлар ва қишлоқ хўжалик машиналари, дизеллар, радиоэлектрон ва енгил саноат маҳсулотлари етказиб турди.

Умуман олганда, Ўрта Осиё республикаларининг дўйстона, ўзаро тенг ҳуқуқли ҳамкорлиги ўз шонли тарихга, буюк анъаналарига эгадир. Ана шу минтақада ҳозирда мавжуд бўлган тарихий анъаналарни давом эттириш, уни янги тарихий шароитларда бойитиб бориш жуда муҳим вазифадир.

Иттифоқдош республикалар билан ҳамкорликда республикамизда кўплаб саноат корхоналари қурилди. 1971—1975 йилларда иттифоқдаги барча республикалар корхоналарининг ишчи-мутахассислари иштирокида енгил саноатнинг 8 та янги ва 12 та ишлаб турган корхонаси қайта қурилди¹, шу билан бирга улар ёрдамида йирик корхоналарнинг 130 та филиали ҳам қуриб битказилди².

1971—1982 йилларда бошқа республикалардан саноат корхоналарига 380 турдаги янги машиналар, 68 турдаги асбоб-ускуналар келтирилди³. Тошкент тўқимачилик фабрикасига Москва, Рига, Пенза, Кузнецк, Иваново шаҳарларидан келтирилган дастгоҳлар ўрнатилди. Жумладан, «Ивтекмаш» заводидан бу корхонага ЛАО-120, ПЛТ-120 маркали, Ригадан АОСП-1, АО-1 маркали, Пензадан П-76-5М, ЛНС-51-2Б маркали, Москванинг «Борец» заводи ва механика заводларидан ПО ҳамда КДЭ-161 маркали машиналари ва дастгоҳлари ўрнатилди.

Ўзбекистоннинг йирик саноат корхоналари шунингдек, Олма-Ота ип-газлама комбинати, Эстониянинг «Балтийская мануфактура» бирлашмаси, Литванинг Алитусск ип-газлама комбинати билан узоқ йиллар ҳамкорликда иш олиб борди. Улар «Узтекстильмаш» бирлашмаси билан ҳамкорликда янги тўқув дастгоҳи — ППМ-120-2 машинаси ихтиро қилдилар. Бу машина ишлаб чиқариш унумдорлигини ошириш билан бирга энергия сарфлашни 1,5—2 марта камайтиради⁴.

Ўзбекистоннинг илфор корхоналаридан бири бўлмиш Тошкент тўқимачилик машинасозлиги заводининг

¹ Курбанов М. Больше хороших товаров для народа. // Коммунист Узбекистана, 1977, № 3, 50-бет.

² Мирсаидов А. Увеличивать производство товаров народного потребления / / Коммунист Узбекистана, 1983, № 6, 29-бет.

³ Зиядуллаев С. К. Индустрия Узбекистана. Ташкент, «Узбекистан», 1984, 204—205-бетлар.

⁴ Голос текстильщика, 1982 йил, 24 июнь.

маҳсулоти ҳам, ўз навбатида, кўпгина қўшни республикаларда машхур ва манзур эди. Йигириувчи машина «ПК-100-ШЛ» 1976 йилда Лейпциг шаҳрида ўтказилган кўргазмада олтин медалга сазовор бўлди. Шу маркадаги машинани Москванинг «Пролетарский труд» фабрикаси ҳам ўзларига мақбул кўришид¹.

Тошкентдаги «Малика» трикотаж фирмасининг маҳсулотлари ҳам барча иттифоқдош республикалар ичидаги машхур эди. Фирмада кейинги йилларда янги янги машина ва дастгоҳлар ихтиро қилинди. Булар ичидаги тўқилган матони чизмалар бўйича кесадиган машинанинг фирма ходимлари В. Репейков ва Г. Власовлар томонидан ихтиро қилиниши катта воқеа бўлди. Машина 83 кишининг қўй мөхнати ўрнини боса оларди. Бундай машина ихтиро қилинишининг афзаллиги шундаки, ҳалқ ҳўжалигига ҳали қўй мөхнатининг ҳиссаси юқори бўлиб, бу ҳисса секинлик билан камайиб бормоқда эди. Айниқса, ёрдамчи ишчилар мөхнатини механизациялаш масаласига алоҳида аҳамият бериш талаб қилинар эдики, ёрдамчи ишчилар саноатдаги барча ишчиларнинг 50 фойзига яқинини ташкил этар эди. Агар саноатдаги асосий ишларда 64 фойз ишчиларнинг мөхнати механизациялашган бўлса, ёрдамчи ишларда атиги 29 фойз ишчининг мөхнати механизациялашган эди. Қўй мөхнатини механизациялаш учун ажратилган жами маблағларнинг тахминан 80 фойзидан асосий ишлаб чиқаришда, 20 фойзидан эса ёрдамчи ишлаб чиқаришда фойдаланилмоқда эди².

Шу жиҳатдан олганда бундай машинани яратиш давр талаби эди. Шунинг учун ҳам бу машинанинг 1979 йили Москвада СССР Ҳалқ ҳўжалиги ютуқлари кўргазмасида намойиш этилиши билан унинг ҳаридорлари кўпайиб кетди³. Машиналарнинг биринчи тайёр туркуми Абакан, Фрунзе (Бишкек) ва Чоржўй шаҳарларига жўнатилди. Бу машина йилига 162 минг сўм иқтисод қилиб бера оларди⁴.

Республикамиз саноатининг ривожланишида ўзларининг муносаб ҳиссаларини қўшиб келаётган Бухоро, Нукус ва Андижон ип-газлама комбинатлари, Жиззах

¹ «Голос текстильщика», 1972 йил 8 декабрь.

² Каримов Р. Социализмнинг иқтисодий қонунлари. Тошкент, «Фан», 1987, 26-бет.

³ Ахунова М. Рабочий класс — ведущая сила советского общества. Ташкент, «Узбекистан», 1981, 49-бет.

⁴ ЎзР ТВҲА, 1558-жамгарма, 11-рўйхат, 106-иш, 23-варақ.

йигириув фабрикаси, Наманган шойи газламалар, Хива гилам фабрикаларининг Украина, Арманистон, Литва, Латвия, Белоруссия, Эстония ва бошқа республикалар билан ҳамкорликлари йил сайин мустаҳкамланиб борди. Республикалар ўртасидаги ижтимоий-иктисодий ўзаро фойдали ҳамкорлик барча учун ҳам иқтисодий жиҳатдан фойдадан холи эмасди. Бу айни вақтда биргаликда корхоналар барпо этиш, кадрлар тайёрлаш, доимий суръатда мутахассислар гурухини алмаштириш имконини берар эди.

Ўзбекистоннинг кўпгина ёшлари Россиянинг Москва, Ленинград, Иваново ва бошқа шаҳарларидағи саноат корхоналарида турли қасбларни эгалладилар, мурраккаб машина ва механизмларни бошқаришни ўрганиб қайтдилар. Масалан, енгил саноат корхоналарининг минглаб муҳандис-техниклар ва ишчилари марказий шаҳарларнинг 15 та институти ва 30 та техникумидаги ўз билимларини ошириб келдилар...¹ 1970—1980 йиллар ичида гина ўзбекистонлик тўқимачилардан Москва, Ленинград, Харьков, Иваново шаҳарларидағи турдош корхоналарда 3000 дан ортиқ ишчилар тайёрланди.

1973 йилда Чирчиқ пойафзал фабрикасидан 50 та муҳандис-техник ва 27 та мастер Москвадаги ишчи ва мутахассис раҳбарлар малакасини ошириш институтида ўз малакаларини ошириб қайтдилар. Кўқон пойафзал фабрикасидан 5 та ишчи Рига шаҳрига, 3 таси Таллинга, 2 та ишчи — Львовга ва 4 та ишчи Москвага малака ошириш учун юборилди². Худди шу йили Тошкент жун-тери заводига Қозон енгил саноат техникуми битирувчиларининг катта гурухи, Бухоро пойафзал фабрикасига Ленинград механика-технология техникумини тугаллаган талайгина ёшлар келиб иш бошладилар³.

Кўп минг кишилик Тошкент тўқимачилик комбинациининг бошқа республикалар турдош корхоналари билан алоқаси йилдан-йилга мустаҳкамланиб ва ривожланниб борди. Ўн йиллар мобайнида Иваново вилоятидаги Меланж ва «Солидарность» тўқимачилик фабрикалари, Москвадаги «Трёхгорная мануфактура» комбинати, Ленинграддаги Киров номли ип-йигириув фабрикаси, Глуховодаги Фролов номли ип-газлама комбинати, Херсон ва Орехово-Зуево ип-газлама комбинатлари ва мамла-

¹ Уралов А. Развитой социализм и научно-технический прогресс. Ташкент, «Ўзбекистан», 1982, 162-бет.

² ЎЗР МДА, Р-2683-жамгарма, 1-рўйхат, 363-иш, 18-варақ.

³ ЎЗР МДА, Р-2683-жамгарма, 1-рўйхат, 364-иш, 23-варақ.

катнинг яна бошқа кўплаб тўқимачилик корхоналари бу комбинат ишчилари билан ҳамкорликда меҳнат қилиб келдилар. 1976—1978 йилларда комбинатнинг 94 та ихтирочиси марказий шаҳарлардаги тўқимачилик корхоналарида хизмат сафарларида бўлиб қайтдилар, улар касбдошлари кўмагида 136 та янги ихтиро яратишга муваффақ бўлдилар¹.

Ўз эҳтиёжи учун зарур бўлган турли-туман маҳсулотлар, жумладан дон, гўшт, қанд-шакар, нефть ва нефть маҳсулотлари, тахта-ёғоч, автомобиллар, турли хил асбоб-ускуналар, ҳалқ истеъмоли молларини республика-миз бошқа республикалардан олар эди. У ерлардан Ўзбекистонга ҳар йили 6 миллион тонна атрофида дон, 350 минг тонна қанд, 146 минг тонна гўшт маҳсулотлари, 800 минг тоннага яқин сут, 6 миллион куб метр ёғоч, 7 миллион тонна нефть, республика эҳтиёжлари учун зарур бўлган металлининг 90 фойзи көлтирилар эди². Истеъмол буюмлари ва озиқ-овқат бозор фондаларининг ярми бошқа республикалардан ва импорт йўли билан таъминланиб келинди. Ўзбекистонга олиб келинган ва ундан ташиб кетилган ресурсларни ҳисобга олганда, буларнинг камомади 35 фойзни ташкил этар эди.

Ҳисоб-китобларга қараганда, республика аҳолисининг қондирилмаётган талаби 8—9 миллиард сўмни ташкил этар ва у ҳар йили 600—800 миллион сўмга ўсмоқда эди³.

70—80-йилларнинг биринчи ярмида иттифоқдош республикалар ҳалқ хўжалиги маълум даражада ривожланган бўлса-да, улар ичida Ўзбекистон сиёсий, иқтисодий, ижтимоий тараққиётда, юқорида кўриб ўтилганидек, танг аҳволга тушиб қолди, ўз бошидан турғунлик даврини кечирди. Бу коммунистик мафкура ва унинг йўлбошчилари юргизган маъмурӣ зўрлик ва буйруқбозлика таянган яккаҳокимлик тузуми сиёсатининг узоқ йиллар хўкм сурғанлиги, бу сиёсатининг иқтисодиётни бошқаришга, хўжалик юритишга муттасил салбий таъсир ўтказиб келганлиги натижасидир. Бу даврда совет жамияти бошидан кечирган турғунлик асоратлари ижтимоий-иқтисодий, сиёсий-маданий ҳамда маънавий-гоявий ҳаётнинг барча соҳаларини ўз ичига тортиб, унга ўз салбий таъсирини ўтказмай қолмади.

¹ ЎзР ТВҲА, 1136-жамгарма, 12-рўйхат, 109-иш, 58-варап.

² Юсупов Э., Туленов Ж., Гафуров З. Миллий масала бўйича фалсафий сұхбатлар, 31-бст.

³ «Совет Ўзбекистони», 1990 йил 31 октябрь.

Бутун мамлакатда давом этиб келган маъмурий-буйруқбозлиқ тизимининг ҳаёт талабларига жавоб беролмай қолган валюнтаристик, субъективистик шакл, усуллари бу даврда тўла куч билан намоён бўлди. Бунинг оқибатида республикалар иқтисодий ва сиёсий мустақиллигини тобора йўқотди. Уларниң ўз ҳудудларида фуқароларининг туб манфаатлари ва мақсадларини кўзлаб, мустақил тарзда фаолият юргизиши қийинлашиб борди. Барча соҳада, айниқса иқтисодий муносабатларда марказга тобелик, мутелик кучайди. Юқори партия ва давлат идораларининг директив кўрсатмаларини бажону дил, «кулоқ қоқмай» бажаришга шайлик, «тепадан» юбориладиган буйруқ, кўрсатма ва кўрсаткичлар асосида иш юргизиш ҳоллари пировард оқибатда маҳаллий партия, совет, хўжалик ва бошқа жамоат ташкилотларининг эркин фаолият, ташаббус кўрсатишиларига гов солиб, уларни лоқайдлик, бепарвоник, манқуртлик касалига мубтало этди. Бунинг оқибатида бир қатор республикалар сингари Ўзбекистон ижтимоий ҳаётининг қатор соҳалари ва тармоқлари юксалиш, ривожланиш ўрнига кўпроқ таназзул, депсиниши қолоқлик сари юз тутди.

Марказнинг маъмурий идораларида, асосан КПСС-нинг «тарихий» съездлари ва пленумларида «миллий асослар»да ишлаб чиқилган ҳамда «партияниң жамоа ақл-идроқи ва донишмандлиги» билан йўғрилган истиқболли ва жорий режаларининг баландпарвозлиги, аниқ эмаслиги, уларниң ҳар бир ҳудуднинг ўзига хос хусусиятлари, имкониятлари, шарт-шароитлари ва омиллари билан узвий боғланмаганлиги, маҳаллий ташаббусни кўзда тутмаганлиги — булар мазкур режа ва тадбирларнинг аввал бошданоқ ҳаётта татбиқ этилишини шубҳа остига солиб қўйганлитининг ўзи айни ҳақиқат эканлиги ҳеч кимга сир эмас. Бунинг оқибатида эса бутун совет жамияти ва унинг барча ҳаётий бўйинлари учун қанчалик нохуш ҳолатларни келтириб чиқаришга, бу жаҳон кўз ўнгидаги обрўйи, мавқеи ва тутган йўлига нечоғли салбий таъсир кўрсатишига сабаб бўлганлигини тасаввур қилиш қийин эмас. Иттифоқдош республикалар орасида ўзининг улкан ижтимоий-иқтисодий имкониятлари, табиий бойликлари, интеллектуал кучлари, ажойиб меҳнатсевар ҳалқи билан ажралиб турувчи Ўзбекистон учун турғунлик йиллари жуда катта тисралиш, йўқотиш ва маҳрумликларга учраш даври бўлди.

70—80-йиллар оралигидаги қатор беш йилликлар режа топшириқларининг сурункасига бажарилмаслиги, маҳаллий даромаднинг йиллар давомида ўсиш ўрнига тўхтосиз пасайиб борганлиги, озиқ-овқат дастурининг бажарилмай келганлиги, ҳалқ истеъмоли маҳсулотлари ва бошқа саноат молларининг етишмаслиги, аҳоли турмуш даражасининг қашшоқлашиб борганлиги, ижтимоий соҳада жуда катта узилишлар, етишмовчиликлар, тақчилликлар бўлганлиги — кўп даражада республика хўжалик ҳаётини издан чиқаришга, ижтимоий-сиёсий тузумини беқарорлаштиришга, иттифоқдош республикалар билан иқтисодий алоқаларининг бузилишига олиб келди.

АҲОЛИНИ ИШ БИЛАН ТАЪМИНЛАШ

Ўзбекистонда миллий ва миллатлараро муаммоларни ҳал қилиш кўп жиҳатдан меҳнатга лаёқатли аҳолининг иш билан тўла ва самарали таъминланишига боғлиқ. Ижтимоий-иқтисодий ривожланишининг ҳозирги босқичи меҳнатга яроқли аҳолининг ҳалқ хўжалигида, ўқиш ва ҳаётнинг бошқа жабҳаларида юқори даражада банд бўлиши билан белгиланади. Иш билан ёппасига банд бўлишнинг таъминланиши қўшимча иш жойларини кўпайтириш ҳисобига ишлаб чиқариш миқёсларини янада ривожлантириши таъминлайди.

Бу жараён мамлакатнинг ва унинг минтақаларининг ижтимоий-иқтисодий ва маънавий қиёфасини, сиёсий тузумини тубдан яхшилаш, такомиллаштириш, воқелигимиизда содир бўлган ва бўлаётган салбий, ноҳуш ҳолларни қатъий барҳам топтириш, тўпланиб қолган ўткир муаммоларнинг ечимига йўл топиш ҳамда олға томон ҳаракат этишнинг илғор шакллари, усул ва воситаларини изчиллик билан амалиётда кўллаб боришини қўзда тутади. Гап шундаки, 70-йиллар ва 80-йилларнинг ўрталарига қадар ҳам бизда жамият ҳаётида туб ўзгаришлар қилиш учун жиддий уринишлар бўлган эди, лекин улар кўпинча чала, умумлашмаган бўлиб, бир муаммонинг бошқа муаммолар билан боғлиқлигини ҳисобга олмай, уларни бир-бирига боғламай, муаммоларнинг қандайдир бир қисминигина қамраб олган эди. Чунки марказда ишлаб чиқилган бу дастур ва қарорларда иттифоқдош республикаларнинг манфаатлари ҳамда мавжуд имкониятлари ҳисобга олинмас эди.

Бутун мамлакатда бўлгани каби республика ҳаётида ҳам ижтимоий устунликка эришиш учун қилинган уринишлар муваффақият қозонмади, чунки бунда моддий-техника ресурслари билан таъминлашга эришилмади. Бу жараён, шунингдек, марказлаштирилган режалаштириш ва бошқарув монополияси, ижтимоий соҳанинг ривожланишига капитал маблағ сарфлашда қолдиқ принципининг ҳукмронлиги, иқтисодий, сиёсий тобелик ва мутелик, ўз ҳудудида етилиб келган долзарб масалалар ва муаммоларни ҳал этишдаги ожизлик, кадрлар қўнимсизлиги ва кадрлар сиёсатини мустақил ўtkазишга тўсқинлик қилинганлиги туфайли ҳам тормозланиб қолди.

Бу даврга келганда айниқса, аҳолининг иш билан бандлиги муаммоси муҳим ва ўткир тус олди. Ўзбекистон халқ хўжалигининг иш кучига ҳаддан ташқари тўйинганлиги, меҳнатга лаёқатли бўлса-да, ишламайдиган аҳолининг миқдори ўсишда давом этаётганлиги, иш кучи талааб ва таклифининг миқдорий ва сифат жиҳатдан балансланмаганлиги, узоқ йиллар давомида ишлаб чиқарувчи кучларни жойлаштиришда миллий-этник ва ижтимоий омилларнинг ҳисобга олинмаганлиги кишиларнинг турмуш даражасига жиддий зарар етказмоқда ҳамда жамиятда ижтимоий кескинликнинг манбаи бўлиб хизмат қилмоқда эди.

Ўзбекистоннинг ижтимоий-иқтисодий ривожланиш хусусиятларини кўп жиҳатдан белгилаб берувчи муҳим минтақавий муаммо — тез ўсиб борувчи меҳнат ресурсларидан оқилона фойдаланишdir. Бу муаммога асосланган иш билан бандлик тизими ўзининг мосланувчан эмаслигини ва мавжуд меҳнат потенциалидан барчасини ишга солишга ноқобил эканлигини кўрсатди: ҳар йили республика меҳнат ресурслари ўсишининг 25 фоизи ижтимоий ишлаб чиқаришда ўзига ўрин топа олмас эди¹.

Ишлаб чиқарувчи кучларни оқилона жойлаштириш ижтимоий меҳнатни тежаш билан бирга янги иш жойларини вужудга келтириш ҳамда ишчи кучларидан тўла, мақсадга мувофиқ тарзда фойдаланиш имконини беради. Бу эса демографик жараёнлар кучайиб бораётган, яъни аҳолиси тез суръатлар билан кўпайиб бораётган Ўрга Осиё, жумладан, Ўзбекистон учун ниҳоятда

¹ Максакова Л. Аҳолининг иш билан бандлиги: ялпи ёндашишдан илмий асосланган стратегия сари // Ҳалқ на демократия. 1992, 5—6-сонлари, 16-бет.

катта аҳамиятга эгадир. Республика аҳолиси 1970 йилдаги 11 млн. 799 мингдан 1986 йилда 18 млн. 423 минг нафарга кўпайди. 1990 йилга келиб Ўзбекистон аҳолиси 20 млн. 322 минг кишидан ошиб кетди. СССР аҳолиси йилига 1 фоиздан ортгани ҳолда Ўзбекистон аҳолиси тақрибан 3 фоиздан ошиқроқ кўпайиб борди. Меҳнатга лаёқатли ёшдаги аҳоли сонининг ўсиш суръатлари аҳоли умумий сонининг ўсиш суръатларига нисбатан тезроқ ўсмоқда эди. 1979 йилги аҳоли рўйхати маълумотларига қараганда, республика аҳолисининг 70 фоизини 30 ёшгача бўлган ёшлар ташкил қилган, иттифоқ бўйича эса 50,2 фоизга тенг эди. Шундан кейинги ўтган ўн йил ичидаги Ўзбекистон аҳолиси 4,5 млн. дан ортиқقا ёки 30 фоизга кўпайди¹.

СССР аҳолиси умумий сонининг 1970 йилдаги 4,9 фоиздан 1987 йили 6,8 фоизга етгани ҳолда² ўзбекларнинг салмоғи энг юқори суръатлар билан ўсади. Ўзбекистон аҳолисининг умумий сонида улар 1979 йилдаги 68,7 фоиздан 1989 йилда 71,4 фоизга етди³. Ўзбекистон аҳолисининг бундай ўсиши яна бир омил билан, яъни мамлакатнинг бошқа минтақаларидан кўплаб кишиларнинг доимий яшаш учун республикамизга кўчиб келганларлари билан изоҳланади. Республикамизга кўчиб келганларнинг аксарият кўпчилиги шаҳар аҳолиси сафларини тўлдирдилар.

Бу омиллар катта шаҳарларда ҳар бир квадрат метр майдонга тўғри келадиган аҳоли сонининг кўпайиб, одамлар ниҳоятда зич яшайдиганлиги билан боғлиқ муаммони келтириб чиқардики, бу муаммо ишсизлик каби ижтимоий иллатнинг ҳам келиб чиқишига тааллуқлидир. Бундай аҳвол, айниқса, Фарғона водийсидағи йирик шаҳарларга кўпроқ тааллуқлидир. 1985 йилнинг 1 январида Андижон вилоятида 1 кв. км майдонга 370 киши, Фарғонада 273,7 Наманганда эса 164,9 киши тўғри келар эди⁴. Бу кўрсаткичлар кейинги йилларда янада кўпайди. Лекин шусиз ҳам тушунарлики, аҳолининг ҳаддан ташқари тифизлиги, унинг табиий ва бошқа минтақалардан ишчи кучларини келтириш ҳисобига ўсиш суръатларининг юқорилиги аҳоли шундай ҳам тифиз жойлашган шаҳарларда беистисно барча ижти-

¹ Народное хозяйство Узбекской ССР в 1990 г., 14-бет.

² Ўзбекистон аҳолиси ва меҳнат ресурслари. Тошкент, 1992, 49-бет.

³ Миллатларро муносабатлар маданияти ва байналмилад дунёқараш. Ўқув қўлланмаси. Тошкент, «Ўзбекистон», 1993, 26—27-бетлар.

⁴ НТР и национальные процессы в СССР (Отв. ред. О. И. Шкарата) М., «Наука», 1987, 69-бет.

моий муаммоларни яна ҳам кўпроқ мураккаблаштириб юборди.

Биргина Тошкент шаҳрида меҳнат ресурсларининг ортиқчалиги 200 минг кишига етишига қарамай, янги ишлаб чиқаришларнинг меҳнат жамоаларини шакллантириш учун республикага ташқаридан 125 мингга яқин ишчи ва мутахассислар жалб этилди¹. Уларни юқори ташкилотлар биринчи галда, маҳаллий аҳоли учун муаммо бўлиб турган уй-жой ва бошқа шарт-шароитлар билан таъминладилар.

Республика аҳолисининг уй-жой, озиқ-овқат, ижтимоий-маданий иншоотлар билан таъминланиш даражаси пастлиги, Ўзбекистонда демографик вазият шундоқ ҳам мураккаб бўлиб турган бир вақтда бу ўлкага бошқа минтақалардан аҳолининг «зўрлик» билан кўплаб кўчиб келиши туб аҳолини уй-жой, озиқ-овқат ва саноат моллари, тиббий ва майший хизмат, болалар боғчаси ва яслилари билан таъминлашнинг янада ёмонлашувига, республикада ижтимоий-иқтисодий вазият ҳамда миллатлараро муносабатларнинг янада кескинлашувига олиб келди.

1970—1986 йиллар ичida республиканинг қишлоқ аҳолиси деярли 3,5 млн. кишига кўпайди², ваҳоланки, умуман, СССР бўйича бундай аҳоли сони 2,7 млн. кишига камайди³. Республикада аҳоли сони кўпайиши билан шунга мувофиқ тарзда қишлоқ аҳолиси орасида меҳнатга лаёқатли кишилардан ишсизлар сони ҳам ортиб бормоқда эди. Бу эса иқтисодий ўсиш суръатига, иш билан бандлик муаммоларини ҳал қилишга алоҳида талаблар қўяр эди. Бу, шубҳасиз, айни шу ерда ишлаб чиқарувчи кучларнинг бир томонлама ривожланганлиги — асосан қишлоқ хўжалик хом ашёсини етиштириш билан шуғулланганлиги оқибатидир.

Республиканинг қишлоқ жойларида енгил саноат, энергетика, бинокорлик корхоналаридан ҳар олтинчи-еттинчиси жойлаштирилганки, бу ўша ердаги мавжуд ресурсларни ижтимоий ишлаб чиқаришга ҳатто энг кам даражада жалб этиш учун ҳам етарли эмас. Кейинги ўн йил ичida қишлоқда шаҳар корхоналари ва бирлашмаларининг 500 та филиалининг барпо этилиши ҳам иш билан банд қилиш муаммосини ҳал этмади. Улар ишга

¹ «Совет Ўзбекистони», 1990 йил, 23 январь.

² Народное хозяйство Узбекской ССР в 1990 г., 14-бет.

³ Бекметов Э. Халқлар ҳамкорлиги ва иқтисодий алоқалар, 29-бет.

муҳтож қишлоқ аҳлиниңг салкам 5 фоизинигина иш билан таъминлади¹.

1970—1985 йилларидағи ҳисобот маълумотларини таҳлил қилиш шу йиллар ичидә меҳнат билан бандлик даражаси анча пасайғанлигини кўрсатди. 1970 йилда бу даражага 77,7 фоизга тенг бўлган бўлса, 1980 йилда 74,2 фоизга, 1985 йилда эса 73,6 фоизга тушиб қолди². Кўриб чиқилаётган муаммо қишлоқ жойларда айниқса ўткир тус олмоқда эди. Иш кучи билан ҳаддан ташқари тўйинганлик қишлоқ хўжалик ишлаб чиқариши самародорлигининг ва меҳнатга ҳақ тўлашнинг даражаси паст бўлишини шартлади. Ҳозирги Ўзбекистон қишлоғида яшовчи ҳар юз кишига ўртача олганда атиги 36 гектар сугориладиган ер, леҳқончилик ва чорвачиликда банд бўлган юз кишига эса — 211 гектар ер тўғри келмоқда. Натижада қишлоқ хўжалигининг бир ҳодими республиканинг атиги 10 қишисини (бир қатор вилоятларда эса 7—8 қишини) «боқмоқда», айни вақтда дунёнинг фоятда ривожланган мамлакатларида бу рақам 60—70 қишини ташкил этади. Бунинг устига туб миллатга мансуб аҳоли катта-катта оиласаларга эга эканлиги билан ҳам фарқ қилади. Серфарзандлик, боқимидағи одамларнинг кўплиги ўзбекларга хос хусусиятлардан-дир.

Қишлоқдаги қишлоқ хўжалик ишидан ташқари, соҳаларда меҳнат қилишнинг аҳволи ҳам ачинарли дараҷада эди. Вилоятларда қишлоқ меҳнаткашларининг атиги 3—6 фоизи саноат ишлаб чиқаришида, 3—7 фоизи қурилишда, 1—2 фоизи транспортда, 10 дан 20 фоизга қадари ноишлаб чиқариш тармоқларида иш билан банд эди³. Муаммонинг мана бундай томони ҳам бор: меҳнатни сарфлаш соҳаси ривожланмаган вазиятда ишлашга лаёқатли кишиларнинг ортиқалиги қишлоқни хўжалик фаолиятининг янги, самарали шаклларига уқувсиз қилиб қўяди, демак, тараққиётга тўскенилик қиласди.

Бутун СССРда бўлгани каби Ўзбекистонда ҳам мазкур йилларда ижтимоий-иқтисодий масалаларга бевосита тааллуқли бўлган кўпгина энг муҳим ҳаётий муаммоларнинг ечилиши мунтазам пасайиб борди. Иш

¹ Ҳожимирзаев М. Ўзбекистоннинг ищчилар синфи: ривожланиш муаммолари // Инсон ва сиёсат, 1991, № 9, 22-бет.

² Народное хозяйство Узбекской ССР в 1987 году, 208-бет.

³ Максакова Л. Аҳолининг иш билан бандлиги: ялги ёндашишдан илмий асосланган стратегия сари, 16-бет.

жойларининг етарли эмаслиги, маҳаллий аҳолидан ишчи ва мутахассис кадрлар тайёрлаш соҳасидаги камчиликлар, савдо, майший хизматдаги нуқсонлар, уйжойларнинг етишмаслиги каби ижтимоий-экологик муаммолар кескинлигича қолаверди.

Ўзбекистоннинг марказга пахта, пилла ва шу каби хом ашёларни етказиб берувчи база сифатида бир томонлама ихтисослаштирилиши республикада қайта ишловчи саноат тармоқларининг ривожланишига тўсқинлик қилди. Ишлаб чиқарувчи кучларни жойлаштиришда ишчи, мутахассис кадрлар тайёрлашда миллий ўзига хосликни ҳам эътиборга олмасдан маҳаллий маъмурларнинг нотўғри йўл тутганлиги орқасида ҳам аҳвол оғирлашиб кетди. Фақатгина Фарфона водийсининг ўзидағина 1,5 млн. киши нормал иш билан таъминланмаган. Бу регионда тўқимачилик ва бошқа ишлаб чиқариш корхоналарини қуриш кишиларни тўлақонли иш билан таъминлаш масаласини ҳал этган бўларди¹.

Бироқ, шуни айтиш керакки, табиий-географик, миллий, демографик ва бошқа ўзига хос омиллардан тўғри ва оқилона фойдалана олмаганлик туфайли Ўзбекистон шаҳарларининг ижтимоий-иктисодий тараққиёт даражаси анча паст бўлди. Натижада уларда салбий ҳодисалар ортиб борди, бу эса республика шаҳарларида мавжуд бўлган муаммоларни янада кучайтириб юборди.

Яна шуни таъкидлаш лозимки, республикамизда саноат корхоналарини жойлаштириш ҳар доим ҳам иммий асосда олиб борилмади, яъни уларни жойлаштиришда районларнинг ўзига хос хусусиятлари, хом ашё, моддий ресурслар, малакали кадрларнинг бор-йўқлиги ҳамда экологик вазият камдан-кам ҳолларда ҳисобга олинди. Масалан, Бухоро ип-газлама комбинатининг қурилиши энг катта қурилишлардан бўлиб, у «Барча ҳалқлар қурилиши» деб эълон қилинди. Бу комбинат қурилишида мамлакатнинг турли бурчакларидан йўлланмалар билан 30 дан ортиқ миллат вакиллари иштирок этдилар. Қурилиш материаллари етишмаслиги ва механизациянинг носозлиги туфайли қурилиш ишлари жуда катта қийинчиликлар билан амалга оширилди. Шундай бўлишга қарамасдан, комбинат қурилиши биринчи навбати ўз вақтида, 1973 йилнинг 29 декабрида тугалланди, иккинчи навбати ҳам муддатидан олдин —

¹ Аминова Р. Қайта қуриш шароитида Ўзбекистонда социал ривожланишнинг долзарб муаммолари. Тошкент, «Фан», 1991, 17-бет.

1974 йилда топширилди. Бироқ бу комбинатни қуришда юқорида айтилганидек, кўп нарсалар инобатга олинмади, натижада ишчи кучи ва хом ашё етишмаслиги туфайли корхона самарасиз ишламоқда. Тошкент мотор заводи, Янги Кўқон химия комбинати ва шу сингари бир қатор корхоналар қурилишида ҳам ана шундай хатоликларга йўл қўйилди.

Ишлаб чиқариш қувватларидан фойдаланиш, корхоналарни икки ва уч сменадаги иш режимига ўтказиш ишларини жадалроқ олиб бориш лозим, чунки шу пайтга қадар бу иш жуда суст олиб борилди. Республика бўйича, 1986 йилга келганда, янги иш тартибига ўтган 1108 та корхонадан атиги 208 таси икки ва уч сменада ишлаётган эди. Бундай иш тартиби мавжуд ишлаб чиқариш қувватларидан унумли фойдаланиш ҳамда иш билан банд бўлмаган аҳолининг ишга жойлаштириш имконини берар эди.

Катта ижтимоий муаммолардан бири — аёлларни ўзларига муносиб иш билан таъминлашдир. Ҳозирда хотин-қизларнинг эркакларга нисбатан салмоғи ортиб бормоқда, улар республика аҳолисининг ярмидан кўпрогини ташкил этади. Кейинги йилларда уларнинг иш билан бандлиги даражаси ортди. 1970—1986 йиллар мобайнида Ўзбекистон халқ хўжалиги соҳасида ишчи ва хизматчилар орасида хотин-қизлар 1024 минг кишига кўпайди, яъни улар 41 фоиздан 43 фоизга ўсди¹.

Республика хотин-қизлари 1986 йилда соғлиқни сақлаш (72,7 фоиз), халқ таълими (60,5 фоиз), маданият соҳасида (57,1 фоиз), савдо ва умумий овқатланиш (55,8 фоиз) тармоқларида салмоқли ўринни эгаллади². Айниқса халқ хўжалиги мутахассислари орасида ўзбек аёлларининг сони ўсаётганлиги диққатга сазовордир. Уларнинг сони сўнгги ўн йил ичida 2,3 марта ўсди. Бу ҳол мутахассис аёллар умумий сонининг ўсиши, уларнинг ишчи ва хизматчилар таркибидаги сонига нисбатан фаолроқ кечайтанидан дарак беради³.

Айни пайтда аёлларнинг олий таълим даражаси уларнинг касбий машгуллигига мос келмайди. Шу нарса кишини ранжитадики, аёлларнинг кам малакали ёки малакасиз меҳнат билан машгуллиги эркакларга нисба-

¹ Народное хозяйство Узбекской ССР в 1987 году, 209-бет.

² Мирзаев Т. К., Раскин Л. И. Перераспределение трудовых ресурсов. Ташкент, «Мехнат», 1990, 120-бет.

³ Аминов Р. Қайта куриш шароитида Ўзбекистонда социал ривожланишнинг долгзарб муаммолари, 10-бет.

тан ортиқ. Республика саноати, қурилиши, қишлоқ хұжалигыда құл мәхнати билан машғул бўлган аёлларнинг улуши ўртача иттифоқ даражасидан юқори эди. Республика саноатида құл мәхнати салмоғи 35,3 фоизни ташкил этган бўлса, аёллар орасида эса 42,5 фоиздан иборат бўлди¹. Уйда ишлаш ва ноанъанавий қисқартирилган иш куни шакллари заиф ривожланганлиги, бир томондан, аёлларнинг ҳаддан ташқари иш билан бандлигига, иккинчи томондан, бир киши ишлайдиган оиласарда паст турмуш даражасининг сақланиб қолишига олиб келди. 1992 йилда ишчи ва хизматчиларнинг умумий сонида аёллар 2 492 минг кишини ташкил этди. Бу барча ишчи ва хизматчиларнинг 47 фоизи хотин-қизлар демақдир. Аёлларнинг мәхнати анъанавий қасб соҳала-рида, яъни номоддий ишлаб чиқариш ҳисобланадиган соғликини сақлаш, кредит бериш ва суғурта муассасалари, ҳалқ таълими ва маданиятда баландлигича қолмоқда. Аёлларни ҳалқ хўжалигига жалб қилиш республика бўйича ҳам бир текис кетмаяпти. Масалан, ишчи ва хизматчиларнинг умумий миқдорида аёлларнинг улуши Жиззах, Сурхондарё, Қашқадарё вилоятларида 40 фоизга ҳам етмайди. Хоразм, Сирдарё, Наманган, Бухоро ва Андикон вилоятларида ҳам уларнинг ҳиссаси паст. Факат Тошкент шаҳрида аёллар улуши ишловчилар умумий миқдорида баланд — 51,2 фоиз².

Ўзбекистонда туғилишнинг юқори даражадалиги, оиласарнинг серферзандлиги хотин-қизлардан ижтимоий ишлаб чиқаришда фойдаланишни чекловчи жиддий омил ҳисобланади. Етти ва ундан ортиқ фарзандли ва давлат нафақасини олиб турадиган кўп болали оналар сони Ўзбекистонда 1970—1980 йилларда 187 мингдан 213 мингга яқин кўпайди³. 1970 йилдаги бу миқдор мамлакатдаги барча кўп болали оналар сонига нисбатан 21 фоизни ташкил этган бўлса. 1987 йилда бу 32 фоизга етди⁴. Шундай экан, Ўзбекистон хотин-қизларини иш билан банд этиш масаласига алоҳида ёндашишга тўғри келади. Шу нарсани ишонч билан айтиш мумкинки, кўп болали оналарнинг ишлаб чиқаришда ишламаслиги жамиятта, олага ижтимоий ва маънавий жиҳатдан фойдалиdir. Ҳисоб-китоблар уларнинг уйдаги, мосла-

¹ «Правда Востока», 1989 йил 8 март.

² Тухлов N. Ўзбекистон иктисадиёти, 14-бет.

³ Плановое хозяйство, 1985, № 5, 103-бет.

⁴ Муллиджанов И. Социально-экономическое значение совершенствования территориального перераспределения и размещения трудовых ресурсов в Узбекской ССР. Ташкент, УзНИИТИ, 1990, 11-бет.

шувчан ва қисқартирилган иш кунидаги мөхнати ҳамда уй-рўзгор ва болалар тарбияси билан шуғулланиши мақсадга мувофиқ эканлигини яққол кўрсатмоқда.

Шундай қилиб, ўсиб борувчи мөхнат ресурслари-нинг имкониятларини, минтақанинг ўзига хос демографик ва ижтимоий-иқтисодий ҳусусиятларини ҳар томонлами ҳисобга олиш, аҳоли иқтисодий фаоллигининг жонланиши нафақат ушбу йўналишни ишлаб чиқиш, балки уни рўёбга чиқариш учун ҳам асос бўлади.

ДЕМОГРАФИК ЖАРАЁНЛАР ВА УЛАРНИНГ МИЛЛАТЛАРАРО МУНОСАБАТЛАРГА ТАЪСИРИ

Бугунги кунда миллатлараро муносабатлар ижтимоий ҳаётимизнинг мураккаб томонидирки, у ҳал қилувчи омиллардан бирига айланди. Улар ижтимоий-сиёсий ўзгаришларнинг боришига, иқтисодиётни қайта қуришга, республикалар ўртасидаги, республика билан марказ ўртасидаги муносабатларга бевосита таъсир ўтказиб келди.

Шўролар ҳукмронлиги даврининг сўнгги ўн йиллеклари давомида миллатлараро муносабатларнинг кескинлашуви кўп жиҳатдан марказлаштан маъмурий-буйруқбозлик тизими шароитида тўпланиб қолган ўткир миллий муаммолар, зиддиятлар ҳал этилмаганлиги билан боғлиқdir. Улкан мамлакатнинг бир қатор минтақаларида миллатларо муносабатлардаги тангликни бартараф этиш ўйлени ҳар бир ҳудуддаги аҳолининг миллий таркибини билмай ва шу аҳолини ташкил этган ҳар бир миллат ва элатнинг манфаатларига мос бўлиб тушадиган изчил сиёsatни ишлаб чиқмай туриб топиш мумкин эмаслиги маълум бўлди.

Таркибан бир хил бўлган миллатлар ўртасида ҳам ўзаро зиддиятлар, келишмовчиликлар, кутилмаган тасодифий можаролар рўй бериши мумкин. Бироқ, бу муаммо ҳусусида батафсил тўхталиб ўтиришдан кўра, кўп миллатли республикалар, шунингдек, Ўзбекистон аҳолисининг миллий ҳусусиятларини ўрганиш муҳимроқдир. Чунки «республикадаги ўзига хос демографик вазият фоят муҳим ҳусусиятлардан биридир»¹.

Ўзбекистонда Ўрта Осиёнинг бошқа республикаларидаги сингари аҳолининг минг йилликлар мобайнида

¹ Каримов И. А. Ўзбекистоннинг ўз истиқтол ва тараққиёт йўли, 12-бет.

таркиб топиб келган ва минтақанинг туб ерли миллатлари вакилларидан иборат бўлган кўп миллатли таркиби Россия мустамлакачилари ҳукмронлик қылган йилларда ва, айниқса, шўролар даврида, шу жумладан, 70-йиллар ҳамда 80-йиллар ўргалари гача бўлган даврда ҳам маҳаллий бўлмаган кўпгина миллат ва элатларнинг вакиллари ҳисобига чекланмаган тарзда янада ортиб борди.

Ўзбекистонга аҳолининг бошқа минтақалардан кўплаб кўчиб келиши миллий сиёсатдаги нўноқлик, республикаларнинг кўп миллатлилигини ўстириш каби сунъий йўналишлар оқибатида ва бошқа турли хил омиллар таъсири остида анча ошди. Фақат кейинги йиллардагина миллий сиёсат соҳасидаги ижобий ўзгаришлар натижасида аввалда мажбуран кўчирилган халқлар ўз ватанларига қайтиб кетиш ҳоллари бирмунча тезлашди.

Ўзбекистон кўп миллатли республикадир. Бу ерда маҳаллий аҳоли ўзбек, қорақалпоқ, тожик ва қозоқлар билан бирга руслар, татарлар, украинлар, корейслар ва бошқа миллат вакиллари яшайди.

1989 йил 12 январда ўтказилган аҳоли рўйхати маълумотларига кўра, Ўзбекистонда 127 миллат, элат ва этник груп ҳавилиари истиқомат қиласади¹.

Республикада кескин ва зиддиятли демографик вазият вужудга келди. Аҳолининг табиий ўсиши тез суръатларда давом этди. Республикамиз бу кўрсаткич бўйича Тожикистондан кейин собиқ Иттифоқда иккинчи ўринда турарди. Собиқ Иттифоқ бўйича аҳолининг табиий ўсиши ҳар минг киши ҳисобига 10 кишига тўғри келган бўлса, бу республикамизда 3 баравардан юқори эди².

Ўзбекистон аҳолисининг мамлакат аҳолиси ичидағи салмоғи ҳам сурункали равища ўсиб борди. Агар 1970 йили республикага мамлакат аҳолисининг 4,9 фоизи тўғри келган бўлса, бу кўрсаткич 1979 йили 6,1 фоизга тенг бўлди³. Аҳолининг асосий қисми ўзбеклардан иборат бўлиб, аҳолининг умумий сонида уларнинг салмоғи муттасил ортиб борди.

¹ Миллатлараро муносабатлар маданияти ва байнамилал дунёқараш, 25-бет.

² «Правда Востока», 1989 йил 13 декабрь.

³ Ўзбекистон аҳолиси ва ресурслари, 49-бет.

**Ўзбекистон Республикаси аҳолисининг миллий таркиби
(1970, 1979 ва 1989 йиллардаги аҳоли рўйхатлари бўйича)¹**

	Минг киши			Якунига нисбатан фоиз ҳисобида		
	1970	1979	1989	1970	1979	1989
Жами аҳоли шу жумладан:	11799,0	15389,3	19810,1	100	100	100
ўзбеклар	7724,4	10569,0	14142,5	65,4	68,7	71,4
руслар	1473,5	1665,7	1653,5	12,5	10,8	8,3
тожиклар	448,5	594,6	933,6	3,8	3,9	4,7
қозоқлар	476,3	620,1	802,2	4,0	4,0	4,1
татарлар	573,7	648,8	656,6	4,9	4,2	3,3
қорақалпоқлар	230,3	297,8	411,9	1,9	1,9	2,1
қирғизлар	110,7	142,2	174,9	1,0	0,9	0,9
корейслар	147,5	163,1	183,1	1,3	1,1	0,9
украинлар	111,7	113,8	153,2	0,9	0,7	0,8
туркмандар	71,0	92,3	121,6	0,6	0,6	0,6
турклар	46,3	48,7	106,3	0,3	0,3	0,5
яҳудийлар	102,9	99,9	93,9	0,9	0,7	0,5
арманлар	32,4	42,4	50,5	0,3	0,3	0,3
озарбайжонлар	38,9	59,8	44,4	0,4	0,4	0,2
уйгурлар	23,9	29,1	35,8	0,2	0,2	0,2
белоруслар	16,9	19,1	29,4	0,1	0,1	0,1
форслар	15,5	20,0	24,8	0,1	0,1	0,1
бошқа миллатлар	194,5	162,9	191,9	1,7	1,1	1,0

Жадвалдан кўриниб турибдики, республикамиз аҳолиси таркибида ўзбеклар 65,4 фоиздан 71,4 фоизга етди. Руслар аҳоли сони бўйича иккинчи ўринда турди. Сўнгги ўн йил ичидаги тажиклар сони муттасил кўпайиб борди. Натижада уларнинг сони қозоқлар сонидан ўзиб кетди ва Ўзбекистон аҳолиси таркибида учинчи ўринга чиқиб олди. Умуман олганда, республика аҳолиси анча маҳаллийлашиб борди. 1992 йилда Ўрта Осиё туб аҳолисининг салмоғи республикамизда 83,8 фоизни ташкил этди².

Вилоятлар ичидаги ўзбекларнинг салмоғи, айниқса, Хоразмда жуда юқори — 94,6 фоиз. Фарғона, Андижон, Қашқадарё ва Наманган вилоятларида ҳам бу рақам 80 фоиздан ортиқ. Айни пайтда Қорақалпоғистонда, Тошкент шаҳри ва Тошкент вилоятида ўзбекларнинг ҳиссаси анча паст: 32,8; 44,2; 50,2 фоиз³.

¹ Ўзбекистон Республикаси: қисқача маълумотнома. (Муаллиф Э. Аҳмедов) Иккинчи тўлдирилган нашри. Тошкент, «Ўзбекистон», 1993, 17—18-бетлар.

² Ўзбекистон аҳолиси ва меҳнат ресурслари. Тошкент, «Университет», 1992, 13—14-бетлар.

³ Ўзбекистон аҳолиси ва меҳнат ресурслари, 14-бет.

У ёки бу минтақада аҳоли сонининг ўсишида аҳолининг бир жойдан иккинчи жойга кўчишининг маълум даражада роли бор. Сўнгги ўн йилларлар, жумладан, 70-йиллар ва 80-йилларнинг ўрталаригача бўлган даврда республикада ишлаб чиқарувчи кучларнинг ривожланиши, бир қанча янги шаҳарларнинг вужудга келганини Узбекистонга бошқа минтақалардан аҳолининг кўплаб кўчиб келишига сабаб бўлди. Айниқса, Россия, Украина ва Қозоғистондан кўп аҳолининг кўчиб келиши кузатилди.

Ўзбекистон шаҳарлар сони тез ўсиб бораётган республикалар қаторига киради. Фақат 1970 йилдан 1985 йилгача бўлган жуда қисқа давр ичидаги республика харитасида 80 та янги шаҳар вужудга келди¹. Ваҳоланки, барча иттифоқдош республикаларнинг бошқа биронтасида ҳам шаҳарлар сонининг бунчалик тез суръатлар билан ўсиши рўй берган эмас. Яна шуни ҳам таъкидлаб ўтиш ўринлики, шаҳарлар сони кўп ҳолларда етарли асосга эга бўлмаган тарзда ва сунъий равишда атайлаб кўпайтирилди.

Шаҳарлар миқдорининг тез суръатларда кўпайиши, биринчи навбатда, уларга қўйиладиган асосий талаб — аҳоли сонининг пастки чегарасини 10 минг кишидан, республика Олий Совети Президиумининг 1972 йил 24 февралда қабул қиласига фармонига кўра, 7 минг кишига қисқартирилиши билан боғлиқ². Мана шу вақт ичидаги бунёд бўлган ёки мавжуд 123 та шаҳарнинг учдан иккиси республика ер ости бойликларини ишга солиши ва янги ерларни ўзластириш туфайли вужудга келди.

Янги вужудга келган шаҳарларнинг аксариятида европалик миллат вакиллари келиб жойлашдилар. Бундай шаҳарлар жумласига Бухоро вилоятининг Зарабашон (1972 йилда ташкил топган), Учқудуқ (1978 йил), Сирдарё вилоятининг Ширин (1972 йил), Жиззах вилоятининг Пахтакор (1977 йил) каби шаҳарлари киради³. Бирмунча илгарироқ вужудга келган ва саноати ривожланган Навоий, Чирчиқ, Ангрен, Олмалиқ, Бекобод, Янгийўл ва шунга ўхшаш шаҳарлар аҳолиси таркибида ҳам рус, украин, татар ва бошқа европа миллатларига мансуб бўлган аҳолининг саломоги анча юқори эди. Айни пайтда эса саноати учча ривожланмаган кичик шаҳарларда ва

¹ Народное хозяйство Узбекской ССР в 1987 г., 203-бет.

² Ўзбекистон аҳолиси ва мешнат ресурслари, 52-бет.

³ Аҳмедов Э. Ўзбекистон шаҳарлари, 55-бет.

туман марказларида аҳоли асосан бир миллатли ёки маҳаллий миллат вакилларидан иборат эди. Аҳоли жойлашувининг бундай этнографик хусусиятлари чуқур ўрганилиши жуда муҳим аҳамият касб этади.

Маълумки, европа миллатларига мансуб ҳалқларнинг урбанизациялашув даражаси Ўрта Осиё ҳалқларига нисбатан анча юқори эди. Шу хусусиятларига кўра ҳамда 70—80-йиллар ўрталаригача бўлган даврда марказий минтақалардан республикамиз ҳалқ ҳўжалигининг барча тармоқларига кадрлар таклиф этилганлиги натижасида бу ерда уларнинг салмоги анча ортди. Айниқса, янги бунёд этилган индустрлашган шаҳарлардаги саноат корхоналари қурилишига вақтинчалик ишга таклиф этилган кишилар бу ерларда доимий яшаш учун қолиб кетдилар. Марказий минтақалардан аҳолининг бундай кўплаб кўчириб келтирилганлигининг муҳим сиёсий жиҳатлари ҳам бор эдик, империя ўз ҳукмронлигини мустаҳкамлаш учун албатта ўз кишиларини бу ерларга жойлаштиришни мақсад қилиб қўйган ва янги қурилишлардан бу ишда тезкорлик билан фойдаланмокда эди.

Янги бунёд этилган шаҳарларнинг аксариятида европалик миллат вакиллари қўним топдилар. Уларнинг асосий қисми кимё саноати корхоналарида, машинасозлик, нефтни қайта ишлаш, олтин ва бошқа қимматбаҳо metall ва тошларни қайта ишлаш корхоналарида ишга жойлашдилар.

Марказлашган давлатда бошқаришнинг тармоқ усули шакллантирилганлиги туфайли республикамиизда 80-йиллар ўрталаридан мавжуд бўлган саноат корхоналарининг 31 фоизи иттифоқ тасарруфида эди. 61 фоизи иттифоқдош республикалар вазирликлари ва идоралари, 8 фоизигина тўғридан-тўғри Ўзбекистон ва маҳаллий саноат бошқармалари қарамоғида эди¹. Марказий вазирлик ва идоралар қаерда ишли кўп бўлса, ўша ерда саноат корхоналари қуар эдилар, бунда республиканинг миллий манфаатлари, эҳтиёжлари, демографик вазият ва экологик оқибатлари умуман эътиборга олинмас эди. Бундай корхоналарни қуришда маҳаллий ташкилотларнинг иштироки фақат қофозда эди, холос. Ҳатто иттифоқ миқёсидаги корхоналарга маҳаллий миллат вакилларини ишга қабул қилиш, улардан малакали ишчиларни тайёрлаш учун зарур бўлган маблағларни ҳам

¹ Народное хозяйство Узбекской ССР в 1987 году, 48-бет.

шўролар империясининг маҳкамалари белгилаб берар эдилар. Ўрта Осиё республикалари учун малакали ишчи кадрлар тайёрлашдан манфаатдор бўлмаган бу маҳкамалар иттифоқ бўйича бундай мақсадлар учун (давлат ва жамоа хўжаликларисиз) ҳар бир кишига 9 сўм 30 тийиндан сарфлаган бўлсалар, бу республикалар учун 4 сўмга яқин маблағ ажратар эдилар¹. Бундай адолатсизликларни ва камситишлиарни эътиборга олмаган баъзи олимлар Ўрта Осиё халқларидан ишчи кадрлар тайёрлаш учун жуда узоқ муддат кераклигини ўзларича исботлашга уриндилар². Бироқ ўша «узоқ муддат»ни тезлаштириш ишига узоқ йиллар жиддий эътибор берилмади. Шунинг оқибатида маҳаллий миллат вакиллари салмоғи йирик саноат корхоналарида ниҳоятда камайиб кетди. Жумладан, машинасозлик корхоналарида уларнинг сони 30 фоизга ҳам етмас эди. «Средазкабель» ишлаб чиқариш бирлашмаси, «Ташсельмаш» ва экскаватор заводларида эса 25 фоиздан ҳам камроқни ташкил этар эди³.

Европа халқларига мансуб миллатлар салмоғи республикамиз саноат корхоналарида 70—80-йиллар ўрталаригача бўлган давр мобайнида айниқса тез ўсади. Уларнинг салмоғи «Навоийазот» ишлаб чиқариш бирлашмасида 63,1 фоиз, машинасозлик тармоқларида, жумладан, Тошкент трактор заводида 50,8 фоиз эди⁴. Енгил саноат тармоқларида, жумладан Тошкент тўқимачилик комбинатида 1972 йили 12 897 кишидан иборат 46 миллат вакили ишлаган бўлса, уларнинг 6 789 нафари руслар, 2 448 нафари татарлар, 392 нафари украинлар ва 2 276 нафари эса ўзбеклар, қолган қисми эса бошқа миллат вакилларидан иборат эди⁵.

Саноат корхоналарида ўзбеклар салмоғи камайиб кетди. Чкалов номидаги Тошкент авиация ишлаб чиқариш бирлашмасида 21,0 фоиз, Тошкент қишлоқ хўжалиги машинасозлиги заводида 19,0 фоиз, «Эталон» ишлаб чиқариш бирлашмасида 22,0 фоиз, лак-бўёқ заводида 33,0 фоиз, Ўзбекистон қишлоқ хўжалиги машинасозлиги ишлаб чиқариш бирлашмасида эса 14,0 фоизгина ишчи маҳаллий аҳолига мансуб эди⁶.

¹ «Ҳаёт ва иқтисод», 1991, № 4. 23-бет.

² «Коммунист», 1989, № 14. 30-бет.

³ «Совет Ўзбекистони», 1989 йил, 25 ноябрь.

⁴ Убайдуллаева Р. Миния капитализм. Перестройка: гласность, демократия, социализм. СССР: демографический диагноз. М., «Прогресс», 1990, 416-бет.

⁵ ЎзР ТВХА, 1136-жамгарма, 8-рўйхат, 70-иш, 1-варақ.

⁶ Таксанов А. К. Перестройка и некоторые проблемы развития национальных кадров индустриального рабочего класса, 23-бет.

Кўп йиллар давомида миллий республикалар халқларига нисбатан адолатсизликлар, уларнинг миллий манфаатларининг назар-писанд қилинмаганини, миллий кадрлар тайёрлашга бўлган эътиборсизликлар оқибатида нохуц ҳолатлар келиб чиқмоқда эди. Бироқ, Ўзбекистон саноат корхоналарида ишлаш учун ишчи кадрларни маҳаллий аҳоли ичидан тайёрлашдан кўра марказий шаҳарлардан тайёр кадрларни келтиришни афзал деб билган маҳаллий мутасадди раҳбарлар ҳам ўзлари учун осон, лекин маҳаллий аҳолини иш билан таъминлашни чигаллаштирадиган йўлни тутдилар. Бундай раҳбарлар республикадаги демографик вазиятнинг оғирлигидан хабардор бўла туриб ана шундай хатоликларга йўл қўйдилар. Натижада маҳаллий аҳолини уйжой, иш жойи, мактаб, боғча ва яслилар билан таъминлаш муаммолари янада кучайди. Бу эса миллатлараро муносабатлар муаммоларини янада чуқурлаштириб юборди.

Ўзбекистон аҳолисининг умумий таркибида европалик миллатлар вакиллари салмоғи кейинги йилларда бирмунча камайди. Бунинг боиси туб жойли аҳоли билан европалик аҳолининг туғилиш даражасида катта тафовут борлигида ва, шу билан бирга, Ўзбекистонда Ўрта Осиёнинг бошқа республикалари, шунингдек, Узоқ Шарқ ва Сибирда бир қанча йирик қурилишларга асосан европалик аҳолининг кўплаб кўчиб кетиши оқибатидир.

Агар илгари Ўзбекистонга кўчиб келувчилар учун шароит яхши, уй-жой билан таъминланиш имконияти тезда ҳал этилган, мева-чевалар арzon ва мўл-кўл бўлган бўлса, 80-йиллар ўрталаридан бошлаб бу ерда ижтимоий-иқтисодий аҳвол бошқа минтақалардагига нисбатан анча ёмонлашди.

Шундай бўлса ҳам аҳоли таркибида Шимолий Кавказ ва Кавказ ортида яшовчи бир қатор миллат ва элатлар вакиллари салмоғи ошди. Чамаси бунинг сабаби майший хизмат кўрсатиш соҳасини ўзлаштириш имкони мавжудлиги ва кооператив ишлаб чиқариш шакли ривожланганлиги сабабли бўлса керак, Кавказорти, Шимолий Кавказ ва Сибир туманларидан кўчиб келганлар асосан Ўзбекистоннинг муайян туманларида ўрнашиб қолдилар.

Руслар, энг аввало, шаҳар жойларида ва айниқса Тошкентда ва Тошкент вилоятида яшайди. Бухоро, Самарқанд ва Фарғона вилоятларида ҳам уларнинг улуш-

лари сезиларли даражада. Бошқа миллатларнинг районлар бўйлаб бўлиниши ҳам ўзига хос хусусиятга эга. Масалан, қозоқлар асосан Қорақалпоғистон Республикаси, Тошкент, Бухоро вилоятларида тарқалган бўлса, тожиклар — Самарқанд, Сурхондарё, Наманганд ва Фарғона вилоятларида, қирғизлар — Андижон, Фарғона ва Жиззах вилоятларида жойлашган. Республикамизда яшовчи татар аҳолисининг деярли ярми Тошкент шаҳри ва Тошкент вилоятларига тўғри келади (улар Чирчиқ, Янгийўл шаҳарларида кўп), яхудийларнинг аксарияти пойтахтда яшайди. Ўрта Осиё ва Бухоро яхудийларининг эса бу ерда 30 фоизга яқини истиқомат қиласиди¹.

Бундан айрим миллат ва элатларнинг республика худудида жойлашувининг ўзига хос хусусиятлари мавжудлигини кўриш мумкин. Бу хусусиятларни ҳисобга олиш ва уларни илмий ёндашган ҳолда ўрганиш эса ҳозирги миллатлараро вазиятни яхшилаш борасида, шунингдек, ўқув-таълим тармоғини тегишли тилда олиб бориш мақсадида катта аҳамиятга эга. Шу билан бирга вужудга келаётган айрим муаммоларни ечишга ҳам имкон яратади.

70-йилларнинг охири ва 80-йилларда Ўзбекистонга кўчиб келувчиларнинг аксарият қисми меҳнатга лаёқатли кишилар бўлиб, улар бу ерга иш қидириб келган. Бироқ шу вақтларда улар истиқомат қилган республикаларнинг ва худди шулар сингари Россиянинг ўзида ҳам ишчи кучи етишмаётган кўплаб корхоналар мавжуд бўлиб, айни пайтда Ўзбекистоннинг ўзида ишсиз юрганларнинг ўзи ҳам оз эмас эди, шу билан бирга бу ишсизлар маҳаллий аҳолига мансуб кишилар эди. Буларнинг бари бир томонлами йўналтирилган хато миграция сиёсати оқибатидир. Бунинг устига Ўзбекистонга келаётган миллат ва элатлар вакиллари кўпчилигининг асл мақсади ишчи-мутахассислар, ижодий зиёлилар сафини тўлдириш эмас, балки, шунчаки, енгил ва фаровон ҳаёт кечиришга қизиқиш, бойлик орттириш нияти билан келган кишилар бўлиб, улар савдо, маиший хизмат, умумий овқатланиш соҳаларига жойлашиб олдилар. Албатта, булар ичida ахлоқан бузук, безори ва ўғри-муттаҳам кишилар ҳам бўлиб, бундай унсурлар республикамиз ижтимоий ҳаётига катта ташвиш туғдирдилар, турли хил жиноятчиликнинг авж олишига, фоҳишалик, кашандан-

¹ Ўзбекистон аҳолиси ва меҳнат ресурслари, 14-бет.

лик каби иллатларнинг кенг илдиз отишига сабачи бўлдилар. Айниқса йирик шаҳарларда ана шундай салбий ҳолатлар учун зарур шарт-шароит мавжуд бўлди. Бундай шаҳарларда кишилар бир-бирларидан бирмунча узоқлашдилар, бегоналашдилар, улар ваҳима-ҳадик билан яшайдиган бўлиб қолдилар, инсонлар орасидаги ажойиб фазилатлар — одамгарчилик, меҳр-оқибат, қариндош-уругчилик каби шарқона туйғулар камайиб кетгандай бўлди.

Шаҳарлар қанчалик катталашса, уларда муаммолар шунчалик кўпаяверади, мураккаблашаверади ва буларни ҳал этиш қийинлашаверади. Шунинг учун ҳам мутахассис олимлар йирик шаҳарларда аҳоли сонининг ҳаддан ташқари ортиб боришини салбий ҳолат деб баҳолайдилар.

Кўп йиллар давомида юқори ташкилотлар томонидан йирик шаҳарларда аҳоли сонини чеклаш, унинг бетўхтов кўпайишига йўл қўймаслик ва шу билан бир вақтда кичик шаҳарларни тараққий эттиришга эътиборни кучайтириш тўғрисида бир қанча қарорлар қабул қилинди, тадбирлар белгиланди. Бироқ, бу қарор ва тадбирлар тўла амалга оширилмади.

Янги саноат корхоналари қурилиши тақиқланган шаҳарлар қаторига республикамизнинг энг йирик шаҳри — пойтахт Тошкент шаҳри киритилган бўлса, Самарқанд, Бухоро, Фарғона ва Чирчиқ шаҳарлари бундай корхоналар қуриш чекланган шаҳарлар рўйхатидан ўрин олган эди¹. Бироқ Ўзбекистондаги йирик шаҳарларда саноат корхоналарини жойлаштиришда қатор камчиликларга йўл қўйиб келинди. Айниқса республика пойтахти — энг йирик Тошкент шаҳри ва шаҳар атрофида мавжуд бўлган хом ашё ресурслари, уларнинг ҳудудий имкониятлари, экологик вазият кўп ҳолларда ҳисобга олинмади. Республикада ишлаб чиқариладиган саноат маҳсулотларининг бешдан бир қисмидан ортиғи Тошкент шаҳрига, 36 фоизга яқини 15 та катта шаҳарлар ҳиссасига тўғри келди².

Ўрта Осиёнинг бошқа республикалари каби Ўзбекистон ҳам меҳнат ресурслари кўп бўлган республикадир. Кўпгина долзарб бўлиб турган иқтисодий, ижтимоий ва маданий соҳадаги муаммолар бошқа минтақаларга қарангда Ўзбекистонда кўпроқ ўсиб бораётган аҳолининг

¹ Аҳмедов Э. Ўзбекистон шаҳарлари, 152-бет.

² Иномов И. Ўзбекистоннинг янги шаҳарлари, 84-бет.

ёш жиҳатдан тақсимланишидаги айрим ўзгаришлар билан узвий боғлиқdir. Шунинг учун ҳам аҳолининг ёш таркибини ўрганиш ижтимоий ва иқтисодий аҳамиятга эгадир. Иқтисодий жиҳатдан айниқса унинг меҳнатта лаёқатли қисмими аниқлаш мухимdir.

Республика аҳолисининг деярли ярми меҳнатга қобилиятли. Аҳоли таркибида болалар ва ўсмирларнинг кўплиги ҳам демографик вазиятнинг ўзига хос хусусиятидир.

Республикамиз аҳолисининг ярмидан кўпроғи — болалар, ўқувчи ёшлар, нафақадорлар, яъни ижтимоий жиҳатдан ҳимояга муҳтоҷ табақалардир. Республика-миз аҳолиси 1970 йилдан то 1986 йилга қадар ҳаммаси бўлиб 6 млн 624 минг нафарга кўпайди¹. Бу йиллар ичida меҳнатта лаёқатли аҳолининг салмоғи ортди. Бошқача қилиб айтганда, мазкур иқтисодий фаол аҳолининг сони шу даврда умумий аҳоли сонига нисбатан тезроқ кўпайди. Шунга кўра, ўсмирлар ва нафақадорлар сони камайган. Буни қуйидаги жадвалдан яқъол кўриш мумкин (фоиз ҳисобида)²:

	1970	1979	1987
Меҳнатта лаёқатли бўлмаган ёшдаги аҳоли	47,1	43,7	42,8
Меҳнатта лаёқатли ёшдаги аҳоли	42,2	47,7	49,0
Катта ёшдагилар	10,7	8,6	8,2
Жами:	100	100	100

Жадвалда кўрсатилганидек, ўсмир ва нафақадорлар сони бир оз камайган бўлишига қарамасдан, республика аҳолисининг анчагина қисмими ўз тирикчилик воситасига эга бўлмаган 15—17 ёшдаги ўсмирлар ташкил этишини ҳисобга олиб айтиш мумкинки, улар кам таъминланган нафақадорлар билан бирга Ўзбекистонда ижтимоий муаммоларнинг мураккаблашувини жиддий равишда белгилаб берувчи омиллардир, улар давлат томонидан маҳсус ижтимоий ҳимояга айниқса муҳтоҷдирлар. 15 ёшгача бўлган болалар ва ўсмирлар сони жиҳатидан Ўзбекистон бошқа республикалардан анча юқори ўринда туради.

¹ Народное хозяйство Узбекской ССР в 1990 г., 14-бст.

² Население СССР, 1987. М., 1988, 60—62-бетлар.

Ўз-ўзидан маълумки, демографик вазият шаҳар ва қишлоқларда бир хилда эмас. Шаҳарларда, масалан, туғилиш кўрсаткичи қишлоқлардагига қараганда бир оз паст бўлиб, аҳолининг миграцион ҳаракати эса юқори. Шу сабабларга кўра, шаҳарларда болалар салмоғи сезилари даражада камроқ. Чунончи, Тошкент шаҳрида 9 ёшгача бўлган болалар умумий аҳолининг 20 фоизини ташкил этарди. Ваҳоланки, республика аҳолиси таркибида улар 29 фоиздан ортиқ эди¹.

Ўзбекистонда аҳолининг нисбатан тез ўсиши, биринчи навбатда, туғилиш даражасига боғлиқ. Республика изизда туғилиш даражасининг юқорилиги, шу боисдан болалар ва ўсмирлар сонининг кўплиги, айни пайтда меҳнатга лаёқатли кишилар сонининг умумий аҳоли таркибидаги ҳиссасининг камлигига олиб келади. Бу эса, ўз навбатида, меҳнатга лаёқатли ва лаёқатсиз аҳоли нисбатига, яшаш даражасининг шаклланишига катта таъсир кўрсатади. Чунки ижтимоий меҳнатда банд бўлганлар сони ёшлар ва нафақадорларнинг умумий сонидан анча паст эди. Шу боис Ўзбекистонда кескин ва зиддиятли демографик вазият вужудга келди. Бу ҳолат, аввало, фаол демографик сиёсатни ишлаб чиқиш ва амалга оширишни талаб этади. Бу сиёсат аҳолининг ўсиш суръатлари юқори бўлган жойларга марказлашган маблағ ва ресурсларни тақсимлаш ҳамда қайта тақсимлаш, ишлаб чиқаришни кенгайтириш ҳамда унинг са-марадорлигини ошириш, меҳнатга яроқли аҳолини ижтимоий-фойдали меҳнатга жалб қилишни яхшилаш, шу мақсадда уларни тармоқ, худуд, корхоналар ўргасида тақсимлаш ва қайта тақсимлаш, ўрта ҳамда майда корхоналарни кўпайтириш, аҳолининг уй-жой шароитларини яхшилаш, болаларга бериладиган нафақаларни ошириш, туғиши ва ҳомиладорлик отпускалари муддатни узайтириш, оиласи мустаҳкамлаш, иш жойларидағи маънавий муҳитни яхшилаш каби йўллар билан амалга оширилади.

Ўзбекистон туғилиш даражаси ва аҳолининг табиий ўсиши юқори бўлган мамлакатлар жумласига киради. Республика изиз аҳоли сонининг ўсиш суръати жиҳатдан Тожикистондан кейин мамлакатда иккинчи ўринда турар эди. Туғилиш даражаси ва аҳолининг табиий ўсиши жиҳатдан ўртacha иттифоқ даражасидан 2 баравар юқори эди. 70—80-йиллар мобайнида республика аҳолиси ҳар

¹ Ўзбекистон аҳолиси ва меҳнат ресурслари, 12-бет.

йили ўрта ҳисобда 3,0 фоиздан кўпайиб борди¹. Республикада ҳар йили қарийб 300 минг киши меҳнатга қобилиятли ёшга етарди². Бу йилларда маҳаллий меҳнат ресурслари ортиб борар, лекин миллий ишчи кадрлар тайёрланмас эди.

Ўзбекистонда 1970 йили ҳар 1000 кишига нисбатан туғилган болалар сони 33,6 фоизни, 1980 йилда — 33,8, 1986 йилда эса 37,8 фоизни ташкил этган бўлса³, Иттифоқда ўртача ҳисобда бу 17,4, 18,3 ва 20,0 фоизни ташкил этган⁴. Туғилиш, айниқса, республикамиз қишлоқ жойларида юқори бўлди, бу аҳолининг этник таркиби билан боғлиқдир. Қишлоқларда кўп болалик анъанасини сақлаб қолган маҳаллий аҳоли салмоғи 92,6 фоизни ташкил этар эди⁵.

Кўриниб турибдики, 1980—1986 йилларда туғилиш кўрсаткичлари Бутуниттифоқда бўлгани сингари Ўзбекистонда ҳам олдинги йилларга нисбатан бир оз кўтарилиш. Бу кўтарилиш матбуот саҳифаларида жуда кўп тортишув ва баҳсларга сабаб бўлди.

Бошқа халқлардан фарқли ўлароқ, мусулмон халқлари, жумладан, ўзбеклар эътиқод қиласидиган ислом дини ҳам, асрлардан бери шаклланиб келган миллий урф-одатлар ҳам кўп болаликни қўллаб-куватлади. Халқимизнинг никоҳни муқаддас ҳисоблаши ва оила қуриб, фарзанд кўришга интилиши ўзбек оиласидаги туғилишининг юқори даражада сақланиб қолишига олиб келувчи омиллардандир.

Умуман олганда. Ўзбекистон аҳолисининг ўсиши, миллий таркибдаги ўзгаришларни таҳдил қиласидиган эканмиз, шуни хулоса қилиб айтиш мумкинки, узоқ йиллар Шўролар Иттифоқи марказининг ҳукмронлиги ва тазиёки остида яшаб келган республикамиз аҳолисининг ўсиши ва миллий таркибда жуда катта ўзгаришлар содир бўлди. Бу ўзгаришлар нафақат иттифоқдош республикаларнинг, балки Осиё ва Европадаги кўпгина мамлакатларнинг миллат ва элатлари вакиллари ҳисобига ҳам бойиди.

Иқтисодий, сиёсий, экологик, демографик ва бошқа соҳалардаги қийинчиликларга қарамасдан, Ўзбекистон

¹ Зиёдуллаев С. К. Ўзбекистон экономикасининг регионал проблемалари, 25-бет.

² Ўзбекистон Республикаси: қисқача маълумотнома, 20-бет.

³ Народное хозяйство Узбекской ССР в 1987 году, 204-бет.

⁴ Камилова Ф. К. Демографический потенциал Узбекистана. Ташкент, «Ўзбекистан», 1991, 57-бет.

⁵ Ўзбекистон аҳолиси ва меҳнат ресурслари. 31-бет.

хукумати ўз ҳудудида яшовчи барча миллат ва элатларга тент сиёсий ҳуқуқларни ва ижтимоий-иқтисодий, маданий ривожланишда барча имкониятларни яратиб келди ва келмоқда. Шу билан бирга ўнлаб миллатлар ва элатларнинг маданияти ўзбек ҳалқининг урф-одатлари, анъаналари ва турмуш тарзи билан ўзаро алоқада янада бойиб, ривожланиб бормоқда.

АХОЛИ МИГРАЦИЯСИ ВА УНИНГ МИЛЛАТЛАРАРО МУНОСАБАТЛАР РИВОЖИГА ТАЪСИРИ

Жамиятимизда кейинги йилларда рўй берадиган ижтимоий-иқтисодий ривожланишдаги қатор ўзгаришлар кўпгина амалий ва назарий муаммоларни, шу жумладан, самарали аҳоли миграцияси сиёсатини илмий асосда ишлаб чиқиш масаласини ижобий ҳал этишининг нақадар муҳим ва долзарб эканлигини кўрсатиб турибди.

Миграция мамлакат минтақалари, республикалар, шаҳар ва қишлоқ ўргасида меҳнат ресурсларини қайта тақсимлаш ҳамда аҳоли сони, таркиби ва жойлашуви ўзгаришининг асосий омилларидан биридир. Республикалар кўп миллатлилигининг ортиб боришига ҳам аҳолининг бир жойдан иккинчи жойга кўчиб юриши, яъни миграция жараёни катта таъсир кўрсатади. Шу билан бирга билвосита демографик жараёнларга ҳам таъсир қиласиди. Чунки мигрантлар таркиби ёш, жинс ва бошқа жиҳатлардан мазкур ҳудуд аҳолиси таркибидан фарқ қилиши мумкин.

Республикамиизда 70-йиллар ва 80-йиллар ўрталаригача бўлган даврда миграция жараёни янги шаҳарлар бунёд этилиши, завод ва фабрикалар қурилиши ҳамда уларни малакали ишлини кадрлар билан таъминлаш мақсадиди СССРнинг марказий районларидан кишиларни кўплаб кўчириб келтириш ҳисобига бўлди. Шу билан бир вақтда республикамиздан ҳам марказий районлар ва шаҳарлардаги ўкув юртларида ўқиш, Ноқоратупроқ зонани ўзлаштириш, Сибирь ва Узоқ Шарқдаги қурилишларда иштирок этиш учун кўплаб ёшлар юборилди. Табиийки, бундай жараён бошқа минтақаларда ҳам мавжуд эди. Қишлоқ аҳолиси ҳисобига шаҳарларда яшовчи аҳолининг тўхтовсиз ўсиб бориш тенденцияси давом этди. Қишлоқларда яшаш шароитининг шаҳарга нисбатан ноқулайлиги, ишсизлик, иқтисодий, ижтимоий, маданий

жихатлардан қониқтира олмаслиги ёшларнинг шаҳарларга кетиб қолишиларига сабаб бўлмоқда эди. Агар 1970 йилда шаҳар аҳолиси 4 322 минг кишидан иборат бўлиб, бутун республика аҳолисининг 36,6 фоизини ташкил этган бўлса, 1986 йилда эса 7 463 мингга етди ва бутун аҳолининг 40,5 фоизини ташкил этди¹.

Миграция жараёнига тарихий ва миллий анъаналар ҳам таъсир кўрсатади. Масалан, Ўрта Осиё халқларига нисбатан мамлакат Європа қисмидаги республикалар халқларида миграцияга мойиллик анча кучли бўлиб, бунинг оқибатида у ерлик халқларнинг кўпі ўз юртларини ташлаб, бошқа ерларга, жумладан Ўрта Осиё республикалари ва Қозогистонга кўплаб кўчиб келдилар. Бунга иқтисодий ва ижтимоий ҳаётнинг кескин оғирлашганлиги ҳам сабаб бўлди. Натижада Россиядаги қатор қишлоқларнинг аҳолиси ўз истиқомат жойларини ташлаб, шаҳарларга кетиб қолдилар, қишлоқлар бўшаб қолди.

Аҳолини уй-жой билан таъминлаш масаласи мушкул муаммолардан бўлиб турган бир шароитда қишлоқлардан аҳолининг кетиб қолиши туфайли кўплаб хонадонлар эгасиз қолди. 1987 йил маълумотларига қараганда, сабиқ Иттифоқда ана шундай эгасиз қолган уй-жойларнинг сони 900 мингга етган, уларнинг умумий майдони эса 83 млн. квадрат метрни ташкил этди. Мамлакатнинг марказий минтақаларида рўй берган ана шундай кўнгилсизликлар хусусида юқори минбарлардан туриб анча ташвиш билан гапирилди. Жумладан, миграция жараёнлари қишлоқнинг ижтимоий ривожланишидаги қолоқликни кучайтирганлиги, кўпгина ҳудудларда бу борадаги аҳвол ниҳоятда кескинлашганлиги — одамлар ерни, қишлоқларни шафқатсизларча ташлаб чиқиб кетаётгандиклари, ҳатто мамлакатнинг бир қанча вилоятларида қишлоқ аҳолисининг кўчиши жуда нозик нуқтага етиб қолганлиги катта ташвиш билан уқтириб ўтилди².

Миграция жараёнлари оқибатида сабиқ Иттифоқ бўйича кейинги 20 йил мобайнida шаҳар аҳолисининг ҳиссаси 56,3 фоиздан 65,8 фоизга етди. Шунга мувофиқ равишда мамлакат умумий аҳолиси сонида қишлоқ аҳолисининг ҳиссаси 43,7 фоиздан 34,2 фоизга камайди³. Миграция жараёнлари бу ерларда аҳоли зичлигининг камайишига катта таъсир кўрсатди. Айниқса, бу хилдаги зичлик иттифоқдош республикалар ичидаги асосий

¹ Народное хозяйство Узбекской ССР в 1990 г., 14-бст.

² «Партия турмуши», 1989 йил, 5-сон, 2—7-бетлар.

³ Тўхъисев Н. Узбекистон иқтисодиди: саволлар ва жавоблар, 11-бст.

кўпчиликни ташкил этувчи русларда кўпроқ даражада камайиб кетди. 1979 йилда Россиянинг 82,6 фоизи яшаган. Бу ҳол русларнинг анчагина қисми ўз республикасидан ташқариға — Украинага, Қозоғистонга, Ўзбекистонга ва бошқа республикаларга кўчиб кетганлиги натижасида юз бергандир¹. Қишлоқ аҳолиси кўплаб кетиб қолаётган вилоятлар қаторига Псков, Брянск, Калинин, Кострома, Курск, Орёл, Смоленск, Ярославль, Киров ва бошқа қатор вилоятларни кўрсатиш мумкин. Бу каби вилоятлардаги қишлоқлардан аҳолининг ана шу тарзда кетиб қолиши туфайли аҳоли сони кун сайин камайиб борди. 80-йиллар охириларигача бўлган 30 йил давомида бу вилоятлардаги аҳоли сони 2—2,5 баробар камайиб кетди. Бундай кўнгилсиз ҳодиса Россиядан бошқа республикаларда ҳам рўй берди. Украина, Белоруссия ва Болтиқбўйи республикалари ана шундай республикалар қаторига киради.

Статистик маълумотларга мурожаат қиласидаган бўлсак, 1974 йили ҳар 1000 киши ҳисобига қишлоқлардан шаҳарга кўчиб ўтиш собиқ Иттифоқ бўйича 17 кишини ташкил этган бўлса, Белоруссияда — 25, Молдавияда — 9, Грузияда — 6, Ўзбекистонда эса 4 кишини ташкил этган. Бир жойдан иккинчи жойга кўчиб юриш ўзбек халқига хос одат бўлмаганилигидан 1981 йили 1959 йилга нисбатан қишлоқ аҳолисининг салмоғи 81 фоизга ортган, айни шу давр ичida эса Россиянинг бир қатор вилоятларида, жумладан, Калинин вилоятида қишлоқ аҳолиси 49 фоизга, Кострома вилоятида эса 50 фоизга камайган².

Республикамида 1970 йилнинг бошида 11 799 минг аҳоли яшаган бўлса, 1986 йилда эса аҳоли сони 18 423 минг кишидан ошиб кетди³. Бу ерда табиий ўсишдан ташқари миграциянинг ҳам маълум даражада роли бор, албатта. Айрим йилларда миграция умумий аҳоли сонининг 10 фоизгача ўсишини таъминлади⁴. Бу йилларда янги шаҳарларнинг вужудга келиши, ишлаб чиқарувчи кучларнинг ривожланиши Ўзбекистонга бошқа минта-

¹ Миллий муносабатларни ривожлантиришнинг, интернационал ва ватанпарварлик рухида тарбиялашнинг долзарб муаммолари (Э. А. Баграмов, Ж. Г. Голаттин, Э. В. Тадевосян. Тошкент, «Ўзбекистон», 1989, 193-бет).

² НТР и интернациональные процессы в СССР. Отв.ред. О. И. Шкаратац. М., «Наука», 1987, 27-бет.

³ Народное хозяйство Узбекской ССР в 1990 г., 14-бет.

⁴ Абдураҳманов К. Управление трудовым потенциалом региона. Ташкент, «Ўзбекистон», 1990, 55-бет.

қалардан аҳолининг кўплаб қўчиб келишига сабаб бўлди. Россия, Қозоғистон ва Ўрта Осиёнинг барча республикаларидан аҳолининг кўплаб қўчиб келиши қузатилди. Бу республикалардан келганлар миқдори умумий мигрантлар миқдорининг 85—87 фоизини ташкил этар эди¹. Шунингдек, Украина ва Белоруссиядан ҳам катта миграция оқими қузатилди.

Келганларнинг кўпчилиги вақтингчалик ишга таклиф этилганлар бўлиб, муддатлари тугагандан кейин ҳам улар ўз ватанларига қайтиб кетмасдан Ўзбекистонда қўним топдилар. Шунинг учун ҳам Ўзбекистоннинг янги ташкил топган бир қанча шаҳарлари — Чирчиқ, Олмалиқ, Ангрен, Навоий, Янгиер, Бекобод каби шаҳарларда туб аҳоли камчиликни ташкил қилиб, кўпчилиги сабиқ Иттифоқнинг турли шаҳарларидан йўлланма билан келган кишилардир. Тошкент шаҳар аҳолиси ҳам ана шундайлар ҳисобига 1966 йилги зилзиладан кейин икки барobar ошиб кетди². Натижада 1986 йили Тошкент вилоятида ўзбеклар умумий аҳолининг 44 фоизини ташкил этди, холос³. Мана шундай тарзда миграция жараёнининг тез суръатлар билан сунъий развища қилинганилиги ёмон оқибатларга олиб келиши, миллатлараро муносабатларга раҳна солиши ҳамда ижтимоий-иктисодий тангликларни юзага келтириши мумкинлигининг гувоҳи бўлдик.

70-йилларнинг ўрталарига қадар кучли миграция жараёни рўй берди. Бундай миграция жараёни 30—40-йилларда Ўрта Осиё республикалари учун зарур ва фойдали бўлган бўлса, 70—80-йилларда бу жараён ўзини ҳеч нарса билан оқламади.

Таниқли демограф олим В. Переведенцев, Россиянинг Сибирь ва Узоқ Шарқ районларидан Ўрта Осиёга меҳнат ресурслари кейинги йилларда кўплаб олиб келинганилигини таъкидлаб, бундан буён иш ўринларини фақат туб аҳоли ҳисобига тўлдириш, ташки миграцияни тўхтатишни таклиф қилди. Бироқ бундай қилинмади. Аксинча, кўп ўтмай қишлоқлардан иш сўраб келган маҳаллий аҳоли малакасизлиги, кўп болалилиги рўкач қилиниб, саноат корхоналарига ишга қабул қилинмайдиган бўлинди. Айни пайтда четдан келувчиларни уй-жой, озиқ-овқат билан таъминлаш биринчи галдаги

¹ Максакова Л. П. Миграция населения Узбекистана. Ташкент, «Узбекистан», 1986, 49—50-бетлар.

² Тұхылов Н. Ўзбекистон иқтисодиёті: саволлар ва жавоблар, 12-бет.

³ Бекметов Э. Халқлар ҳамкорлиги ва иқтисодий алоқалар, 28-бет.

вазифага айланди. Улар учун маҳсус турар жой бинолари курилди. Жумладан, 1971 йили Тошкент тўқимачилик комбинатига четдан келиб ишловчилар учун 2 та кўп қаватли турар жой биноси қурилиб, бу биноларга биринчи навбатда бошқа минақалардан қисқа муддатга ишга таклиф этилган 250 нафар ишчи кўчиб кирди. Бу ишчилар Тошкент вилояти партия кўмитаси томонидан қилинган илтимосга кўра СССР Енгил саноат вазирлигидан бир йил муддатга юборилган эдилар. Бундай маҳсус турар жой бинолари 1981—1985 йилларда ҳам қурилди. Тошкент тўқимачилик комбинатига яқин жойда 1300 хонадонга мўлжалланган бу уй-жойларга йўлланма билан келган кўплаб кишилар жойлашдилар¹.

Шунингдек, 70-йилларда кўплаб йўлланма билан келган ишчилар Фарғона, Кўқон, Наманган, Андижон, Самарқанд шаҳарларидағи корхоналарга ўрнашдилар. Улар учун барча қулайликларга эга бўлган 4 570 ўринли умумий овқатланиш шоҳобчалари, 9 400 ўринли мактабгача тарбия муассасалари ва 207,4 минг кв. м майдонга уй-жой қуриб берилди.

1972 йили бошқа республикалардан Фарғона ва Кўқон пойафзал фабрикаларига кўплаб муҳандис техник ва мутахассис кадрлар ишга келдилар².

1976—1983 йилларда марказ шаҳарлари — Москва, Ленинград, Иваново ва бошқа тўқимачилик районлари Бухоро, Андижон, Наманган, Хоразм вилоятларига 3000 дан ортиқ ишчи кучи тайёрлаб бердилар³.

Республикамизга четдан ишчи кучларининг келтирилишига саноат корхоналарида малакали ишчиларнинг етишмаслиги сабаб қилиб кўрсатилди. Айни пайтда Россиянинг бир қанча вилоятларига, жумладан Иваново шаҳридаги саноат корхоналарига ишчи кучи етишмаслигидан Тошкент вилоятидан 400 та ёш ишчи юборилди⁴. Демак, у ерларда ҳам ишчи кучи танқис экан, бизнинг республикамизга минг-минглаб ишчи кучлари келтирилишида қандай мантиқ бор?

Республикамизда малакали ишчи кадрлар маҳаллий аҳоли ичидан тайёрланмасдан, четдан тайёр кадрлар келтиришни афзал деб билган маҳаллий мутасадди раҳбарлар улар учун барча шароит ва имкониятларни яратиб бердилар. Маҳаллий аҳоли эса бундай ҳуқуқ ва

¹ Никитина Л., Сакиев А., Файзуллаева А. Здесь наша судьба. Ташкент, «Узбекистан», 1984, 162-бет.

² УзР МДА, 737-жамгарма, 5-рўйхат, 722-иш, 47-варақ.

³ Никитина Л., Сакиев А., Файзуллаева А. Здесь наша судьба, 164-бет.

⁴ УзР ТВХА, 1-жамгарма, 245-рўйхат, 202-иш, 69-варақ.

имкониятлардан маҳрум қилинди. Ҳатто Фарғонадек азим шаҳарда сиёсий маданияти ғовлаб кетган бошлиқлар тазиқида қишлоқдан келганлар, шаҳар атрофидаги маҳаллий кишиларни ишга олмаслик ҳақида маҳсус қарор қабул қилинди¹.

Фарғона вилоятида ташқи миграция жараёни бошқа вилоятлардагига қараганда анча жадал суръатларда бўлганлигининг сабаби ҳам ана шунда эди. Наманган вилоятида у ердагидан миграцияга мойиллиги кам маҳаллий аҳолининг 10 фоизга ортиқ бўлганлиги сабабли миграция жараёни 2—5 марта суст борди. Европа халқларига мансуб миллат вакиллари Фарғона вилоятида Наманган вилоятидагига нисбатан 4,7 марта ортиқ эди².

Фарғона водийсининг миграцион алоқалари мамлакатнинг барча минтақалари билан яхши эди. Жумладан, Қирғизистондан келганлар биз кўриб чиқаётган даврда Фарғона водийсидаги умумий миграция ҳажмининг 6,5 фоизини ташкил этар эди. Миграция жараёни 1971—1975 йилларда анча жадал суръатларда ўси. Қирғизистондан келганлар салмоғи 1970 йилда 2 фоизни ташкил этган бўлса, 1987 йилга келиб бутун мигрантларнинг тўртдан уч қисмини ташкил этди, бу республика Фарғона водийси ҳамда республикамиз билан энг яқин миграцион алоқада бўлган тўртга республиканинг бири эди.

Фарғона водийсининг миграцион алоқалари Қозоғистон ва Россия билан ҳам яхши йўлга қўйилган эди. Айниқса, Россиядан келувчилар кўпчиликни ташкил этар эди. Бу алоқалар 70-йиллар бошларидан яхши ривожланиб, 1986 йилга келиб барча миграцион аҳолининг 20 фоизини ташкил этди. 1970 йили Ўзбекистонга Россиядан келувчи ҳар 100 кишига Россияга кетувчи 78 киши тўғри келган. Бироқ 70-йилларнинг охиридан бошлаб Ўзбекистонда аҳоли кўчиши жараёнида жиддий ўзгаришлар юз берди ва 1987 йилга келиб Россиядан келувчи ҳар 100 кишига Ўзбекистондан борувчи 138 киши тўғри келди. Бундан кўриниб турибдикি, республикада аҳоли кўчиши салъоси (қолдиги) салбий хусусиятга эга бўлиб қолди³.

¹ Чориев А., Чориев С. Миллатларро муносабатлар маданияти. Қарши, 1993, 43-бет; «Совет Ўзбекистони», 1989 йил 13 июнь.

² Статистические материалы. Вестник статистики, 1980, 9-сон, 32—35-бетлар.

³ Алиакберова Н. М., Гольдфарб Б. Я., Эргашев А. Размещение населения Ферганской долины (демографический аспект). Ташкент, «Фан», 1990, 49—50-бетлар.

80-йилларнинг ўрталаридағи түрт йил мобайнода
Ўзбекистондан 638 минг киши кўчиб кетган бўлса, 554
минг киши кўчиб келган¹. Республикаларо миграция-
да асосан европаликка мансуб халқлар иштирок этар
эди. Республикамиздан кетувчилар салмоғининг кў-
пайғанлигига сабаб бу даврга келиб республикада ижти-
моий-иқтисодий аҳвол оғирлаша бошлаганлиги, сиёсий
вазиятнинг кескинлашганлиги ҳамда бунинг оқибатида
миллатлараро муносабатларда муаммоларнинг зиддият-
ли тус олганлигидир.

Миграция жараёнларининг илдам ривожланиши на-
тижасида республика аҳолисининг таркиби борган сари
кўп миллатли бўлиб борди. Республикамизда ўзбеклар
ва маҳаллий миллатлардан ташқари юздан ортиқ бошқа
миллатлар истиқомат қиласди. 1979 йилги Бутуниттифоқ
аҳоли рўйхати маълумотларига қараганда, 50 миллион-
дан кўпроқ киши, қарийб 20 фоиз бутун мамлакат
аҳолисининг кўпчилиги бошқа миллатларга мансуб
бўлган республикаларда яшаган. Масалан, русларнинг — 17,4 фоизи, украинларнинг 14, арманларнинг — 35, белорусларнинг — 20, ўзбекларнинг — 14 фоизи ўз
миллий республикаларидан ташқарida яшайди². 15 та
иттифоқдош республикадан 10 тасида республиканинг
маҳаллий аҳолиси таркибига кирмайдиган миллатлар
вакилларининг салмоғи мазкур республикадаги аҳоли-
нинг тўртдан бир қисмидан зиёдроғи, Қозогистонда —
64 фоизини, Қирғизистонда ва кўпчилик мухтор рес-
публикаларда — ярмидан кўпроғини ташкил этади. Ма-
салан, Ўзбекистонда, 1979 йилги Бутуниттифоқ аҳоли
рўйхатига қараганда, аҳолининг 68,7 фоизини ташкил
этувчи ўзбеклардан ташқари 31,1 фоизини ташкил
этувчи бошқа халқлар, жумладан, қорақалпоқлар — 298
мингта (1,9 фоиз), руслар — 1 666 мингта (10,8 фоиз),
татарлар — 649 мингта (4,2 фоиз), қозоқлар — 620
мингта (4,0 фоиз), тожиклар — 594 мингта (3,9 фоиз),
корейслар — 163 мингта (1,1 фоиз), қирғизлар — 142
мингта (0,9 фоиз) ҳамда бошқа миллатлар вакиллари
яшаган³. Республикада барча тожикларнинг 20 фоизи-
дан кўпроғи, корейсларнинг салкам 40 фоизи, қозоқ-
ларнинг қарийб 10 фоизи, татарларнинг 10 фоиздан

¹ «Правда Востока», 1989 йил 13 дескабрь.

² «Ўзбекистон коммунисти», 1988, 11-сон, 47-бет.

³ Численность и состав населения СССР. По данным Всесоюзной перепи-
си населения 1979 г. М.: «Финансы и статистика», 1984, 110-бет.

ортиғи, шу жумладан, қрим татарларнинг асосий қисми истиқомат қилас эди.

Собиқ Йттифоқ ичидә кўп миллатлиликни аҳолининг табиий-тарихий миграцион ҳисобига эмас, балки сунъий миграция ҳисобига ўстириш мақбул деб кўрсатиб келинди ва «миграция оқимларини ўзгартириш, яни аҳолининг ўзлаштирилаётган ва ишчи кучининг камлиги кескин сезилиб турган шарқий районларга кўчиб боришини кўпайтиришга эришиш вазифаси»¹ қўйилди.

Бунинг устига, матбуот саҳифаларида ўзбеклар индустриял соҳада ишлашни хоҳламайдилар, айниқса йирик саноат корхоналарида меҳнат қила олмайдилар, бунга малакалари етишмайди, деган маломатлар ёғилиб турди. Бундай сафсалалар ҳам ўша мустамлакачилик сиёсати ижодкорларининг ҳийла-найрангларидан бири эди. Ушбу макр-ҳийлалар остида мустамлакачиларнинг Ўрта Осиё республикаларида «руслаштириш» сиёсатини амалга ошириши ётарди. Маълумки, «қўриқ ва бўз ерларни ўзлаштириш» шиори остида Марказий Россиядан миллионлаб аҳоли Қозоғистон яйловларига кўчирилди. Саноатлаштириш баҳонаси билан ҳақиқий рус леҳқони ишчи қиёфасига киргизилиб, Ўрта Осиё шаҳарларига жўнатилди. Бу ердаги саноат корхоналарида ишчилар сафи асосан кўчиб келганлар ҳисобига узлуксиз тўлдирилиб борилди. Маҳаллий миллат кишилари эса турли баҳоналар билан саноат корхоналарига қабул қилинмади. Бошқача айтганда, ана шундай айёрликлар билан маҳаллий миллат кишиларидан малакали саноат ишчилари шакллантирилмади. Империя маҳкамаларининг бундай мажаролари оқибатида, бир томондан, Ўрта Осиё, хусусан, Ўзбекистонда маҳаллий миллат кишиларидан малакали ишчилар тайёрланмаган бўлса, иккинчи томондан, поёнсиз ҳосилдор рус ерлари ташландиқ ҳолга келиб қолди. Кўриниб турибдики, «руслаштириш» сиёсатидан Ўрта Осиё ҳалқлари ҳам, рус ҳалқи ҳам катта зарар кўрди².

Аҳолининг кўчиб юришига оид 70-йиллар биринчи ярмидаги барча маълумотлар миграциянинг бир томонламалигидан, аҳолининг асосан Ўрта Осиё республикаларига, жумладан, Ўзбекистонга кўчиб келганлигидан далолат беради.

¹ Миллий муносабатларни ривожлантиришнинг, интернационал ва ватанпарварлик руҳида тарбиялашнинг долгарб муаммолари, 194-бет.

² Чориев А., Чориев С. Миллатлараро муносабатлар маданийти. Қарши, 1993, 44-бет.

Аҳолининг бир мамлакатдан иккинчи мамлакатга кўчиб ўтиш тенденцияси табиий жараён бўлиб, Ўзбекистонда бу соҳада ҳеч қандай мажбуриятлик ёки сунъийлик ҳолатлари кузатилгани йўқ. Афсуски, 80-йилларнинг ўрталари — 90-йилларнинг бошларида мустамлакачилик, империяга хос кайфиятда бўлган баъзи бир газета, радио, телевидениенинг сиёсий найрангозлари Ўрта Осиёда, хусусан, Ўзбекистонда «рус тилида гаплашувчи аҳолига» турли тазииклар ўтказилаётir, шунинг учун ҳам улар Ўрта Осиё, айниқса Ўзбекистондан кўчиб кетаётirлар, деб жар сола бошладилар. Масалан, бундай бўхтонларни «Труд» ва «Комсомольская правда» газеталари босиб чиқарди. Бундай машмашалар мустамлакачилик сиёсати қонига сингиб кетган кишиларнинг сафсатаси эканлиги жаҳондаги барча илфор фикр юритувчи кишиларга маълум эди. Чунки узоқ йиллар Ўрта Осиё, хусусан, Ўзбекистон аҳолиси таркибининг турли миллатлардан иборат эканлиги Шўролар империясига мустамлакачилик сиёсатини амалга ошириш учун реал имконият яратган эди. Чунончӣ, империя маҳкамалари, бир томондан, гўё бу ерда яшовчи миллатларга ўз тақдирини ўзи белгилаши учун имкониятларни яратиб берди. Бошқача айтганда, империя маҳкамалари миллатларни ўз тақдирини ўзи белгилаш принципи ва қоидаларига риоя қилаётгандек бўлди. Иккинчи томондан эса «бўлиб ташла ва ҳукмронлик қиль» принципида иш кўриб, империянинг ҳукмронгини ҳар томонлама таъминладилар. «Рус тилида гаплашувчи аҳоли» ҳақидаги ғамхўрликлар остида Шўролар империясининг мустамлакачилик сиёсатини никоблаш ётганлиги бугун ҳеч кимга сир эмас.

Ўрта Осиё ҳалқарида, шу жумладан, ўзбекларда киндик қони тўкилган жойга меҳр кучли, узоқ манзиларга кўчиб юришга — миграцияга мойиллик анча сустдир. Бу ҳолат умуман Ўрта Осиё ҳалқларининг анъанавий хусусиятларига мос тушади. Буни 1979 йилда ўтказилган Бутуниттифоқ аҳоли рўйхати натижаларидан ҳам кўриш мумкин.

Туғилган жойида муқим яшаб келаётган аҳоли саломи Ўзбекистонда 77,7 фоизни ташкил этган бўлса, мамлакат бўйича — 52,8, Россияда — 46,1, Қозогистонда — 49,0, Литвада — 44,5, Латвияда — 39,6, Эстонияда — 37,7 фоизга тент бўлган¹. Мана шундан ҳам мам

¹ Численность и состав населения СССР. По данным Всесоюзной переписи населения 1979 года, 360—363-бетлар.

лакат ҳудудида истиқомат қилиб турган жами (12 455 978 нафар) ўзбекларнинг 10 569 007 нафари ёки 84,85 фоизи Ўзбекистон ҳудудида яшаганликларини, республика аҳолисининг 68,7 фоизини эгаллаб турган ўзбеклар ўзларининг туғилган жойларида ўтрок эканликлари билан бошқалардан кўра кўпроқ фарқ қилишларини кўриш мумкин. Ўзбекистон қишлоқ аҳолиси миграцион ҳаракатининг пастлиги, уларнинг шаҳарларга кўчиб келиши камроқ бўлганлиги натижасида 1970 йилдан 1986 йилгача республикамизда шаҳар аҳолисининг ҳиссаси атиги 3,9 фоизга ўсди². Албатта, республикамиздаги қишлоқ аҳолиси табиий ўсиш суръатларининг юқорилиги ҳам бу жараёнга таъсир қилди, шундай бўлса-да, шаҳар аҳолиси кўчиб келувчилар ҳисобидан ҳам кўпаймоқда эди.

Ўзбекистон қишлоқ жойларининг ўзига хос регионал ижтимоий-демографик тараққиёти маҳаллий аҳолисининг ҳудудий ва ижтимоий ҳаракатчанлиги муаммосини янада чукурлаштириди. Чунки республикамиз миграцион ҳаракатининг пастлиги, ижтимоий жиҳатдан аҳоли таркибининг суст ўзгариб бориши аҳоли зич яшайдиган воҳаларда янада аҳоли зичлигининг ошишига, шу жумладан, ортиқча меҳнат ресурсларининг кўпайишига сабаб бўладиган омиллардан биридир. Шу муносабат билан маҳаллий аҳолининг паст даражадаги миграцион ҳаракати натижасида Ўзбекистонда ҳақиқатан ҳам демографик жараён мушкул аҳволга тушиб қолди. Бошқа минтақалардан аҳолининг кўплаб кўчиб келиши эса маҳаллий аҳолини ишга жалб қилишда кўпгина қўшимча қийинчиликлар туғдирди.

Ўзбекистон қишлоқ аҳолисининг паст даражада ҳудудий ҳаракат қилишида аҳолининг асосан воҳаларда жойлашганлиги; унинг оддий қишлоқ хўжалик меҳнат турларини афзал кўриши; анъанавий равишда туғилган жойига боғлиқлиги, қариндош-уругчилик алоқалари, шунингдек, катта оиласида кўчишидаги қийинчилик ва бошқа омиллар асосий сабаблар бўлганлигини кўриш мумкин. Миграция ҳаракатининг пастлиги республикамиз ижтимоий-демографик ривожланишининг ўзига хос ҳусусияти бўлиб, аҳолини иш билан таъминлаш даражасига, оиласида катта-кичиклигига, аҳоли жойлашиши, шакли ва ҳусусиятига, аҳоли мигрантларининг йўналиши, кўлами ва жадаллигига таъсир қилиб келди.

¹ Народное хозяйство Узбекской ССР в 1990 г., 14-бет.

Марказлашган маъмурий-буйруқбозлик тизими даврида маъмурий-ташкилий чора ва тадбирларнинг такомиллашмаганлиги натижасида меҳнатга лаёқатли аҳоли ижтимоий меҳнатга жалб этилмади, уларнинг салмофи уйда ва ёрдамчи хўжаликда кўпайиб борди. Шунингдек, қишлоқ жойларда туғилиш ва табиий кўпайишнинг юқори суръатда эканлиги ҳамда миграция ҳаракатининг пастлиги натижасида аҳоли зич яшайдиган туманларда меҳнат ресурслари йилдан-йилга кўпайиб борди, бунинг натижасида аҳолининг ижтимоий-иқтисодий аҳволи, миллатлараро муносабатлар анча мураккаблашди. Бунинг асосий сабаби партия ва ҳукуматнинг қишлоқ турмушини яхшилаш, меҳнат ресурсларидан самарали фойдаланиш тўғрисидаги қарорлари кўпчилигининг қофозларда қолиб кетганлиги, кўрилган чоралар эса бир-бирига боғланмасдан, пала-партиш ва тўлиқ бажарилмай келинганлиги ҳамда қишлоқ аҳолисига хизмат кўрсатиш соҳаларини режалаштириш демографик жараёнлар тараққиётини аҳоли ёхиёжи ва талабини ҳисобга олмаган ҳолда асосий эътибор фақатгина қишлоқ хўжалигини ривожлантириш ишига қаратилганлигидир.

Қишлоқнинг ижтимоий-иқтисодий аҳволига бўлган бундай муносабат республикамизда демографик жараёнларни тобора мураккаблаштириди. Қишлоқ аҳолисининг ҳудудий ҳаракати жуда паст ҳолда сақланиб қолди. Буни қўйидаги жадвалдан ҳам кўриш мумкин (якунга нисбатан фоиз ҳисобида)¹.

Миграцион оқимлар	Йиллар			
	1974	1979	1982	1983
шаҳар-шаҳар	40,8	37,5	36,6	34,1
қишлоқ-шаҳар	31,0	31,4	31,5	33,1
шаҳар-қишлоқ	19,3	18,6	19,3	20,0
қишлоқ-қишлоқ	8,4	11,1	11,1	11,8
номаъзум	0,5	1,4	0,6	1,0
Жами	100	100	100	100

Келтирилган маълумотлар шундан далолат берадики, республикамизда шаҳарлараро миграция алоқалари анча пасайиб борган. Қишлоқдан-қишлоққа ёки қишлоқдан шаҳарга бўлган аҳоли миграцияси самарадорли-

¹ Максакова Л. П. Миграция населения Узбекистана, 36-бст.

ги ҳам бошқа республикалар кўрсаткичига солиштирганда аҳамиятсиз даражададир. Масалан, 70-йиллар маълумотларига қараганда ҳар бир минг қишлоқ аҳолисидан 4 кишигина миграцияда иштирок этган бўлса, Россия, Белоруссия ва Литвада эса бу кўрсаткич 25 кишига тенг бўлган¹. 80-йилларга келиб, Ўзбекистон қишлоқларида ҳам миграция жараёни бир оз кўтарилиган ва 1983 йилда ҳар бир минг қишлоқ аҳолисидан 9 киши шаҳарга кўчиб келган бўлишига қарамасдан, барабири бу кўрсаткич мамлакат ўртacha кўрсаткичидан 4 марта паст эди. Ваҳоланки, бу кўрсаткич Белоруссияда — 37, Латвияда — 41, Россияда эса — 45 га тенг бўлган².

Демограф олимлардан М. К. Қораҳонов, Л. П. Максакова ҳамда И. Р. Муллажоновлар Ўрта Осиё халқлари, жумладан ўзбекларда миграция жараёнининг сустлиги, унинг сабаблари хусусида ўзларининг илмий-тадқиқот ишларida батағсил тўхталганлар. Жумладан, М. Қораҳоновнинг фикрича, миграция жараёнига тарихий жиҳатдан анъанавий боғлиқлик, қишлоқ хўжалик ишлаб чиқариш хусусияти, географик жойлашиш, умумий маданий даражаси, миллий урф-одатлар каби омиллар таъсир этади.

Бирмунча ривожланган мамлакатлар тажрибаси шуни кўрсатадики, аҳолининг ҳудудий ва ижтимоий ҳарачатчанлиги (ҳажми, йўналиши ва самарадорлиги) турли ижтимоий-иктисодий омилларга боғлиқ бўлиб, саноат ишлаб чиқариш тармоқлари қишлоқ хўжалиги ишлаб чиқаришидан қанча юқори бўлса, яъни урбанизация даражаси қанча юқори бўлса, хизмат кўрсатиш тармоқлари шаҳар ва қишлоқ жойларда шунча тез ривожланиб боради.

Бу жараён фақат шаҳар ва шаҳар аҳолисининг ошиб бориши билан эмас, балки қишлоқ жойларда қишлоқ хўжалигидан бошқа соҳаларнинг, биринчи навбатда, ижтимоий соҳа тармоқларининг тўпланиши ва қишлоқ-қа шаҳар қиёғасининг кириб бориши билан ҳам изоҳланади. Мана шу жиҳатдан олиб қараганда, Ўзбекистон қишлоқ аҳолиси миграцион ҳаракатининг пастлиги республикамиз ҳудудида урбанизация жараёнининг мукаммал тараққий этмаганлигидадир, дейиш мумкин. Буни 1979 йилдаги бутун мамлакатда ва Ўзбекистонда

¹ Социологические исследования, 1983, 1-сон, 56-бет.

² Ўзбекистон аҳолиси ва меҳнат ресурслари, 58-бет.

туғилмаган жойида доимий яшаётган аҳоли түғрисидаги маълумотлардан ҳам кўриш мумкин¹.

Аҳоли	Жами	Шу жумладан				
		2 йилдан кам	2—5 йил	6—9 йил	10—14 йил	15—19 йил
Бутун СССРда:						
Шаҳарлик ва қишлоқлик	47,1	15,3	18,2	13,0	11,5	10,5
Шаҳарлик	56,5	15,4	17,7	12,9	11,6	10,8
Қишлоқлик	31,8	19,0	19,6	13,4	11,0	9,7
Ўзбекистон Республикаси:						
Шаҳарлик	37,4	20,8	20,1	13,8	12,8	9,6
Шаҳарлик ва қишлоқлик	22,3	20,8	20,9	14,2	12,4	9,3
Қишлоқлик	11,8	20,9	22,7	15,2	11,4	8,6

Юқоридаги жадвалдан республикамида, айниқса қишлоқ жойларда туғилмаган жойида яшаётган аҳоли сони иттифоқ ўртача даражасидан аńча камлигини кўриш мумкин. Шунинг учун ҳам Ўзбекистонда энг муҳим демографик муаммо бўлган қишлоқ аҳолисининг миграцион ҳаракатчанлигини ошириш йўлларини излаш кўндаланг бўлиб турар эди. Шундай йўллардан бири тебранма миграция, яъни асосан қишлоқ билан шаҳар ўртасида бўлиб турадиган кундалик аҳоли миграцияси жараёнидир. Бундай жараён ёрдамида республикамиз халқ ҳўжалиги ишлаб чиқарища ишчи кучи, айниқса миллий кадр етишмайдиган шаҳарлар қўшимча меҳнат ресурсларини яқин атрофдаги ортиқча ишчи кучи мавжуд бўлган қишлоқлардан яашаш жойини ўзгартирмасдан олиш имкониятига эга бўлди. Миграция жараёни туфайли шаҳар ва қишлоқдаги ишчи кучларидан тўла ва оқилона фойдаланиш имконияти туғилди.

Тебранма миграция ёрдамида саноат корхоналари зарур ишчи кучлари билан таъминлаш ёки ишчи кучининг етишмаслигини бир оз бўлса-да енгиллаштириш имкониятига қўшимча капитал маблағ сарф қилмай эришиши мумкин эди. Бу жараённинг яна бир қулийлик томони республика аҳолисига, айниқса қишлоқ аҳолисига хос бўлмаган бир жойдан иккинчи жойга

¹ Численность и состав населения СССР. По данным Всесоюзной переписи населения 1979 года, 360—361-бетлар.

кўчиб юриш бир оз ўзгаришига олиб келганлигидир. Шунинг учун ҳам бу миграция Ўзбекистонда кенг тарқалиб, ўз самарасини кўрсатди. 1976—1980 йиллар ичida бу жараёнда қатнашувчилар сони 6,2 марта ўёди, бу ўртacha иттифоқ даражасидан 3 марта юқоридир. Шу билан бирга миграциядa қатнашган қишлоқ аҳолиси-нинг умумий маданий даражаси ва билим савияси ҳам бир оз ўсганлигини кўриш мумкин.

1974 йилда Ўзбекистоннинг 30 та шаҳридаги 98 та саноат корхонасида тебранма миграция жараёнининг бориш хусусида ўтказилган текширишлардан маълум бўлишича, бу жараёнда асосан маҳаллий миллат кишилари иштирок этган. Бу жараён қатнашчиларининг асо-сий қисми — 78,5 фоизини ўзбеклар, шу жумладан, ўзбек аёллари — 81,2 фоизни ва эркаклар — 74,3 фоизни ташкил этган. Маҳаллий мигрант аёллар ичida ёшлиар кўпчилик (72,5 фоиз)ни, кўп болали аёллар 36 фоизни эгаллаганликларидан ҳам хуоса қилиб айтиш мумкин-ки, бундай миграция маҳаллий аҳолини иш билан таъминлашда, уларнинг ижтимоий фаолиятини оширишда жуда муҳим аҳамият қасб этади¹.

Кундалик миграция жараёни айниқса Тошкент шаҳри учун катта роль ўйнайди. Бу ерда жойлашган қатор саноат корхоналари, ташкилот ва муассасаларда ишлаш учун ҳар куни атрофдаги қишлоқлардан минглаб одамлар келиб кетади. Чунончи, кўп йиллардан бери Тошкент тўқимачилик комбинатига ортиқча меҳнат ресурслари мавжуд бўлган яқин қишлоқлардан 500 га яқин ўзбек аёллари ишга жалб этилган. Тошкентдаги «Учқун» тўқимачилик-галантерия бирлашмасида ишлаёт-ганларнинг 36 фоизи ҳам, «Миконд» заводининг 700 га яқин ишчиси ҳам, Тошкент трактор заводида ишлаёт-ганларнинг кўпчилиги ҳам ана шундай қатнаб ишлайдиган кишилардир². Тебранма миграциядан фойдаланиш самарадорлигини кўрсатадиган бундай мисолларни республиканинг бошқа бир қатор йирик шаҳарларидан ҳам кўплаб келтириш мумкин. Масалан, Фарғона нефтни қайта ишлаш заводида ишлаётганларнинг 26,3 фоизи, шойи йигириув фабрикасида гиларнинг — 37,4 фоизи ва Фарғона химиявий толалар заводидаги-

¹ Ата-Мирзаев О. Б. Региональное прогнозирование расселения и управление процессом урбанизации, 54—58-бетлар.

² Шистер Г. Ўзбекистон кўп миллатли ишчилар синфиининг шакалланиши ва ривожланиши. «Ўзбекистон коммунисти», 1985, 10-сон, 39-бет.

ларнинг 60 фоизини тебранма миграция қатнашувчила-ри ташкил этади¹.

Шундай қилиб, қишлоқ аҳолиси тебранма миграция жаравёни ёрдамида бевосита шаҳар ҳаёти билан яқиндан боғланади ва урбанизация жаравёни қучайиб бораётган бир шароитда жамиятнинг иқтисодий, ижтимоий ва маданий ҳаётида муҳим ўрин тутади. 1985 йилги маълумотларга қараганда, Нукус шаҳрида аҳолининг — 8 фоизи, Когонда — 21,5, Андижонда — 10,5, Жиззахда — 17,2, Қаршида — 15,4, Наманганда — 20,5, Самарқандда — 25,6, Гулистанда — 27,2, Фарғонада — 18,4, Марғилонда — 18, Урганчда — 12,4 фоизи тебранма меҳнаткаш мигрантлардир². Бундай кейинги даврларда ҳам миграциянинг бундай самарали усулидан унумли фойдаланилди.

Маҳаллий аҳолининг тез суръатлар билан табиий ўсиши ва унинг миграцион ҳаракатчанлиги паст эканлиги шароитида маҳаллий миллат кишиларини, жумладан ўзбекларни индустрисал соҳага жалб этишининг мазкур шакли ўзининг самараодорлигини кўрсатди. Шунинг учун ҳам қишлоқ аҳлини иш билан банд қилишга, уларнинг маданиятини оширишга, шаҳар билан қишлоқнинг ўзаро муносабатларини яхшилашга ёрдам берадиган аҳоли кўчишининг бундай усули республиканинг барча жойларида ҳам пухта ўрганилиши зарурлигини кейинги йиллардаги демографик вазият тақозо этар эди.

Афсуски, қишлоқ хўжалигининг ҳозирги тараққиёт даражаси замон талабларига мутлақо жавоб бермайди. Бундай аҳволни яхшилаш йўлларидан бири маҳаллий ҳалқ учун яқин бўлган кичик шаҳарлар ва бу шаҳарларда бунёд этиладиган кичик корхоналарни ташкил этишдан, саноат корхоналарини имкони борича қишлоққа яқинлаштиришдан иборатдир. Бироқ, республиканинг барча жойида ва турли тармоқларида бунга етарли эътибор берилмади. Бунинг ўrniga четдан кўпроқ кадр келтиришга аҳамият берилди, турли йўлланмалар, чақириқлар ва таклифлар билан улар республикамиз саноат корхоналарига жалб этилди. Ишга таклиф этилганлар асосан катта шаҳарлардаги йирик корхоналарга ўrnashdilar. Чунки республикамиздаги кичик ва

¹ Ата-Мирзаев О. Б. Региональное прогнозирование расселения и управление процессом урбанизации, 55-бст.

² Мулляджанов И. Население Узбекской ССР, 53–54-бетлар.

ўрта шаҳарларнинг кўпчилигига ижтимоий тараққиёт паст даражада бўлиб, бундай шаҳарларда уй-жой, умумий овқатланиш, мактабгача ёшдаги болалар ташкилотлари, тиббиёт муассасаларининг аҳволи айниқса оғир эди. Шунинг учун ҳам четдан келганларнинг кўпчилиги иложи борича барча шароит ва имкониятларга эга бўлган катта шаҳарларга жойлашишга ҳаракат қиласа эдилар.

Республикамиздаги барча шаҳарларнинг 80 фоизини кичик шаҳарлар ташкил этади, уларда республика шаҳар ахолисининг қарийб 20 фоизи истиқомат қиласа. Бундай шаҳарларнинг кўпчилигига бўш майдонлар, сув, меҳнат ҳамда хом ашё ресурслари етарли бўлиб, саноатни ривожлантириш учун бир қатор афзаликлар мавжуд бўлишига қарамай, саноат етарли даражада ривожланмаган. Чунончи, 80-йиллар ўрталарида саноатда машгул бўлган ходимларнинг 11,6, ялпи саноат маҳсулотининг 28,1, асосий ишлаб чиқариш фондларининг 19,7 фоизи кичик шаҳарлар ҳиссасига тўғри келар эди¹.

Кўпчилик кичик ва ўрта шаҳарларда канализация, иситиш системаси, газ билан таъминлаш масалалари танг аҳволда бўлганлигидан, уларнинг кўпчилигига ичимлик суви ҳам етишмаганлигидан аҳоли ниҳоятда қийналмоқда эди. Бунинг устига ишлашни хоҳловчиларнинг ўз касблари ва хоҳишларига кўра иш топишлари ҳам мушкул эди. Мутахассис олимлар фикрича, кичик шаҳарларда 30 тадан 50 тагача касб-хунар мавжуд бўлиши керак экан². Аммо республикамизнинг кўпчилик кичик шаҳарларидаги бундай имконият йўқ эди. Кичик шаҳарларни ривожлантириш муаммосини ҳал этиш ана шу шаҳарларнинг комплекс ривожланишини, табиий, иқтисодий ва демографик омиллар мажмусини, хом ашё базаси, ёқилғи, энергетика ва меҳнат ресурсларини батафсил ҳисобга олишни назарда тутувчи ҳамда уларнинг резервларини аниқловчи илмий асосланган ҳолдаги ёндашувни талаб этади.

Республикамиздаги айрим кичик шаҳарларда аҳоли ҳамда меҳнат ресурсларининг кўпайицида миграция жараёни бениҳоят катта роль ўйнайди. Маълумки, ўзлаштирилиши лозим бўлган янги ерларда аҳоли кам бўлганлигидан бундай ерларни ўзлаштириш учун бошқа жойлардан аҳоли жалб этилишига тўғри келади. Маса-

¹ Зиёдуллаев С. К. Ўзбекистон экономикасининг регионал проблемалари, 22-бет.

² Аҳмедов Э. А. Ўзбекистон шаҳарлари, 162-бет.

лан, Мирзачўл, Қарши ва Жиззах чўлларининг ўзлаштирилиши натижасида вужудга келган Янгиер, Гулистан, Зарафшон, Навоий, Муборак, Маржонбулоқ, Таллимаржон, Пахтакор каби қатор шаҳарларда аҳоли ва меҳнат ресурслари ташкил топишида миграция жараёни айниқса муҳим аҳамият касб этган. Шуни ҳам айтиб ўтиш лозимки, янги ерлар ўзлаштирила бошлаган дастлабки даврларда у ерларга бошқа жойлардан кўплаб аҳоли жалб этилди, аммо маълум вақт ўтиши билан табиий шароитларнинг оғирлиги ҳамда иқтисодий соҳа тармоқларининг заифлиги туфайли аҳолининг, айниқса ёшларнинг кетиб қолиш ҳоллари кўп учради.

Ўзбекистонда мутахассис кадрлар тайёрлаш учун кенг тармоқ отган ҳунар-техника билим юртлари ишлар эди. Юзлаб соҳа бўйича 1970 йилда 41,8 минг мутахассис тайёрланган бўлса, 1985 йилга келиб 166,1 мингдан ортиқ мутахассис тайёрланиб¹, ҳалқ хўжалигининг турли соҳаларига юборилди. Бу ёшларнинг кўпчилиги ўқув юртларидан ишлаб чиқаришга келгач, индустриал меҳнат учун зарур оддий кўникма ва малакалари йўқлиги билан ажralиб қолар эдилар. Шу билан бир қаторда рус тилини дуруст билмаслик маҳаллий миллат ёшларининг ҳаётий манфаатларини рўёбга чиқаришга тўсқинлик қилувчи ва уларнинг ижтимоий, шу жумладан профессионал ҳаракатчанлиги пастлигини, «қимиirlамай ўтиришга» мойиллигини изоҳловчи муҳим омиллардан биридир.

Равшанки, маҳаллий миллат, айниқса қишлоқ ёшларининг миграцион ҳаракатчанлигини тўсиб турувчи рус тилини яхши билмаслик республикани ижтимоий-иқтисодий ривожлантириш вазифаларига тўсқинлик қиласар эди. Шу билан биргага бу ёшлар ишлаб чиқариш корхоналарига келгач, асосий мавқени эгаллаб турган рус тилида муомала қилиш, иш ўрганишдан қийналганиклари учун кўп ҳолларда кетишига мажбур бўлдилар. Уларга етарли даражада эътибор, фамхўрлик кўrsatiш ўрнига кўпгина корхоналар, бирлашмалар ва ҳатто вазирликлар четдан, бошқа минтақалардан иш кучини таклиф қилавердилар.

Аҳоли миграцияси жараёнининг бундай тарзда йўналтирилганлиги натижасида маҳаллий миллат вакиларидан малакали ишчилар, мутахассислар тайёрлаш кўнгилдагидек миёсда ва сезиларли суръатда ривож

¹ Народное хозяйство Узбекской ССР в 1987 году, 212-бет.

тополмади. Аҳолини уй-жой, мактаб, боғча ва яслилар, умуман ижтимоий ва иқтисодий жиҳатдан тӯла ва етарли даражада таъминлаш муаммола айланди. Ундан ташқари, бир неча ўн йиллар ичидаги вазирлик, маҳкама, идора ва ташкилотларда иш юритиш, муҳокама ва мунозаралар, кенгаш ва мажлислар миллатлараро алоқа воситаси деб аталмиш рус тилига кўчирилди, бу тилни билганларга бўлган муҳтоҷлик ўсиб бораверди. Оқибатда давлат, партия, жамоат ташкилотлари, муассаса ва корхоналар миллий жиҳатдан кўпинча маҳаллий аҳолидан йироқлашиб, узилиб қолди, уларнинг иззат-нафси, фурури камситилди. Шундай қилиб, бундай вазият маҳаллий миллат вакилларидағи норозиликни кучайтиргаслигининг иложи йўқ эди.

Аҳолининг норозилиги марказлашган маъмурий-буйруқбозлиқ тизимиға қарши, миллий муносабатлар, иқтисодий, маданий-маънавий соҳаларда йигилиб ётган масалаларни ҳал этмасдан, маҳаллий аҳолига, айниқса асосий қисми қишлоқда яшайдиган ўзбек халқини менсимасликдан иборат мустамлакачиликка асосланган раҳбарликка қарши қаратилган эди. Юқорида таъкидлаб ўтилганидек, раҳбар идоралар ва ташкилотлар узоқ йиллар давомида миллий масалага эътибор ва диққат билан қарамадилар, маҳаллий аҳоли эҳтиёжи ва манфаатларини назар-писанд қилмадилар.

Аҳоли миграцияси жараённада миллий муносабатлар кескинлашмаслиги ва муаммолар келиб чиқмаслиги учун ижтимоий-иктисодий масалалар ўз вақтида ҳал этилиши кераклиги, миллатлар ва элатларнинг турмуш тарзи, оиласий-маишӣ урф-одатлари, анъаналари ва миллий маданиятининг ҳисобга олиниши, уларнинг ҳукуқларини оқилона ва ўз вақтида ҳал этиш лозимлиги — буларнинг ҳаммаси миллий муносабатларда кескинлик ва низоларнинг олдини олиш йўллариdir.

Аҳоли турмуш даражасини кўтариш фаол демографик сиёсатсиз бўлиши мумкин эмас. Бундай сиёсат республиканинг ижтимоий-иктисодий ривожланиш хусусиятларини ҳисобга олишни, аҳоли сифат характеристикасини яхшилашни, соғлом ҳаёт тарзини рағбатлаштиришни кўзда тутади. Демографик сиёсат амалга оширилгандагина республика ичидаги маҳаллий аҳолининг миграцион ҳаракатчанлигининг йўналиши, миқдори ва самарадорлиги ортади, меҳнат ресурсларидан фойдаланиш яхшиланади, иш билан бандликнинг ижтимоий-демографик томонлари шакллантирилади.

МИЛЛИЙ ИШЧИ ВА МУТАХАССИС КАДРЛАР ТАЙЁРЛАШ

Бир неча ўн йиллар мобайнида марказдан бошқаришнинг амалдаги тизими, унинг идоралари, хўжалик юритиш услуг ва усуллари иқтисодиётнинг янада ривожланишига сезиларли турткى бўлишига, кескин ижтимоий муаммоларни ҳал қилишга қодир эмаслиги оқибатида ҳал этилмай қолган муаммолар Узбекистонда чигал ижтимоий-иктисодий ва демографик вазиятни юзага келтирган эди. Аҳвол шу даражага тушиб қолган эдики, қишлоқ хўжалигига пахта яккаҳокимлиги билан бир қаторда унда ўз маҳсулоти билан аграр соҳани таъминлайдиган тармоқлар устунлик қилиб келди.

Ўзбекистоннинг тайёр маҳсулотни эмас, балки жуда паст нархларда хом ашё ҳамда ярим тайёр буюмларни етказиб берувчи асосий база сифатида бир томонлама ихтинослаштирилиши республикамида қайта ишловчи саноат тармоқларининг ривожланишига тўсқинлик қилди. Маъмурый-буйруқбозлик тизим сиёсати ва маҳаллий идоралар раҳбарларининг ишлаб чиқарувчи кучларни жойлаштиришда, ишчи ва мутахассис кадрлар тайёрлашда ва айниқса республиканинг ўзига хос миллий ва демографик вазиятини ҳисобга олмасдан нотўғри йўл тутганлиги оқибатида ҳам аҳвол янада оғирлашиб кетди.

Кўп йиллар давомида марказга ташиб кетишга аниқ йўналтирилган, меҳнатни нисбатан камроқ талаб қилалинига салбий таъсир қилди. Фантехника тараққиётини белгилайдиган ва республиканинг иқтисодий ривожланишини таъминлайдиган тармоқларида уларнинг ниҳоятда камчил бўлишига олиб келди. Мана шундай шароитда бизга аввало туб миллат вакилларидан малакали кадрлар тайёрлашнинг миллий дастури сув билан ҳаводек зарур эди. Чунки меҳнат қилишга лаёқатли бўлган ўзимизнинг юқори малакали маҳаллий кадрларимизсиз Ўзбекистоннинг мустақиллигини тасаввур қилиш қийин.

70—80-йилларда ҳалқ хўжалигининг ишчи ва илмий-техник кадрларга бўлган талаби илмий асосланган изчил тарзда ўрганилмади. Натижада кадрлар тайёр-

лашни режалаштиришда жиддий хатоликларга йўл қўйилди, баъзи соҳаларда керагидан ортиқ ишчи кадрлар тайёрланди, бошқа соҳаларда, айниқса техника тараққиётини ҳал қилувчи тармоқларда маҳаллий миллат вакилларидан ишчи кадрлар танқислиги сезилиб қолди.

1970—1985 йиллар мобайнинда Ўзбекистон халқ хўжалигига ишчи ва хизматчилар сони 2641,5 мингдан 4833,5 минг нафарга кўпайди¹. Айни вақтда моддий ишлаб чиқариш тармоқларидаги (саноат, қишлоқ хўжалиги ва транспорт, алоқа, савдо, шахсий ёрдамчи хўжалик) меҳнат ресурсларининг 74,2, маҳсулот яратмайдиган тармоқларда эса 25,8 фоизи машғул эди².

Ўзбекистон сингари меҳнат ресурслари ортиқча бўлган ўлка шароитида кадрлар тайёрлаш ва қайта тайёрлаш йирик иқтисодий ҳамда ижтимоий муаммо ҳисобланади.

1970—1985 йилларда Ўзбекистон халқ хўжалигига машғул бўлган олий ва ўрта маҳсус маълумотли мутахассислар сони 531 мингдан 1385 минг кишига, шу жумладан, олий маълумотли мутахассислар 252,5 мингдан 669,2 мингга, ўрта маҳсус маълумотлилар эса 278,6 мингдан 715,8 минг нафарга кўпайди³.

Халқ хўжалигининг мутахассислар билан таъминланганлиги жиҳатидан Ўзбекистон иттифоқдаги республикалар ичидаги олдинги ўринлардан бирини эгаллар эди. Бироқ бундай кўрсаткичга асосан ижтимоий соҳадаги олий ва ўрга маълумотли ходимлар ҳисобига эришилган. 1970—1985 йиллар мобайнинда Ўзбекистонда олий маълумотли мутахассислар ўртасида мұхандислар 19,3 фоиздан атиги 23,6 фоизга кўтарилди⁴. Ўрта маҳсус техника маълумотига эга мутахассислар хусусида ҳам худди шундай ҳолни кузатиш мумкин.

Узоқ давр мобайнинда демографик вазиятта етарли эътибор берилмади. Ишлаб чиқарувчи кучларнинг жойлаштирилиши сиёсатига ўзгартиришлар киритиш бўйича умумдавлат доирасида республикада бирмунча ишлар олиб борилди, бироқ бу ишлар пала-партиш, миллий манфаатларга мос келмайдиган ва охиригача етказилмасдан юзаки олиб борилди. Шу билан бирга турли миллат вакилларининг иш билан таъминланган-

¹ Народное хозяйство Узбекской ССР в 1987 году, 208-бет.

² Зиёдуллаев С. К. Ўзбекистон экономикасининг регионал проблемалари, 25-бет.

³ Народное хозяйство Узбекской ССР в 1987 году, 209-бет.

⁴ Народное хозяйство Узбекской ССР в 1987 году, 210-бет.

лик соҳалари бўйича тадқиқот деформацияланганлиги-ни алоҳида таъкидлаш лозим. Масалан, саноатда меҳнатга қобилиятли бутун аҳолининг 12 фойиздан камроғини ташкил этувчи ўзбеклар ишлар эди¹. Шу боисдан ҳам маҳаллий аҳоли орасидан ишчилар тайёрлашнинг сифатини яхшилаш, миқёсини кенгайтириш зарурати етилиб турган долзарб масалалардан бири эди.

70-йилларнинг охири — 80-йилларнинг бошида индустрияда туб ерли миллатга мансуб ходимлар миқдорининг йиллик ўсиши унда банд бўлганларнинг умумий ўсишидан ортиқ бўлса, кейинчалик бу ижобий тенденция ривожланмади. Амалда саноатнинг барча тармоқларида ва республиканинг бутун ҳудудида станокда ишловчилар, мастерлар, муҳандислар гуруҳлари миллий кадрлар билан айниқса суст бутланмоқда эди.

Аҳоли таркибида ишчилар сони анчагина ўсанлигига қарамай республикамиз ана шу кўрсаткич бўйича шўролар республикалари ичида, 1979 йилги маълумотларга кўра 13-ўринда турад эди. Шуни ҳам эътироф этиш керакки, Узбекистон айниқса ишчилар сафининг миллий кадрлари салмоги жиҳатидан оқсамоқда эди. Кейинги йилларда ушбу муаммони оқилона ҳал қилиш йўллари бўйича анча жиддий тадбирлар кўрилди, тегишли қарорлар қабул қилинди. Айни пайтда эришилган ижобий ўзгаришларга қарамай, миллий кадрларни айрим тармоқлар бўйича тақсимлаш ниҳоятда нотекис бўлиб, бу ҳолни қониқарли деб бўлмас эди. Чунончи, ишчилар орасидаги ўзбеклар: 1973—1983 йилларда саноатда — 51,1, қурилишда — 46,5, транспортда — 38,6, алоқада — 40,8 фойизга ўсган². Енгил саноат соҳасида ўзбек ишчилари бундан ҳам кўпроқ — 65,7 фойиз, озиқовқат саноатида — 59, нефть қазиб чиқаришида — 55,2 фойизни эгаллаган бўлса, рангли металлургияда — 31,4, машинасозлик ва металлни қайта ишлашда — 25,2, химия ва нефть химиясида — 24,9 фойизни ташкил этган³.

Вилоятлар саноат корхоналаридағи маҳаллий миллат вакилларидан бўлган ишчилар салмоғи ҳам турлича эди. Масалан, Фарғона водийсидаги саноат корхонала-

¹ Миллатлараро муносабатлар маданияти ва байнамилал дунёқараш, 118-бет.

² Зайдов М. Ўзбекистон меҳнат ресурсларидан самарали фойдаланайлик. «Ўзбекистон коммунисти», 1986, 10-сон, 12-бет.

³ Шистер Г. Ўзбекистон: кўп миллатли ишчилар синфининг шаклланиши ва ривожланиши. «Ўзбекистон коммунисти», 1985, 10-сон, 38-бет.

рида ўзбек ишчилари 40—60 фоизни ташкил қилган бўлса, Тошкент вилоятида эса бу 20—23 фоизни эгалланган. Андижон механика заводида ўзбеклар 51 фоиз бўлса, Тошкент қишлоқ хўжалиги машинасозлиги заводида 19 фоизни ташкил этди¹.

Ўзбекистон ишчилари сафининг характерли хусусияти унинг кўп миллатлилигидир. 80-йиллар ўрталарида унинг сафларида 112 миллат ва элат вакиллари меҳнат қиласар эди². Турли миллатлар ўртасида, меҳнат жамоаларида дўстлик ва ўзаро ёрдам муносабатлари таркиб топган эди. Масалан, В. П. Чкалов номидаги Тошкент авиация ишлаб чиқариш бирлашмасида 50 дан зиёд миллат ва элатларнинг, «Гаштекстильмаш» заводида — 47, Олмалиқдаги кон-металлургия комбинатида 45, Тошкентдаги «Миконд» заводида — 44, Тошкент тўқимачилик комбинатида — 46 миллат ва элатлар вакиллари ишлайди³.

Айни пайтда саноат ишчилари таркибида маҳаллий аҳоли салмоғи етарли бўлмай, улар республика аҳолисининг таркибидаги ўзбеклар салмоғидан анча паст эди. 1983 йилги маълумотларга кўра (кейинги йилларники эълон қилинмаган) ўзбеклар республика ишчиларининг 45,7 фоизини, айни пайтда унинг улуши жами аҳолининг 68,7 фоизини ташкил этар эди⁴.

Республика саноатини ривожлантириш соҳасида йўл қўйилган жиддий камчиликлар ҳам миллий ишчи кадрлар тайёрлаш ишига салбий таъсир қўрсатди. Азалий саноат ҳунармандчилиги ҳамда меҳнатни ташкил қилиш шаклларидан воз кечилиб хато қилинди. Чекланган тарздаги йирик шаҳарларда кўпроқ йирик, аҳоли учун мутлақо янги саноат корхоналари жадал суръатлар билан барпо қилинди. Жумладан, биргина Тошкент шаҳрининг ўзицагина 1971—1975 йиллар ичida 15 та корхона қурилди⁵. 70-йилларнинг охирига келганда шаҳарда ҳаммаси бўлиб 400 дан ортиқ саноат корхона ва бирлашмалари мавжуд бўлиб, улар Ўзбекистонда ишлаб чиқарилаётган саноат маҳсулотларининг тўртдан бир фоизини етказиб берар эди. Умуман олганда, республи-

¹ Таксанов А. Развитие промышленного рабочего класса на селе. «Коммунист Узбекистана», 1987, 7-сон, 31-бет.

² «Правда», 1984 йил, 9 апрель.

³ Тошкент вилоят ҳокимияти архиви, 1136-жамгарма, 8-рўйхат, 70-иш, 1-варақ.

⁴ КПСС XIX Бутуниттифоқ Конференцияси миллатлараро муносабатларни ривожлантириш тўғрисида. Ўзбекистон коммунисти, 1988, 11-сон, 46-бет.

⁵ «Вечерний Ташкент», 1976 йил 10 январь.

кадаги саноат корхоналарининг 50 фоизи Тошкент шаҳри ва вилояти ҳудудида жойлашган бўлиб, бу корхоналар ишчиларининг атиги учдан бир қисми туб миллат кишилари эдилар¹.

Саноатнинг замонавий тармоқларидағи меҳнатга ўзбек халқи гўё қодир эмаслиги ва шу муносабат билан кўп ишчилар ишсиз юрганлиги ҳақида айрим фикрлар мавжуд. Бу гапларни халқни ҳам, ҳақиқий аҳволни ҳам мутлақо билмайдиган кишилар айтиши мумкин. Республикаизда 1 миллионга яқин ишсизлар бор экан, бунинг боиси уларнинг ишлаш иштиёқи йўқлигига эмас, балки асосан Марказнинг йўналтирилган сиёсати туфайли ва қолаверса баъзи раҳбарлар, ишлаб чиқариш ва меҳнатни ташкил этишнинг бугунги мутасаддилари уларни иш жойлари, турар жой, болалар боғчалари, хунар-техника билим юртлари билан таъминлаш имконини яратадиган олмаганидадир.

Ўзбекистонда миллий ишчи кадрларни шакллантириш — республиканинг иқтисодий жиҳатдан мустақиллигини таъминлашнинг муҳим шартидир. Акс ҳолда республика ижтимоий ишлаб чиқаришнинг умум-иттифоқ тизимида фақат хом ашё етказиб берувчига айланаб қолавериши мумкин эдики, бу ҳол маданий, маънавий соҳаларда ҳам кўнгилсиз оқибатларга олиб келиши, айниқса миллатлараро муносабатлар муаммоларини янада мураккаблаштириши мумкин эди.

Кейинги йилларда мамлакатдаги, жумладан Кавказорти, Ўрта Осиё, Болтиқбўйи республикаларида, Молдавияда бўлиб ўтган миллатлараро муносабатлардаги зиддиятлар ва можаролар айнан ана шундай хатоликлар туфайли келиб чиқди. Ўн йиллар давомида халқларга нисбатан адолатсизликлар, айрим миллат ва элатларнинг иқтисодий манфаатлари назар-писанд қилинмаганилиги, улар ўртасида тенгсизликнинг сақланиб қолганлиги, бунинг устига, юқорида айтилганидек, миллий кадрлар тайёрлашга эътиборсизлик — буларнинг ҳаммаси нохуш ҳолатларни келтириб чиқармоқда эди. Миллий кадр ўз корхонасининг, элининг манфаатини кўпроқ ўйлади, унинг янада равнақ топиши учун қайгуради. Ҳар бир миллатнинг ўз юритида гурури, миллий ҳис-туйғулари бошқаларга нисбатан кучлироқ бўлади, у ўз элининг манфаатларини бошқалардан кўра

¹ Ҳожимирзаев М. Ўзбекистоннинг ишчилар синфи: ривожланиш муаммолари. «Инсон ва сиёсат», 1991, 9-сон, 20-бет.

кўпроқ ҳимоя қилади. Бироқ мустабид тузум сиёсати ва айрим мутасадди раҳбарлар миллий кадр тайёрлашдек муҳим ижтимоий муаммони ҳал этиш ишига етарли баҳо бермадилар. Натижада миллий кадрлар салмоғи баъзи корхоналарда жуда камайиб кетди. Жумладан, «Навоийазот» ишлаб чиқариш бирлашмасида кадрлар масаласида ишга қабул қилинаётганларнинг миллий таркибига умуман аҳамият берилмас эди. Тадқиқот натижаларидан маълум бўлдики, 1985 йилнинг январида ишлаб чиқариш бирлашмасининг умумий ишчилар соннининг 26,3 фоизигина миллий кадрлар экан. Муҳандис-техник ходимлар атиги 8,5 фоизни, хизматчиликар эса 9,4 фоизни, хизмат кўрсатувчи кичик ходимлар 64 фоизни ташкил этар экан¹.

Республикада аҳолининг табиий ўсиши иттифоқ ўртача даражасидан анча юқори бўлиб, тез кўпайиб бормоқда эди. Ана шуларни ҳисобга олиб, меҳнатга лаёқатли аҳоли орасидан миллий кадрлар етиштиришни кўпайтириш, бу ишга жиддий ёндашиб талаб этилар эди. Бироқ бу муаммога эътибор берилмади, ҳаракатлар жуда сусткашлик билан олиб борилди.

Маҳаллий аҳоли орасида ишчиларнинг кам сонлилиги, улар профессионал билими даражаси пастлигининг асосий сабаби — қишлоқда индустрисал тармоқлар ва ижтимоий инфраструктуранинг етарли даражада ривожланмаганлигидadir. Бу муаммони ҳал қилиш учун ишчи қадрини ошириш, дастлаб меҳнат самарадорлигини юқсалтириш ва шунга яраша ойлик иш ҳақини кўпайтиришга эришишни таъминлаш, моддий рағбатлантиришнинг турли шаклларидан фойдаланиш: индустрисал ишлаб чиқариш ходимларига ер томорқалари ажратиб бериб, боғдорчилик ширкатларини ташкил этиш: умумтаълим мактабларининг юқори синфларида ёшлиарни касбга йўллашни, мактабда касбга тайёрлашни яхшилаш — буларнинг бари қишлоқ аҳлини саноат корхоналарига ишга жалб этишда ижобий натижалар беради.

Ўзбекистон Республика Фанлар Академияси Иқтисадиёт институти олимлари: ўтказган (аҳоли зич яшайдиган Намангандан ва меҳнат қилувчилар етишмайдиган Жиззах вилоятларида) социологик тадқиқотлар шуни

¹ Каримов М.Ҳ. Производственный коллектив в международном воспитании трудящихся: сравнительный анализ (по социологическим исследованиям в РСФСР и Узбекской ССР). Национальные отношения и национальные процессы в СССР: Вопросы истории. Сборник научных трудов. М., 1990, 203-бет.

кўрсатадики, туб ерли миллатга мансуб кишилардан 8 ва 10-синф ўқувчиларининг атиги 3 фоизигина мактабни тутгатганидан кейин саноатда ишлашни, салкам 5 фоизи — қурилишда, 10,4 фоизи — транспорт ва алоқада меҳнат қилишни мўлжаллайди¹. Шундан кўриниб турибдики, туб ерли миллат ёшлари орасида индустрисал соҳага қизиқтириш ишлари яхши йўлга қўйилмаган.

Қишлоқ аҳлини, айниқса ёшларни индустрисал меҳнатга фаол жалб этишга уларнинг кам ҳаракатчанлиги ҳам тўсқинлик қиласиди. Эрта турмуш қуриш, одатда, эркакни яашаш жойига боғлаб қўярди, уни бошқа жойларга бориб, ишчи касбини эгаллаш имконидан маҳрум этарди, чунки қишлоқда у бунга эриша олмасди.

Индустрисал соҳада маҳаллий миллат ёшлари кам эканлигининг яна бир асосий сабаби бор. У ҳам бўлса тил масаласидир. Саноат корхоналарида, умуман шаҳар шароитида рус тилининг устун мавқеда эканлиги, бу эса рус тилини яхши билмайдиган, қишлоқдан келган йигит ва қизларнинг индустрисал касбларни эгаллашларида қўшимча қийинчиликлар туғдирар эди. Завод ва фабрикаларда ишчилар учун қўлланмалар фақат рус тилида чоп этилган бўлиб, қишлоқдан келганлар ва шаҳарлик ёшларнинг ҳам миллий мактабларини битирганлари рус тилини мукаммал билмаганликлари, ишлаб чиқаришда кадрларни ўқитиш-ўргатиш асосан рус тилида олиб борилиши, қолаверса мураббийларнинг ҳам фақат рус тилида муомала қилишлари ёшларни бу ерга кириб ишлашдан чўчитар эди. Айниқса, дарсликларнинг рус тилида нашр этилганлиги, иш юритишлар, технологик чизмалар ва бошқа ҳужжатлар ҳам фақат рус тилида олиб борилганлиги туб ерли миллат кишиларидан хунар-техника билим юртларида малакали ишчи кадрлар тайёрлаш ишига салбий таъсир кўрсатаётган эди.

Республикада таркиб топган мавжуд хунар-техника таълими тизими зарур миқдордаги малакали ишчиларнинг бешдан бир қисминигина таъминлаб келди. Бу ерда ёш ишчилар авлодини тайёрлаш турларини кенгайтириш ва сифатини оширишга унчалик аҳамият берилмади. Мураккаб ва қўшилиб кетган бир неча касб-

¹ Убайдуллаева Р. Ўзбекистоннинг меҳнат потенциалидан яхшироқ фойдаланайлик. «Ўзбекистон коммунисти», 1987, 10-сон, 27-бет.

лар бўйича малақали ишчилар тайёрлашга қодир ихти-
сослаштирилган билим юртларини (биринчи навбатда
йирик шаҳарларда) барпо этиш ишига жиддий кири-
шилмади.

Малақали ишчиларни режалаштириш ва устун дара-
жада янги техника ва технология учун тайёрлашга, аф-
суски, зарур эътибор қаратилмади. Ҳунар-техника
таълими тизимида кўпроқ тракторчи-машинист, фишт
терувчи, бўёқчи, сартарош, тикувчи, тўқувчи, слесарь,
пойафзалчи сингари «барқарор» касблар ўргатилади.
Мазкур тизимнинг халқ хўжалигининг ижтимоий зарур
эҳтиёжларидаги ўзгаришларга ўз вақтида жавоб берол-
маслиги туфайли текширув ўлчов асбоблари ва автомат-
лари, программа асосида бошқариладиган станоклар ва
манипуляторлар, автомат линияси ва агрегат станокла-
ри созловчилари, автомат ва ярим автомат линиялари,
станок ва қурилмалар, электрон ҳисоблаш машиналари
операторлари жуда кам тайёрланди, ҳолбуки, уларга
эҳтиёж жуда катта эди.

Айниқса, ҳунар-техника таълими тизимида маҳал-
лий миллат вакилларидан ишчи кадрларни тайёрлаш-
нинг аҳволи жуда ачинарли эди. Бу ерда анъанавий
касбларни ўрганишда маҳаллий миллат вакиллари бир
оз устун ўринни эгаллаб турган бўлса-да, айни бир
вақтда республика халқ хўжалиги, жумладан, машина-
созлик, электрон-ҳисоблаш, автоматлашган корхона-
лар янги илфор ва истиқболли ихтисосдаги юқори ма-
лақали туб аҳоли ишчи кадрларига муҳтоҷ эди.

Ишчилар сафларини туб ерли миллат кишилари ҳи-
собига ўстириш бизнинг республика учун ижтимоий
адолат нуқтai назаридан ҳам жуда катта аҳамиятга эга
эди. Бу жараён ёш ишчи кадрлар тайёрлайдиган ҳунар-
техника билим юртларида жуда суст борди. Масалан,
1985 йили Тошкент шаҳрида билим юртига қабул қи-
линганиларнинг 45 фоизи бошқа жойлардан келган ёш-
лар эди. Шу билан бирга ўқувчилар умумий сонида
саноат ва қурилиш ишчилари мутахассислиги бўйича
туб миллат вакиллари 17 фоизни эгаллар эди¹.

Туб миллат вакилларидан ишчи кадрлар тайёрлаш
ишлари республиканинг бошқа жойларида ҳам шундай
аҳволда эди. Масалан, 70-йилларнинг охиirlарига келиб
Ўзбекистондаги ҳунар-техника билим юртларида ҳар 10
минг кишидан 69 та ўзбек ишчиси тайёрланган бўлса,

¹ Таксанов А. Социальная политика и рабочий класс, 94-бет.

Россияда худди шунча аҳолидан 109 та рус ишчиси тайёрланган¹.

Индустряяниг етакчи тармоқларига кадрлар етишириб берувчи ҳунар-техника билим юртларига, одатда маҳаллий миллат ёшлиари ҳам киради. Бу масала республикада бир неча бор ўргага қўйилди. Вилоят ва шаҳар раҳбарлари йиғилишларида ҳам кадрлар масаласи энг ўткир муаммолардан эканлиги таъкидланди. Бироқ, бир озгина силжиш бўлганлигини ҳисобга олмаганда, бу масала муаммолигича қолаверди.

Республиканинг энг йирик индустрiali маркази бўлган Тошкент шаҳридаги йирик бирлашма ва заводларда фан-техника тараққиётини белгилаб берадиган тармоқларда, ишлаб чиқариш соҳаларида малакали маҳаллий миллат ишчилари камчиликни ташкил этар эди. Масалан, 1986 йилда машинасозлиқда ўзбек ишчилари 25,2 фоизни ташкил этган бўлса, енгил саноат тармоғида 67,7 фоизни ташкил этар эди².

Ишлаб чиқариш соҳасининг мавжуд таркибиغا ҳар қайси тармоқда тархий таркиб топган ишда бандлик анъана ва кўнникмалари ҳам тўғридан-тўғри таъсир кўрсатди. Лекин муаммонинг сабаби фақат шунда деб бўлмайди. Бунинг бошқа сабаблари ҳам мавжуд бўлиб, улардан бири европаликларга мансуб ҳалқлар яшайдиган йирик шаҳарларда катта-катта саноат корхоналарининг йиғилиб қолганлигидир. Ўзбеклар салмоғи 30 фоизга ҳам етмайдиган бундай шаҳарларда ўзбек ишчиларининг ҳам кам бўлиши табиий ҳолдир. Буни Тошкент шаҳри мисолида яққол кўриш мумкин³. Андижон шаҳрида эса ўзбеклар салмоғи анча юқори даражада эди. Агар биз бу шаҳарлардаги умумий ишчилар сонига нисбатан ўзбек ишчиларининг тутган ўрнини солиштирасак улар ўртасидаги фарқнинг анчагина катта эканлигини кўрамиз. Мисол учун, Чкалов номидаги Тошкент авиация ишлаб чиқариш бирлашмасида ўзбек ишчилари 21,0 фоизни, Тошкент қишлоқ хўжалиги машинасозлиги заводида — 19,0 фоизни, Тошкент трактор заводида — 18,0 фоизни ташкил этса, Андижон шаҳридаги Ремонт-механика заводида — 30,0 фоизни, Консерва заводида — 57,0 фоизни, Электр аппарати заво-

¹ Социально-культурный облик советских наций. По материалам этно-социологического исследования. М., Наука, 1986, 77–78-бетлар.

² Таксанов А. Перестройка и некоторые проблемы развития национальных кадров индустриального рабочего класса, 22-бет.

³ Максакова Л. Миграция населения Узбекистана. Т., «Узбекистан», 1986, 189-бет.

дида — 63,0 фоизни эгаллар эди. Бундан кўриниб турибдики, ўзбек ишчилари салмоғи Андижон шаҳрида республикамиз пойтахтидагига нисбатан 2—3 баравар ортиқ¹. Бу нарса саноатнинг бошқа тармоқларига ҳам бирдай тегишили. Шунинг учун ҳам миллӣ ишчи кадрлар етишириш муаммосини ҳал этишда масаланинг бу томонига ҳам эътиборни қаратиш, яъни ўзбеклар салмоғи катта бўлган жойларда саноат корхоналари ва шу билан бирга етук ишчи кадрлар тайёрлайдиган ҳунар-техника билим юртларини жойлаштириш мақсадга мувофиқ бўлар эди.

Индустрисал тармоқда миллӣ кадрлар камлигининг бошқа сабаблари ҳам бор. Улардан бири кадрларни уч йил ўқитиш давомида ўрга ҳисобда ойлик маоши 120 сўмдан ошмайдиган 2—3 разряд бериб келингандигидир². Қолаверса, саноат ишлаб чиқаришида иш ҳақи дараҷаси етарлича эмаслиги ҳам муаммони янада чукурлаштиради. Индустрисал ишлаб чиқаришда афзаликлар, имтиёзларнинг йўқлиги, уй-жойнинг етишмаслиги ва инфраструктуранинг яхши ривожланмаганлиги кўпинча қишлоқ аҳолисини шаҳар саноат корхоналарига жалб этишга тўсқинлик қилди.

Агар яқин вақтларгача шаҳарларда малакали ишчи кучларининг етишмаслиги туфайли улар қишлоқлардан ва бошқа минтақалардан келтирилган бўлса, кейинги йилларда шаҳарнинг ўзида ортиқча ишчи мавжудлиги кузатилди. Маълумотларга қараганда, республика саноат корхоналарида 50—55 минг ишчи кучи етишмайди. Айни вақтда республика вилоятларида ишчи ресурслари ортиқчалиги кескин муаммо бўлиб турибди.

Республика иқтисодиётининг ривожланиши кўп жиҳатдан туб миллатдан ишчиларни шакллантириш муаммоси билан боғлиқ. Ишчиларни бевосита ишлаб чиқаришнинг ўзида тайёрлаш масаласи хусусида шуни айтиш керакки, дунёнинг кўпгина мамлакатларида бундан аллақачон воз кечилган. Бизда эса бу йўл ишчилар сафини тўлдиришнинг асосий йўли бўлиб келди. 1985 йилда, масалан, шу йўл билан иккинчи касб ва мутахассисликларга 239,6 минг киши тайёрланди, республика ҳунар-техника билим юртларида эса 166,2 минг киши тайёрланди³.

¹ Таксанов А. К. Перестройка и некоторые проблемы развития национальных кадров индустриального рабочего класса, 23-бет.

² Ишчи кадрлар: муаммолар ва счимлар, 29-бет.

³ ЎзР Тошкент вилоят ҳокимияти архиви, 1136-жамғарма, 12-рўйхат, 77-иши, 40—41-варақлар.

Бизнингча, кадрларни бевосита ишлаб чиқаришда тайёрлаш ўзини шунинг учун ҳам оқламаяпти, у ишчиларга зарур билим ва кўникма бермаяпти, улар ўзлари ўрганаётган қасбларининг назарий асосларини билмайдилар, савиялари эса ниҳоятда паст. Корхонанинг кундалик эҳтиёжларини қондириш мақсадларида гина улар фақат бир ихтисосга ўргатиб келинди. Бундай ишчиларда ўз қобилияtlарини намойиш этиш ва такомиллаштириш имкониятлари чекланган бўлади, бу эса уларнинг кайфиятига, ишга бўлган муносабатига, ишлаб чиқараётган маҳсулоти сифатига ҳам салбий таъсир кўрсатади. Масалан, 70-йилларда Тошкент тўқимачилик комбинатида ёш ишчи кадрларнинг 40 фоизигина ҳунар-техника билим юртларида, қолган қисми эса бевосита ишлаб чиқаришда тайёрланган кадрларнинг асосий қисми иш режасини йигитув цехида 15–16 фоизга, тўкув цехларида 12–14 фоизгагина етказиб бажармоқда эдилар. Бундай ишчиларда билим ва кўникманинг пастлиги (16 фоиз), иш шароитининг оғирлиги (11,6 фоиз), уй-жой олиш муаммоси (15,5 фоиз) ва шу каби сабаблар ишга бўлган қизиқиши камайтиради. Оқибатда ишга келганларнинг кўпчилиги 2 йил ҳам ишламасдан бўшаб кетар эдилар. Натижада комбинатда 1976 йилда бўш иш ўринлари 26,7 фоизни ташкил этди¹.

Шунинг учун ҳам ишчи кадрларни тайёрлашда асосий эътибор ҳунар-техника билим юртлари ва техникиумларига қаратилиши керак эди, уларни энг замонавий асбоб-ускуналар билан жиҳозлаш, энг яхши мураббийлар билан таъминлаш зарур эди. Республикада бу соҳада анчагина ишлар қилинди. Ҳунар-техника билим юртлари сони йилдан-йилга ортиб борди, уларнинг моддий-техника базасини яхшилашга эътибор берилди. Жумладан, 1975–1976 йилларда 41 та ўқув ишлаб чиқариш устахонаси ташкил этилди. Улар керакли машина ва механизmlар, технологик асбоб-ускуналар билан таъминланди². Бундан ташқари айrim йирик корхоналар ҳам бундай ишларга ўз ҳиссаларини қўшдилар. Масалан, Тошкентдаги «Юлдуз» тикувчилик фирмаси қошида ташкил этилган 5-ҳунар-техника билим юртида 150 нафар ўқувчининг назарий ва ишлаб чиқариш

¹ ЎзР ТВХА, 1136-жамгарма, 12-рўйхат, 77-иш, 40–41-вараклар.

² Мамарашов К. Подготовка рабочих кадров в системе профтехобразования УзССР в годы девятой пятилетки, 41-бет.

бўйича билим олицилари учун етарли даражада шароит яратиб берилган. Ўқув-ишлаб чиқариш базасига 41 та тикув дастгоҳи ўрнатилди. Уларни жиҳозлаш ва ремонт ишларининг барчасини тикувчилик фирмаси ўз ҳисобидан бажарди.

Самарқанддаги «Пахтачилик машинасозлиги» заводи 32-хунар-техника билим юрти билан, 8 март номли тикувчилик бирлашмаси 62-хунар-техника билим юрти билан яқин алоқа ўрнатган. 1972 йили 8 март номли тикувчилик бирлашмаси 62-хунар-техника билим юртнинг ремонт ишлари ва ўқув-ишлаб чиқариш устахоналарини жиҳозлаш учун 82,6 минг сўм ажратди¹. Бундай мисолларни кўплаб келтириш мумкин. Бироқ, хунар-техника билим юртларини кенгайтириш ва жиҳозлашга доир анчагина ишлар бажарилганига қарамасдан қилиниши лозим бўлган кўпгина ишлар мавжудлигини билим юртлари моддий-техника базасининг ниҳоятда ғариб эканлигидан ҳам кўриш мумкин. Масалан, 80-йилларнинг охирларида мавжуд 460 та кундузги хунар-техника билим юртларининг ҳар учтасидан биригина тўла ўқув комплексига эга² эди. Уларнинг таълим мақсадлари учун замонавий машина-ускуналарга бўлган эҳтиёжини база корхоналари жуда қониқарсиз таъминламоқда эди.

Корхоналар ва хунар-техника билим юртларининг шартнома тизимига ўтиши ишчи кадрлар тайёрлаш кўлламишининг кескин қисқариб кетишига олиб келди, унингиз ҳам хунар-техника билим юртлари республиканинг тобора ўсиб бораётган эҳтиёжларини қаноатлантира олмаётган эди. Бу аҳвол фақат иқтисодий вазифаларни ҳал қилишдагина эмас, шу билан бирга ёшларга, айниқса, туб миллатларга мансуб ёшларга касб ўргатишни ташкил этишда мутасадди раҳбарлар йўл қўйган нуқсонларнинг натижасидир.

Индустрiali соҳада ўзбек ишчиларининг салмоғи 1979 йилда умумий ишчилар салмоғининг 50 фоизини ташкил этар эди. Буни бошқа республикалар кўрсаткичи билан солиширганда бизнинг республикада туб миллатга мансуб ишчилар салмоғи камлигини кўрамиз. Масалан, арман ишчиларининг салмоғи ўз республикаларида 1979 йилда 62 фоизга тенг бўлган, латишлар — 58, белоруслар — 59,0 фоизни ташкил этганлар. Ҳатто

¹ ЎЗР МДА, Р-737-жамгарма, 5-рўйхат, 722-иш, 73-варак.

² «Тошкент оқшоми», 1989 йил 25 ноябрь.

Ўрта Осиё республикаларида ҳам Ўзбекистондагига нисбатан бу кўрсаткич анча юқори эди: қозоқлар — 64, қирғизлар — 56, тожиклар — 55 фойизни ташкил этар эди¹. Ўзбек ишчиларининг салмоғида умумий аҳоли таркибига нисбатан ҳам шундай манзарани қўриш мумкин. Мана шуларнинг ўзидан ҳам ишлаб чиқарувчи кучларни жойлаштиришда, туб аҳолидан ишчи ва мутахассис кадрлар тайёрлашида маъмурларнинг нотўғри йўл тутганилиги оқибатида ушбу муаммо янада чуқурлашган деб хulosса чиқариш мумкин.

Айниқса бундай оғир иш шароитларида ишлаш аёллар учун жуда катта қийинчиликлар туғдирар эди. Улар ишчилар сафини тўлдиришнинг асосий манбаи бўлиб, республика аҳолисининг ярмидан кўпрогини ташкил этардилар. 1970 йили аёллар ишчи ва хизматчилар умумий сонининг 41 фойизини ташкил этган бўлса, 1985 йилда 43 фойизга етди². Уларнинг 53 фойизи шаҳар саноатида банд эди. Ўзбек аёллари эса уларнинг 21,3 фойизини ташкил этарди. Енгил саноатда айниқса ўзбек аёлларининг салмоғи катта эди, жумладан, Наманган ипак ва костюмбоп газламалар комбинатида улар 60 фойизни эгаллар эдилар³.

Ўзбек аёлларининг ишчи ва хизматчилари орасидаги сони 80-йиллар ўргаларига келганда ўтган ўн йил ичидаги деярли 2 баравар ортди⁴. Бунинг асосий сабаби 1975—1985 йилларда 570 дан зиёд йирик ишлаб чиқаришлар, корхоналарнинг қишлоқ жойлари ва посёлкаларида цех ва филиалларининг очилиши бўлди.

Шу билан бирга республикада ижтимоий ишлаб чиқаришда банд бўлмаган меҳнатга лаёқатли кишилар миқдори анча эди. Унинг 80 фойиздан кўпрогини хотин-қизлар, ярмига яқинини — 15—29 ёшдаги ёшлар ташкил этарди. Бироқ бу кўрсаткичларнинг анчагина қисмини уй-рўзгор иши билан банд бўлган кўп болали аёллар эгаллар эди. Уларни ҳам ижтимоий банд аёллар қаторига киритиш мумкин. Лекин ишлаб чиқаришда банд бўлган аёлларнинг эркаклар билан бир сафда ишлашлари учун етарли даражада шарт-шароитлар яратилган эмас эди. Тургунлик кўринишлари аёллар ҳаётининг барча соҳаларига ўзининг салбий таъсирини ўтказди. Кейинги йилларда жамиятимиз аёлларининг ўша

¹ Таксанов А. Социальная политика и рабочий класс, 87—88-бетлар.

² Народное хозяйство Узбекской ССР в 1987 году, 202-бет.

³ ЎзР МДА, 15-жамгарма, 37-рўйхат, 132-иш, 3-варақ.

⁴ «Правда Востока», 1989 йил 8 март.

йиллардаги оғир аҳволи ҳақида очиқ айтилмоқда. Уларнинг турмуш ва меҳнати ҳақида ғамхўрлик кўрсатиш, ижтимоий соҳани тубдан яхшилаш ишларининг бориши қониқарли даражада эмас эди. Аёллар бўш вақти кўпроқ бўлиб, асосан оиласа, болалар тарбияси билан шуғулланишлари учун шароит яратиб берилиши кераклиги ва аёллар ҳақ-хуқуқларини ҳимоя қилиш бўйича бизда сўнгги йилларда 30 дан ортиқ норматив-хуқуқий актлар қабул қилинди, бироқ булар биронта натижада бермади.

1975 йили республикада ҳар 1000 аёлнинг 210 таси халқ хўжалигига банд эди¹. Агар биз илгари халқ хўжалигига банд кишиларнинг ярмидан ортигини аёллар ташкил этишидан мағрурланган бўлсак, бугун бу нарсанинг қанчалик йўқотишлар эвазига бўлгани тушунарли. Аёллар эришган муваффақиятлар қатори уларнинг ўз хуқуқларидан фойдаланишга кўп жиҳатдан ҳалақит бераётган муаммолар ҳали ҳам ҳал этилмаган.

Аёлларнинг касб маҳоратларини ошириш билан бир қаторда ҳозирги шароитда уларни оғир жисмоний меҳнат ва заарли ишлардан озод этиш ҳам муҳим аҳамиятга эга. Бунинг учун кейинги йилларда анча ишлар қилинди. Бироқ, 80-йиллар ўрталаригача бўлган маълумотларга кўра, республикада 145 минг иш жойи меҳнатни муҳофаза қилиш нормаларига тўғри келмайди. 112,5 минг аёл кучли шовқинда, чанг ва газланган, ёмон ёритилган, ҳарорат режими ноқурай шароитда, 43,8 минг аёл эса тунги сменада ишламоқда эди².

Республика саноати, қурилиши, қишлоқ хўжалигига қўл меҳнати билан машғул аёллар улуши мамлакатдаги ўртача даражадан анча юқори эди. Республика саноатида қўл меҳнати салмоғи ўртача 35—36 фоизни ташкил этган бўлса, аёллар орасида 42,5 фоиздан иборат бўлди³. Шунинг учун ҳам хотин-қизлардан малакали кадрлар тайёрлаш билан жиддий шуғулланиш, улар учун етарли иш шароитлари яратиб бериш талаб этилар эди. Шуни ҳам унутмаслик керакки, улар ишлаб чиқаришда ишлаш билан бирга, оила, рўзгор ишларини ҳам бажаради. Шу муносабат билан аёлларнинг ўртача иш ҳақини сақлаб қолган ҳолда уларнинг ишдаги вақтини 1—2 соат камайтириш лозим эди.

¹ Социально-экономические проблемы использования женского труда в Узбекской ССР. Т., «Фан», 1980, 41-бет.

² «Правда Востока», 1988 йил 24 июнь.

³ «Правда Востока». 1989 йил 8 март.

Кейинги йилларда республикада кўп болали ўзбек аёлларининг уйда ишлаши ўзининг юксак ижтимоий-иқтисодий самарадорлигини исботламоқда. Шунинг учун ҳам аёлларнинг уйда ишлашларини ривожлантириш ҳамда уларга тўлиқсиз иш куни, тўлиқсиз ҳафта ишлаш ҳукуқи берилиши жуда муҳимдир. Масалан, Марғилон фабрикасидан ишчиларнинг 46 фоизини, Косонсој комбинати ишчиларининг 25 фоизини уйда ишлайдиган аёллар ташкил этарди¹. Мана шундай йўл билан республикадаги ўн минглаб аёлларни (асосан кўп болалиларни) ижтимоий-фойдали меҳнатта жалб қилиш мумкин.

Кам малакали, оғир, бунинг устига кам ҳақ тўланадиган меҳнат жамиятнинг ижтимоий-иқтисодий ва маънавий ривожини секинлаштиради. Зоро, у ишлайдиганларни ўзидан бегоналаштиради, шу билан бирга уларда ўз болаларини бундай оғир меҳнатдан ҳар қандай йўллар билан эҳтиёт қилишга интилишни кучайтиради.

Республика саноат маҳсулоти умумий ҳажмининг 60 фоиздан кўпроғи хом ашё ва ярим тайёр маҳсулотлар ишлаб чиқарадиган, кўп меҳнат талаб қилмайдиган корхоналар улушкига тўғри келадики, шуролар ҳукмронлиги давридаги маъмурӣ-буйруқбозлиқ тизими таъсирида юз берган бундай аҳволни ўзгартириш лозим. Бугунги мустақиллигимиз шароитида Ўзбекистонда маҳаллий ресурслардан фойдаланилган ҳолда юксак даражада тайёр маҳсулот ишлаб чиқарадиган, кўп меҳнат талаб қиладиган ва илм-фан ечимлари билан иш кўрадиган корхоналарни устун даражада ривожлантириш ҳамда мумкин қадар уларни қишлоққа олиб кириш юзасидан катта тадбирларни амалга ошириш талаб қилинади.

Шу билан бирга малакали кадрлар тайёрлайдиган ҳунар-техника билим юртлари тармоғини кенгайтириш ва оқилона ҳудудий тақсимлашга эришиш, ижтимоий ва ишлаб чиқарувчи инфраструктурани ривожлантириш, меҳнат ресурсларининг сифати ва маданий-техника даражасини ўстириш, ишлаб чиқариш ва технологик жараёнларни механизациялаш ва автоматлаштиришнинг юксак даражасини таъминлайдиган вазифаларини ҳал этиш талаб этилади.

¹ Максакова Л. П. Демографические проблемы занятности в Узбекской ССР. Т., «Узбекистан», 1989, 32-бет.

Бугунги кунда миллий ишчи кадрлар салмоғини ошириш муҳим аҳамиятга эга иқтисодий вазифагина бўлмай, балки жуда зарур сиёсий вазифа ҳамдир. Миллий ишчи кадрлар тайёрлаш муаммоси респбуликамиздаги ижтимоий-сиёсий вазият билан бевосита алоқадор. Маданият, тил, ўзбек халқининг урф-одатлари, қадриятларимиз қайта тикланмоқда. Лекин миллий кадрлар, асосан оммавий ишчи касби ривожланмас экан, миллий тараққиётда юқори сифат поғонасига кўтарилиб бўлмайди.

Ишчилар сафида миллий кадрларни кўпайтириш воситасида барча миллат ва элатлар меҳнаткашлари кенг оммаси билан алоқани мустаҳкамлаш вазифаси анча муваффақиятли ҳал этилади. Биз бунга қанчалик тез эришсак, ижтимоий-иқтисодий тараққиётдаги, халқтурмуши, билим даражаси, ижтимоий-сиёсий фаоллигини оширишдаги ҳамда, энг асосийси, ижтимоий адодат ўрнатишдаги ва шу билан бирга миллатлараро муносабатлар муаммоларини бартараф этиш ишидаги муваффақиятларимиз шунчалик сезиларли бўлади.

Х У Л О С А

Бир неча ўн йиллар давомидаги, айниқса 70—80-йиллар босқичидаги турғунликка олиб келган ташаббусизлик ва ишга халақит берувчи ҳолатларо миллатлараро муносабатларни ўрганишда ҳам муайян қийинчилекларни юзага келтирди ва чукурлаштириб юборди. Лекин бу камчиликлар ва қийинчилеклар тўғрисида лом-лим дейилмас эди. Бу ҳол ўта салбий оқибатларга олиб келди.

Мустақиллитимиз шарофати билан бугун бизнинг олдимизда шундай тарихий имконият пайдо бўлдики, биз босиб ўтилган ўйлумизни танқидий баҳолаб, миллний давлатчилигимиз негизларини аниқлаб олиб янги жамият курилишига татбиқ этмоғимиз керак. Бу эса миллний ва миллатлараро муносабатларнинг ҳам назарий, ҳам амалий масалалари билан ғоят асосли равишда шуғулланишни тақозо этади.

Шундай экан, ижтимоий турмушимиздаги энг муҳим муаммолардан бири бўлган миллатлараро муносабатларнинг кескинлашувига ўйл қўймаслик учун ўз миллатининг шаклланиши тарихини билиш билангина чекланмасдан, балки республикадаги миллатлараро муносабатлар ривожига, такомиллашувига халақит берастган муаммоларни аниқ белгилаб олиш, мавжуд хато ва камчиликларни ҳар томонлама ўрганиш, бугунги кун нуқтаи назаридан чуқур таҳлил этиш ҳамда уларни бартараф этиш йўлларини ишлаб чиқиши ҳам лозим. Ўз навбатида бу маънавий жиҳатдан мукаммал ривожланган инсонни тарбиялаш, миллий йўғонишиғосини рўёбга чиқарадиган янги авлодни вояга етказишишига хизмат қилишга ўйналтирилиши керак. Бунинг учун ўқитувчи олдига миллатлараро муносабатларнинг турли томонларини, жумладан ижтимоий-иқтисодий жиҳатлардаги мавжуд зиддиятлар ва қийинчилекларни ўрганишга алоҳида масъулият билан ёндашиб вазифаси қўйилади.

Халқимиз ҳаётига четдан зўравонлик билан жорий этилган совет социалистик давлати ҳукмонлиги давридаги миллатлар ва элатлар ижтимоий-иқтисодий, сиёсий ва маданий тараққиётидаги тенгизлиқ, режалаштиришдаги оғишлар, иқтисодиёт бошқарувидаги ҳаддан ташқари марказлаштириш, иқтисодий ислоҳотларнинг самарасизлиги, ижтимоий адолат ва кадрлар сиёсатининг бузилиши сўзсиз равишда

айрим халқлар вакиллари ўртасида ишончсизликнинг ку-
чайишига олиб келди.

Миллатларапо муносабатлардаги мавжуд муаммолар ҳа-
қиқий ижтиомий жараёнларга етарли баҳо бера билмаслик,
марказий идоралар ва вазирликлар томонидан маъмурӣ-
буйруқбозлик асосида айрим миллат ва элатлар манфаатла-
рини назар-писанд этмаслик каби салбий ҳолатлар билан
кўп жиҳатдан боғлиқ эканлигини бугунги кун кўрсатиб ту-
риди.

Миллий соҳадаги зиддиятли жараёнларни, Ўзбекистон-
нинг кўпмиллатли аҳолисининг ижтиомий-иқтисодий аҳво-
лидаги ана шундай муаммоли жиҳатларни ҳар томонлама
тадқиқ қилиш миллий ва ижтиомий-иқтисодий сиёсатдаги
ҳалокатли бузилишлар ва қингирликларни чуқур таҳдил қи-
лиш бошқарувнинг маъмурӣ-буйруқбозлик усусларини қўл-
лашнинг зарарли эканлигини, миллий қурилиш соҳасидаги
шўро андозасининг назарий жиҳатдан асоссизлигини ҳар
томонлама кўрсатиш, Ўзбекистон миллий мустақилликни
қўлга киритиш арафасида унинг ижтиомий-иқтисодий ҳаё-
тидаги ва миллатларапо муносабатлардаги ўзгаришлар ҳақида
чуқур тасаввур ҳосил қилиш имконини беради.

М У Н Д А Р И Ж А

Кириш	3
Миллий истиқдол йўлидан	6
Миллатлараро муносабатлар муаммоларининг мавжудлиги	14
Миллатлараро муносабатларнинг иқтисодий асослари	23
Кишлоқ хўжалигини ихтисослашириш ва унинг оқибатлари	60
Иқтисодий муносабатлар муаммолари	86
Аҳолини иш билан таъминлаш	103
Демографик жарабёнлар ва уларнинг миллатлараро муносабатларга таъсири	111
Аҳоли миграцияси ва унинг миллатлараро муносабатлар ривожига таъсири	123
Миллий ишчи ва мутахассис кадрлар тайёрлаш	141
Хулоса	157

Д. БОБОЖНОВА

Ўзбекистонда ижтимоий-иқтисодий
муносабатлар (70—80-йиллар мисолида)

«Шарқ» нашриёт-матбаа концерни
Бош таҳририяти
Тошкент — 1999

Муҳаррир *И. Шоймардонов*
Бадиий муҳаррир *М. Самойлов*
Техник муҳаррир *Е. Лукъянова*
Мусаҳҳиҳ *Ю. Бизаатова*

Босмахонага берилди 05.08.99 й. Босишга рухсат этилди 21.09.99.
Бичими 84x108¹/₃₂. Таймс гарнитураси. Офсет босма. Шартли босма
табоги 8,40. Нашр босма табоги 8,36. Адади 5000 дона. Буюртма
№ 4457. Баҳоси келишилган нархда.

**«Шарқ» нашриёт-матбаа концерни босмахонаси,
700083, Тошкент шаҳри, «Буюк Турон» кўчаси, 41.**